



Blen. A. VII. 16







THOMAS SYDENHAME

1688



THOMAS SYDENHAM.

*A. Nagegaet. sculp.*

T H O M Æ  
S Y D E N H A M

Med. Doct. ac Practici Londinensis  
Celeberrimi

O P U S C U L A

Quotquot hactenus separatim  
prodiere

O M N I A.

Nunc primum junctim edita, à plurimis mendis  
repurkata, ac

INDICE RERUM ET VERBORUM

acuratissimo aucta & ornata.

*Bibliotheca Montis Regij*

*ad Senijam*

*ANNO 1724.*

*per Vassavianam*

AMSTELÆDAMI,

Apud HENRICUM WETSTENIUM

clō lōc LXXXIII.

THE O. M. N. I. A.  
SYDNEY

OPUSCULA

O. M. N. I. A.

AND HOW TO USE THEM

Bien. A. VII. 16

N  
B  
A  
M





NOBILISSIMO, CLARISSIMO,  
DOCTISSIMOQUE VIRO,

CASPARO  
BARTHÖLINO

TH. F. CASP. N.

APUD HAFNIENSES MED. DOCT.  
ET PROFES. CELEBERRIMO

HENRICUS WETSTENIUS.  
S. P. D.



*Uæ in desuetudi-  
nem fere abiit, anti-*

\* 2

*quam*

quam consuetudinem  
nostram in mentem  
Tibi revocare ani-  
mus est, Clarissime  
BARTHOLINE; Eo sci-  
licet consilio, ne quod  
pene nobis omne inter-  
cidit mutuum litera-  
rum commercium i-  
gnavia mea neglectum  
existimes. Ita enim vo-  
lentibus fatis perpetua  
quadam malorum se-  
rie

rie implicitus fui, ut  
postquam solido fere  
biennio ex dira febre  
laborassem, annus ter-  
tius vix instaurandæ  
valetudini sufficeret.

Tametsi autem viri-  
bus eo tempore fractus  
nullas ad Te parare po-  
tuerim epistolas, mini-  
me tamen mente abs  
Te aberam, utpote gra-  
tam Tui memoriam

\*

3

tan-

tantum non continuo  
mecum recolens, quam-  
que facilem mihi fe-  
ceris ad amicitiam  
Tuam aditum, quam  
moribus comis, lingua  
disertus, praxi felix,  
omnique elegantiorum  
literarum genere orna-  
tissimus esses. Redibam  
interdum ad avitas  
laudes quas Generosa  
Familia Tua prome-  
ruit,

10  
2-  
2-  
2  
2  
ruit, in quibus augen-  
dis Tu quidquid par-  
tium Tuarum erat e-  
gregie præstitisti. Sic  
integras horas alioquin  
tristissimas mirifica de-  
lectatione fallebam.

Hæc ne nescires jam  
ab aliquo tempore cu-  
rare studii; nec vacuis  
manibus ad Te redire  
volebam, nec ferebat  
occasio offerendi ali-  
\* 4 quid,

quid, quod aut Tuis in  
me meritis, aut pietati  
in Te meæ par esset.  
Commodum tandem  
mibi visum fuit Opu-  
scula hæc Sydenhamia-  
na Celeberrimo Tuo  
Nomini inscribere.  
Quæ ut solita illa Tua  
qua hæctenus mecum  
usus es benevolentia  
suscipias per nostram  
ego Te amicitiam ve-  
he-

in  
ati  
et.  
em  
ou-  
a-  
uo  
e.  
a  
m  
a  
m  
-  
-

bementer rogo. Illud  
etiam velim habeas  
persuasissimum, me o-  
mni cura, industria ac  
solicitudine in eo ela-  
boraturum, ut favo-  
rem prolixamque vo-  
luntatem Tuam deme-  
reri ulterius possim.  
Interea pro Tua Tuo-  
rumque incolimitate  
servida vota fero, ut-  
que diu vivas & rem

*feliciter geras, ex a-*  
*nimo opto. Amstelæ-*  
*dami Idibus Martiis*  
CIC IOC LXXXIII.



Ty-

pro  
din  
rim  
ac  
ho  
rib  
pte  
dic  
Co  
me  
fed  
te  
co  
me  
Lo



TYPOGRAPHUS

LECTORI S.

**Q**uid hac editione præstitum sit nolo Te latere Benevole Lector. In eo desudavi ut prodiret correctior priorè illa Londinensi, quæ mendis quam plurimis scatebat. De nitore chartæ ac characterum nolo contendere; hoc tantum dico me his minutioribus usum, quò sumptibus emptorum parcerem, neque in grandiore molem excresceret liber. Commendant illum præter innumeras ferè emendationes numeri sectionum & capitum in summitate paginarum appositi; ratio item componendarum formularum re-mediorum medicinalium, quæ Londinensis editionis contextui  
con-

continua serie insertæ erant, hic autem methodice digestæ conspiciuntur. His adjeci Indicem elegantissimum ac accuratissimum rerum & verborum omnium, cura haut tralatitia Egregii Viri Justi Schraderi Doctoris Medici ac Practici Amstelædamensis felicissimi æque ac celeberrimi compositum, qui pro sua humanitate id operis præstare sicque de publico bene mereri voluit.

Et hic quidem locus esset de Opere ipso ejusque Auctore aliquid adjiciendi, eorumque laudes depredicandi. Sed hæc doctiori calamo libens relinquo, meque iis imparem agnosco. Unum hoc præterire nolim me insigni in evolvendis ac revidendis hisce Doctissimi Viri lucubrationibus voluptate delinitum fuisse, ita ut ab earum lectione

ne

hic  
nspi-  
ele-  
n re-  
cura  
Iusti  
Pra-  
simi  
am,  
eris  
ene  
O-  
uid  
de-  
la-  
m-  
er-  
dis  
iri  
i-  
o-  
ne

ne sitim meam restinguere non po-  
tuerim, donec iterum iterumque  
relegissem. Profecto non facile  
adducar ut credam intra multos  
annos elegantius quicquam aut  
politius in re medica editum fuisse.  
Sed ne sutor ultra crepidam. Tu  
Lector benevole labore hoc frueri  
ac studiis nostris fave.



SE-

# S E R I E S

Tractatum & Caputum.

## OBSERVATIONES MEDICÆ CIR- CA MORBORUM ACUTORUM HISTORIAM ET CURATIONEM.

### SECTIO PRIMA.

- CAP. I. De Morbis acutis in genere. Pag. 1  
II. De Morbis epidemicis. 4  
III. Constitutio epidemica Annorum 1661, 62,  
63, 64, Londini. 14  
IV. Febris continua hujus constitutionis. 17  
V. Febres intermittentes. 48

### SECTIO SECUNDA.

- I. Constitutio Epidemica Annorum 1665, &  
1666, Londini. 77  
II. Febris pestilentialis & pestis. 78

### SECTIO TERTIA.

- I. Constitutio Epidemica Annorum 1667, 68,  
partim etiam 69, Londini. 104  
II. Variolæ regulares. 106  
III. Febris continua hujus constitutionis. 138

### SECTIO QUARTA.

- I. Constitutio Epidemica partis Anni 1669,  
atque integrorum 70, 71, 72. Lond. 148  
II. Cho-

II. Cholera Morbus.	152
III. Dysenteria.	156
IV. Febris continua hujus constitutionis.	168
V. Morbilli.	174
VI. Variolæ anomalæ hujus constitutionis.	180
VII. Colica biliosa.	187

### SECTIO QUINTA.

I. Constitutio Epidemica partis Anni 1673 atque integrorum 1674, & 75.	1673 199
II. Febris continua hujus constitutionis.	202
III. Morbilli.	215
IV. Variolæ anomalæ hujus Constitutionis.	217
V. Tusses Epidemicæ cum pleuritide & peri- pneumonia supervenientibus.	226
VI. Anacephalæosis.	236

### SECTIO SEXTA.

I. Febres intercurrentes.	242
II. Febris Scarlatina.	247
III. Pleuritis.	248
IV. Peripneumonia notha.	256
V. Rheumatismus.	259
VI. Febris Erysipelatosa.	265
VII. Angina.	268

### INDEX.

ROBERTI BRADY Epistola ad Thomam  
Sydenham. 352

EPISTOLA RESPONSORIA PRIMA  
de morbis Epidemicis ab Anno 1675. ad Annum  
1680. 355

HEN-

HENRICI PAMAN	<i>Epistola ad Auctorem.</i>	382
EPISTOLA RESPONS. SECUNDA	<i>de luis venereæ Historia &amp; curatione.</i>	383
GUILIELMI COLE	<i>Epistola ad Th. Syden- ham.</i>	409
DISSERTATIO EPISTOLARIS	<i>de Obser- vationibus nuperis circa curationem Variolarum Confluentium, nec non de affectione hysterica.</i>	411

---

Antequam progrediatur Lector velim corrigat bina  
sphalmata, nulla præterea ni fallor reperiturus quæ ipsum  
morari possint.

Pag. 137. l. 4. lege externum.  
140. l. 3. lege habebat.

---



382  
de luis  
383  
Syden-  
409  
Obfer-  
larum  
merica.  
411

OBSERVATIONES

M E D I C Æ

CIRCA

MORBORUM

ACUTORUM

HISTORIAM

ET

CURATIONEM.

AUTHORE

THOMA SYDENHAM

M. D.

B-

Cicero de Nat. Deorum.

*Opinionum Commenta delet dies: Na-  
turæ judicia confirmat.*



Amicissimo Viro

D<sup>no</sup>. JOHANNI MAPLETOFT,

M. D.

IN COLLEGIO GRESHAMENSI

Apud

L O N D I N E N S E S

P R O F F E S S O R I ;

Nec non *Societatis Regiæ* ibidem

S O C I O .

**D**uo omnino sunt (*Humanissime Vir*) de quibus hic mihi tecum agendum est: Primum, ut causas exponam quibus impulsus Tractatum hunc meum in publicum edo; alterum, quamobrem eundem tuo potissimum nomini dicandum censeo. Primum quod attinet, Tricesimus jam agitur annus à quo Londinum petens ut inde Oxonium denuò proficiscerer, (à quo primi belli calamitas me ad annos aliquot distinuerat) in virum Doctissimum & maxime ingenuum

## Epistola Dedicatoria.

Dominum D. Thomam Coxe (qui per eos etiam annos, atq; ad hunc usque diem Medicinam magnâ cum celebritate factitavit, ) Fratri meo tunc egrotanti consulentem, auspiciatò inciderem: qui quidem Vir, pro nota sua Humanitate suavitateque morum me percontatus est, cui me demum Arti, intercisa jam repetens studia, sumptâque togâ virili, pararem addicere. Ego verò incertus adhuc animi, & de medica Arte ne vel somnians quidem, tanti viri hortatu atque authoritate permotus, nescio quo fato meo, me ad eam seriò accinxi. Et sanè si quando hæc nostra Conamina vel minimum in publica commoda ceaserint, illi grato animo accepta referenda erunt, quo Promotore atque Auspice ea studia primùm sum aggressus. Post annos aliquot in Palæstra Academica insumptos Londinum reversus, ad Praxim Medicam accessi, quam cum intento admodum oculo omnique adhibitâ diligentâ curiosè observarem, mox in eam veni sententiam, quæ mecum ad hodiernum usque diem crevit; Hanc sc. Artem haud rectius perdiscendam esse, quàm ab ipsius Artis exercitio atque usu; veroque admodum esse simile; quod qui ad naturalia morborum Phenomena oculos animumque accuratissime maximèque diligenter adverterit, in eliciendis Curativis Indicationibus veris ac genuinis maxime pollere debeat. Huic itaque me Methodo totum tradidi, satis securus, quòd

## Epistola Dedicatoria.

Naturam si sequerer Ducem, etiam avia terrarum peragrans loca, nullius antè Trita solo, nusquam vel latum unguem à recto tramite discederem. Hoc me filo regens, primò ad pressiores Febrium observationem animum appuli, & post devoratum haud mediocriter taedium, & molestissimas mentis agitationes, quibus me ad annos aliquot fatigandum permisi, tandem in Methodum incidi quàm ista possent sanari; quam etiam, amicis flagitantibus in lucem promendam jamdudum concessi. Cùm verò ab illo tempore novè Febrium species, mihi hætenus incognitas, sibi invicem jugiter succedentes animadverterim, statui apud me qua ad eas pertinebant singula, vel ab eisdem pendebant, summam quàm possem diligentiam in unum congerere; quo tandem aliquando prioris cœpti mei tenuitatem atque angustias paulò accuratiori ac magis absolutam horum morborum Historiam pensare valerem. Sed dum hæc animo versarem, atque indagarem sedulo, & proinde jam in eo totus essem, ut pro multifariis Naturæ mutationibus & versatili ingenio medendi Methodum, ceu Gladium Delphicum, procerem omnibus parem, statim didici me ideo tantum aperuisse oculos, ut pulvere, haudquaquam vero Olympico, iidem complerentur, atque his quidem, proprii cerebri phantasmata, illis, nullum me prorsus habere ducem plane viderer. Quamvis optassem Lucu-

## Epistola Dedicatoria.

brationes hasce meas non nisi annorum porro aliquot experientia auctas & confirmatas typis evulgasse, contumelios tamen ac sannis procacissimi cuiusque Ardelionis tandem plus satis delassatus, amicis eo usque morem gessi (inter quos cum honore mihi semper nominandus est sagacissimus Vir Dominus Doctor Gualterus Needham, tam Medica Artis, quam rei Literaria decus, & laus) ut mihi tandem consulerem, ac justam pararem Defensionem; ea nempe Facta prodens scriptis publicis, qua ingenio, quod spero, omnes mihi Patronos conciliabunt. Ceteros quod attinet, expectabo scilicet, quemadmodum acute Romanus Philosophus, quicquam Calumniae sit sacrum, cui nec Rutilius sacer fuit, nec Cato? Si qui itaque reperiantur, quos praeter immanitatem quadam ac asperitatem naturae convitiandi libido adhuc inceperit, rectene an secus scripserim haud aestimantes aequa lance, qui vitio statim vertunt, si quis novi aliquid, ab illis non prius dictum, vel etiam inauditum, in medium proferat; huiusmodi ego homines a quo me animo laturum spero; certe Convitiarum ferram nequam recipiabo. Illud tantum opponam, Viro Christiano sane perdignum, quod olim Titus Tacitus, obrectanti Metello regessit: Facile est in me dicere, cum non sim responsurus: Tu didicisti maledicere; Ego, Conscientia Teste, didici maledicta contemnerre. Si tu Linguae tuae Dominus es, ut quicquid lubet effutias; Ego Aurium mearum sum Domini-

## Epistola Dedicatoria.

minus, ut quicquid obvenerit, audiant inoffen-  
sè. Atque hæc sunt quorum victus pondere Librum  
hunc luce donandum esse sentiebam.

Tibi verò (*Charissime Vir*) eundem dedicatum  
volui, tum ob mutuam quâ nos invicem comple-  
ctimur Amicitiam Benevolentiamque; tum etiam,  
quia nemo te melius judicare valeat, si quo in loco  
aut pretio habendæ sint quas hic trado Observa-  
tiones; cum per septennium, quod jam ultimò ex-  
currit, plura è præcipuis atque insignioribus, quæ  
sequentes exhibent pagella, Tute etiam oculis  
usurpaveris. Uti verò eâ res morum integritate  
probitateque notissimâ, ut religio tibi sit fictis in-  
sinnuationibus alios in errorem pellicere, (maximè  
ubi de Corio humano agitur) ita eâ etiam polles  
sapientiâ atque eruditione, quæ tibi à me imponi,  
si id seriò agerem, nullatenus paterentur; multo  
minus tu tibi imposueris istis experimentis, qui-  
bus in tuis etiam agris nonnullorum, quæ vel hîc  
descripsi, vel tibi aliàs affirmavi, veritatem com-  
probasti. Nosti præterea, quàm huic meâ Metho-  
do suffragantem habeam, qui eam intimiùs per  
omnia perspexerat, utrique nostrum Conjunctis-  
simum Dominum Johannem Lock; quo quidem  
Viro, sive ingenio iudicioque acri & subactò,  
sive etiam antiquis, hoc est, optimis  
moribus, vix superiorem quenquam inter eos,  
qui nunc sunt homines, repertum iri confi-  
do: paucissimos certè pares. Verum non o-  
pus est, ut ulterius tuam fidem sollicitem, de

Epistola Dedicatoria.

qua jamdiu persuasissimus sum. Ceteros quod attinet, jacienda alea est, que utcumque ceciderit, sortem haud gravate feram. Cum enim jam senex sim, & summi Numinis favore, tantum mihi sit Viatici quantum restat via, de reliquo dabo operam, ut nec ipsi mihi, neque aliis molestus eum assequar felicitatis modum, quem ita eleganter depinxit Fracastorius,

Felix ille animi, Divisque simillimus ipsis,  
Quem non mendaci resplendens Gloria Fucos  
Sollicitat; non fastidiosi mala gaudia Luxus.  
Sed tacitos finit ire dies, & paupere cultu  
Exigit innocuæ tranquilla silentia vitæ.

Quod restat, exorandus mihi es, ut hoc propensum in te animi, & quo te prosequor, Honoris pignus æqui bonique consulas; præsertim cum nullo jure Tibi imputari possint quotquot in hoc Opere navi ac σφάλματα comparuerint, quorum omnium in me solum cadenda est faba; nec tu plectendus, si quid ego forte deliravero. Quamlibet neque ejus quem exantlavi laboris omnes mihi fructus perierit, cum vel ex erroribus & hallucinationibus meis ansam nactus fuero quâ omnibus palam faciam quantâ te colam amicitiam, & quod ex animo sim,

Tibi semper Addictissimus

Thomas Sydenham.

# P R Æ F A T I O.



Uemadmodum à natura ita comparata est humani corporis Fabrica, ut nec præ jugi particularum fluxu sibi semper constet, nec præ externarum rerum vi sui juris ubique permaneat, unde multiplex ægritudinum cohors terris ab omni ævo incubuit; sic procul omni dubio à multis jam sæculis antea natum non Græcum modò, sed (qui mille annis hunc antecessit,) *Ægyptium Æsculapium*, hominum ingenia investigandæ medelæ necessitas exercuit. Et profectò, ut quis primus ædificiorum, aut vestimentorum usum ad depellendâ cœli inclementiam instituit, nemo facillè dixerit, ita & *Artis Medicæ Natales*, ut *Nili* fontem, indigitare nequimus; cum ista, perinde ac cæteræ artes, in usu nunquam extiterit, licèt nunc diligentius, nunc frigidius exculta pro vario temporum ac regionum habitu. Quantum *Veteres*, ac inter primos *Hippocrates*, præstiterunt, abundè notum est; quibus scilicet, ac eorum scripta compilantibus maximam *Therapeuticæ* solertiæ partem acceptam ferimus. Quin & succedentibus deinde sæculis, emicuit nonnullorum industria, qui aut *Anatomie*, aut *Pharmacie*, aut *Methodo inæpiti* operam navando, *Medicinæ pomœria* ampliare pro virili sategerunt: ut taceam nec in hac nostrâ *Britanniâ*, ipsoque hoc sæculo defuisse, qui in omni scientiarum genere, quo res *Medica* adaugeri possit, optimè meruerunt; quorum quidem laudes impari calamo non attingo. Cæterum quæcumque fuerint aliorum conamina, semper existimavi mihi vitalis auræ usum frustra datum fore, nisi & ipse in hoc stadio versatus, symbolum aliquod, si & ipse in hoc stadio versatus, symbolum aliquod, utcumque exiguum, in commune *Medicinæ ærarium* con-

## P R A E F A T I O.

Contribuerem. Quocirca post diuturnam meditatio-  
 nem, ac diligentem fidamque annorum aliquam-mul-  
 torum observationem tandem aliquando decrevi; Pri-  
 mò sententiam meam in medium proferre, quâ de-  
 mum ratione Medendi scientia ulteriùs promoveri  
 possit; Deinde meorum in hoc negotio conatum  
 specimen aliquale in lucem dare. Sentio autem  
 nostrae Artis incrementum in his consistere ut ha-  
 beatur (1.) *Historia*, sive morborum omnium de-  
 scriptio quoad fieri potest *graphica & naturalis*;  
 (2.) *Praxis* seu Methodus circa eosdem *stabilis ac*  
*consummata*. Sanè morbos crassè depingere satis  
 obvium est; atqui Historiam eorum ita conscri-  
 bere, ut evitetur *Censura*, quam *Clariss. Verula-*  
*mius* in nonnullos ejusmodi Promissores vibravit,  
 longè majoris est negotii: *Satis scimus* (inquit vir  
 Nobiliss.) *haberi Historiam Naturalem, mole am-*  
*plam, varietate gratam, diligentia saepius curiosam:*  
*Attamen si quis ex ea fabulas, & authorum citationes, &*  
*inanes controversias, Philologiam denique & ornamen-*  
*ta eximat (quæ ad convivales sermones, hominum-*  
*que doctorum Noctes potiùs, quàm ad instituendam*  
*Philosophiam sint accommodata) ad nil magni res re-*  
*cidet. Longè profectò abest ab ea Historia quam ani-*  
*mo metimur.* Similiter etiam & morborum cura-  
 tiones pro more facillimè proponuntur; Atqui  
 hoc ita præstare, ut verba in facta transeant, atque  
 eventus promissis respondeant, magis ardui mo-  
 liminis illi judicabunt, qui vident haberi apud  
 Scriptores Practicos morbos complures, quos nec  
 illi ipsi scriptores, nec quispiam hactenus medico-  
 rum sanare valuerunt.

Quod autem spectat ad *Historiam Morborum*, si  
 quis rem attentius perpendat, facilè videbit scriben-  
 tem ad multo plura animum debere advertere, quàm vul-



## P R Æ F A T I O.

vulgò existimatur. Quorum pauca hæc impræsentia-  
rum attingere suffecerit.

Primò, expedit ut morbi omnes ad definitas ac  
certas species revocentur, eâdem profus diligentia  
ac ἀνεξέσιμα quâ id factum videmus à *Botanicis* scri-  
ptoribus in suis *Phytologiis*. Quippe reperiuntur mor-  
bi qui sub eodem genere ac Nomenclaturâ reda-  
cti, ac quoad nonnulla symptomata sibi invicem con-  
similes, tamen & naturâ inter se discreti diversum  
etiam medicandi modum postulant. *Cardui* quidem  
nomen ad plures herbarum species extendi nemo ne-  
scit: at verò parum accuratè faciet rei herbariæ scriptor  
qui generalem hujus Plantæ descriptionem, quâ sci-  
licet à cæteris stirpibus discrepat, proponere con-  
tentus, propria interim & peculiaria cujusque spe-  
ciei signa, & characteres quibus ab invicem dis-  
criminantur, contempserit. Eodem planè modo nec  
fatis est scriptori communes duntaxat morbi alicujus  
πολυειδούς apparentias annotasse. Esto sanè non omni-  
bus morbis eandem contingere varietatem; tamen  
complures esse qui, licet ab authoribus sub eodem  
titulo citra ullam speciei distinctionem tractentur,  
dissimillimâ sint indole, in sequentibus pagellis,  
uti spero, palàm fiet. Imo etiam ubi distributio in  
species reperitur, id fit plerumque ut *Hypothesi*  
alicui quæ veris Phænomenis substruitur, suos  
reservetur honos; ac proinde ejusmodi discrimina-  
tio non tam ad morbi, quàm ad Authoris ingenium,  
Philosophandique theoriam accommodata est. Quan-  
tum Medicinæ obfuerit ἀνεξέσιμα hæc in parte de-  
fectus, ostendunt multorum morborum exempla;  
quorum nempe curationes hodiè non desideraremus,  
si scriptores, dum Experimenta & Observationes  
Medicas benevolo saltèm animo communicârint, u-  
nius sc. speciei morbus pro alio speciei diversæ sub-  
sti-

## P R Æ F A T I O.

stitutus non sefellisset. Atque hinc etiam arbitror profectum esse, quod materia Medica in sylvam tam immensam, sed fructu perexiguo, excreverit.

Porro autem in scribendam morborum Historiam, seponatur tantisper oportet quæcunque *Hypothesis Philosophica*, quæ scriptoris iudicium præocupaverit; quo facto, tum demum morborum *Phænomena* clara ac *naturalia*, quantumvis minuta, per se accuratissimè adnotentur; exquisitam *Pictorum* industriam imitando, qui vel naves & levissimas maculas in imagine exprimunt. Enimverò dici vix potest quot erroribus ansam præbuerint *Hypotheses* istæ *Physiologicæ*, dum scriptores, quorum animos falso colore illæ imbuerint, istiusmodi Phænomena morbis assignant, qualia, nisi in ipsorum cerebro, locum nunquam habuerunt, debebant autem in conspectum venire, si *Hypothesis*, quam ipsi pro concessa ac rata habent, constaret veritas. Adde quod si quando symptoma aliquod, quod cum dictâ *Hypothesi* appositè quadret, revera morbo comperat cuius typum delineaturi sunt, tum illud supra modum evehunt, ac planè reddunt *en μὲν ἐλέφαντα*, quasi in hoc scilicet totius negotii cardo verteretur: si *Hypothesi* minùs congruat, aut prorsus silentio, aut levi saltè pede transmittere consueverunt, nisi fortè beneficio subtilitatis alicujus *Philosophicæ* in ordinem cogi, ac quoquo modo accommodari possit.

Expedi autem tertio ut in describendo aliquo morbo peculiaria & *perpetua Phænomena* seorsim ab *accidentalibus* & adventitiis (qualia sunt quæ non tantùm ob ægotantium temperiem & ætatem, sed etiam ob rationem medendi diversam variè se habent) enarrantur. Nam sæpe accidit ut facies morbi variet pro vario medicandi processu, ac nonnulla symptomata non tam morbo quàm Medico debentur; adeo ut

## P R Æ F A T I O.

eodem morbo laborantes, sed variâ Methodo tractatos, varia etiam symptomata exerçant. Undè nisi cautela adhibeatur, neceſſe eſt ut admodum vagum & incertum ſit circa morborum ſymptomata iudicium. Prætereo quòd *Casus oppido rari* ad morborum Hiftoriam propriè non pertineant; quemadmodum & in deſcriptione *Salviæ* v. gr. Erucarum morſus inter ſigna diſcriminantia iſtius plantæ neutiquam recenſentur.

Denique, *Anni tempeſtates*, quæ ſcilicet cuius morborum generi potiſſimum faveant, diligenter obſervandæ ſunt. Non inficior nonnullos eſſe omnium horarum; alii tamen, nec pauciores, occulto quodam Naturæ inſtinctu, annorum tempora, non ſecus quam quædam aves aut plantæ, ſequuntur. Sæpe quidem ſubiit mirari hoc morborum quorundam ingenium, ſatis obviûm, à paucis tamen fuiſſe hætenûs obſervatum, cum quo ſyderere ſtirpes, aut pecudès ſolemniter procreentur plurimi curioſius adnotârint. Sed quæcunque ſit huius oſcitantionis cauſa, pro certo ſtatuo tempeſtatum, in quibus ægritudines ingruere conſueverunt, notitiam multùm Medico prodeſſe, tam ad ſpeciem morbi dignoſcendam, quàm ad ipſum morbum exſtipandum; atque horum utrumq; minus feliciter evenire, ubi iſtiusmodi obſervatio negligitur.

Hæc quidem eſi non ſola, ſaltem inſigniora ſunt quæ in ſcribenda morborum Hiftoria obſervari convenit. Cuius *Hiftoriæ* utilitas ad Praxin, omnem æſtimationem excedit, ac præ qua ſubtiles Diſquiſitiones ac argutiolæ, quibus Neotericorum libri ad nauſeam ferè inferciuntur, nullo in numero ſunt habendæ. Quâ enim aut compendioſiore aut etiam aliâ viâ, vel cauſæ morbificæ quibus obviâm eundum eſt, deprehendi, vel Indicationes cura-

## P R Æ F A T I O.

rativæ elici possunt , quàm certâ ac distinctâ pecu-  
 liarium symptomatum perceptione ? Neque enim  
 ulla est circumstantia tam levis aut exigua , quæ  
 suos usus ad utrumque non habeat. Nam ut de-  
 mus aliquid varietatis à temperamento indivi-  
 duorum , & tractandi ratione proficisci , nihilomi-  
 nus aded æquabilis ac sibi ubique similis est natu-  
 ræ ordo in producendis morbis , ut in diversis cor-  
 poribus eadem plerumque reperiantur ejusdem  
 morbi symptomata ; ac illa ipsa quæ in *Socrate* æ-  
 grotante observata fuerint , etiam generaliter ad  
*Hominem* quemcunque eodem morbo laborantem  
 transferri possint ; non secus ac universales planta-  
 rum *Noræ* ad omni cujusque speciei individua ritè  
 se diffundunt. Qui verbi gratia *Violam* accuratè de-  
 scripserit quoad colorem , saporem , odorem , ac fi-  
 guram cæteraque id genus , omnibus ubique terra-  
 rum *Violis* , quæ sub ea specie continentur , Historiam  
 illam in plerisque fere omnibus convenire facilè ani-  
 madverteret.

Et quidem existimo , nos ob eam potissimùm cau-  
 sam accuratiori morborum Historiâ ad hunc usque  
 diem destitui , quia sc. plerique eos pro confusis in-  
 conditisque Naturæ , malè se tuentis & de statu suo  
 dejectæ , effectis tantùm habuere , ac proinde late-  
 rem lavare crederetur is qui justam eorundem enar-  
 rationem moliretur.

Sed ut ad rem revertamur. Non minùs certò etiam  
 à minutissimis morbi circumstantiis Indicationes Cu-  
 rativas possit Medicus desumere , quàm ab iisdem  
 sumpsit Diagnostica. Atque aded non semel mihi in  
 mentem subiit , quòd si morbi cujuslibet Historiam  
 diligenter perspectam haberem , par malo remedium  
 nunquam non scirem adferre , variis ejusdem Phæ-  
 nomenis viam quâ mihi incedendum foret haud du-  
 biam

## P R Æ F A T I O.

biam præmonstrantibus ; Quæ quidem Phænomena , si inter se sedulò conferantur , manu quasi ducent ad Indicationes illas maximè obvias , quæ ex intimo naturæ sensu , non verò Phantasiæ erroribus depromuntur.

Atque his sanè gradibus , ut ita dicam , his adminiculis ad cœlum ascendit , ad Medicinæ nempe fastigium , Medicorum ille *Romulus* , nunquam satis laudatus *Hippocrates* ; qui hanc Arti Medicæ insuper struendæ solidam ac inconcussam substerrens basin , viz. *ἡσίων φύσις ἰσληοί* , i. e. *Naturæ morborum medicatrices* , id egit ut morbi cujuscumque Phænomena aperte traderet , nullâ Hypothesi adscitâ , & in partes per vim adactâ ; ut in ejus libris *de Morbis* , *de Affectionibus* , &c. videre est. Regulas etiam quasdam tradidit ex observatione methodi istius , quâ utitur natura tam in morbo provehendo , quàm in eodem amoliendo , natas ; cujusmodi sunt *Coactæ Prænotiones* , *Aphorismi* , & reliqua id genus. Atque in his ferè stetit magna illa Divini senis *θεωρία* , non ab irritò lascivientis Phantasiæ conamine desumpta , seu vana ægrorum insomnia , sed legitimam exhibens Historiam earum Naturæ operationum quas in hominum morbis edit. Cùm verò dicta *θεωρία* nihil esset aliud quàm exquisita naturæ descriptio , par erat omninò ut in praxi eò tantùm collimaret , ut eidem laboranti quibus posset modis subvenire contenderet ; unde etiam non aliam Arti demandat provinciam , quàm ut deficienti naturæ succurrat , effrænem coërceat & in ordinem redigat ; utrumque verò hoc , tum passu illo , tum etiam methodo quibus Natura morbum expellere satagit atque amovere : Animadverterat nempe sagacissimus Vir , quod sola Natura *τὰς νόσους κείναις, ἔργῳ ἡσίων τοῦ πᾶσι*. Atque hæc omnia peragit Natura

## P R Æ F A T I O.

tura paucissimis simplicissimisque adjuncta remediorum formulis, alicubi etiam prorsus nullis.

Alter a hac Methodus qua Ars medendi, si quid ego iudico, possit ulterius provehi, in eo potissimum cardine vertitur, ut certa aliqua, & consummata undique ac fixa Methodus medendi in publica commoda tradatur; eam intelligo quæ satis magno Experimentorum numero corroborata suffultaque, huic vel illi morbo devincendo suppar invenitur. Neque enim satis esse arbitror, ut successus particulares, sive Methodi cujuslibet, sive etiam Remedii, scriptis prodantur, si neque hoc, neque illa universaliter atque in omnibus scopum attingere deprehendatur, (positis saltem his vel illis circumstantiis.) Contendo verò ego nos æquè certò scire debere, hunc illumve morbum expugnatum iri, si huic aut alteri Intentioni satis fecerimus, ac certò jam scimus, nos hoc aliore remedii genere huic aut alteri Intentioni satisfacere posse: quod quidem licet non semper & ubique, frequentissimè tamen, *ἡ ὁς ἐπὶ τὸ πολὺ* votis responderet exhibentium; ita *senne foliis* v. gr. alyum subducimus, *Papavere* invitamus somnum. Non is sum qui negem debere Medicum animum diligenter advertere ad particularia, tum Methodi, tum Remedii eventa quibus est usus in morborum curatione, & in usus suos reponere, tam ad sublevandam memoriam, quàm ut ansas inde arripiat, quibus paulatim peritior evadat Medicus, tandemque post diutina, & repetita sapius experimenta, Methodum sibi figat firmetque, à qua in hujus aut illius morbi curatione ne hilum sibi recedendum putet. Observationes autem particulares in lucem dare, non ita magnam, me iudice, adfert utilitatem. Nam si id tantum agit *Observator*, ut nos doceat hunc morbum semel, vel etiam sapi-

P R Æ F A T I O.

us huic remedio cessisse, quid mihi, obsecro, profuerit si infinitæ ferè medicamentorum decantatissimorum copix, quâjamdiu obruimur, adhuc aliud mihi hæctenus inauditum accrescat? Quod si repudiatis cæteris omnibus remediorum formulis, huic me unicè addixero, annon innumeris ferè experimentis probanda mihi venit ejus vis, innumeræ etiam circumstantiæ trutinandæ, tum ægrum, tum ipsam Methodum spectantes, antequam ex observatione solitaria fructum aliquem queam decerpere? Si Observatori nunquam non responderit Medicamentum, quare in particularibus versatur, nisi aut sibi diffidat ipse, aut minutatim potiùs quàm in solido imposuisse orbi videri præoptet? Quàm verò in proclivi sit densissima hujus generis volumina conscribere, nemo vel mediocriter in praxi versatus ignorat; uti nec è contrà quàm sit illud difficile perfectam & confirmatam undique Medendi Methodum in quovis morbo condere ac stabilire. Si vel unus tantùm per singula mundi sæcula hoc modo unicum tractaverit morbum, Medendi Ars (quæ Medicorum est provincia) à multis retro annis ad *ἀκμὴν* pervenisset, omnibus absoluta numeris, saltem in quantum fert mortalium fors. Quæ verò fundi nostri est calamitas, jamdiu ab antiquissimo & peritissimo duce *Hippocrate*, & prisca Medendi Methodo, causarum conjunctarum (utpote quæ certò se prodant) cognitioni superstructâ, descivimus; unde est, ut quæ hodie exercetur, à Logodædalis conficta, confabulandi magis sit Ars, quàm Medendi. Sed ne hanc ego dicam temerè impigisse videar, fas mihi sit è via parumper deflectere, quo scilicet evincam Causas illas remotiores, in quibus assignandis & in lucem extrahendis hominum Curiosorum & *περὶ ἑγῶν* vanæ speculationes unicè desudant triumphantque, prorsus esse *ἀνεπίληπτος* ac inscrutabiles; solas verò proximas &

P R Æ F A T I O.

conjunctas à nobis posse cognosci, atque ab his folis Indicationes Curativas esse mutuandas.

Observandum est itaque, quòd si Humores vel diutius quàm par est in corpore fuerint retenti (quia sc. Natura eisdem concoquere nequeat, ac deinceps expellere;) vel ab hac aut illa aeris constitutione labem morbificam contraxerint; vel denique contagio aliquo venenato infecti in ejusdem castra transierint; his inquam modis & his similibus, dicti Humores in formam substantialem, seu *speciem* exaltantur, quæ his aliisve Affectibus cum propria Essentia convenientibus se prodit; quæ quidem symptomata, licet minus cautis videantur oriri, vel à natura partis quam humor obsedit, vel à natura humoris ipsius antequàm hanc induerat speciem, nihilominus reverà Affectus sunt ab essentia dictæ speciei in hunc gradum recens evectæ, pendentes. Adeò ut quilibet *morbus specificus* Affectio sit ab hac vel illa specifica Exaltatione, vel specificatione succi cujusdam in corpore animato, ortum ducens. Sub hoc genere potest comprehendi maxima pars morborum qui certum aliquem typum ac formam agnoscunt. Et profectò haud minùs se Natura methodo astringit in his tum producendis, tum maturandis, quàm in *Plantis*, sive etiam *Animalibus*. Quinimò ut cuilibet sive Plantæ, sive Animali proprii quidam ac peculiare Affectus competunt, ita se res habet in qualibet succi cujusunque Exaltatione, ubi semel in *speciem* proruperit. Exemplum hujus rei satis luculentum quotidie nobis ingerunt, & ob oculos ponunt varia istæ Excrescentiarum species, quas Arbore, Fruticesque emittunt, vel ob succi Nutritii perversionem & depravationem, vel alias ob causas, in formâ sc. *Musci*, *Visci*, *Fungorum*, aliorumque id genus; quæ omnia *Essentiæ* sunt sive *Species*, à parente, seu Arbore, seu Frutice, diversæ planè atque distin-



P R Æ F A T I O.

distinctæ. Et sanè qui seriò atque ad amussim pen-  
 sitaverit *φυσίονα* illa quæ Febrem v. gr. *Quartanam*  
 comitantur; Quòd viz. semper sub Autumno ingre-  
 ditur; quòd certum ordinem ac Typum ubique ser-  
 vat, revolutiones periodicas quarto quoque die non  
 minùs certò repetens, quàm suas repetit Horolo-  
 gium, sive aliud quoddam ejusmodi *ἀντίματρον* (nisi  
 ab accedente aliquo extrinsecùs adveniente hic ordo  
 perturbetur;) quòd cum rigore ac notabili frigoris  
 sensu aggreditur, quem excipit caloris perceptio non  
 minùs sensibilis, quæ tandem in sudore effusissimo  
 terminatur; quod denique morbus hic, quemcun-  
 que demum in vaserit, vix ante *Vernum Æquinoctium*  
 abigi poterit & fugari: Qui hæc, inquam, omnia  
 pensulatiùs trutinaverit, haud minùs firmis ratio-  
 nibus inducetur ut credat morbum hunc *speciem* esse,  
 quàm sunt illæ ob quas credit Plantam esse speciem,  
 quæ parem semper ad normam è terrâ nascitur, flo-  
 ret, interitque, atque in reliquis afficitur pro ratio-  
 ne Essentiæ suæ; neque facilè comprehendi potest,  
 quí fiat ut hic *morbis* oriatur à combinatione sive  
 principiorum, sive qualitatam evidentium, cum  
*planta* substantia ac species distincta in rerum naturâ  
 ubique agnoscatur. Illud interim non diffitemur,  
 quòd cum species sive Animalium sive Plantarum  
 singulæ (demptis perpauca) per se subsistant, istæ  
 Morborum Species ab iis dependent humoribus à  
 quibus generantur.

Tamet si verò ex jam dictis constare videatur mor-  
 borum plerorumque causas inscrutabiles prorsus esse,  
 ac *ἀνεξιχνήτως*; non tamen insolubilis erit illa quæstio,  
*Quo pacto sanari possint?* cum de causis remotioribus  
 nos hoc asseramus: Nemo autem est qui non videat  
 curiosos istos speculatores in causis primò primis ferè  
 ac remotissimis indagandis, ac in lucem (ut ut invitâ  
 Minervâ ac reclamante naturæ sensu) protrahendis  
 operam

P R Æ F A T I O.

operam perdere ; immediatas verò & conjunctas, ceu ante pedes jacentes, contemnere, quæ tamen necessariò debent cognosci, & possunt etiam, sine ficulneis hujusmodi adminiculis ; cum Intellectui se apertè sistant, vel proprii sensûs testimonio, vel Anatomicis Observationibus ab aliis jam pridem factis, resectæ. Atque ut impossibile planè est, ut Medicus eas morbi causas ediscat, quæ nullum profusum sensibus habent commercium, ita neque est necesse ; abundè enim sufficit ut sciat unde immediatè oritur malum, talesque ejus effectus atque symptomata, ut inter hunc aliumque morbum hujus non dissimilem, valeat accuratè distinguere. In *Pleuritide* v. gr. diu atque incassum *feratigabit* aliquis, nec tamen assequetur pravam illam Crasin & malè coherentem sanguinis texturam, quæ prima est hujusce mali origo ; qui verò causam à quâ immediatè producitur rectè cognoverit, & ab aliis morbis quibuscunque rite valeat distinguere, non minùs certò curandi scopum attinget, etiam neglectâ otiosâ istâ atque inutili remotissimarum causarum indagine. Sed hæc

*ὅς ἐν πρόπῳ.*

Jam verò si quærat aliquis, an ad prædicta in Arte Medicâ Desiderata duo, (Veram scilicet & Genuinam morborum *Historiam*, & certam confirmatamque mendendi *Methodum*) non etiam accedat tertium illud, Remediorum nempe *Specificorum Inventio* ? Assentientem me habet & in vota festinantem. Etsi enim *Methodus* sanandis morbis *Acutis* maxime accommoda mihi videatur, quibus exigendis cum natura ipsa certum aliquem Evacuationis modum statuerit, quæcunque Methodus eidem fert opem in promovenda dicta Evacuatione, ad morbi sanationem necessariò conferret ; optandum est tamen ut beneficio *specificorum*, si quæ talia inveniri possint, æger rectiori semitâ ad sanitatem proficeret ; & (quod majoris etiam momenti est)

extra

P R Æ F A T I O.

extra aleam malorum, quæ sequuntur Aberrationes istas, in quas sæpe invita dilabitur Natura in morbi causâ expellendâ, ( ut ut potenter & doctè ei ab assistente Medico subveniatur) possit collocari.

Verùm quod ad morbos *Chronicos* sanandos attinet, licèt nihil dubitem ulteriores in medendo profectus vel à sola *Methodo* posse sperari, quàm qui in primam statim cogitationem incurrant, attamen plus satis constat deficere illam in curatione *Chronicorum* aliquot vel maximè spectabilium inter eos quibus homines urgentur; quod ob hanc præcipuè causam usu venit, quia sc. Natura in hujuscemodi morbis non habet Methodum tam efficacem, quâ materiam morbificam foràs ejiciat (perinde atque in *Acutis*) quò nos cum eadem manus jungentes & ad debitum dirigentes scopum, morbum debellare valeamus. In vincendo itaque morbo *Chronico* is demum jure meritòque *Medici* nomen sibi vendicat, penes quem est ejusmodi medicamentum, quo morbi *Species* possit destrui: non qui id tantum agit, ut è primis secundisque qualitatibus nova aliqua introducat, & prioris subeat vicem; quod fieri quidem potest non extinctâ specie: v. gr. calefieri potest, aut refrigerari qui *Podagrâ* laborat, vigente adhuc *podagrâ*, necdum devictâ. *Methodo* hâc quâ diversæ tantum qualitates introducantur, morbi *Specifici* non magis immediatè perdomantur: quàm ignis gladio extinguitur. Quid enim obsecro, Calor, Frigus, Humidum, Siccumve, aut è secundis qualitatibus quæ ab his pendent, alia aliqua ad morbi curationem faciet, cujus essentia in harum nullâ consistit? Si quis hîc objecerit, fatis magnum Remediorum Specificorum numerum iamdiu nobis innotescere, hunc ipsum, si examen paulò diligentius instituerit, in oppositas partes facilè transiturum confido, cum unicus *Cortex Peruvianus* à suis militet. Toto enim cælo distant quæ huic aliive *Indicationi Curativæ* Specificè respondent Medicamenta,

P R Æ F A T I O.

cui si faciamus satis morbus abigitur; & quæ hunc aliumve *Morbum* specificè atque immediatè persanant, nullo habito respectu ad hanc aut illam Intentionem sive Indicationem Curativam: v.gr. *Mercurius*, & *Sarsæ radices* in *Lue Venerea Specifica* vulgò audiunt, quæ tamen pro Specificis propriis atque immediatis non debent haberi, nisi argumentis satis validis atque irrefragabilibus possit confici, *Mercurium* nullâ excitatâ *Salivatione*, *Sarsæ* verò radices sine motis *sudoribus* tam egregiam operam præstitisse. Ad hanc pariter normam alii etiam morbi aliis Evacuationibus curantur, cum tamen quæ adhibentur Remedia non magis propriè competant immediatæ curatiõni istorum morborum qui eis sanantur Evacuationibus, quibus faciendis ejusmodi remedia maxime propriè designantur, quàm *Scalpellum Plebotomum Pleuritidi*, quod tamen nemo opinor *Specificum* hujus morbi faciliè appellaverit.

*Specifica* proinde medicamenta, si ad hanc mentem nostram restringantur, non cuivis homini contingunt, neque oscitantibus temerè se ingerunt: nullus tamen dubito quin in exundanti illâ plenitudine quâ turget *Natura* diffluitque, ita jubente *Optimo Maximo* rerum omnium *Conditore*, in singulorum præsertim prospectum pariter sit de curatione malorum magis insignium quæ homines vexant; idque pro foribus & in patrio cujuslibet solo. Et sanè dolendum est *Plantarum* naturam nondum magis exploratò nobis innotescere; quæ mihi videntur reliquæ omni, quâ patet, *Materiæ Medicæ* palmam præripere, & quæ inveniendorum de quibus jam diximus Remediorum uberrimam nobis spem faciunt: Cum *Animalium* partes cum humano corpore nimium convenire videantur, nimium dissidere *Mineralia*; unde est quod *Mineralia* Indicationibus potentiùs respondere, quàm vel *Plantas* vel ex *Animalibus* desumpta, lubens fateor; at non specificè tamen mederi, eo quo diximus sensu ac modo.

P R Æ F A T I O.

modo. Me quod spectat, non hinc aliud mihi sumo præter laborem ac tædium hæc atque hujusmodi diu multumque jam per aliquot annos animo versandi, necdum mihi tam feliciter cessit, ut cum prudenti fiducia quæ de iis cogitaverim in publicum dare ausim.

Quantumlibet verò mihi præ cæteris arrideant *Plantæ*, non tamen is sum qui eximia illa Medicamenta ex alia tribu desumpta, quæ vel hoc, vel alio aliquo sæculo hominum industriâ atque labore Intentionibus aptè respondentia reperta fuere, contemnâ. Inter quæ primum sibi locum vendicant quæ nomine *Guttarum Doctoris Goddard* insigniuntur, & à viro *Doctissimo*, & *solertissimo* tam Methodi quàm Remediorum indagatore, *Domino Doctore Goodall* præparantur; quorum vim ac efficaciam in attingendo, ad quem vulgò diriguntur, scopo, cæteris quibusque *Spiritibus Volatilibus* jure præfero.

Coronidis loco, cùm in hac introductione fuerim pollicitus, me daturum specimen eorum quæ in hujus Artis augmentum utcunque conatus sum; fidem liberare jam tentabo in tradendis Historiâ Curatio- neque *Acutorum Morborum*. Qua in re licet fatis advertam, me supinis atque ignorantibus fructum omnem eorum, quos per meliores vitæ annos corpore animoque exantlavi labores, expositurum, malum tamen pessimi hujus sæculi genium satis habeo perspectum, ut non aliam ex hac semente, quàm convitiatorum atque contumeliarum messem expectem; Meque famæ meæ longè meliùs consuluisse, si inanem aliquem atque inutilem speculationem commentatus fueram. Hoc verò mihi perinde est: Mercedem aliunde præstolor. Si quis hic objiciat alios æquè in hæc arte versatos non idem mecum de his rebus sentire; meum non est quid sentiant alii disquirere, sed meis observationibus adstruere fidem, quod ut faciam Lectoris patientiam desidero tantùm, non favorem. Res ipsa

P R Æ F A T I O.

etenim brevî loquetur, an fidelitèr & sincero animo hîc egerim, an è contra ad instar sceleratissimi hominis morumque profligatissimorum, homicidam me præfiterim vel in terra defossus. Illam tantùm mihi veniam peto, quòd minùs accuratè quàm proposueram Morborum Historiam ac Curationèm descripsero; cùm non tam metam figam, quàm animos iis addam, qui feliciores ingenio præditi ad hoc opus posthàc se accingent, quod jam ego imperfectè melior.

Unum adhuc restat de quo monendus est Lector, mihi in animo non esse sequentes paginas infinito particularium observationum numero distendere, quibus Methodo ibidem præditæ fidem astruam: Frustra enim & cum tædio Lectoris repeterentur ista singularia, quæ in summas contraxi. Satis autem habui ad calcem Observationis cujuslibet Generalis (saltem quæ ad annos nuperos spectat) Particularem hîc illic adnectere, quâ Methodi præcedentis medulla contineretur. Hoc interim spondeo nullam à me Methodum Generalem fuisse evulgatam, quæ experientiâ reiteratâ non est stabilita, atque confirmata.

Sed & spe frustrabitur qui ingentem Remediorum, seu Formularum sylvam hîc expectaverit, cùm Medici judicio permittatur, ut pro re natâ iis utatur; mihi sufficit innuisse quibus Indicationibus satisfaciendum est, quo etiã ordine & tempore; Etenim in eo præcipuè stat Medicina Præctica, ut genuinas Indicationes expiscari valeamus, non ut remedia excogitemus quibus illis satisfieri possit; quod qui minùs observabant, *Empiricos* armis instruxere, quibus Medicorum opera imitari queant.

Quod si quis objecerit me in aliquibus non tantùm medicamentorum pompæ renunciaffe, sed ea insuper remedia proposuisse, quæ ad materiam medicam vix possint referri, aded sunt simplicia atque in-

artifi-

P R Æ F A T I O.

artificioſa; vulgaribus tantum opinor ac plebeis animis hac in re diſplicebo. Norunt enim Sapientes *Bona* ea eſſe omnia quæ ſunt utilia, atque *Hippocratem*, dum *Folium* uſum in *Ileo* ſanando proponit, & in *Cancro* nihil proſuſ agendum præcipit, (atque ejuſmodi alia quæ in ſingulis ferè pagellis ſcripta leguntur,) non minùs bene de re medica meruiſſe, quàm ſi pompoſis remediorum formulis omnia impleviſſet.

In animo erat & *Chronicorum* morborum *Hiſtoriam* tradere, eorum faltem quos frequentiffimè tractaveram, ſed cum operoſius id ſit, cumque harum, quas jam edo, Lucubrationum fortunam experiri primum libuerit, impræſentiarum ſuperſedendum mihi eſſe duxi.

A U T H O R I,

I N

Tractatum ejus de FEBRIBUS.

**F**ebriles æſtus, victumque ardoribus orbem  
 Flevit, non tantis par Medicina malis.  
 Nam poſt mille artes, Medicæ tentamina curæ,  
 Ardet adhuc Febris, nec velit arte regi.  
 Præda ſunus flammis; ſolum hoc ſperamus ab igne,  
 Ut reſtet paucus, quem capit urna, cinis.  
 Dum querit Medicus Febris cauſamque modumque,  
 Flammarum & tenebras, & ſine luce faces;  
 Quas tractat patitur flammæ, & Febre caeſcens,  
 Corruit ipſe ſuis victima raptæ focis.  
 Qui tardos potuit morbos, artuſque trementes  
 Siſtere, Febrili ſe videt igne rapi.  
 Sic faber exeſos fulſit tibicine muros;  
 Dum trahit antiquas lenta ruina domos.  
 Sed ſi flamma vorax miſeras incenderit ades,  
 Unica flagrantes tunc ſepelire ſalus.  
 Fit fuga, tectonicas nemo tunc invocat artes,  
 Cum perit artificis non minùs uſta domus.

Se tandem Sydenham Febrisque Scholeque furori  
Opponens, Morbi querit, & Artis opem.  
Non temere incusat tectæ putredinis ignes;  
Nec fictus, Febres qui forset, humor erit.  
Non bilem ille movet, nulla hic pituita: Salmis  
Quæ spes, si fallax ar deat intus aqua?  
Nec doctas magno rixas ostendat hiatu,  
Queis ipsi major Febris ardor inest.  
Innocuas placide corpus jubet urere flammæ,  
Et justo rapidos temperat igne focos.  
Quid Febrim extinguat, varius quid postulat: sus,  
Solari egrotos quâ potes arte, docet.  
Hactenus ipsa suum timuit Natura calorem,  
Dum sepe incerto, quo calet, igne perit:  
Dum reparat tacitos malè provida sanguinis ignes,  
Prælusit busto, fit calor iste rogus.  
Fam secura suas foveant præcordia flammæ,  
Quem Natura negat, dat Medicina modum.  
Nec solum faciles compefcit sanguinis æstus,  
Dum dubia est inter spemque metumque salus;  
Sed fatale malum domuit, quodque astra malignum  
Credimus, iratam vel genuisse Stygem.  
Extorsit Lachesi cultros, Pestique venenum  
Abstulit, & tantos non sinit esse metus.  
Quis tandem arte novâ domitam mitescere Pestem  
Credat, & antiquas ponere posse minas?  
Post tot mille neces, cumulat aque funera busto,  
Victa jacet parvo vulnere dira Lues.  
Ætheriæ quanquam spargant contagia flammæ,  
Quicquid inest istis ignibus, ignis erit.  
Delapsæ celo flammæ licet acrius urant,  
Hæc gelidâ extingui non nisi morte putas?  
Tu meliora paras victrix Medicina; tuusque,  
Pestis que superat cuncta, triumphus erit.  
Vive liber, victis Febrilibus ignibus; unus  
Te simul & mundam qui manet, ignis erit.

J. Lock A. M. Ex Æde  
Christi Oxon.



# SECTIO PRIMA.

## CAPUT. I.

### *De Morbis Acutis in genere.*

**D**icatur ratio, si quid ego hic judico, Morbum, quantumlibet ejus Causæ humano corpori adversentur, nihil esse aliud quàm Naturæ conamen, materiæ morbificæ exterminationem, in ægri salutem, omni ope molientis. Cùm enim hominum genus, ita volente supremo rerum omnium arbitro ac moderatore *Deo*, variis impressionibus, forinsecùs advenientibus, excipiendis aptum natum sit, fieri non potest quin idem variis etiam malis fuerit obnoxium; quæ quidem partim ab istis aeris particulis nascuntur, quæ cùm corporis humoribus malè convenientes in idem se insinuaverint, nudo sanguini permixtæ corpus omne morbifico afflant contagio; partim à variis fermentationum generibus vel etiam putrefactionibus humorum, qui in corpore ultra justum tempus ideo sunt commorati, quia scilicet iisdem digerendis primùm, dein excernendis, vel ob nimiam eorundem molem vel qualitatem incongruam suppar idem non fuit. Hisce rerum circumstantiis, ita intimè essentiæ humanæ intertextis complicatisque, ut nemo quisquam se ab illis in solidum queat liberare, Natura de ejusmodi methodo ac symptomatum concatenatione sibi prospexit, quibus materiam peccantem atque alienam, quæ totius Fabricæ compagem aliter solveret, è suis

è suis finibus possit excludere. Quamlibet autem frequentius longè quàm fieri cernimus, illum, ad quem remediis hifce ingratis collimat, sanitatis scopum attingeret, nisi ab ignaris, à recto, quem tenet cursu, detorqueretur, veruntamen cum sibi relicta vel nimio opere satagendo vel etiam sibi deficiendo hominem letho dat, ferreæ illi atque insolubili mortalitatis legi obsequitur cui debemus nos nostraque. Rectè enim *Boethius* atque ex rerum sensu,

*Constat æternâ positumque lege est,  
Constet ut genitum nihil.*

Sed ut instantiâ unâ aërâve jam dictorum veritatem asseramus; Ipsa *Pestis* quid, obsecro, aliud est quàm Symptomatum complicatio, quibus utitur natura ad inspiratas unâ cum aere particulas *μιασμοδεις*, per emunctoria, Apostematum specie vel aliarum eruptionum operâ, excutiendas? Quid *Arthritis* nisi Naturæ providentiâ ad depurandum senum sanguinem atque expurgandum corporis profundum, ut cum *Hippocrate* loquamur? Potest & idem affirmari de plerisque aliis morbis perfectè formatis.

Jam verò nunc hoc munere celerius fungitur natura, nunc verò tardiùs, pro varia methodo, quâ causam morbificam deturbare nititur. Nam cum Febris opem deposcit, quâ adjutrice particulas inquinatas à sanguine divellat, divulsasque progressu adhuc ulteriori per Sudores, Diarrheam, Eruptiones, aut aliam istiusmodi evacuationem expellat, cumque in sanguinis massâ corpore pertenui ac fluido res omnis peragatur, idque motu partium violentiore, necesse omnino est, non solum ut subito vel in salutem ægri vel in mortem determinetur (prout sci. Natura vel materiam morbificam Criticè norit solvere vel ab eadem oppressâ fatiscat) sed etiam ut pejora

vehē-

vehementioraque symptomata se ubique comites adjungant. Atque hujusmodi planè sunt morbi isti quos *Acutos* appellamus, qui velociter sci. atque cum impetu & periculo ad statum moventur. Quamvis, si minus accuratè, haud tamen minus verè loquamur, isti etiam morbi pro *Acutis* sint habendi, qui, licèt respectu *Paroxysmorum*, si omnes simul sumantur, tardiùs moveant, respectu tamen *paroxysmi* cujuslibet particularis, citò atque etiam *Criticè* ad finem perveniunt, quales sunt *Febres Intermittentes* omnes.

Ubi verò continens morbi materia ejus est indolis ut febrem in partes suas pertrahere non valeat ad dictæ materiæ separationem universalem; aut cum hujusmodi materia parti alicui affigitur quæ eidem explodendæ prorsus est impar, sive ob propriam conformationem (uti se res habet in materia *Morbifica Paralyticorum* nervis impactâ, in materia item suppurata in cavitate *Thoracis Empyicorum*) vel ob defectum caloris naturalis & spirituum, (ut cum *Pituita* in pulmones decidit vel *Senio* vel *Tussi* diuturniore labefactatis) vel denique ob continuum materiæ novæ affluxum, quâ sanguis vitiatus & ad ejusdem eliminationem unicè dispositus, partem obruit gravatque: In his, inquam, casibus, vel tardè admodum ad coctionem pervenit materia, vel non omnino; adeoque morbi ab hujusmodi materia inconcoctili provenientes *Chronici* & nuncupantur & sunt: A duobus his itaque principiis sibi invicem contrariis, de quibus modò egimus, morbi alii *Acuti*, alii verò *Chronici* exurgunt.

*Acutos* quod spectat, quos impresentiarum tractare mihi est animus, eorum alii à secreta atque inexplicabili Aëris alteratione, hominum corpora insufficientis, gignuntur, neque à peculiari sanguinis & humorum crasi omnino dependeat, nisi quatenus occulta

culta aeris influentia dictis corporibus eandem im-  
presserit: Hi durante arcanâ illâ aeris constitutione  
nec ultrâ pergunt laceffere, neque alio ullo tempo-  
re invadunt. *Epidemici* hi dicti sunt.

Acutorum alii ab hâc vel illâ particulari corporum  
particularium ἀνωμελία oriuntur, qui cùm à causa ma-  
gis generali non producantur, ideo neque plures  
simul corripunt. Hi insuper Acuti quibuslibet an-  
nis & quolibet anni tempore indifferenter invadunt;  
exceptis tamen iis quæ dicemus, ubi de genere hoc  
peculiaritèr agetur. Hos ego Acutos *Intercurrentes*  
five *sporadicos* appello, quia nullo non tempore con-  
tingunt quo *Epidemici* grassantur. Ab *Epidemicis*  
primum exordium raihi sumam, generalem eo-  
rundem historiam ante omnia proponens.

## C A P. II.

### *De Morbis Epidemicis.*

**N**ihil quicquam, opinor, animum, universæ  
quâ patet Medicinæ pomœria perlustrantem tan-  
tâ admiratione percellat, quàm discolor illa & sui  
plane dissimilis Morborum Epidemicorum facies;  
non tam quâ varias ejusdem anni tempestates, quàm  
quâ discrepantes diversorum ab invicem annorum  
*Constitutiones* referunt, ab iisque dependent. Quæ  
tam aperta prædictorum morborum diversitas tum  
propriis ac sibi peculiaribus symptomatis, tum etiam  
medendi ratione, quam hi ab illis disparem profusus  
sibi vendicant, satis illucescit. Ex quibus constat,  
Morbos hosce, ut ut externâ quadantenus specie &  
symptomatis aliquot utrisque pariter supervenienti-  
bus convenire paulò incautioribus videantur, re  
tamen

tamen ipsâ, si bene adverteris animum, alienæ admodum esse indolis, & distare ut *Æra Lupinis*. Haud equidem satis scio, an diligentius examen (quali ritè instigando vix unius hominis brevis ætas par esse videatur) nos edoceret, Epidemicorum alios continuâ quadam serie, ceu factò circulo, alios semper excipere; an verò omnes indiscriminatim nulloque servato ordine, pro occultâ Aeris diathesi & inexplicabili temporum ratione, mortales incessere. Hoc saltem pro comperto habeo ex multiplici accuratissimarum observationum fide, prædictas morborum species, præsertim Febres continuas ita toto, quod aiunt, cœlo differre, ut quâ Methodo currente anno ægrotos liberaveris, eâdem ipsâ anno jam vertente forsitan è medio tolles: quodque, ubi semel in genuinam Medendi rationem, quam hæc vel illa Febri species sibi vindicat, auspiciatò inciderim, ad eundem scopum collimans (favente, ut fit, optimo Numine) metam quasi semper attingam, respectu ad temperamentum, ætatem & reliqua ejusmodi usquequaque habito; donec extinctâ illâ specie novoque gliscente malo, anceps rursus hæreo, quâ mihi viâ insistendum ut ægris subveniam, ac proinde nisi ingenti adhibitâ cautelâ intentisque omnibus animi nervis, vix ac ne vix quidem possum efficere ne unus aut alter eorum, qui se primi meæ curæ commiserint, vitâ periclitetur, donec investigatò jugiter tandemque perspecto morbi genio, ad eundem perdomandum recto pede & intrepidus denuò procedam.

Quamvis autem diversas diversorum annorum habitudines, quoad manifestas aeris qualitates, maximâ quâ potui diligentiam notaverim, ut vel exinde causas tantæ Epidemicorum vicissitudinis expiscarer, me tamen ne hilum quidem hactenus promoveri sentio; quippe qui animadverto annos quoad  
mani-

manifestam aeris temperiem sibi planè consentientes, dispari admodum morborum agmine infestari, & vice versâ. Ita enim se res habet. Variæ sunt nempe annorum *Constitutiones*, quæ neque calori, neque frigori, non sicco humidove ortum suum debent, sed ab occulta potius & inexplicabili quadam alteratione in ipsis terræ visceribus pendent, unde aer ejusmodi effluviis contaminatur, quæ humanâ corpora huic aut illi morbo addicunt determinantque, stante scilicet præfatæ Constitutionis prædominio, quæ exacto demum aliquot annorum curriculo facessit atque alteri locum cedit. Unaquæque harum Constitutionum generalium propriâ ac peculiari sibi Febris specie funestatur, quæ extra illam nusquam compareret, cujusmodi Febres idcirco *Stationariæ* nobis audiunt. Ad hæc sunt & particulares quædam ejusdem anni, ut ita dicam, *Crates*, in quibus licet secundum manifestas aeris qualitates, ejusmodi Febres quæ generaliore anni Constitutionem sequuntur magis minusve Epidemicè grassentur vel seriùs ocyùsve ingruant; præ cæteris tamen ejusmodi Febres, quæ omnibus in universum annis competunt (quas idèò *Intercurrentes* voco) ab hoc illove manifesto aeris temperamento ortum ducunt; verbi gratiâ, *Pleuritis*, *Angina*, & reliquæ ejusdem farinae, quæ à subito calore, intensius ac diuturnum frigus statim excipiente, plerumque invadunt. Potest itaque fieri, ut sensibiles aeris qualitates ad illas quidem Febres producendas faciant, quæ in qualibet constitutione se exerunt, non verò ad istas alias quæ certæ alicui constitutioni quasi propriæ ac peculiare existunt: Patendum tamen est, prædictas aeris qualitates corpora nostra ad hujus illiusve morbi Epidemici generationem magis minusve disponere; quod & de quocunque errore circa *sex res non naturales* dictum volo.

Animad-

Animadvertendum autem est, Epidemicorum alios in hoc aut illo anno regulariter & eodem semper modo se habere, iisdem planè Phænomenis & conformi. Symptomatum agmine in plerisque ferè omnibus quos adoriuntur, stipatos; atque eadem prorsus viâ sibi fugam & exitum parantes. Ex his itaque tanquam in suo genere perfectissimis, vera & certa Morborum Epidemicorum Historia ediscenda est atque tradenda.

Sunt vero alii aliorum annorum Morbi, qui licet Epidemicorum insigniantur nomine, enormes tamen sunt & perquam *anomali*, utpote qui nulli se Typo patiuntur astringi, & revera mali sunt moris, tum quoad incertam symptomatum varietatem certissimamque dissimilitudinem, tum quoad methodum quâ se ipsi expediunt & amoliuntur. Hæc tanta illorum disparitas exinde oritur, quod scilicet quælibet Constitutio morbos parit, à morbis ejusdem generis, qui alio tempore grassabantur, multum abluentes, quod non tantum in Febribus locum habet, sed in plerisque aliis Epidemicis. Neque hic finitur *Orestes*: restat enim & aliud, paulo subtiliores *Demops*, luxuriantis, si fas est dicere, naturæ lusus; quod nempe idem morbus in ipsissima anni constitutione variâ sæpe & dissimili se facie ostendat, quod ad tempora attinet Principii, Statûs, & Declinationis; quod quidem tanti potest esse momenti, ut pro ejus arbitrio Curativæ Indicationes ponendæ sumendæve fuerint.

Porro observandum est, Epidemicos quoscunque in duos omnino ordines dispelci; *Vernos* dico, & *Autumnales*: & quamvis fieri potest, ut aliâ qualibet anni tempestate subnascantur, ad illam tamen sunt relegandi, Ver Autumnusve fuerit, quam proximè contingunt: Accidit enim nonnunquam, aëris temperiem cum Epidemicorum aliquo in tantum conspi-

rare;

rare, ut, eo favore, ante tempus sibi debitum mi-  
feros invadat; & è contra est, ubi tam parùm illis  
inter se convenit, ut corpus prædispositum non ni-  
si aliquandiu post aggrediatur. Cùm itaque *Ver* dico  
vel *Autumnum*, non de ipso statim *Æquinoctio*, sive  
*Verno* sive *Autumnali*, ad amissim loquor.

Epidemicorum, qui *Verno* tempore grassantur,  
alii maturè admodum se ingerunt, mense scilicet  
*Januario*, & exinde pedetentim increbrescentes cir-  
ca *Æquinoctium Vernale* ad Statum perveniunt; à quo  
sensim imminuti circa *Solstitium Æstivum* evanescent,  
nisi quod paucissimæ postea forsitan hunc illumve  
petant. In horum numero sunt *Morbilli*; ut & *Fe-  
bres Tertianæ Vernales*; quæ, licèt seriùs aliquanto  
emergant, *Februario* nempe, tamen appetente *Æ-  
stivo Solstitio* pariter se subducunt. At verò alii *Vere*  
orti; & de die in diem invalescentes non nisi sub  
*Æquinoctium Autumnale* statum indipiscuntur, quo  
præterlapso paulatim cedentes tandem adventante  
brumali frigore vertuntur in fugam; hujusmodi sunt  
*Pestis* ipsa, & *Variolæ*, istis annis quibus eorum u-  
tervis aliorum morborum prædominio fuerit po-  
titus.

*Cholera Morbus* ex Epidemicorum Autumnalium  
familiâ, mense *Augusto* exorsus, intra angustos u-  
nius mensis cancellos conclusus, percurrit sua tem-  
pora. Sunt tamen alii qui eadem tempestate progna-  
ti usque ad hyemem excurrunt, v. gr. *Dysenteria*,  
*Febres Quartanæ*, & *Tertianæ Autumnales*. Hi omnes,  
utut eorum aliquos quos semel invaserint longiori vel  
breviori tempore affligant, plerumque tamen intra  
duorum mensium spatium & nomen & Epidemi-  
corum naturam prorsus amittunt.

*Febres* autem speciatim quod attinet, observan-  
dum est, maximam earum partem quæ *Continuæ*  
sunt nulla hucusque nomina, in quantum à Consti-  
tutionis



tutionis generalis Influentia pendent, obtinuisse; appellationes autem quibus dignoscuntur ab insigni aliqua alteratione sanguini impressâ vel evidentiori symptomate mutuari. Hâc ratione *Putridæ* dicuntur, *Malignæ*, *Petechiales* &c. Quandoquidem verò singula fermè constitutio præter has quas parturit Febres, ad alium morbum aliquem magis Epidemicum eodem tempore propagandum proclivis est, celebrioris nominis, cujusmodi sunt *Pestis*, *Variola*, *Dysenteria*, &c. non satis video, cur istiusmodi Febres non potius fortirentur nomina à Constitutione, quatenus horum morborum alterutri producendo favet, eodem illo tempore quò comparebant, quàm a qualibet sanguinis alteratione, vel symptomate particulari, quæ diversæ speciei febribus pari jure possunt competere. *Intermittentes* verò nomina sibi desumunt ab intervallo Paroxyzmis interjecto, atque hoc quidem caractere satis discriminantur, si variarum etiam anni tempestatum quibus contingunt, Veris sc. & Autumni, habeatur ratio. Licet nunquam earum aliquæ de Intermittentium natura revera participant, nullo caractere admodum visibili easdem prodente. Ut cum præmaturè *Julio* mense v. gr. Intermittentes Autumnales ingrediuntur atque increbescunt, non statim genuinum Typum induunt, (quod Intermittentibus Vernis quidem solenne est) sed continuas Febres ita per omnia imitantur, ut nisi castigatissimo utraq; examine trutinaveris, ab invicem discriminari non possint; at recluso paulatim Constitutionis impetu, & frænata vi, jam in Typum regularem migrant, atque exeunte Autumnò, larvâ abjectâ, Intermittentes se esse, quales ab initio reapse fuerunt, palàm fatentur, sive Quartanæ illæ fuerint sive Tertianæ; quod si non diligenter animadverterimus, cum magno ægrorum nostrorum malo medicantes hallucinabimur, dum

hujusmodi Febres, quæ ex Intermittentium numero sunt, pro Continuis veris & genuinis habeantur.

Porro, quod sedulò advertendum, quùm plures aliquot horum morborum eundem fatigent annum, unus eorum aliquis reliquorum prædominio potitur, cæteris in ejus quasi ditionem redactis, & parciùs id temporis sævientibus, ita ut illo augeſcente imminuantur hi, eodemque rursus imminuto, mox recrudescant. Atque ita viciffim mortales laceſſunt, prout anni genius & sensibilis aëris temperies huic aut illi magis suffragantur. Qui verò morbus circa Æquinoctium Autumnale maximopere furit & cumulatiffimam edit stragem, totius anni Constitutioni nomen impertit suua; quisquis enim fuerit morborum, qui eâ tempeſtate præ cæteris invaluerit, principatum omnium qui isto anno invadunt obtinuiſſe faciliè deprehendetur, cujus ingenio Epidemici quòtquot sunt *σύνχορον* se accommodant, in quantum eorum fert natura: v. gr. cùm Variolæ eo tempore latiſſimè depopulantur, Febris toto anno sparsim oberrans ejuſdem planè inflammationis est particeps, quæ Variolas parit. Uterque nempe Morbus ad eandem ferè normam adoritur, maximaque inter maximè propria utriusque Symptomata intercedit cognatio, (exceptâ Variolarum eruptione & reliquis quæ ab illa pendent) ut ex ingenti illâ tum ad ſpontaneos sudores, tum ad ſalivam excernendam propensione, in qua utrique convenit, abundè conſtat. Pariter, cùm Dyſenterix dicto tempore præcipuè fuerint graſſatæ, Febris quæ eo anno infeſtat earundem indolem non leviter æmulatur, (niſi quod illæ cauſam morbificam per ſedes eliminant, & pauca alia exinde naſcantur ſymptomata,) quod tum à conſimili utriusque morbi inſultu, tum etiam quòd utroque malo correpti Aphthis ſimilibuſque invicem ſymptomatibus admodum ſint obnoxii, ſatis

evin-

evincitur. Et sanè Dysenteria de quâ agitur, ipsissima illa Febris est; hoc tantùm discrimine, quòd introvertatur, & in intestina se exonerans per eadem viam sibi faciat. Notandum autem est, Epidemicorum illum principem qui sub Æquinoctio Autumnali, ceu rupto aggere torrens, omnia straverat, ingruente hyemis frigore intra suum se alveum condere; cùm ex adverso Epidemici inferioris ordinis, qui sub eo merentur, tunc temporis præsertim ingravescant & rerum potiantur, donec dictus anni princeps eorum vires denuò frangat & deleat nomen.

Postremò observandum est, quoties Constitutio aliqua varias Epidemicorum species parit, singulas has species genere ab illis differre, quæ cùm idem planè nomè sortiantur, aliâ tamen Constitutione generentur. Quotunque sint autem Species illæ peculiare, quæ in una eademque Constitutione invadunt, in communi una atque generali causa, singularum productrice, omnes conveniunt, hâc scilicet aut aliâ aëris Diathesi peculiari, & ex consequenti, quæ atocunque ab invicem, quoad Typum & Formam specificam, intervallo distent, Constitutio tamen omnibus communis subjectam singularum materiam ad ejusmodi conditionem atque statum effingit formatque, ut præcipua symptomata, quæ ad particularem evacuationis modum nihil attinent, omnibus paria sint; singulis etiam in hoc conspiciantibus, ut eodem pariter omnes tempore & intendant sævitiam & remittant. Notandum est insuper, quibus annis variæ illarum species grassantur uno eodemque tempore, eas omnes modo quo primùm agrediuntur, atque invasionis symptomatis consentire.

Hinc itaque cernere est, variam admodum & accuratam naturæ methodum, quam ad morborum generationem adhibet, quam nemo hominum, arbitror, hæctenus pro rei dignitate satis observando est affectus. Atqui ex pauculis hisce omnino conficitur

(cùm specificæ Popularium morborum differentia, nominatim Febrium, arcanæ annorum constitutioni innitantur) incassum defudare illos, quotquot diverferano Febrium rationes à causa morbificâ in humano corpore aggestâ deducunt; nam liquidò patet, quemlibet, pancreaticè licet valentem, si certa quædam hujus nostræ regionis loca adeat, Febre ibidem grassante intra dies aliquot laboraturum: vix autem credibile sit, *manifestam* aliquam mutationem ab ære præfati viri humoribus tam brevi impressum iri. Neque minus difficile est, generales regulas Febribus his debellandis accommodare & certos aliquos limites figere, quos ultra citraque progredi, aut in iisdem consistere, non liceat. In hæc itaque tam spissâ rerum caligine, nihil mihi prius est, quàm quando novæ Febres grassari incipiant, cunctari paulisper, & ad magna præsertim remedia non nisi suspenso pede ac tardiùs procedere, diligenter interim illarum ingenium atque morem observare, quibus itidem præfidorum generibus ægri juventur vel lædantur, ut quam primum his repudiatis, illis utamur.

Verbo dicam: Epidemicorum Species omnes juxta Phænomenon suorum varietatem in classes redigere, ac characteres cujusque idiopathicos enucleare, necnon propriam medendi rationem unicuique sigillatim accommodare, ut res est multi otii ac summe ardua, ita etiam cùm nullo certo (aut saltem nondum explorato) annorum ordine emergant, ad justum de iisdem observationum apparatus congerendum fortassè unius Medici ætas non suffecerit. At verò hic labor, ut ut sit improbè, prius est exaltandus, quàm nos aliquid memoratu dignum in extricanda tam multifaria horum morborum serie præstitisse jure possimus gloriari.

At verò quibus demum modis rationem reddemus distinctarum specierum *Epidemicorum*, qui non tantum

tum, quatenus saltem nobis liquet, fortuitò incur-  
 fant, sed etiam qui uno anno aut certâ aliquâ anno-  
 rum serie ejusdem sunt generis, anno alio specie ab  
 aliis alii distinguuntur? Nulla hîc mihi unquam me-  
 thodus æquè commoda est visâ atque illa, quæ per  
 sufficientem annorum numerum protensa, eodem  
 illos ordine describeret quo se invicem excipiebant  
 & insequabantur. Quod ut jam pro meo modulo ef-  
 ficiam, Historiam & Curationes Epidemicorum,  
 qui ab anno 1661 ad Annum usque 1676 (per 15 vi-  
 delicet annorum spatium,) depopulabantur, ex ac-  
 curatissimarum, quas mihi facere licuit, observa-  
 tionum fide orbi erudito tradam. Cum mihi im-  
 possibile planè videatur, effectum id dare, vel cau-  
 sas eorundem exortûs assignando à manifestis aeris  
 qualitibus desumptas, vel multo etiam minus à par-  
 ticulari aliquâ dyscrasiâ in sanguine atque humoribus,  
 nisi in quantum secretæ aëris influentiæ illa debere-  
 tur. Quin & magis adhuc, si fas est dicere, im-  
 possibile fuerit Variorum Epidemicorum Species  
 tradere, qui à specificis aëris alterationibus oriuntur,  
 quantumvis in proclivi illud esse videatur, istis vide-  
 licet qui Febrium nomina attexere norint notionibus,  
 in speculatione istarum alterationum, quæ in san-  
 guine humano atque ejus humoribus per hanc illam-  
 ve principiorum degenerationem fieri possunt, ma-  
 lè fundatis. Quo quidem pacto, cum non naturam  
 sequamur, optimam semper ducem, sed conjectan-  
 di libidini indulgeamus, tot nobiserunt morborum  
 species quot comminisci placuerit: Eam nobis in-  
 terim arrogamus licentiam, quam nemo facilè Bo-  
 tanico concesserit, à quo in describenda Plantarum  
 Historia sensuum requirimus testimonium, ac fidem,  
 non rationis Commentationem, quantumlibet istâ  
 polleat, atque aliis longè antecellat.

Haud equidem tantum mihi fumo, ut me in his quæ jam trado omnem absolvissè numerum existimem, forte ne in recensenda quidem univèrsa Epidemicorum familia; multo minus in me recipio, ut qui morbi elapsis, de quibus nobis sermo est, annis, ordine infra dicendo se mutuo exceperunt, venturis sæculis eundem perpetuo servaverint. Unum hoc molior, ut quo pacto hæc se res habuit nuper, astipulante paucorum aliquot annorum observatione, enarrem, quod ad has scilicet regiones spectat & hanc in quâ degimus Urbem; ut meum, quale quale sit, symbolum conferam ad opus inchoandum, quod, si quid ego iudicando valeo, in maximum humani generis emolumentum cedet, ubi tandem à Posteris, quibus integrum Epidemicorum curriculum venientibus annis sibi invicem succedentium intueri dabitur, ad umbilicum perducetur.

## C A P. I I I.

*Constitutio Epidemica annorum 1661,  
62, 63, 64, Londini.*

**A**Nno 1661 Febres Autumnales Intermittentes, quæ jam ab aliquot retrò annis obtinuerant, de novo vires redintegrabant (*Tertiana præsertim mali moris*) sub initio Julii, & quotidie increbrescentes, mense Augusto quàm immanissimè debacchabantur, inque multis locis, correptis ferè integris familiis, maximam hominum stragem edebant; dein verò sensim decrescetes superveniente hyemis frigore extinctæ sunt, perpaucos Octobris mense aggregatæ. Quæ dictæ Tertianæ famulabantur Symptomata,  
illa

illa ab Intermittentium Tertianarum aliorum annorum Symptomatis, his præsertim discriminabantur. Ægri Paroxyismus atrocior, lingua magis nigra siccaque, extra paroxyismum ἀπυρεξία obscurior, virium & appetitûs prostratio major, major item ad paroxyismum ingeminandum proclivitas, omnia summam Accidentia immaniora, ipseque morbus quàm pro more Febrium Intermittentium funestior. Si quando ætate proveciores aut etiam Cachecticos invasisset, quibus pariter vena secta, aut alix quævis evacuationes minuissent vires, nunc ad duos nunc ad tres menses perdurabat. *Quartane*, rariores licet, Febres jam descriptas comitabantur, utrisque verò primum brumæ impetum non sustinerentibus (neminem enim, antè intactum, feriebat) subsecuta est *Febris Continua*, ab intermittentium Autumnalium genio in hoc tantùm abhorrens, quòd hæc statis solùm temporibus, illa continenter urgebat. Etenim eodem termè modo ægrotos adoriebantur; qui utrisque pariter vehementer laborabant, vomituriebant, cum partium externarum siccitate, siti, linguæ nigredine, & sudoribus sub morbi finem materia morbifica in utrisque promptissimè exterminabatur. Quinimò vel hinc liquebat, Febrem hanc ad Autumnalium Intermittentium classem attinere, quòd rarò admodum surgente anno compareret. Dicta itaque Febris Continua Intermittentium quasi compendium quoddam, & è contra singuli earum Paroxyismi compendium hujusce mihi videbantur; atque aded discrimin in hoc maxime versari, quòd *Continuæ* conceptam semel effervescentiam σμωχός eodemque semper tenore perficerent; *intermittentes* autem partitis vicibus ac diversis temporibus eadem defungerentur. Quanto autem jam tempore prædicta Febris continua invaluerat dicendo non sum, quum mihi hæcenus factis fuerat ad generalia Febrium Symptomata attendere,

dere; utpote qui nondum vel juxta varias annorum crases, aut ejusdem anni varia tempora easdem distinguere posse animadverteram. Hoc saltem scio, unicam fuisse *Continuam* Febris speciem usque ad annum 1665, ac *Intermittentes* Autumnales, quæ ad illum usque annum frequentes incurfabant, jam deinceps rarissimas occurrisse.

Sed ut ad rem redeamus: Febris illa Tertiaria, quæ dicto anno omnia longè lateque fuerat prædata, eodem elapso intra angustiores limites se continuit: insequentibus verò Autumnis Quartanæ Epidemicis reliquis prædominabantur, stante hac aëris Constitutione. Quartanis semper post Autumnum vela contrahentibus, Febris Continua (quæ per hoc omne tempus, parcius licet, se immiscuerat jam inclementiùs debacchabatur ad usque ver, quo tempore Febres Intermittentes Vernales succedebant, quibus ad Calendas Maii pariter fatiscientibus, Variolæ hinc & inde sparsum se ostendebant, quæ denuò ad conspectum Epidemicorum Autumnalium (Febrem Continuum volo & Quartanas) terga dabant victoribus. Hoc ordine Morbi Epidemici integram hanc aëris Constitutionem pervadebant & se mutuò insequentibus. De his mihi sermo erit in specie, & nominatim tum de Febre hac, tum etiam de Intermittentibus, sive Ver sive Autumnum attinerent, quibus hæc constitutio præ cæteris infamabatur.

Telam ordiar ab hac Febre Continua; quæ aliarum, quotquot sunt, omnium præcipua & Coryphæa mihi videtur, eò quòd Natura in hac præ aliis quibuscunque uniformiter & ad eandem ferè normam tum Materiam Febrificam ad debitam Concoctionem perducat, tum costam certo ac præfinito tempore exigat eliminatque. Ad hæc, quandoquidem illæ annorum constitutiones, quæ Intermittentes Autumnales promovent, communibus annis multo sæpius



fæpius recurrant quàm illæ quæ ad cæteros Epidemicos faciunt, necessariò sequitur, ut quæ illas comitatur Febris Continua frequentius accuset. At præter Symptomata quæ cæteras Febres stipabant, dicta Febris sequentibus insuper urgebatur: Æger plerumque animam tantùm non agebat, vomituriebat, lingua sicca & nigra, ingens ac subitanea virium consternatio, & partium externarum siccitas. Urina ubique vel crassa, vel tenuis, utraque ex æquo cruditatis indicium. In morbi declinatione, Diarrhæa, nisi fortè medicus principio obstitisset, superjungebat, unde Morbus pervicacior redditus diutiùs affligebat. Sed suoapte ingenio ac propriâ indole vix ultra diem 14 vel 21 perdurabat, quo primum tempore, oborto sudore vel potiùs leni madore, morbus solvebatur. Neque prius Urinæ Coctionis signa prodebant, quod jam ut plurimum eveniebat. Quin & alia superveniebant Symptomata quoties hic morbus minus peritè tractabatur. At verò tum hæc, tum etiam omnis morbi genius clariùs elucescent ex peculiari Methodo quam olim huic Febrim accommodaveram, quam itaque huc transferam, (saltem quòd ad rem nostram apprimè faciat) prout jamdudum typis evulgaveram; Quo quidem tempore nondum mihi innotuerat, aliam aliquam Febris speciem in rerum natura inveniri.

---

C A P. I V.

*Febris Continua hujus Constitutionis.*

I. PRIMò quidem adverto inordinatam illam massæ sanguineæ commotionem Febris hujus seu causam, seu comitem, à natura concitari, vel ut hetero-

terogenea quædam materia in eadem conclusa, ac ipsi inimica fecernatur; vel ut sanguis in novam aliquam diathesin immutetur.

Atque in hoc negotio magis arridet latius & generalius *Commotio*nis vocabulum, quam vel *Fermentationis*, vel *Ebullitionis*; quippe quod inanis λογισμῶν occasionem præscindat, quam fortassis istiusmodi voces (quæ etiam si explanationem non incommodam admittant, tamen minùs propriæ, ac non nihil duriores nonnullis videntur) haud satis caverent. Quamvis enim Cruoris in Febribus *Commotio*, liquorum vegetabilium aliàs *fermentationem*, aliàs etiam *ebullitionem* æmuletur; non desunt nihilominus qui eandem non uno modo, ab utraque plurimùm differre arbitrantur. De *Fermentatione* unum alterùmve ab illis sumatur exemplum. Primò, licet fermentescencia liquida vinosam quandam indolem ita nancisci soleant, ut spiritum ardentem ex iisdem destillatio eliciat, atque in acetum facilè desciscant, quod ipsum insigni acore poller, & spiritum acidum destillando exhibet; neutram tamen ejusmodi mutationem in sanguine hæctenus observatam fuisse contendunt.

Deinde adverti volunt quòd cum in liquoribus vinosis *fermentatio* & *depuratio* eodem tempore peragantur, & quasi paribus passibus procedant, *depuratio* tamen sanguinis in Febribus ejusdem *æstuationem* non comitetur, sed consequatur, id quod in paroxysmo febrili per sudores soluto, vel oculorum testimonio, patere existimant.

Quod autem ad *Ebullitionem* attinet, difficilior illis hæc videtur analogia, quæque experientiam habet summopere refragantem, in multis nimirum casibus, quoties non ad eò effrænis est cruoris organus, ut *Ebullitionis* appellationem mereri possit. Verùm utut sit, (neque enim hisce controversiis me-

ul-

ullatenus immiseri patiar; ) quandoquidem *Fermentationis & Ebullitionis* vocabula apud recentiores Medicos plurimum invaluerunt, ego quoque eadem subinde usurpare non dubitaverim, dummodo ex jam dictis satis constet voces istas in hoc Tractatu clario-ri solummodò dicendorum explicationi inservire.

Porro febrilem hanc sanguinis commotionem ob materiæ cujusdam heterogeneæ, ipsique naturæ adversantis, secretionem ab eadem concitari, omne genus februm malignarum testatum facit; utpote in quibus istius ebullitionis sanguinis beneficio, fit excretio ad cutim excrementi in eodem latitantis, & prava qualitate affecti.

Quinimo nec, meâ quidem sententia, minus liquet febrilem sanguinis commotionem sæpe (ne dicam sæpius) non alio collineare, quàm ut ipse sese in novum quendam statum, & diathesin immutet, hominemque etiam, cui sanguis purus, & intaminatus perstat, febrì corripì posse; sicuti in corporibus sanis evenire, frequenti observatione compertum est, in quibus nullus apparatus morbificus, vel quoad plethoram, vel quoad cacochymiam fuerit, nulla insalubris aëris anomalia, quæ febrì occasionem subministraret. Nihilominus etiam hujusmodi homines præcedente insigni aliquâ aëris, victus, cæterarumque rerum nonnaturalium (ut vocant) mutatione, identidem febre corripiuntur; propterea quòd eorum sanguis novum statum, & conditionem adipisci gestit, qualem ejusmodi aër aut victus postulaverint; minimè verò quòd particularum vitiosarum in sanguine stabulantium irritatio, febrim procreet. Etsi nequaquam dubitem materiam in sanguinis despumatione post febrilem commotionem, solenniter excretam, vitiosam esse; quamvis sanguis laudabilem antea diathesin obtinuerat: id quod vix magis mirandum est quàm quod esculentorum portiones aliquot corruptæ,

ruptæ, & foetidæ evadant, postquam insignem in corpore alterationem subierint, ac jam à reliquis segregatæ fuerint.

II. Secundo ita mecum reputo, indicationes veras, ac genuinas, quæ in hoc morbo confurgunt, in eo versari, ut sanguinis commotio intra modum naturæ proposito congruentem, sistatur; ea nimirum ratione, ut nec hinc plus æquo gliscat, unde periculosa symptomata insequi solent, nec illinc nimium torpeat, quo pacto vel materiæ morbificæ protrusio impediretur, vel sanguinis novum statum affectantis labefactarentur conatus. Aded ut five materiæ heterogenæ irritanti, five cruori res novas molienti febris ortus debeatur, Indicatio utrobique eadem existat. Hisce positis fundamentis Therapiæ methodum hoc ritu instituo.

Quoties mihi cum ægris res est, quorum sanguis vel per se imbecillior existit (utî ferè in pueris) vel iusta spirituum copia destituitur (ut in declivioræ ætate, atque etiam in juvenibus diuturno aliquo morbo confectis) à venæ-sectione manum tempero. Enimverò si Phlebotomiam his imperarem, sanguis etiamnum citra ejusmodi imminutionem plus satîs debilis, despumationi suæ obeundæ prorsus impar redderetur; unde totius massæ perversio, ac proinde forsan ipsius ægri interitus sequeretur (quemadmodum si cerevisiæ aut aliûs cujusvis multi fermentatio intempestivè sistatur, liquores illi vitium plerumque contrahunt.) Quippe particularum, quas semel exterminare cœperit, quæque, tamen dum reliquæ cruoris massæ æquabiliter immiscerentur, puræ extiterant, jam verò putredinem deterrimam acquirere, & cæteros humores gravi inquinamento inficere habiles evaserint, consortium natura ferre amplius non potest. Quamquam haud me laret ægros temerariâ sanguinis missione mulctatos, convenientium

tium Cardiacorum usu aliquando servari, sanguiném-  
que ad tenorem defæcationi suæ peragenda idoneum  
restitui posse. Sed præstiterat plagam non infligi,  
quàm sanari.

Attamen ubi in contrariæ indolis sanguinem inci-  
do, qualis in juvenibus athletico habitu & tempera-  
mento sanguineo præditis reperiri consuevit, pri-  
mum in curatione locum Phlebotomiæ attribuo;  
quæ (præterquam in casibus inferiùs memorandis)  
sine salutis periculo hîc omitti nequit. Nam aliâ non  
solum præ nimîâ sanguinis ebullitione, Phreniti-  
dum, Pleuritidum, aliartumque id genus inflamma-  
tionum periculum immineret, sed præ copiâ etiam,  
impeditio omnimoda Circulationis, & totius massæ  
quasi strangulatus consequeretur.

Mensuram quod attinet, mihi solenne est eam  
duntaxat sanguinis quantitatem detrahere, quantum  
conjectare liceat, quæ ægrum ab incommodis quibus  
immodicam ejusdem commotionem obnoxiam esse  
diximus, incolumem præstet. Æstuationem verò  
illam deinceps rego ac moderor, Phlebotomiam vel  
repetendo, vel omitendo, Cardiacis calidis vel in-  
sistendo, vel parcendo, ac denique alvum vel laxan-  
do, vel compescendo, prout motum illum vel effe-  
rari, vel languescere animadverto.

Post Venæ-sectionem (siquidem ipsa juxta casus  
præmemoratos necessaria fuerit) sollicitus sedulusque  
inquiri nunquid ægrum vel vomitus, vel inanis ali-  
qua vomendi propensio sub Febris initium intertur-  
baverit. Id si contigerit omninò medicamen Emeti-  
cum præscribo, nisi vel ætas tenella, vel insignis ali-  
qua debilitas ægri ab eo temperandum suaserit. Sa-  
ne Vomitorium propinare, ubi istiusmodi prægres-  
sa est vomendi proclivitas aded est necessarium, ut  
nisi humor ille expellatur, in sentinam complurium  
malorum difficilium sit abiturus, quæ crucem figent  
Medico

Medico toto durante medicationis tempore, ægrum-  
que in haud leve periculum conijcient. Ex horum  
præcipuis, & maximè solitis est *Diarrhœa*; quæ ut plu-  
rimùm in defervescentia Febris consequitur, quo-  
tiescunque Emetica, quando ea suadebat indicatio,  
omissa fuere. In febris quippe progressu, ubi ma-  
lignum in ventriculo humorem nonnihil subegerit  
Natura, & ad intestina amandaverit, illa ab acri hu-  
more ex hoc in stomacho fonte perpetim scaturien-  
te usque ad eò corroduuntur, ut non possit non insequi  
*Diarrhœa*.

Observavi nihilominus in Febris quæ verè ma-  
lignæ haberi debent, omissionem Vomitorii, tametsi  
talis vomendi propensio præcesserit, *Diarrhœam*,  
quemadmodum in aliis quibusvis Febris, necessa-  
rio non inferre; sed de ista re plura in sequentibus.

Jam autem in eo versatur istiusmodi *Diarrhœa* pe-  
riculum, quòd æger satis jam morbo debilitatus,  
enervatur ulterius, & præterea (id quod majoris est  
in ipsius noxam momenti) in febris declinatione,  
quo tempore contrahere se languis, ac vim suam exe-  
rere debebat ad despumationis officium peragendum,  
penitus præpeditur hac emissionem.

Jam verò nequid dubites humorem hunc in ven-  
triculo nidulantem, nisi fortè vomitu eliminetur,  
hanc Tragediam (*Diarrhœam* dico) quasi ex insidiis  
aliquanto post daturum, inquisitione institutâ nun-  
quam ferè non comperies, si quando Febrim *Diarrhœa*  
comitetur, ægrum in morbi principio in vomitum  
proclivem fuisse, nec tamen Emeticum fuisse propi-  
natum. Porrò etiam compertum habebis etiam si pro-  
clivitas illa ad vomendum jam pridem præterierit,  
*Diarrhœam* tamen quamprimum Vomitorium exhibe-  
ris pererumque cessaturam; dummodo Emetico fe-  
rendo pares fuerint ægri vires: Sæpius autem observa-  
vi *Diarrhœa* semel obortâ, medicamenta adstringen-

tia vel nihil omnino, vel parum admodum ad eandem sistendam conferre, sive introsumpta, sive exterius applicata.

Emeticum quale passim à me propinatur huiusmodi ferè est.

℞. *Infus. Croc. Metall.* ℥vj.

*Oxymel. Scillit. & Syr. Scabios. comp. aa.* ℥℥

*M. F. Emet.*

Quod hauriri jubeo tempore pomeridiano, duabus horis post leve prandium. Verum quò tutius, ac felicius vomitio subsequenda succedat, illud etiam in mandatis habetur, ut *Zythogale* ℥vj. vel viij. sint in promptu, quippe quòd periculosa sint ista medicamenta nisi copiose diluantur: Ideoque quoties vomuerit æger, aut alvum exoneraverit, è vestigio sumendus erit haustus: quo facto, & inania illa tormina præcaventur, & vomendi conatus auspiciò procedunt.

Sæpè miratus sum dum fortè materiam vomitu rejectam aliquando curiosè contemplabar, eamque neque mole valde spectabilem, nec pravis qualitatibus insignem, qui factum fuerit ut ægritantum levaminis exinde senserint; Nempe vomitu peracto, sæva illa symptomata (nausea v. c. anxietas, jactationes, suspiria luctuosa, linguæ nigredo, &c.) quæ & ipsos excruciarant, & adstantes perterrefecerant, mitigari solent ac solvi, quòdque morbi reliquum est *εὐθυμας* tolerari.

Illud hîc loci non omittendum erit, Si ægri conditio utrumque auxilium postulaverit (Venæ-sectionem intelligo, & Vomitorium) tutum omnino esse, ut Venæsectio, Emetici exhibitionem præcedat; aliàs enim dum vasa sanguine distenta sunt, periculum imminet nè ex violentis illis vomendi conatibus vel rumpanitur vasa pulmonum, vel Cerebrum lædatur,

affuso cum impetu sanguine atque effuso, adeoque æger Apoplexiâ correptus pereat. Cujus rei quamvis historias aliquot commemorare possim; illis tamen hic superfedere visum est, monuisse contentus maxima hac in re cautela utendum esse.

Siquis autem quærat, quo tempore Febris Vomitorium exhiberi velim; dico, In ipso planè Febris initio, siquidem optio daretur, Emeticum propinarem: ita enim fiet, ut ab horrendis illis symptomatibus, ex humorum in ventriculo, locisque vicinis delitescentium illuvie ortum ducentibus, ægrum præmuniamus; immò verò & fortasse in ipsis quasi incunabulis opprimamus morbum, qui alias cum ægroti periculo grandesceret, ac longævus evadet: nutritus nimirum dictis illis humoribus, qui vel substantiâ suâ in penitiores corporis partes transmissi cum sanguinis massa commiscentur, vel ex ipsâ mora peiores facti, atque venenatâ pravitate inquinati, ex foco suo jugiter pertranseunti sanguini malignam auram affabunt. Hujus rei (nè longiùs abeamus) Cholera morbus exemplum nobis exhibet; fit enim aliquando ut intempestiva opera vomitum in illo morbo cohibere satagentes (sive illud Laudano fiat, sive adstringentibus medicamentis) eo cohibito non minus periculosam malorum catervam invehant. Humores enim acres corruptique, quorum exclusionem rantispermittere oportuerat ut satis evacuarentur, hoc pacto repulsi, vires suas, ac sævitiam in sanguine exercent, febrémque accendant, quæ ut mali moris, & gravibus symptomatis stipata esse solet, ita nisi propinato Emetico, tolli vix poterit, etiam ægro jam nè quidem vomituriante.

Quòd si nobis (ut sæpe fit) serò accersitis non liceat Emeticum propinando, ægrorum saluti sub febris initium consulere; certè tamen convenire existimaverim ut quovis morbi tempore illud fiat, modo vires



Cap. IV. HUIUS CONSTITUTIONIS. 25

vires eò usque morbus non attriverit, ut Emetici vim ferre jam amplius nequeant. Equidem ego die febris duodecimo vomitum imperare non dubitavi, etiam cùm æger vomiturire desisset, neque sine fructu: Eò namque Diarrhœam sustuli, quæ sanguinem in peragendâ despumatione impedit; quin & ferius idem facere minimè dubitarem, nisi virium attritarum ratio prohiberet.

Vesperis, celebratâ jam vomitione, semper illud ago ut tumultum ab Emetico in humoribus excitatum consopiam, & quietem conciliem; ideòque sub noctem, vel horâ somni Paregoricum quempiam haustum exhibere jubeo. Ex. gr.

℞. *Aq. papav. rhæad.* ℥ ij.

*Aq. Mirab. & syr. de mecon. aa* ℥ iij.

*Syr. papav. errat.* ℥ ss

*M. F. Haustus.*

At si vel ob copiosam sanguinis jacturam, quam curationis decursu passus est æger, vel ex vomendi frequentia, dejectionibusque in Emetici hujus usu factis, vel ex præsentis ejusdem *ἀνωπεξία*, vel ex debilitate ejus, vel ex Febris jam declinantis vetustate, nullum jam super sit in posterum concitandæ nimis Ebullitionis periculum; tum metu procul habito, vice haustus præscripti, Diascordii fatis largam dosin vel impermixti, vel aquæ alicui Cardiacæ sociati exhibere jubeo. Præclarum sanè Medicamentum, modò eâ quantitate exhibueris, quæ remediî potiùs quam tituli mensuram impleat.

Hic autem loci, priusquam de Emeticis dicendi finem faciam, prætereundum non est, omninò tutum non esse Vomitoria ex infus. Croc. Metall. parata puerulis, ullisve infra adolescentiam constitutis, vel minimâ quantitate exhibere. Optarem equidem ut illius loco alia nobis tutiora, sed fatis interim efficacia

suppeterent, quæ humorem hunc, in febris declinatione, ferè semper, Diarrhœam minitantem, radicibus extirpare possit; vel saltem ut medicamento aliquo idoneo acrem istam materiam, ejusque vim corrosivam ita mutare liceret, ac retexere, ut commovere Diarrhœam nequiret. Sæpius profectò mihi molestum illud accidit, quòd ad infantes, puerosque febre correptos, accersitus, indicationem conspexi, quæ quidem medicamento usum suscipit, cujus ope extra periculum collocari potuissent, quod tamen exhibere; veritus infælicem exitum, non sum ausus. Verùm in adultis nullam inde noxam hæctenus observavi, modò cum cautionibus prædictis Emeticum propinetur.

Vomendi exantlato negotio, illud mecum ulterius disquirere soleo, utrum evacuationibus prægressis non obstantibus, sanguis etiamnum adeò exæstuet, ut illius effervescentiæ limites adhuc ponendi sint, ac sufflamenti addendum; an verò eò usque elanguerit ut indigeat incitamento; vel denique, an Fermentatio ad gradum idoneum, ac debitum reducta permitti sibi absque ægri periculo possit. De horum singulis nonnulla mihi dicenda sunt.

I. Itaque si sanguis eousque exæstuet ut meritò adhuc suspicari liceat, ægrum vel Phrenitidi, vel alii alicui molesto symptomati, ex nimia sanguinis ebullitione prognato, obnoxium esse, postridie Emerici exhibiti *Enema* præscribo, idèmq; repeti, pro re nata jubeo; quo sæpe fit ut sanguine nonnihil ventilato refrigeratòque, illius effervescentia satis compescatur. Interdum tamen usu venit, ut Venæ-sectionem etiam semel adhuc atque iterum repetere necesse sit, nempe in temperamentis admodum sanguineis, & ætate florentibus, aut in iis qui nimio vini usu, inflammatoriam quandam diathesin sanguini suo impresserunt. Verùm plerumque tanto, tamque insigni remedio  
( quale

(quale quidem est repetita Venæsectio) non opus est; ac proinde, si prædictos casus exceperis, effervescentiam illam Enematum adminiculo satis reprimeamus. Quare si sanguis nimium æstuet, atque effervescat, alteriis diebus Clysterem injici jubeo, idque ita fieri ad decimum usque morbi diem vel circiter. Veruntamen si magna vis sanguinis missa fuerit, vel æger sit ætate provec̄tâ, tunc temporis Enemata nulla impero, etiam si sanguis multum efferbuerit. In his etenim casibus, uti metuendum non est, ne omissis Clysteribus, ebullitio concepta eò usque procedat, ut insignis alicujus, & infesti symptomatis periculum immineat; ita certissimum est, eorundem usû sanguinis robur, ac vim, atque (ut ita dicam, etsi minus propriè) tonum relaxari, eatenus quidem ut, in senibus præcipuè (neque enim illis Enemata tam prospere ac juvenibus cedere solent) Naturæ opus interturbetur, atque impediatur. Quod si vena secta quidem fuerit, sed non multum sanguinis emissum, tunc, uti dixi, Clysteres adusque decimum, plus minus diem impero; nonnunquam etiam adusque duodecimum; quod in illis præsertim obtinet, quibus sanguinem demere non audeo. Sunt enim, qui post Intermittentes Autumnales (sive Tertianæ fuerint illæ sive Quartanæ) febribus continuis, ex purgationis, in præcedentis morbi sine defectu, corripiuntur; His si sanguinem miseris, periculum est, ne sedimentum illud, quod prægressa fermentatio deposuerat, in massam sanguineam resorbeat, novasque turbas excitet: Venæsectionis itaque loco, rebus ita se habentibus, Clysteribus utor, & quidem ad diem usque duodecimum, modò æger sit juvenis, atque fermentatio nimis exaltata.

2. Verùm è contrario, sive Venæ-sectionem adhibueris, sive omiseris, si sanguinis effervescentia nimis elanguescat, adeoque stimulo egeat, ne Naturæ

juvandæ impar fuerit; tunc equidem à Clysteribus etiam ante diem decimum, multoque magis eo præterlapso, profus abstinendum arbitror. Quorum enim jacentem jam, & nimis elanguidam fermentationem ulterius compefcere atque reprimere conaremur? Quod si verò post tempus illud, in morbi nempe declinatione, Clysteribus utaris, profectò non minùs absonum id fuerit, atque ab omni ratione alienum, quàm si quis effervescenti Cerevisiæ nimis amplum spiraculum aperuerit: Etenim aperto illo spiraculo præpeditur Natura, quo minùs ad morbificæ materiæ separationem unitis viribus incumbat, postquam igitur vel mediantibus evacuationibus idoneis, atque opportunis, æγες ζζω βελαν positus fuerit, quantum ad illa symptomata attinet quæ ex nimia ebullitione nascuntur, vel morbus jam declinaverit; quantum magis astrictam illi alvum præstitero, tantò magis eam extra periculi aleam colloco: nempe febrili materiâ ad sui concoctionem suaviter ac blandè propendente; Quocirca si præcedentes evacuationes, sanguinæ massæ quasi laxitatem quandam induxerint, vel inducere minentur, vel æger ante debitum tempus febre levatus fuerit, vel etiam febris ad ultimam suam periodum pervenerit, non solùm Enemata procul haberi volo, sed & Cardiacorum opem atque auxilium suggerendum arbitror, atque mox ad alvum adstringendam memet accingo.

*Cardiaca* verò quod spectat, quoniam usu mihi compertum est, eadem propter nimis exhibita non contemnendam noxam inferre (venâ scilicet nondum sectâ metuendum est ne materia cruda adhuc existens in Cerebri membranas &c. aut pleuram decumbat) idèò curæ mihi semper est, ne *Cardiaca* exhibeantur, dummodo vel nihil omninò, vel parùm sanguinis emissum, nullâque alia insignior evacuatio facta fuerit, aut æger ætatis vigorem nondum exegerit; neque enim

enim video, quorsum sanguis ejus per se satis locuples, ulterius in ipsius perniciem ditesceret: Locuples autem atque opulentus satis est, neque succendiculis eget, quamdiu evacuationes insignes calorem ejus inlitum non postraverint. Hujusmodi ægris domi nascuntur Cardiaca, & quæ foris adduntur, aut frustranea sunt, aut etiam damnosa: quapropter ego vel nulla omninò, vel saltem levissima, permiserim. Interim verò si æger ex profusis evacuationibus lassus & languidus, vel ætate fuerit provectus, solenne mihi est, Cardiaca vel in ipso febris initio propinare: Morbi autem die duodecimo, negotio tunc temporis ad secretionem vergente, medicamentis calidioribus liberalius indulgendum censeo; (imò paulò maturius idem fieri potest, modò non metuendum sit, ne febrilis materia in partes principes præceps agatur;) Namque hoc tempore quo magis calefecerim, eò magis concoctionem acceleravero. Neque reverà cogitando assequi possum, quid sibi velint Medici, cum sua præcepta toties ingeminant, de remediis ad promovendam febrilis materiæ concoctionem administrandis, id quod in morbi initio accersiti sæpe faciunt: nihilominus tamen eodem ipso tempore medicamenta ejusmodi imperare non dubitant, quæ febrim scilicet attemperare possint. Profectò enim est Febris ipsa Naturæ instrumentum, quo partes impuras à puris secernat: hoc illa modo planè imperceptibili præstat ab initio, atque etiam in *duxu* morbi, verùm in ejusdem declinatione apertius, atque manifestius idem opus aggreditur, id quod ex urinâ cernere licet. Materiæ febrilis *concoctio* nihil aliud reverà significat, quàm peccantis materiæ à sana separationem. Hanc igitur ut acceleres, non fatagendum nescio quibus, attemperantibus, sed Febris effervescentia tamdiu permittenda est, quamdiu salus ægrorum passa fuerit; cum autem finem spectat, atque de-

clinationem, secretionem jam conspicuâ, tunc quidem calidioribus medicamentis illam à tergo insequemur, ad rem eo celerius ac certius perficiendam. Atque hoc reipsa est, febrilis materiæ concoctionem promovere; cum evacuationes, & refrigerantia moras neccant, & curationem impediunt, ipsamque sanitatem jam appropinquantem abigunt, uti sæpius à me fuit observatum.

Si fermentatio satis progrediatur, despumatio circa diem decimum quartum perageretur: Verùm si refrigerantia quælibet seriùs adhibueris, atque ita eorum ope effervescentia sufflaminetur, mirum non est, si febris ad diem vicessimum primum, quin & in effectis corporibus male tractatis multò longius excurrat.

Illud porro observatu dignum est, quandoque accidere, ut æger Clysterum, aliorumve cathartico- rum usu circa declinationem morbi intempestivè præscriptorum, parùm alleviari videatur, imò nonnunquam apyrexia omnimodâ frui; post diem autem unum alterumve senties, non tam pristinam febrim vires suas redintegrâsse, quàm novam accendi; rigor nimirum, atque horror subito invadet, quem mox excipiet calor atque febris, idem stadium (nisi forsan in intermittentium classem se reponat) decursura, quod in præcedentibus monstratum fuit. Cum ita se res habeat, non aliter tractandus est æger, quàm si antea febre non detentus fuisset, verùm quoad res agendas calcata jam vestigia repetenda; despumatio enim, quæ ceptæ jam ebullitioni debetur, non nisi prædicti temporis, scilicet 14 dierum spatio perageretur, utcunque molestum fuerit ægro, à prægresso morbo satis jam debilitato, eousque sanitatem expectare.

Cardiaca, quæ adhibeo, passim sunt ejusmodi, quæ statim subindicabo, quorum *moderatiore* utor

Cap. IV. HUIUS CONSTITUTIONIS. 31

in morbi principio, æstuatione maximè fervente; gradatim ad usum calidiorum, juxta morbi progressum, vel ebullitionis gradus pergens; semper memor licere, siquidem multum sanguinis missum, vel æger senex fuerit, ut Cardiaca tortiora administrantur, quàm cum vel nulla præcesserit Venæsectio, vel æger ætate floruerit.

*Moderata* autem illa, quæ dixi, Cardiaca fiunt ex aquis stillatitiis (*verb. gr.*) Borag. Citr. Scord. compos. fragor. Theriacal. cum admixtis Syrup. Melisso-phyll. Fernel. Caryophyll. & de succo Citr. &c. fortiora verò ex pulver. è Chel. Cancror. Comp. Bezoar. Confect. de Hyacinth. Theriac. Androm. aliisve ejusdem indolis. Quæ sequuntur in frequenti usu sunt.

℞. Aq. borag. citri, Scordii compos. & cerasor. nigr.  
aa. ℥ij.

Aq. cinamomi bordeati ℥j.

Margarit. præparat. ℥ij.

Sacchari crystallini ℥jss

Misce, sumat cochl. iij. sæpius in die, præcipue in languoribus.

℞. Aq. totius citri, & fragor. aa. ℥ iij.

Aq. cord. frig. Saxon. ℥j.

Aq. theriac. stillat. syr. melisso-phyl. Fernel. Caryophyll. & de succo citri aa ℥ss

Misce, f. Fulapium, de quo capiat sæpius.

℞. Pulv. è chelis. cancerorum compos. lap. bezoardici Oriental. & Occidental. contrayervæ aa ʒj.

Fol. auri n. j.

Misce, f. pulvis subtilissimus:

Capiat ad quant. gr. xij. quoties opus fuerit; ex syr. è succo citri, Caryophyll. aa ʒij. superbibendo cochl. aliquot Fulap. præscript.

℞. *Aq. theriac. stillat.* ℥ iij.

*Semin. citri* ℥ ij.

*Contundantur simul & s. Emulso.*

*Colaturæ adde sacchari perlati q. s. ad gratum saporem.*

*Sumat cochl. ij. ter in die.*

Plures verò formulas recensere supervacaneum arbitror, quoniam & innumeræ sunt aut esse saltem possunt, & in morbi decursu juxta varia ejus tempora, ac diversa symptomata, variandæ sunt.

3. At si Fermentatio neque nimium æstuet, neque langueat, eam in isto gradu relinquo, nec ullis remediis utor, nisi ægrorum vel amicorum, quibus stipantur, importunitas à me aliquid extorqueat, quod ipsis citra instituti, & scopi mei fraudem placeat.

Atque hoc loco non prætermittam, me sæpius ad *tenuis conditionis homines*, quorum crumena prolixo apparatusi Medico ferendo non erat, accersitum, nil fecisse aliud post Venæ-sectionem, & vomitionem peractam (liquidem eas postulasset indicatio) nisi quod ipsis præscriberem, ut toto morbi tempore lecto defixi, non nisi juscula avenacea, & hordeacea vel similia haurirent; tenuem cerevisiam (dempto frigore) moderatè biberent ad sitim sedandam; & versùs febris finem, coeptà jam separatione, liquidem segnior esset, ad eam juvandam fortiorem subinde potum, Cardiacorum loco, bibere ipsis permisi: Atque ita sine ulteriore aliquo apparatu, nisi quod leve Catharticum in fine morbi addere soleam, eos salvos, & incolumes dimisi.

Sed ut ad institutum meum revertar, si prædicta methodus sollicitè observata fuerit, usitatò circa 15 diem, tum ex laudabilis in Urinâ separationis signis, tum etiam ex manifestâ omnium symptomatum remissione, percipio tempestivum tunc esse potionem purgantem exhibere, quæ sedimentum è prægressa ferment-



fermentatione hic illic depositum subducatur; quod nisi tempestivè factum fuerit, periculum est, ne in sanguinis massam remigret; ejusdemque febris recidivam conciliet, vel etiam sua in partibus naturalibus, ad quas amandatum fuit, morâ, in mineram, tenacium deinceps in corpore malorum feracem abeat. Nimirum, separatione jam factâ, humores crassi ac impuri ex arteriis sanguini in venis refluo, immixti, regressum ejus faciliè impediunt, ex quo varia obstructionum ac tandem fermentorum genera nascuntur.

Ubi tamen animadvertendum, non adedè planè necessarium esse post febres Vernales, atque post-Autumnales purgationem celebrare; idque propterea quod sedimentum à Vernalibus depositum tum copiâ, tum qualitate terrea, malignaque ab autumnali superetur. Quod ipsum etiam in Variolis obtinet, multisque morbis aliis Verno tempore grassantibus, in quibus Purgantium ommissio non tam grave periculum (quod ego quidem observaverim) quàm in casibus prius memoratis, inferre solet.

Et sanè non multùm is à veritatis scopo aberraverit, qui affirmaret ab hoc capite (purgandi scilicet post morbos Autumnales omissione) plurimum morborum colluviem, quàm ab ullo alio, quo demum cunque causarum fonte, dependere.

Si valdè debilis sit æger, vel alioquin perfecta adedè depuratio facta non fuerit ut audactè possim purgans exhibere die decimo quinto, rem differo ad decimam septimam; quo tempore sequentem, vel similem, pro ratione ægri virium, potionem propino.

℞. *Tbamarind.* ℥ ss

*Fol. sennæ* ℥ ij.

*Rhubarb.* ℥ ss

*Coq. s. q. aq. Colaturæ* ℥ iij. *dissolve mannae* &

*syr. rosac. aa* ℥ j.

*Misce f. potio cap. mane.*

Pur-

Purgatione peractâ, ægrum, hæcenus lecto, ex præscripto meo, defixum, surgere, & paulatim ad pristinam victûs rationem reverti jubeo. Ea quippe, quam ad hoc usque tempus præscripsi, eadem prope modum est cum illa quam modò commemorabam; Uti juscula avenacea, & hordeacea; panatellæ ex pane & vitello ovi, in aquâ cum saccharo confectæ; juscula tenuia ex decocto pulli; Cerevisia tenuis lupulata; cui quandoque æstuante ardore Febrili, immisceri potest succus Aurantium recens expressus, & super ignem ad cruditatis tantummodo sublationem coctus; & his similia; quamvis juscula Avenacea sint instar omnium. Negare verò cerevisiam tenuem, quæ subinde in mediocri quantitate sumatur, severitas est minimè necessaria, imò sæpenu- merò etiam detrimentosa.

Accidit interdum (maximè in senibus) ægrum Febrî jam curatâ, & corpore satis jam superque purgato, nihilominus valde debilem esse; & quandoque tussi, interdum etiam screatu, magnam glutinosi, viscosique phlegmatis copiam expectorare: quod symptôma non tantum ægro terrorem injecit, sed & ipsi Medico, præsertim minus cauto, imposuit, eumque in opinionem induxit, quasi affectus iste Phthisi viam sterneret; licet observaverim ego, rem aded periculosam non esse. Hoc in casu ægrum jubeo Vinum Malaganum annosum, vel Falernum, sive Muscatum, cum pane tosto ei immisso, bibere; quod crasim multum prægressâ æstuatione sanguinis debilitati (proindeque nuper-ingestorum succis assimilandis impari) corroborans, symptôma illud paucorum admodum dierum spatio adigit, ut crebrâ experientiâ mihi constat.

Hæc ipsâ, quam proposuimus ratione, ægrum à multis affectibus, symptomatibusque, quæ malignitati tribui solent, tutum præstabimus; cum nihil ma-

gis solitum sit Medicis in arte suâ minùs exercitatis, quàm, quando medicamentis nimis refrigerantibus, vel usu Enematum intempestivo, crasin sanguinis ita relaxârint, Naturâque in perficiendâ sanguinis depuratione adedò debilitarint, ut animi deliquia, aliâque symptomata (quæ genuina sunt ejusmodi impedimentorum arte positorum effecta) contingant, *malignitati* culpam transcribere: at si diurnitas inquam abierit morbus, eum ab hoc vitio vindicet, tum quicquid eos in medelâ deinceps fatigat, id *Scorbuto* acceptum referunt: quamvis reipsâ neque symptomata, quæ accidebant, quamdiu vigebat morbus, *malignitatis* erant effecta, neque ea, quæ contigerunt in declinatione ejus, *Scorbuti*, sed utrumque rei malè gestæ debetur, quemadmodum crebrò id à me observatum est.

Non quod ego, aut quisquam alius, qui Morborum historiam vel delibaverit, nescius esse possit, Febres esse, quæ non intemperie solâ, aut putrido tantùm calore, sed etiam maligna qualitate (cujus signa evidentissima in ægris non possunt non apparere) consistent: vel etiam quod inficias eam, complicari aliquando cum Febre *Scorbutum* & complures alios morbos posse; hoc tantùm dico, has affectiones immeritò sæpe in litem vocari.

Si fermentatio sanguinis ritè processerit, fiet omninò materiæ morbificæ despumatio intra tempus modò dictum. At si remedia refrigerantia, vel Enemata seriùs exhibita fuerint, multò longiùs excurret Febri, præcipuè in hominibus grandævus, malè à medico curatis; ad quos quandoque accersitus, postquam Febri per quadraginta dies & ampliùs laboraverant, nihil non expertus fui quo despumationem sanguini inducerem: sed nempe usque adedò debilitatus erat sanguis, partim senio, partim enematibus, & medicamentis refrigerantibus, ut neque Cardia-

cis,

cis, neque ullis aliis corroborantibus remediis scopum meum assequi possem; sed vel illorum Febris, virium suarum tenax permanebat, vel alioqui, si adesse videretur *ἀπυρεξία*, vires ægrorum admodum prostratæ erant, & tantùm non emortuæ.

Aliorum autem remediorum successu frustratus, aliò consilium vertere sæpe coactus fui, cum successu non vulgari; nempe adolescenculorum vivum vegetumque calorem ægris applicando. Nec est quod quis multùm miretur, hâc methodo, licet inusitatâ, ægrum tantopere corroborari, naturamque debilitatam juvari, ut semet à materiæ fecernendæ, eliminandæque reliquiis exoneret; cùm proclive sit intelligere, insignem effluviorem vegetorum copiam à sano, & atletico corpore in corpus ægri exhaustum transfundi. Neque unquam comperi iteratam calentium linteorum applicationem ulatenus id præstare valuisse, quòd modò præscripta methodus præstitit, ubi calor applicatus tum magis est humano corpori congener, tum simul blandus, humidus, æqualis, perennisque. Atque hæc ratio, spiritus, & halitus, forsitan Balsamicos, in ægri corpus immittendi, ex eo quo ipse illam adhibui tempore, licet aliena primum videretur, ab aliis cum successu sælici fuit adhibita: neque profectò me pudet hujus remedii meminisse, tametsi petulci quidam homines atque arrogantes, omniaque vulgaria ingenti supercilio contemnentes, me forsitan hoc ipso nomine aspernabuntur. Ego enim proximi mei commodum, ac salutem vanis illorum opinionibus longè anteferebam censeo.

Methodus hæctenus enarrata, si quis illam prudenter, & cum destinato animi consilio observaverit, ægros, si non ab omnibus, saltem à plerisque molestis illis symptomatibus immunes præstabit, quæ hanc Febrem vel comitari, vel eidem supervenire

nire solent, quæque Medicum animi ancipitem, atque sæpè in curationis decursu consilii penè expertem reddunt, immò & illius curæ commissos non rarò è medio auferunt, etiamsi morbi natura mortem non interminari visa sit. Sed quandoquidem vel ægrorum culpâ, Medicum non satis opportunè accersentium, vel ipsius Medici minori uive peritiâ sive cautelâ, ejusmodi accidentia sæpissimè oborta cernuntur, non gravabimur peculiarem eorundem curam summam hic attingere; verùm ad ea tantùm symptomata me restringam, quæ, tametsi sæpenumerò præverti potuerint, modò viâ, atque ordine prædicto quis usus fuisset, cum tamen semel acciderint, diversam quandam, sibi que propriam curam postulant.

P H R E N I T I S.

Atque (ut hinc ordiar) si æger, vel calidiora medicamenta minùs properè atque intempestivè sumendo, vel calido nimis temperamento suâ naturâ fretus, in *Phrenitidem* prolapsus fuerit; vel (quod proximè illuc accedit) si non omninò dormiat, sæpe exclamet, aut inconditis vocibus utatur, si vultu ac loquelâ ferociat, si medicamenta, potùmve communem avidè & quasi rapim bibat, vel denique urinam habeat suppressam, in hoc, inquam, casu, liberaliori manu, quàm suprà indulsi, ad venæ sectionem, clysteres, ac medicamenta refrigerantia me accingo, verno tempore præsertim, (quo etiam aliàs symptomate hoc non apparente, juvenes atque vegeto calore præditi, ejusmodi auxilia sine multo discrimine admittunt) atque talibus remediis utens, ægrum eousque sustinere conor, donec in diuturnitatem aliquam affectus excurrat, quo tempore non admodùm difficile erit eum & à morbo & à symptomate unâ eâdemque operâ liberare: id quod fiet *Narcoticum* aliquod medicamentum in largiori paulò dosi  
exhi-

exhibendo. Quamvis enim febre vigente, quæ *vaporibus* vi prædita sunt non omninò profint, neque destinatum à Medico scopum feriant; tamen opportunè, & in declinatione morbi adhibita, præclaros effectus edunt: antea verò prodèssè non possunt, partim quia fermentationem vi atque impetu procurrentem hîtere nequeunt, etiam in maximâ dosi exhibitâ, partim verò (quod quidem majoris adhuc momenti est) materiæ peccanti tunc temporis massæ sanguinæ æquabiliter admistæ neque versus separationem adhuc vergenti; ab exhibitio hujusmodi medicamento manus injicitur, adeoque depuratio illa tantopere expetenda impeditur. Verùm sive hæc ratio sit hujus phænomeni, sive alia aliqua magis abstrusa, judicent illi, quibus animus atque otium est talia speculari. Interim ex fideli atque idoneo observationum plurimarum complexu rem ipsam certissimam esse pronuncio, *Laudanum*, vel alia quævis Narcotica in principio, augmento, vel statu morbi ad symptoma hoc levandum, vel non prodesse omninò, vel quod sæpe accidit etiam, obesse; verùm in ejusdem morbi declinatione eadem mediocri dosi adhibita non sine successu usurpari. Semel equidem Narcotico die morbi duodecimo usus sum, nec frustra; citiùs autem nunquam prosperè exhibitum novi. Quodsi autem illius usum ad decimum quartum usque diem distuleris, tanto magis proficuum evadet, separatione nempe perfectiori tum factâ. Neque verò hæc mora, tametsi forte astantes magnopere perterrefaciet horrendum hoc symptoma, mortem statim subinfert; cum sæpe observaverim, hanc rem plerunque inducias ferre posse ac solere, donec ad Narcotica descendere fuerit opportunum; saltem si caveatur nè *Cardiacis*, calidisque medicamentis adhibitis, intemperies coepta accendatur uberius, quo casu agri subitò pereunt. Narcotica, quibus  
 ego

Cap. IV. HUIUS CONSTITUTIONIS. 39  
ego uti soleo, sunt vel *Laudanum Lond.* ad gr. i. Vel  
sepius.

℞. *Flor. Paralyf. M. i.*

*Cog. f. g. aq. cerafor. nigr. Colaturæ ℥iij. Dissolve  
syr. de meconio ℥ ℞ succi limonum g. viij. vel x.  
Misce.*

Illud unicum hic addere placet, quod ad hanc rem  
observasse non inconsultum arbitror; nempe si sym-  
ptomata hoc eoque inducias ferat, ut æger ante  
assumptum Narcoticum commodè purgari possit,  
medicamentum illud tantò felicius effectum suum  
editurum. Quocirca ego imperare soleo *Pil. coch. ma.*  
*℥ij.* in *aq. Betonicæ* dissolut. atque hoc 10 vel 12 ho-  
ris ante Narcotici exhibitionem. Neque metuen-  
dum est à tumultu illo, quem calidior illa massa pil-  
aliàs excitare solet; subsequens enim Narcotici vis  
pensabit illas turbas, & quietem suavissimam, blan-  
dissimamque inducet.

Quod si vigilæ ultra febrem excurrant, cessanti-  
bus aliis symptomatibus, observavi, linteum in aqua  
*rosar.* immersum, & frigidè sincipiti, ac temporibus  
applicatum, plus quàm Narcotica quævis pro-  
desse.

#### T U S S I S.

Sæpe accidit, ægrum per totum morbi decursum  
*tussis* molestâ divexari; nimirum commotâ vehemen-  
tè ac tumultuante sanguineâ mole, omnibus jam ad  
seditionem & partium studia spectantibus, fit ut hu-  
mores quidam soluti, diffluentisque è massâ sangui-  
nis per vascula pulmonaria, vel etiam per diapedesin  
in trachæ membranam internam, teneriorem  
scilicet atque exquisito sensu præditam, transferan-  
tur: hinc *tussis* oboritur; quæ primò sicca est,  
quoniam tenuis adhuc materia vim exulticem elu-  
dit; mox crassescit, atque expectoratu difficilis  
evadit, eò quòd sensim febrili calore torreatur,  
E atque

atque affetur: hinc fit, ut suffocationis metu percellatur æger, utpote cui vires desunt ad lentam hanc viscidamque materiam tussi eliminandam. Ego in hoc affectu raro alio aliquo medicamento utor præter *oleum amygdalarum dulcium* recentè expressum, nisi forsitan acciderit (accidit autem aliquoties) ut ægrotus oleum profus aversetur; tunc enim vulgaribus illis pectoralibus, ut licet, opem ferre conamur. Interim oleum illud amygdalarum, siquidem illo per ægrum uti licuerit, Bechicis aliis anteponendum censeo, ob eam causam præcipuè, quòd cum necesse sit hæc liberalius, & majori quantitate exhibere, modò prodesse velimus, hoc pacto ventriculum jam satis superque debilem & ad nauseam proclivem oneramus; nonnunquam etiam eadem operâ præpedimur, nè reliqua, eodem ipso tempore transigenda, procuremus. Neque verò satis aut intellectu assequor, aut experientiâ edoctus sum, cur ab hujus olei, quod jam diximus, usu in febribus abhorreamus, eo quòd scilicet inflammabile sit, adeoque metuendum ne febrim adaugeat. Fac enim, illud suâ naturâ calidum esse, certè tamen calor ille tantus non est, ut aliundè non abundè pensetur: præceteris enim manifesta vi pectori conducit, aperitque vias, ac lenit, adeoque expectorationem promovet, quâ (præsertim si copiosior acciderit) tum exoneratur sanguis à molesto humore, commode jam excreto, tum eadem operâ nonnihil refrigeratur; adeoque me non admodum malè habet, siquando viderim symptoma hoc intercurrere, cujus beneficio non parum etiam ægro beneficii accedit. Illud unicum nunc moneo, unâ eâdemque vice tutum non esse, totis cochlearibus hoc oleum exhibere; periculum enim est ne & ventriculo nauseam & alvo fluxum inducamus: parcè itaque sed frequentè interdium, noctuque propinandum erit, quo non solum expectora-



Cap. IV. HUIUS CONSTITUTIONIS. 21

et oratione factâ tuffim leniemus, verum etiam, quod alicujus momenti est, attritas ægri vires blando nutrimento nonnihil solabimur.

NARIUM HÆMORRHAGIA.

Fit nonnunquam, ut hæmorrhagia narium superveniat; sive quòd medicamenta nimis calida in morbi initio fuerint exhibita, sive quòd ebullitio non satis coercita fuerit, ægro nempe, vel in florenti ætate constituto, vel anni tempestate coadjuvante. Hoc si fiat, non admodum juvabunt ea, quæ ad sistendum sanguinis motum vulgò fieri consueverunt, qualia sunt venæ sectiones, ligaturæ, medicamenta adstringentia, atque agglutinantia, vel etiam sanguinis acrimoniam temperantia, &c. quamvis enim pro Medicorum consilio, ac prudentiâ, his atque hujusmodi aliis uti liceat; in eò tamen cardo rei vertitur, ut idoneo aliquo medicamento sanguinis ebullitioni frænum imponatur, quod sistat, figatque illius impetum in præcipitia quæque ruentem. Verum quidem est, si symptoma seorsim spectetur, ea quæ supra enumeravimus (ac venæ sectionem potissimum) accommodata satis esse; nec ego ipse dubitarem, iisdem uti; sed nempe symptomaticis hujus causam (saltem si phlebotomiam exceperis) non satis attingunt, quam profectò non majori ratione per prædicta tollere, quàm si gladio ignem extinguere satageres. Ego itaque in hoc casu, frustra aliis tentatis, tale quidpiam adhibere soleo, quale nunc subnectam.

℞. Aq. portulacæ, & papaveris ceratici aa ʒijß

Syr. de meconio ʒvj.

Syr. paralyseos ʒß

M. f. haustus.

Nolim autem hæc ita intelligi, quasi hæmorrhagiam quamlibet ita statim curari velim; quin potius illa sæpe permittenda est, atque ægro plurimum professe potest; partim nimiam ebullitionem reprimendo;

partim etiam criticè aliquando morbum solvendo. Atque revera parum proderit huic symptomati frænium prædictum aptare, priusquam illud aliquantisper excurrerit, vel etiam priusquam vena in brachio secta fuerit. Illud diligentè advertendum est, hanc ipsam, atque alias omnes immodicas hæmorrhagias peculiare illud obtinere, quòd quamprimum illæ quomodocunque sedatæ fuerint, nisi leniens aliqua purgatio celebretur, metus est ne recidivam æger patiatur; proindeque purgandum erit, quamvis (si Febris tempora spectentur) serius aliquanto id fieri soleat, atque debeat, nisi symptoma hoc accederit.

## SINGULTUS.

Hoc symptoma plerumque senibus accidit post copiosas evacuationes, vel per secessum ex diarrhœa, vel maximè per vomitiones, atque sæpenumero mortem præ foribus adesse denunciat. Ingenuè fateor, me mihimet ipsi de *Singultus* causa disquirenti satisfacere non posse; nihilominus observavi, sæpe illum ex turbis, ac tumultu ab asperioribus medicamentis in ventriculo, locisque vicinis excitato, ortum ducere, quibus sedandis atque in pristinam pacem reducendis cum naturæ vires non suffecerint, fit ut ingens periculum immineat: proindeque consentaneum existimavi, curam eo derigere, ut quod natura per se nequibat, artis adminiculo suffulta perficeret. *Diascordium* igitur largâ dosi exhibitum, nempe ad ℥ij. à scopo meo non aberravit; cum *semine anethi*, aliisque, quæ tanquam specifica decantantur, usus nihil profecissem.

## DIARRHŒA.

Si in morbi hujus decursu *Diarrhœam* abortam conspexeris, quæ (uti jam alicubi suprâ notavimus) accidere tum solet, cum in morbi initio vomitorii propinandi indicatio se obtulit, neque tamen illud propinatum fuit; dico in hoc casu convenire, ut quo-

quovis morbi tempore (nisi vires contraindicaverint) emeticum exhibeatur, etiamsi jampridem illa ad vomendum propensio præterierit. Quoniam autem hac de re satis, opinor, in superioribus pagellis à nobis dictum est, illud hoc in loco duntaxat annectam, quid factò sit opus, si exhibito licet emetico nihilominus *Diarrhœa* supervenerit. Quod tamen oppidò rarum est, nisi in Febre verè malignâ, ubi vomitorium, hoc symptoma non solum non impedit sed quandoque creat; quod notatu dignum est. Itaque cum sic se res habuerit, præ quibusvis astringentibus hujusmodi clysterem profuisse comperi.

R. Cort. granator. ℥ ss

Ros. rubr. p. ij.

Coq. in lactis vaccini s. q. Colatura ℥ ss dissolve  
Diascordii ℥ iij.

M. F. Enema.

Non suaserim ut majori quantitate Clysterem injicias, quamvis enim propriâ vi adstrictionem polliceatur, metuendum tamen est, ne suâ mole lacefsat intestina, adeoque fluxum alvi, quem consopire animus erat, uberiùs provocet.

Sed forsitan objiciet his aliquis, magis è re videri, ut, præsertim declinante morbo, diarrhœam, si quidem acciderit, permittas potiùs quam sistas, quandoquidem fluxus ille alvi nonnunquam criticus est, morbumque solvit. Respondeo, me non injicias iturum, fieri aliquando, ut Febris per hanc portam sibi viam faciat, atque effugiat; verùm illud rariùs accidit, quàm ut illius spe quicquam moliamur: quin & ratio illa, quâ de medelâ Februm universim loquuti, fluxûs hujusce sistendi necessitatem ostendere conati sumus, etiam hic omnino locum obtinet. Nunc autem illud addendum est, meâ quidem sententiâ animadversione non indignum, nempe ad genuinam sanguinis depurationem non tantum ne-

cessariam esse illam quarundam partium secretionem, quæ per *fæces* fit, sed requiritur etiam ut fecerantur aliæ, tanquam *flores*, id quod in aliis etiam liquoribus opulentis atque heterogeneis quotidie cernimus. Itaque si Diarrhœæ nimium indulseris, mediam solummodo depurationem, tantopere expectatam, procurabis atque etiam forsân, quod postremo in loco rejiciendum erat primò excernetur. Fateor e quidem separatione illâ per flores jam facta (quæ, ut obiter id attingam, sensim, & sine sensu peragi solet, atque plerunque paulo pleniori *Αγρω* potius quàm sudore manifesto) Diarrhœam, si forte acciderit, periculi non multum interminari: Sciendum tamen est, illam tum non aliunde accidere, quàm quòd purgatio subducendis fæcibus dicata, non opportunè exhibita fuerit; quæ quidem fæces morâ suâ fermenti alicujus maligni indolem adeptæ, intestina jam ad excretionem irritant, stimulantque; ut omittam dicere, liquidissimam illam excrementorum consistentiam (tali enim formâ plerunque visuntur) fatis indicare ea pro criticâ morbi solutione habenda non esse,

## I L E U S.

Forsân etiam intersymptomata Febribus supervenientia recenseri potest *Iliaca passio*, eo quòd vomitus enormes qui initio Febrium accidere solent, huic occasionem quandoque subministrant.

Horrenda hæc affectio est, & huc usque omnium fere judicio funesta, ex intestinorum motu inverso, ac præpostero originem ducens. Nimirum intestinorum fibræ, quæ à superioribus versus inferiora contrahi debent, contrahuntur ad superiora, & quæcunque in intestinis continentur non versus alvum sed ventriculum protunduntur, & impetu factò ad os regurgitant; adèd ut Enemata, quantumcunque acria, emetica evadant, uti etiam cathar-

thartica per os assumpta per vomitum subito excernuntur. Et, meâ quidem sententiâ, exquisitus ille, ac intolerandus dolor huic morbo superveniens, non aliunde oritur quàm ex præpostero intestinorum motu modo dicto. Cùm enim sinus illi quos multiplices intestinorum circumvolutiones constituunt, ita à naturâ formati sint ut ad descensum fæcum quàm aptissimè conducerent, cùm ii, inquam, motui suis fibris contrario cedere cogantur, exoritur inde prædictus dolor; qui quidem uni parti instar terebelli infigitur, cùm aut valvula quæ ad initium coli apposita excrementorum ad ileon regressum impedit, aut alia quævis membrana ad sinum pertinens, vim hujus præposteri impulsus sola sustinet.

Hujus verò inversionis unde dolor ille exoritur duplicem causam assignare licet. Obstructionem nempe, vel irritationem.

Primo igitur quæcunque intestina vehementer obstruunt ut nihil per inferiora descendere valeat, hunc contrarium in intestinis motum ut producant necessè est, & nemini non notum. In horum censum ab Authoribus referri solent fæces induratæ, flatus crassi magnâ copiâ collecti, ac intestina velut in nodum convolventes, constrictio intestinorum in hernia, inflammatio denique, alique tumores magni, qui cavitatem internam intestini occludunt. Interim verò haud negandum quòd motus contrarius hisce causis originem debens, potius ingestorum, quàm intestinorum motus habendus, neque hæc totius intestinorum ductus inversio est, sed illorum tantùm quæ supra sedem istius obstructionis sita sunt. Quam ob causam *æffectio iliaca* hinc præfecta, à me *notha* appellatur.

Secundò verò opinor, quòd in affectu iliaco causa inversionis peristaltici intestinorum motus ut plurimum ita se habet. Nimirum ex tumultuante sanguine

ne in Febre nuper conceptâ , in ventriculum & proxima intestina deponuntur humores acres & maligni , ex quibus ventriculus primò motum suum invertere ac violento impetu materiam molestantem in eo contentam per os rejicere cogitur : Ventriculi tandem motui validiori , intestina tenuia ipsi continua jam debilitata cedunt , & cum his demum *majora* in consentum trahuntur , vomituriente ventriculo quasi choream ducente. Hunc affectum *verum ileum* voco , & ille hujus loci est. Methodus eum curandi hactenus fere incognita fuit , quicquid nonnulli jactent de usu *argenti vivi* , & *globulorum* , quæ præterquam quòd parum conducunt , noxam sæpe haud contemnendam inferunt. Ego cum felici successu hæc methodo utor.

Quando liquet ex Clysteribus per os rejectis & aliis signis *verum esse ileum* , tunc in hæc tria enitor.

1. Ut contrarius iste ventriculi motus , qui similem motum in intestinis efficit , impediatur.
2. Ut intestina acri humore debilitata corroborentur.
3. Ut ventriculus ac intestina ab istis humoribus liberentur.

Quibus indicationibus ut satisfaciam , curationem hoc ritu instituo. Primò *salis absinthii* ℞j. ex cochleari uno *succi limonum* mane , & serò sumendum præscribo , intermediis vero temporibus *aque menthæ stillatiæ* sine saccharo , aliove quovis additamento cochlearia aliquot bis quaque horâ propino , cujus vel folius repetito usu & vomitus & dolor ex eo natus subito evanescunt. Dum hæc fiunt *catulum viventem* nudo ventri indefinenter accumbere jubeo. Postquam verò dolor cum vomitu per spatium diei unius , vel alterius omnino cessaverit , tum *pil. coch. ma.* ℞j. in *aqua menthæ* , dissolutam exhibeo , quam etiam aquam (quò certius vomitus recursum prævertam ) toto cathartico tempore sæpius sumendam injungo. Neque catulus removendus antequam usum pilularum æger aggrediatur.

Oblser-

Cap. IV. Hujus Constitutionis. 47.

Observavi frustra pilulas istas vel quodvis aliud catharticum, utcunque forte, propinari, donec ventriculo corroborato, atque adeo ad motum naturalem reducto, intestina etiam ad proprium motum æquè reducta fuerint. Alias enim cathartica omnia intus assumpta emetica evadent, & plus damni quàm commodi inferent. Inde est quod remediis purgantibus viam facere non aggredior donec per spatium quoddam medicamenti istis ventriculum respicientibus usus fuerim.

Victum valde tenuem ægro præscribo, ita ut non nisi cochlearia aliquot jusculi ex pullo Gallinaceo parati forbenda bis vel ter in die permittam. Interim verò ut per totam ægrotationem in lecto decumbat juveo, donec perfectæ sanationis signa appareant, ac etiam post sanationem per longum tempus in prædictæ aquæ usu persistere & laneis duplicatis ventrem à frigore bene defendere impero, quo minus recidiva fiat, cui hic affectus præ omnibus aliis est obnoxius.

Pauca hæc universam meam in curando hoc affectu methodum exhauriunt, quam à nemine consulto ob simplicitatem suam & splendidioris sive verborum sive pharmacorum apparatus defectum aspernatum iri confido.

Atque hæc sunt illa symptomata, quæ in febre hac occurrere solent. Sunt autem & alia quædam, quibus memorandis nunc supersedebimus, partim quidem, quoniam ea minoris momenti sunt; partim verò, quòd peculiarem nullam curationem postulent, febre enim ritè tractatâ sponte sua cessant.

De Febre continua hujus Constitutionis, ac de symptomatibus ejus hæcenus.

CAP. V.  
*Febres Intermittentes.*

Quandoquidem, ut jam sumus præfati, quæ prædictos annos omnes Constitutio pervalit, producendis omnium generum *Intermittentibus* tam egregiè favit, quas tum de illis feci observationes haud indiligentes, hic impertiam: Addam insuper & quæ de paucis illis intermittentibus observavi, quæ ab illo deinceps tempore sporadicè contigerunt, quò minùs orationis filum insequentium deinceps annorum historiam complectentis, cogar intercidere.

Primo loco, quò naturam illarum atque genium conjecturâ saltem assequamur, advertendum est, quòd in paroxysmis Februm intermittentium hæc tria tempora spectanda sunt. 1. Tempus *Exhorrescentiæ*. 2. Tempus *Ebullitionis*. 3. Tempus *Despumationis*. Et quidem ad *exhorrescentiam* quod attinet (ut de his rebus summatim loquar) ego illam exinde oriundam arbitror, quòd materia Febrilis, quæ nondum turgescens à massa sanguinea utcunque assimilata fuerat, jam tandem non solùm inutilis verùm & inimica naturæ facta, illam exagitat quodammodo atque laceffit: ex quo fit ut naturali quodam sensu irritata & quasi fugam molita, rigorem in corpore excitet atque horrorem, averfationis suæ testem & indicem. Eodem planè modo, quo potiones purgantes à delicatulis assumptæ, aut etiam toxica incautè deglutita, horrores statim inferre solent, aliaque id genus symptomata. Natura itaque hoc pacto irritata (ut ad tempus *ebullitionis* jam transeamus) quo faciliùs hunc hostem à suis cervicibus depellat, *fermentationem* aggreditur, solennem nempe machinam, quâ in Febris & quibusdam aliis acutis morbis uti consuevit, cum sanguinis molem ab intestinis inimicis



cis liberare conetur: hujus enim effervescentiæ beneficio disjunctæ peccantis illius materiæ partes, bene sanguini æquabiliter admixtæ fuerant, aggregari quodammodo incipiunt, atque adeo leviori operâ subigi possunt, ut ad despumationem opportunæ evadant. Et quidem ut hoc fiat, vel ex eo plurimum referre constat, quod qui ex Febris Intermit- tentibus moriuntur, siquidem in paroxysmo per- eant, in primo illo tempore (*exhorrescentiæ* scilicet) fato fungantur, nam si ad tempus effervescentiæ per- tegerint, saltem pro illa vice non moriuntur. Atque per hæc duo tempora res ægrorum in angusto ver- santur; quibus elapsis, tertium tempus quod *despu- mationi* dicatum est, insequitur, quo succedente, symptomata omnia primò leviora fiunt, atque tan- dem planè evanescent. *Despumationis* autem nomine nihil aliud significatum volo, quàm materiæ Febrilis jam subactæ, & quasi devictæ, expulsionem, seu separationem; atque illud quod separatur, partim (ut in aliis liquoribus cernere licet) *florum*, partim *facum* rationem & sortem obtinet.

His ita positis, videamus quomodo fiat, ut red- eat Paroxysmus, quandoquidem ægrorum fors in vado jam constituta videtur. Nimirum Febrilis ma- teria nondum tota emigravit, sed quemadmodum apud Embrya stans temporibus sensim succrescent, ita latens hæc materia pro typorum ratione denuò ca- put effert, ac novum negotium naturæ faceffit, idem stadium decurrens quod in præcedentibus modò o- stendimus. Nunc autem si quis à næ causam quæsi- verit, cur fomes ille delitescens effervescentiâ præ- cedenti non satis subactus, ac proinde cum reliqua materiâ peccante non expulsus, proindeque novas tragœdias daturus, non eodem modo in omni Febre intermittenti progrediatur (nam nunc unum, nunc duos, nunc tres dies exigit, priusquam ad maturita- tem

tem perveniat novumque Paroxysmum excitet) de hac re, inquam, si quis mihi negotium exhibeat, ego plane me nescire fateor. Neque verò quisquam alius, quod sciam, in hæc causa tam præclare se gessit, ut arcanum hoc opus naturæ satis enarrasse videatur. Ego Philosophi nomen non ambio, & qui titulum illum se mereri existimant, atque me fortassis hoc nomine culpandum putabunt, quòd in hæc penetrabilia non irumpere conatus sim; moneo illos, ut in aliis naturæ operibus, quæ ubique nobis obversantur, vires suas experiri velint, antequàm aliis dicam scribant. Libenter enim quæsierim, cur *equus* ad *æquid* suam pertingat septem annorum spatio, *homo* 21; cur in *Plantarum* regno, hæc Mense *Mai*, illa *Junio*, ista alio, florere soleat, ut innumera alia nunc fileam. Quod si doctissimos quosque viros non pudeat suam ignorantiam in his rebus palam fateri, non video, cur mihi vitio verti debeat, si in re non minus difficili, atque forsitan prorsus inexplicabili, manus ab *ἀπολογία* abstineam: quippe cùm persuasissimus sim, naturam non minus hic loci quàm in aliis quibuscunque, methodo quadam certâ, atque ordine progredi: *quartanosa* enim (ut sic dicam) ac *tertianosa* materia non minus naturæ legibus subjacet iisque regitur, quàm alia corpora qualiacunque.

Cum rigore atque horrore in universum *Intermittentes* omnes incipiunt, cui mox calor succedit, atque huic deinceps sudor; Per utrumque paroxysmum, tum illum quo riget æger, tum quo plus satis incalescit, vomitur ut plurimum, vehementer ægrotat, cum siti & lingua arida, &c. Quæ quidem Symptomata iisdem omnino gradibus recedunt, quibus provehitur sudor, quo uberius prorumpente Paroxysmus solvi videtur. Satis rectè valet qui modò ægrotabat, donec Paroxysmus periodo sibi consuetâ denuò

nuò recrudescat ; in *Quotidianâ* scilicet quolibet *ἡμέρω*, in *Tertianâ* alternis diebus, in *Quartanâ* tertio quoque die ; calculatione videlicet factâ ab unius Paroxyfmi initio, ad initium subsequents. Licet haud rarò ingeminentur posteriores duo, ita ut *Tertiana* quolibet die invadat, *Quartana* per duos dies continuos, tertio quidem ab insultu libero manente ; quandoque etiam ter tribus diebus continuis infestet ; cùm *Triplex Quartana* est ; morbo ab isto, quem primum assumptit, Typo nomen fortiente.

Quæ sanè Paroxyfmorum reduplicatio nonnunquam à materiæ Febrilis excessu activitateque nimîâ producitur, quo in casu Paroxyfsmus *adventitiuus primarium* antevertit ; nonnunquam etiam à virium prostratione, cùm in ægro nempe nimium illæ fuerint dejectæ, & Paroxyfmi vigor retusus, sive refrigeratione intensiore, sive etiam evacuationibus præter modum effusis : in hoc verò casu cùm Paroxyfsmus *adventitiuus primarium* insequitur, mitius insuper, neque ita prorsus diu atque alter ægrum affligit. In priore instantia, materiæ turgescencia sive *ὄργασμος* tardius revertentem sibi debitam periodum nequaquam præstolatur, ac proinde aliquanto præmaturius despumatione suâ defungitur : in posteriore autem cùm sanguis non jam eâ vi polleat, quæ materiæ Febrili uno impetu excutiendæ sufficiat, mox alium de novo Paroxyfsmum substituit, quo ejus reliquias è sinu suo exturbet. Quinimò è duabus hisce causis sibi invicem adversantibus fortè etiam pendet tam Paroxyfsmorum Anticipatio in Febre Intermittente ordinariâ atque regulari, quàm eorundem tardior accessio ; quarum utraque in his Febris frequentè occurrit, quæ, ut jam dictum, *ἡμέρω* omne percurrunt, vel solitum Paroxyfmi tempus anticipantes, vel eo ferius accedentes.

Februm autem Intermittentium quædam *Veris* sunt,

sunt, quædam *Autumni*: quamvis enim in tempestatibus intermediis nonnullæ oboriantur, quoniam tamen illæ & minus frequentes sunt, & ad prædictas reduci possunt (illas nempe quibus magis appropinquant (idcirco omnes sub duobus hisce generibus, *Vernalibus* nempe atque *Autumnalibus*, complectar. Tempora ad quæ particulariter *ὡς ἐν τῷ ποδῷ* referuntur, menses sunt *Februarii* atque *Augusti*; licet quandoque maturius invadant, tardiùs etiam nonnunquam; prout scilicet uberior parciorve in aëre apparatus, vel ad eandem producendas facit, vel officit, & ex consequenti magis etiam minusve Epidemicè deprædantur. Cujus rei exemplum habemus fati obvium in Febribus Intermittentibus *Autumnalibus* Anni 1661, quo anno memini fœminam quandam ædibus meis vicinam primo Quartanæ suæ Paroxyfmo, ipso scilicet *Johannis festo* correptam fuisse. Et complures alii circa idem tempus præmaturum Febribus illis correpti fuere, quæ postmodum adeo Epidemicæ evaserunt; quod argumento est magnum tum fuisse in istâ quæ tunc obtinebat aëris temperie, ad istos morbos apparatus, qui deinceps procedente anno stipatiores grassabantur.

Et quidem usque adeo necessaria est hæc Februm distinctio, ut nisi eandem in praxi sedulo contemplermur, neque de earum duratione prognostico aliquo ritè facto quicquam pronunciare, neque commodo regimine ægrorum corpora curare poterimus, habitâ tum temperatum, tum naturæ Februm diversæ ratione. Verum quidem est Febres utriùsque tempestatis ingenium non planè dissimile nancisci, sive modum spectes primi insultûs, qui cum horrore primùm incipit, mox in calorem erumpit, ac tandem per sudorem solvitur; sive typorum discrimina, quorum respectu quædam *Tertianæ* sunt, tum *Vere*, tum etiam *Autumno*. Interim tamen non dubito, quin Fe-

bres istæ totâ suâ naturâ sive essentialiter distinguantur.

INTERMITTENTES VERNALES.

Atque ut de *Vernalibus* primò dicam, illæ omnes vel *Quotidianæ* sunt vel *Tertianæ*, & vel seriùs vel ocysùs ingruunt pro vario tempestatis apparatu. Nam per brumale frigus spiritus concentrati vires in suo recessu sibi acquirunt, quos appropinquantis postea solis calor jam vegetos evocat, qui cum viscidis humoribus (minùs tamen viscidi sunt hi, quàm quos in Autumno prægressi fervores excoxerunt ac torrefecerunt) commissi, quos durante hyeme natura in sanguinis massa congesserat, dum avolare nituntur implexi detinentur, & quasi irrefiti, adeoque vernam hancce ebullitionem concitant. Eodem planè modo quo vasa cerevisiâ repleta atque in arena vel cellâ frigidâ diutiùs reposita, si igni admoveantur, tumultum statim concipiunt, & liquor ad volatum pronus est. Sanguis hoc modo affectus purgationem sui molitur, atque spirituum volatilium ope negotium hoc fat citò peragit, nisi fortè nimîâ viscidorum succorum vi instructus fuerit, qui fermentationem cœptam remorentur; & licèt hoc ipsum accidat, effervescencia tamen verna rarò continua sui que similis manet; verùm dissilire atque in diversos Paroxyfmos quasi findi solet. Sanguine enim opulenti hifce spiritibus jam turgido, natura negotium suum quasi præceps aggreditur, & quarundam partium secretionem ad modum perfectæ solutionis per Paroxyfmos particulares peragit, priusquam universali separatione defungatur: Atque hæc mihi quidem ratio non inidonea videtur, quòd vernâ tempestate, præsertim illâ quæ æstatem propiùs attingit, pauçæ Febres continuæ occurrant, nisi fortè constitutio fuerit Epidemica. Fermentationes enim tunc temporis abortæ vel subito consopiantur, vel ad intermissionem properant; vel

vel denique partes humorum ad separationem proniores, præmaturè & cum vi quadam aliò transferuntur; ex quo mox *Angina*, *Peripneumonia*, *Pleuritides* aliæque id genus pestes succrescunt, quæ deficiente potissimum vere caput suum exerunt.

Animadverti Febres Intermittentes Vernales rarissimè fuisse diuturnas, semper verò salutare; ita ut vel maximè senex vel debilis quispiam, officiosissima damnosissimæque inperitissimi cujuslibet *περιπνευμονίας*, modò probus is fuerit, è medio vix queat tolli. Contigit mihi tamen videre *Tertianas Vernales*, quæ ob *Phlebotomiam* & *Catharsin* indebitè celebratas, & regimen insuper cum morbo malè quadrans moras traxere etiam usque ad tempus illud quo *Autumnales* solent invadere; quæ tempestas, cum hujus morbi genio sit admodum contraria, eundem continenter extinguit; ægro interim frequenti *Paroxysmorum* reduplicatione, & duratione longiore ita penè confecto, ut in extremis versari videatur; quæ nihilominus (quatenus mihi hætenus observare licuit) semper est eluctatus. Neque in convalescentibus ab hoc morbo mihi adhuc subitit videre gravissima illa symptomata, quæ, ut infra dicitur, *Intermittentes Autumnales* diuturniores sequuntur; *Lezhalem* intelligo *tonfillarum inflammationem*, *ventrem induratum*, *tumores Hydropicos*, &c. Plus semel tamen adverti ægros à morbi diuturnitate & *Paroxysmorum* ingeminatione (accidentibus ad malorum cumulum evacuationibus repetitis) ad summan debilitatem redactos, ubi primùm ceperint convalescere, in *Maniam* incidisse, quæ pari cum illo passu recessit, quo eorundem vires de novo redintegrabantur.

Intermittentes verò *Autumnales* longè aliter se habent. Primo enim *Tertiana*, licèt quibus annis *Epidemica* non est, & sanos invadit, citò nonnunquam se proripit, neque pluribus stipatur Symptomatis,

tis, quàm quæ Verno tempore contingere solent Tertianæ, ubi tamen Epidemicè grassatur, & ætate provectiores, aut pravo corporis habitu præditos ferit, haud vacat periculo; quin etiam ad menses duos vel tres, fortè etiam in sequentium usque Ver tyrannidem exercet. Deinde *Quartana* & periculosiores sunt, & obstinatiorès longè quàm sunt illæ de quibus ultimò diximus: Ubi enim natu grandiores impetunt, eisdem paucis adhuc Paroxyfmis multatos quandoque jugulant; quo in casu æger tempore *exhorrescentiæ*, ineunteque adeò Paroxyfmo, ut plurimum moritur, quod jam dictum. Quod si æger in senectutis tantum fuerit confinio; necdum ejus limen prætergressus, licet non in eodem versetur discrimine ne inter Paroxyfmos primò lacescentes luce privetur, haud tamen facilè à Febre hac elabatur, nisi vertente anno, appetenteque illo tempore quo primo corripiebatur. Nonnunquam etiam *heret lateri lethalis arundo*, nec nisi à morte, languescenti decutitur. *Quartana* interim Typum subinde variat, plurimam etiam parit Symptomata; *Scorbutum* v. gr. *Ventrem induratum*, *Hydropem*, &c. Juniores verò terendo huic morbo pares sunt, à quo nonnunquam circa *Solstitium Brumale* liberantur, frequentius tamen non nisi adveniente *Verno Æquinoctio*, vel etiam Autumno insequenti, ubi sci. venæ-sectionem aut Catharsin admiserint. Sæpe non sine stupore sum intuitus, Infantes tenellos cum hoc morbo per totos menses sex commissos, nec oppressos tamen, sed de eodem, *Herculis* instar pueri, in cunis triumphantes.

Hic notandum, quòd cujuscunque demum ætatis aut temperamenti fuerit, is qui *Quartana* corripitur, si quolibet alio vitæ tempore (vel etiam ab hoc remotissimo) eadem semel laboraverit, non diu admodum eum *secundâ hâc vice* fatigabit morbus, sed post paucos aliquot Paroxyfmos sponte suâ solvetur, quod scitum dignum erat.

INTERMITTENTIUM VERNALIUM  
CURATIO.

*Intermittentium* autem *Vernalium* curationem quod spectat, licet illas suo semper arbitrio permittendas existimaverim, & nihil prorsus movendum, cum nemo quisquam, quod sciam, earum unquam operâ satis concesserit; atque ex adverso, qui illas abigere sategerunt, remediis præsertim evacuantibus, id tantum egerint, ut morbus inde confirmator pertinentius obfisteret, si tamen importuna ægri impatientia medici opem obnixè efflagitet, *Intermittentes Vernales* variis modis, & quidem cum optato exitu aggredi licet, uti mihi non infrequenti observatione abundè constat.

Nonnunquam *Emeticum* tempestivè propinatum, ut nempe ante *Paroxysmum* negotio suo defungi possit, felicissimè successit; præsertim si quantitatem medicam Syr. de Metonio vel cujusvis Narcotici post finitam Emetici operationem, exhibueris immediate ante *Paroxysmi* insultum.

Est ubi sanitatem videas restitutam per *diaphoreticam*, quæ sudorem in *Paroxysmi* solutione obortum promoveant, ægro interim optimè stragulis cooperito, id quod tantopere ac tamdiu faciendum est, quamdiu vires ægri patiuntur. Atque hoc in *Veris Intermittentibus*, præcipuè *Quotidianis*, sæpe obtinuit: humoribus enim in hac tempestate non admodum crassis existentibus, solutio aliàs imperfecta futura, in perfectam adolescit, quod quidem in *Autumno* nunquam accidit.

Quid quod *Clysteris* in diebus *intermittentibus* per triduum vel quatrimum adhibiti beneficio, *Tertianas* aliquando curaverim.

Interim, si ob *Phlebotomiam*, liberiori manu celebratam, quò tempestas ipsa parùm cautos facile inclinat; vel ob ægri debilitatem antecedentem, spiri-



tus illi qui subitò ad despumationem se accingerent, pauperiores facti minùs valeant; accidere potest, ut hujusmodi Febres Vernales, auxiliis quibuscunque frustra tentatis, Autumnalium diurnitatem æmulentur. Sed sanè non solent illæ eousque durare; quippe quæ vel sponte suâ desinant, vel leviori remediorum ope facilè in fugam vertantur.

## INTERMITTENTES AUTUMNALES.

*Intermittentes autem Autumnales* non tam levi operâ se amoveri patiuntur. De illis igitur nonnulla mihi dicenda sunt. Si Autumnalis Constitutio fuerit Epidemica, circa Junium adalutum solent invadere. Sin minus, *Augustum* præstolantur & *Septembris initium*; in subsequenribus verò mensibus rariùs occurrunt.

Cum earum ingens aliquod agmen simul invaserit, observare licebit earum Paroxysmos pierunq;ue unâ eâdemque diei horâ contingere, accessionibus nunc prævertentibus, nunc postponentibus, simili planè modo, atque eodem tenore, nisi quod accidere queat ut ordo ille medicamentis adhibitis, quæ retardandi vel præcipitandi vi pollent, in quibusdam corporibus immutetur vel pervertatur.

Observandum est etiam quòd in principio Februm Intermittentium (Epidemicarum præcipuè quæ Autumnino contingunt) haud ita in proclivi est Typum sub primis Invasionis diebus ritè distinguere, quandoquidem Febre continuâ adscitâ primùm adoriuntur, neque facile est aliquandiu, nisi diligenter adverteris animum, quicquam aliud præter aliqualem morbi remissionem deprehendere, quæ tamen paulatim in perfectam desinit Intermisionem, & Typum anni tempestati aptè respondentem.

Typorum ratione vel Tertianæ sunt vel Quartanæ. Atque de Quartanis quidem illud merito affirmari potest, eas gentinam esse Autumnis sobolem. Utræque profecto ea affinitate inter se connexæ sunt, & sæpe-

numero vices permutare, saltem ad tempus, deprehendantur, mox fortassis ad pristinum genium rediturae. Sed Tertianæ Vernales, Quartanarum typos nunquam induunt, cum toto (ut ita dicam) coelo à se invicem distinguantur. Neque porro observavi unquam, hac tempestate, Quotidianam contigisse, nisi quis Tertianam duplicem, vel triplicem Quartanam hoc nomine censuerit *ἀκρογλόγος* appellandam.

Has autem Febres intermittentes eo ferè modo suam originem nancisci arbitror, quem nunc summatim attingemus, nempe anno surgente atque progresso, sanguis etiam pro rata proportione exaltatur (haud secùs ac vegetabilia quævis augmentis atque declinationibus suis anni cursum referunt) donec ad *ἀκρότερον* suam ultimumque vigorem pervenerit; hinc parallelis motibus cum tempestatibus anni pergens, eo declinante relaxari tandem & ipse incipit, ac tum præcipuè cum ab accidentali aliqua causa promotus fuerit, puta sanguinis immodicâ jaçturâ, frigore admisso, cibis crudis atque excrementitiis, balneorum usu intempestivo, aliisque non paucis. Jam verò sanguis in hoc decidentiaæ statu constitutus, impressioni morbificæ cuicumque obnoxius est, quam in illum faciet quælibet aëris constitutio, quæ hoc tempore dictis Intermittentibus est Epidemica. Atque huc spectat ebullitio mox inducta, quâ liquorem sanguineum quandoque valde de generem corripiente, Febris inde oriunda mali moris esse solet, & malignis atque horrendis symptomatibus plenissima. Illud utcunque accidit ut sanguis spiritibus suis magnam partem exutus, & ab æstate præcedenti plurimum adductus, ebullitione suâ non nisi tardissimis motibus defungatur, suæque despumationi longissimam periodum postulet.

Jam verò ut manifestum evadat quàm difficulter hæc Febres (Autumnales puta) curationem admittant, hoc

hoc loco perpendendum est, Continuarum hujus tempestatis, atque intermittentium discrimen in eo maximè versari, quòd *Continuæ* conceptam semel effervescentiam *αυερχῶς* unoque tenore perficiant, *Intermittentes* autem partitis vicibus ac diversis temporibus eadem defungantur. Interim in utriusque fermentatione naturæ ductu peragitur spatium horarum 336 aut circiter, neque enim citiùs aut tardiùs massa sanguinea in humano corpore ordinariò repurgatur, si negotium naturæ permiseris; haud secus ac pomatium suam, vinum atque cerevisia suam, ac peculiarem habet periodum quâ depurentur. Quamvis autem in Febribus intermittentibus sanguis nonnunquam (ut in Quartana contingit) sex mensium spatium despumationem suam molitur, ac tandem perficiat; non tamen (si ritè calculum ponas) plus temporis in eadem absolvenda impenditur, quàm quod in continuis impendi naturaliter solet; quatuordecim enim *ωχθρμῖον* sive dies naturales efficiunt horas 336; tribuendo nempe horas quinque cum dimidia cuilibet Paroxysmo Quartanarum, habebis in Quartana valorem 14 dierum h. e. horas 336. Jam si quis dixerit quartanam, verbi causâ, (eadem enim reliquarum intermittentium ratio subintelligenda est) ultra sex mensium spatium aliquando excurrere, antequam periodum suam absolvat; respondeo idem etiam non rarò in continuis Febribus spectari, quæ sæpe ultra dies quatuordecim protrahuntur: in utroque nimirum casu si effervescentiam (præsertim circa Febrium finem) ritè atque ordine decurrere, ac sustineri vegetam curaveris, despumatio intra prædicti temporis spatium, hoc est quatuordecim dierum, vel 336 horarum peragetur: quòd si verò effervescentiam illam, seu fermentationem refrigerantium medicamentorum aut Clysterum usu tunc temporis (scilicet versus Febrium declinationem) importunè

inhibueris, & quasi frænum illi injeceris, mirum non est si in longum evagentur, ordine quippe naturæ perturbato. Namque hoc modo relaxatur quodammodo sanguinis humani tonus, unde se ad despumationem accingere cum effectu nequit. Imo verò in corporibus debilibus & effætis idem aliquando vel sponte accidit, nisi cardiacorum ope naturam in illis languentem adjuveris, quo sanguini despumando par sit.

Verùm illud hic jam porro notandum arbitror, ea quæ de fermentationis spatio atque continuatione supra tradidimus, de illis solummodo Febribus intelligenda esse, quæ statam quandam naturam, atque habitum nactæ sunt. Sciendum enim est, neque præterit, Febres quasdam esse, tum continuas, tum intermittentes, quæ transeuntis & incerti genii sunt, neque in suis effervescentiis ad destinatam periodum pertinent. Hujus generis sunt quæ à levi aliquâ offensâ ex sex rerum non naturalium quas appellant, ut cibi, potûs, aëris, & his similibus, abusu, nonnunquam ortum ducunt; his enim morbis correpti subitò sæpe convalescunt. Idem etiam in adolescentulis, sanguine puro, ac multis spiritibus referto præditis, aliquando accidit: nimirum Febres illorum spirituosâ quâdam ac nimis tenui, volucrique materiâ nixæ, fermentationes suas citiùs perficiunt, ac celeri gradu spatia sua emensæ, evanescent. Ad fermentationem enim illud primò requiritur, ut materia fermentescibilis, sive illa sanguis sit, sive vinum aut alius aliquis liquor quilibet, eâ tenacitate & viscositate polleat, ut spiritus implexos, atque irretitos eatenus detinere valeat, ut in liquoris massa moveri atque agitari possint, eodem ferè modo, quo aves visco captæ, aut muscæ atque apiculæ melle detentæ, motitare quidem, & murmura sua peragere possunt, avolare interim non valentes. Neque tamen, (ut obiter il-

lud

lud dicam) eam tenacitatem obtinere debent liquores memorati, ut spiritus prorsus obruant opprimantque, adeò ut non omnino moveantur.

His jactis fundamentis (quæ quidem nescio an aliis, mihi certè ratione non contemnendâ niti videntur) mirum non erit, si illis non aliam medendi methodum superstruam, quàm quæ in Febribus continuis ad despumationis debitum opus ritè perficiendum, adhibenda videatur: cùm nimirum illæ à continuis nullo discrimine sejungantur, si ordinem spectes quo natura earundem materiam expellere solet, scilicet per effervescentiam certâ periodo comprehensam. Et si quod ad earum speciem, atque naturæ proprietatem attinet, illas & à continuis, & à se invicem plurimùm differre non distitear. Itaque vel methodum, quâ se natura liberare ab hoc morbo solet, cautè, sollicitèque observando indicium sumere oportet, quo fermentationem abortam acceleremus, atque ita ad sanitatem ægros perducamus; vel in ipsam causam specificam penetrando, danda erit opera ut remediis efficacibus, ac specificis morbo obviam eatur. Ab horum alterutro indicationes sumendæ sunt. Ego utramque viam ingressus aliquando fui, atque illæ (uti opinor) verecundiâ profiteri possum, non sine summâ curâ, atque attentione animi indefessâ, sed nondum eam felicitatem adeptus sum, ut Autumnii Febres intermittentes certâ aliquâ praxi, atque medicandi ratione tollere possim, antequam stas illas fermentationes (de quibus suprâ locuti sumus) peregerint, utcunque molestum hoc febricitantibus videatur, qui eousque sanitatem suam expectare inviti coguntur. Révera autem si quis inter mortales reperiat, qui sive methodo aliquâ certâ, sive remedio specifico adhibito, Febrium harum intermittentium cursum non solùm inhibere, sed etiam omnino abrumpere novit, existimo eum omni

jure teneri, ut humano generi rem illam summopere expetendam patefaciat: quod si non fecerit, ego illum nec boni civis, nec prudentis viri nomen mereri pronuciare ausif; neque enim civis boni est, illud in rem suam vertere, quod toti generi humano tam ingens beneficium apporet; nec viri prudentis, divinâ benedictione semetipsum privare, quam à summa bonitate liceret expectare, si ad publicum bonum promovendum se accingeret. Honoris autem, ac divitiarum longè minor apud probos, ratio habetur, quàm virtutis & sapientiæ.

Quantumlibet autem fuerit difficile, Intermit- tentes has Autumnales certò fugare, tradam tamen quicquid ad earundem curationem præ reliquis face- re mihi visum est.

#### INTERMITTENTIUM AUTUMNALIUM CURATIO.

Intermittentium Autumnalium curationem non sine ingenti discrimine per Catharsin tentari, (nisi eo, quem mox dicemus, modo instituat) præ- fertim verò per Phlebotomiam, frequenti nimis observatione jam olim didici. Etenim in Tertianis (maximè si ea Constitutio admodum fuerit Epide- mica) hac methodo sanandis, nisi Chirurgi gladio eodem ictu quo venam pertundit, ipsam etiam Febrem confodiat, dictæ Febres, etiam in vegetio- ribus & Athleticæ cæterà valentibus, non nisi longo temporis tractu expugnari se patiuntur: In provec- tionibus autem, diutinum Febris cruciatum tandem etiam mors exceperit, quam præ foribus jam esse haud rarò denunciat lethalis illa Tonsillarum inflammatio, cujus fecimus mentionem. Adde quòd Venæ-sectio alia etiam symptomata illa maturius accersivit, quæ Febres Autumnales Intermittentes in statu declinatio- nis vel comitari diximus, vel à tergo sequi. Quartana- riis verò in tantum obest Phlebotomia ut Juvenes qui à morbo

à morbo aliàs intra sex menses fuissent liberati, per sex adhuc alios ab eodem detineantur: Ætateque proveciores, qui, nisi sanguinem detraxissent, intra annum poterant sanari, morbum etiam ultra statum illud tempus alere periclitantur, ac denique ab eodem victi succumbere. Quæ de Venæ-sectione jam dixi, levi operâ ad Cathartim possint transferri, nisi quod hæc non usque adeò perniciosa sit, nisi crebrò repetita.

Intermittentes Tertianas Autumnales hoc pacto aggredior. Ægro in lectulo composito, & stragulis undiquaque cooperto, sudores provocho sero lactis Cerevisiato, cui Salviæ folia incocta fuere, quatuor circiter horis ante Paroxysmi adventum; quibus jam obortis mox præcipio, ut devoret  $\mathfrak{D}$  ij. Pilularum Cochiarum majorum solutarum in  $\mathfrak{z}$  j. sequentis mixturæ, & Aq. vitæ  $\mathfrak{f}$  j. Theriac. Andromach.  $\mathfrak{z}$  iij. Croci Angl.  $\mathfrak{z}$  j. M. stent simul pro usu. Hæc ubi assumperit, in sudoribus continuò eliciendis persistat, donec elapsæ fuerint aliquot horæ ab illo tempore quo Paroxysmus ingruere debuerat, magnâ cum cautela se muniens contra illas sudationis interruptiones quas illi fortè creabunt dejectiones aliquot à medicamento Cathartico profectæ. Sæpiùs mihi ex animi voto cessit medicamentum hoc in fugandis Tertianarum Paroxysmis, quàm usu receptum illud ad eundem scopum tendens, Decoctum sc. *Rad. Gentian. Summit. Centaur. &c.* cum paucâ *Senna* atque *Agarici* quantitate. Cùm enim duos illos contrarios sudandi ac dejiçendi motus eodem tempore excitet, eundem cum vulgari isto effectum obtinet, ordinatum sc. Paroxysmi processum confundendo atque interturbando; idque efficacius, nec tamen tutò minùs. Atque hæc sanè methodo Intermittentes Autumnales Tertianas bene multas pepuli; necdum præstantiorem aliam experiri mihi licuit.

In tertiana duplici, quæ Typum variavit, ob æ-

grum vel evacuationibus vel alio quovis modo debilitatum, sudor pari etiam modo provocandus, & pari temporis intervallo à futura Paroxyfmi invafione, vel medicamento jam laudato (omittantur verò Pilulæ Cochix, cùm nec tutum fit, nec ad rem faciat, Cathartico, jam ab eodem fractas ægri vires amplius dejicere, & Paroxyfmi ejusdem ope ingeminatis fuppetias ferre) vel diaphoretico alio aliquo *deos. si. ut. r. q.* atque efficaci, quod etiam repeti potest Paroxyfmo genuino proxime fequenti: In fuma ægri debilitate à dicta Paroxyfmi ingeminatione, Electuarium, quod jam fequitur, præcribo:

℞. *Conferv. fl. Borag. Buglof. an. ʒj.*

*Conferv. Antbol. ʒß*

*Cortic. citri condit.*

*Nucis Mofch. cond.*

*Tberiac. Andromachi an. ʒiij.*

*Confec. Alkermes ʒij.*

*M. F. Opiata*, de qua capiat ad magnitudinem avellanæ mane & vefperi, fuperbibendo cochl. 6. fequentis Julepi.

℞. *Aquæ Ulmarix & Theriacalis stillat. an. ʒiij.*

*Syr. Cariophil. ʒj.*

*M.* vel hujus loco Aquam aliquam Epidemicam fimpliciozem faccharo dulcoratam exhibeo, Interdicto Enematum ufu; ægro Jufcula è pullorum carnibus, Avenacea, &c. concedo.

Quartanarum quod attinet Curationem, nemo eft, opinor, in hâc arte vel mediocriter verfatus, qui nefciat quàm parum votis refpondeant methodi iftæ omnes, quæ huic medicorum opprobrio eluendo hactenus deftinantur, fi *Corticem Peruvianum* excipiamus, qui tamen inducias fæpiùs impetrat morbo, quàm eundem debellat, cùm poftquam ad feptimanas duas vel tres delituerit, magno cum ægri emolumento, qui ab illo malè multatus paululum interrim



rim respirat, mox de novo recrudescens haud segnius quam prius laceffit; atque ut plurimum, quotiescunque demum repetatur illud medicamentum, non nisi longo temporis tractu expugnatur. Referam tamen quicquid de methodo ejusdem exhibendi habeo compertum.

Curandum est ante omnia ne præmaturè nimis hic Cortex ingeratur, ante sc. quam morbus suo se Marte aliquantisper protriverit (nisi collabescentes & jam fractæ ægri vires eundem temporius sumendum esse dictaverint) neque enim illud solum est metuendum ne à præproprio ejus usu inefficax iste reddatur, & spem ægri fallat, sed etiam ne de ægri vitâ agatur, si sanguini omni fermentationis nisu se despumanti eam derepente injiciamus remoram. Proximo loco, neque Catharsi, multò minùs Venæ-sectione, subducenda est materiæ Febrilis pars aliqua, quò liberiùs cortex suo fungatur munere: cum enim ab utrâque labefactetur quadantenus œconomia corporis, eò promptiùs certiusque recrudescant Paroxyfmi, evanescente semel pulveris vi. Mihi etiam magis è re fore videtur ut sanguinem dicto medicamine sensim, longioreque à Paroxyfmi intervallo, leviter inficiamus, quàm ut uno omnino ictu Paroxyfimum jam instantem tentemus confodere; hoc enim pacto & plus temporis remedio conceditur quo suum opus plenius absolvat, & evitatur quicquid id est periculi quod ægro poterit oriri ex subito isto atque intempestivo nimis sufflamine, quo Paroxyfimum jam invalescentem atque omni se ope exerentem conamur opprimere. Postremò brevibus istis temporis intervallis repetendus est Pulvis, ut non protinus evanescat prioris dosis virtus, antequam altera exhibeatur: crebrâ enim repetitione istâ cræsiu tandem recuperabitur, profligato in solidum morbo. His adductus rationibus hanc ego metho-  
dum

dum cæteris antepono Peruviani corticis ℥j cum Conservæ Rosar. rub. ℥ij misceatur; æger verò quantitatem Nucis moschatæ majoris mane & serò quotidie devoret diebus à genuino Paroxyfmo vacuis, donec confectionem omnem absumperit. Repetatur porrò ad tres alias vices interjectis semper diebus quatuordecim.

Neque fortè cum minori fructu usurpari poterit cortex hic in Tertianis, quâ Vernis, quâ Autumnalibus, quam in Quartanis adhibetur. Sed ut vera loquamur, nec Artem <sup>αι ποσ διοριστος</sup> ostendemus; Si harum Febrium alterutrâ correptus æger vel infans sit, vel ætate floreat, convenit omnino ( quantum ego hæctenus edoctus sum ) nihil medicamentorum quorumvis ope, aut aëris, ac diætæ mutatione moliri: Nihil enim hinc mali natum hucusque intellexi, si modò totam rem naturæ permiserim. Id quod ego non sine admiratione, præcipue in infantulis, sæpe observavi; sanguine namque depuratione suâ defuncto, Febres illæ sponte suâ evanuerunt. Quod si autem è contrario vel strictiori aliquo regimine utaris, vel medicamenta purgantia subinde adhibeas ( adhiberi scilicet solent eo prætextu, ut obstructions expellantur, atque humores in primis viis stabulantes exturbentur ) vel si, quod præcipuum est, in constitutione Epidemica Venæsectio celebretur, fiet ut morbus in longissimum tempus procurrat; atque interim ut ægri mille symptomatis, iisque periculosis exponantur.

Si verò febricitantes provectioris ætatis sint, ex utroque morbo ( Tertianas dico Autumnales, ac Quartanas ) non solum diuturnitatis, verùm etiam ipsius mortis grave periculum imminet.

Hic itaque Medicum illud agere oportet, si neque cortice Peruviano, nec aliâ quâvis methodo morbum submovere valuerit, ut naturæ saltem suppetias ferat, eamque

eamque illis adminiculis subleuet quibus ad negotium suum peragendum opus habuerit. Certè enim in effætis corporibus, nisi fermentatio cardiacorum & corroborantis diætæ, ut vini *absynthiis* ac id genus similibus, beneficio sustineatur, illud accidet ut ægri incertis atque frustraneis Paroxyſmis divexari debilitentur, atque morbus eouſque duret, donec languida priùs natura, Paroxyſmo aliquo graviore correpta, ad ebullitionis tempus pertinere non poſſit, adeoque in ipſo exhorreſcentiæ tempore diem ſuum obeant ægroti. Atque hoc in ſenibus non rarè uſu venit, qui longâ Catharticorum ſerie debilitati fuerunt, imò, ut aliquando viſum eſt, in ipſo vel primorum Paroxyſmorum rigore, penitùs defecerunt, cum exhibitò cardiaco ſatis forti ſaltem ad tempus aliquod ſuſtineri potuiſſent.

Cum ſanguis tempus illud exegerit quod ad deſpuationem ſuam perficiendam requiritur, neceſſarium eſt ut provectioris ætatis ægri, eodem ipſo tempore, vel paulo antea, inſignem aliquam aëris mutationem ſubeant, ſive (quod potiùs optandum eſſet) in calidiorem aliquam regionem commigrando, ſive mutando ſaltem locum in quo primùm hoc morbo correpti ſunt. Mirum ſane eſt quantum valeat hæc aëris mutatio ad morbum hunc prorfus abigendum. Interim ut ante hunc temporis articulum aër mutetur, non tantum non neceſſarium eſt ad ſanitatem ex hoc morbo reſtituendam, ſed & minùs convenit. Etiamſi enim quis in regionem quantumcunque Auſtalem & calidam migraverit, ſanguis tamen ejus in morbido hoc motu ſemel conſtitutus, deurationem ſuam ut peragat neceſſe eſt, quod quidem beneficii fruſtra expectabitur ab inuſitato novoque aëre, priuſquam procedente atque adulto jam ſanguinis motu, ſanitatæ recuperandæ capax fuerit. Inſignis ergo illa aëris mutatio tum demum adeunda eſt,

cum

cum primùm æger à Paroxyfmo liberari poteft :  
 Exempli caufâ. In Quartana quæ primùm in Autum-  
 no invafit, non citiùs aër mutandus eft, quàm circa  
 Februarii initium. Interim fi æger mutare locum vel  
 nolit, vel commodè nequeat, oportebit ut hoc ipfius  
 temporis articulo, forti aliquo medicamento utatur,  
 cujus eæ fint vires, ut uno quafi ictu languefcentem  
 illam depurationem potenter promoveat, & fi fieri  
 poterit perficiat. Ad hanc rem confulerem ego, ut  
 Eleætuarii de Ovo, vel Theriacæ Andromachi feſqui-  
 drachma in aquæ Cœleftis, vel aquæ Vitæ communis  
 unciis duabus difſoluta exhibeatur. Id quòd à me, cum  
 fuccellu non infelici, in morborum hujufmodi decli-  
 natione factum eft. Licet agnoſcam calidiora hæc ci-  
 tiùs exhibita vel morbum duplicare, vel in Febrim  
 continuam permutare, quod ab aliis jamdudum ob-  
 ſervatum eft. Idem in juvenibus hoc morbo detentis  
 fieri poteft, cautelâ adhibitâ. Ut autem in puerili æta-  
 te idem fiat, non tantùm non convenit, verùm etiam  
 periculo non vacare dudum obſervavi.

Priufquam huic argumento clauſulam addamus  
 illud monendum venit. Ea quæ de Febrim Autum-  
 nalium intermittentium duratione, atque de tempore  
 ad fanguinis deſpumationem requiſito, jam dicta ſunt,  
 ita intelligenda eſſe, ut nos ſolum illud nunc ſpecte-  
 mus quod Natura vulgaribus atque uſitatis tantum  
 medicamentis ſuffulta, præſtare ſoleat. Nequaquam  
 enim eo confilio de his rebus ita locuti ſumus, ac ſi  
 doctos ac ſolertes Medicos deſpondere animum veli-  
 mus, atque vel de melioribus medendi rationibus ex-  
 cogitandis, vel nobilioribus remediis inveniendis  
 ſpem totam abjicere. quorum ope hujufmodi morbo-  
 rum ſanationem accelerent; tantum enim ego pro-  
 fectò ab hoc propoſito abſum, ut non deſperem vel  
 à meipſo tale quidpiam ſive methodi, ſive remedii  
 aliquando repertum iri.

Sublato morbo æger sedulò purgandus est; incredibile enim dictu quanta morborum vis ex purgationis defectu post Febres Autumnales subnascatur. Miror autem hoc à Medicis minùs caveri, minùs etiam admoneri. Quodocunque enim horum morborum alterutrum paulò provecioris ætatis hominibus accidisse vidi, atque purgationem etiam omissem, certò prædicere potui periculosum aliquem morbum eisdem postea adoriturum, de quo tamen illi nondum somniaverant quasi perfectè jam sanati.

Omnino interim cavendum est, ne purgetur æger nisi morbo penitus depulso. Quamvis enim partes Naturales illuvie istà quam in illas congestit Febris, hoc pacto quadantenùs sublevari videantur, nova tamen materia derepente succrescet, Febre sc. à Cathartici impetu atque humorum agitatione jam revocatà, eandem suppeditante; ac proinde id tantùm à Purgatione lucrifecerimus, ut morbus contumacior evadat. Quotidiana id nos docent eorum exempla, qui in morbi *ὁ δὲ δακρυή*, ut *Theoria* isti morem gerant quæ in tollendis obstructionibus, & evacuando humore melancholico, qui mali fons & origo vulgò habetur, Curationis spem omnem ponit, repetitis purgationibus miserè plectuntur; quibus sanè quicquid id demum est humorum quod à corpore divellitùr, atque eliminatur, compertissimum est nobis Febrem altiores exinde radices agere, & pertinaciùs stationem suam tueri, quam si non fuerit proritata. Quapropter religio mihi est Catharticum propinare ante tempus illud, quo non tantùm Paroxyfmi perceptibiles, sed etiam alteratio ista qualis qualis ea fuerit, quæ diebus illis in quos Paroxyfimus incidere debuerat, persentiscitur, omnino evanuerint, atque unus insuper mensis fuerit elapsus: quo quidem effluxo Potionem aliquam ex Lenitivis vulgaribus præscribo, atque eandem semel in septimanà ad menses duos tresve subsequen-

tes repetendam impero; addito etiam singulis vicibus Hauftulo aliquo Paregorico, horâ somni assumendo, finitâ jam medicamenti operatione; ut nempe Paroxyfmo se de novo ingerendi ansam præscindamus, quam aliter fortè arriperet ex occasione tumultûs atque orgasmî, quos vel mitissima excitant Cathartica.

Purgationibus instituendis idcirco spatia ista ampla interpono, ut sc. æger à recidivæ metu liberetur, quæ quidem à nimis crebrâ & confertim reperita sanguinis atque humorum exagitatione, de facili poterat induci. At cùm jam ista res vacet periculo, Apozema sequens frequenter usurpari poterit,

℞. Rad. Rhabarb. Monachor. ℥ ij.

Rad. Asparag. Brusci, Petrosel. & Polypod. quer.  
an. ℥ j.

Cortic. Median. fraxini, & Tamarisci an. ℥ ℞

Fol. Agrimon. Ceterach. & capill. Ven. an. M. j.

Senne mund. ℥ j℞ (irrorat. ℥ iij. vini albi)

Epitbimi ℥ ℞

Agarici troch. ℥ ij.

Sem. feniculi ℥ iij.

Coq. in aqua fontana ad ℔ j℞ sub finem adde succi  
aurantiorum ℥ iij. In colaturâ dissolve Syr.

Cichor. cum Rheo, & Magistral. ad melan-  
choliâ an. ℥ j℞

F. Apozema, de quo capiat ℔ ℞ singulis matutinis per triduum, & repetatur quoties opus fuerit.

Ut tandem *Symptomata* illa memoremus, quæ Febres Intermittentes in declinationis statu comitantur, observandum est, Vernarum paucissima esse, si ad illa comparentur quæ Autumnalibus accidunt, tum quia non ita diu hærent istæ, tum etiam quia in humoribus non usque adeo terrenis, & minùs etiam malignis fundantur.

## HYDROPS.

Primum hîc sibi locum vindicat, subinde occurrens Hydrops; unde primò eisdem Crura intumescunt; deinde etiam venter; qui exinde nascitur quòd sc. sanguis crebris illis fermentationibus, quas peperit morbi diurnitas (præcipuè in natu grandioribus) plures Spirituum manipulos prodegit, unde summa eorundem inopiâ jam laborans, succos cum alimentis ingestos non amplius valet assimilare, quorum cruda adhuc indigestaque moles in crura tandem deponitur, atque his jam distentis, neque ulterius quicquam admittentibus, in ventrem etiam unde verus Hydrops formatur. Rarò autem juvenes obfidet hæc malorum Ilias, nisi Catharticis per Febris decursum, sæpenumerò iteratis, eandem inconsultò nimis sibi accersiverint.

Verùm Hydrops ex causa memorata superveniens aperientium & catharticorum usu facile sanatur, si modo recens fuerit. Neque mihi molestum est, quoties hunc natum morbum audio atque intelligo, nempe de rei exitu omnia bona tunc temporis animo concipiens: Nonnullos enim usu Apozematis jam præscripti; *vel* sine admistione Hydropsi magis appropriatorum, persanavi.

Veruntamen observavi, frustra esse, si quis Hydropem ex Febre intermittenti natum, medicamentis purgantibus tollere conetur, Febre illâ adhuc durante: Febris enim hoc pacto radices profundius agere deprehendetur, non autem amovebitur Hydrops; expectandum itaque donec Febris exulet, ac tum demum negotium prosperè suscipiendum.

Verum enim verò si tam importunè atque acriter instet symptoma hoc, ut ejus curatio non eo usque videatur differenda donec Febris recessus Catharticorum usum permittat, aggredienda omnino illa est Infusionibus *rad. Raphani rusticani, fol. Absynthii, bac-*

*carum Juniperi, Cinerum Genistæ, &c.* in vino factis, quæ non solum huic symptomati obsistunt, effœtas sanguinis vires de novo instaurando, sed naturæ etiam de morbo jam triumphaturæ temporî subveniunt.

## RACHITIS.

Infantes autem post Febres Autumnales tum Continuas, tum Intermittentes, Hectici aliquando fiunt. Ventres eorum inflati, tumentes, ac duri evadunt; sæpe etiam tussis, aliaque tabidorum symptomata subnascuntur, quæ *Rachitidem* planè mentiantur. Hos ego sequenti modo tractandos consulo. Paratur potio Cathartica quam in Febrium continuarum sine assumentam præscripsi. Hujus capiat infantulus Cochlj. j. vel ij. plus minus pro ætate, mane per 9 dies, uno atque altero die, si opus fuerit, intermisso. Interim verò purgatio ita moderari debet ac regi, dosim vel augendo vel minuendo, ut ultra 5 vel 6 fedes singulis diebus non procedat. Post finitam catharsin totus venter inungatur linimento aliquo aperitivo per aliquot dies. Sequenti uti soleo.

℞. Ol. lilior. & tamarisci an. ℥ij.

Succi rad. brionie & apii an. ℥j.

Bulliant ad succorum consumptionem, addendo unguenti de althæâ & butiri insulsi an. ℥j.

Gummi ammoniaci in aceto soluti ℥ss

Ceræ flavæ q. s.

F. linimentum.

Sanè quamplurimi infantes, etiam verâ Rachitide laborantes, hæc methodo à me liberati fuerunt.

Veruntamen (ut antè monuimus) cavendum sedulo ne purgationem aggrediamur, nisi Febre jam perfectè fugatâ; licèt enim hoc pacto humoris in partes naturales amandati portio quædam evacuari non sine causâ videri possit, nihilominus ab ipsa Febre nova subinde pravæ materiæ copia suggeretur, quæ non solum



solum purgationem reddet frustraneam, verum & ipsum morbum diuturniorem præstabit, ob rationes antea memoratas.

Observatu non indignum est, quòd cum Febres Autumnales teneram ætatem diu cruciârint, nulla spes sit easdem abigendi, donec abdominis regio, circa lienem præcipuè, indurari atque tumesceri occæperit; iisdem enim gradibus quibus hoc symptoma supervenerit, Febris etiam fugam meditatur. Neque fortè ex meliori aliquo prognostico morbum hunc brevi abiturum dixeris, quam si sedulâ animadversione suboriri hoc symptoma perspexeris. Idem porrò in crurum tumoribus obtinet, qui in adultis aliquando spectantur.

Ventris tumor qui Infantibus accidit post has Febres, quibus annis æris constitutio Intermitte-  
bus Autumnalibus progignendis Epidemicè deter-  
minatur, tangentis digitum haud aliter ferit, ac si materiam aliquam continerent viscera in Scirrhum induratum; cum qui aliis annis, simili licet *αερίωσι*, contingit, tactum ita afficit, ceu Tensio tantum foret Hypochondriorum à subjectis flatibus. Hinc, nisi annis quibus Intermitteutes Autumnales prædominium habent, veræ Rachitides rariùs occurrunt, quod observatu dignum.

Tonsillarum dolor & inflammatio post Febres five Continuas, five Intermitteutes, cum deglutiendi primùm difficultate & molestiâ, supervenientibus deinceps raucedine, oculis cavis, & Hippocraticâ facie, mortem certò imminentem præmonstrant, intercisâ planè omni redintegrandæ sanitatis spe. Funesto huic symptomati producendo evacuationes justo copiosiores in ægris vi morbi jam ferè attritis, longiori Febris moræ lociam operam ut plurimum commodasse observavi.

## MANIÆ SPECIES QUÆDAM.

Multa alia sunt accidentia quæ morbos hosce consequi solent ob purgationem vel non omnino, vel non ritè celebratam, quibus in præsentiarum enumerandis supersedebimus, cum curationis eadem ferè ratio sit utrobique, nempe sedimenti ab effervescentia præcedaneâ depositi repurgatio, quippe quod suâ morâ malis hujusmodi materiam præbuerit. Quanquam licet hîc loci non contemnendum symptomatis genus referre, quod non tantum purgationibus & evacuationibus aliis quibuscunque, Venæsectioni præsertim, cedere dedignatur, verum & ab illis vires sibi acquirit. Illud autem peculiaris quædam est ac sui generis *Mania* Intermittentes diuturniores (Quartanas præcipuè) nonnunquam excipiens, quæ communem medicandi rationem aspernatur, & post evacuationes fortiores adhibitas in miseram quandam stultitiam degenerans, non nisi cum ipsa ægrorum vitâ terminatur. Miratusque sæpenumerò sum nullam hujus rei mentionem ab Autoribus factam fuisse, cum non rarò accidisse viderim. Cum reliquæ Amentię species copiosis evacuationibus, & Venæsectione, & Catharsi ut plurimum persanentur, hæc neutram potest ferre. Sed cum jam æger in sanitatis limine est, si *vel* Enema ex lacte saccharato semel injeceris, statim de novo recrudescet malum. Et si reiteratis Purgationibus, venæsectioneque contranitamur, ejusmodi evacuationes morbi quidem ferociam possunt domare, ægrum verò certissimè non tantum Fatuum, sed & incurabilem omnino reddent. Quod quidem nemo mirabitur, qui secum reputaverit, alteram Amentię speciem à nimis exaltata & vivida sanguinis crasi produci; hanc verò ab ejusdem debilitate, & ut ita dicam, vapiditate à diutina Fermentatione quam invexit Febris, quâ mediante Spiritus functionibus Animalibus obeundis impares planè sunt.

Huic malo ad hunc modum mederi soleo. *Ægroter* in die *Cardiacum* aliquod è *Generosioribus* exhibeo dosi paulo liberaliori, e.g. *Theriacam Andromachi*; *Elect. de ovo. pulverem Comitisse. pul. Gualteri Raughleigh*, vel similem in *Aq. Epidemica*, *Theriacali*, vel aliâ. Possunt etiam in aliâ quavis formâ exhiberi *Cardiaca* medicamenta. *Æger* interim victu quidem moderato, *Analeptico* tamen, & *Potugenerosiore* reficiendus est, foras ne exeat, in lecto se diu multumque contineat. *Alvus* sub hoc regimine iusto erit astrictior, unde ut etiam à calidorum medicamentorum usu à *Febre* quis sibi metuat, sed vano profus timore; cum spiritus antecedente morbo penè exhausti novum deinceps non valeant accendere. Post aliquot septimanas paulatim in melius proficiet, quo tempore omitti possunt *Cardiaca* ad dies pauculos, *Diæta* verò *Analeptica* jugiter instituenda, & post brevem intermissionem repetendus est denuò *Cardiacorum* usus, atque in eo persistendum donec integrâ sanitate fruatur.

*Diæta* methodus maniam etiam quæ has Febres minimè excepit, quandoque sanavit, frigidiori scilicet, atque infirmiori temperamento præditis. Anno nuper elapso *Sarisburiam* accerserbar, ut cum Medico erudito & sagaci, mihiq; conjunctissimo, Domino Doctore *Thomas* foeminæ nobili consulerem, cui imaginatio haud parùm fuit læsa. Adhibitis, etiam cum jam prægnans esset, remediis modò dictis, ad sanam omnino mentem rediit.

*Febris Continua* atque *Intermittentes* quas supra descripsimus, soli fermè erant morbi *Epidemici*, qui durante illâ *Constitutione* quæ per annos 61, 62, 63, 64. regnabat, emicuerunt: quot retro annis eum obtinuerant principatum non habeo dicere; id certò scio, quòd ab anno 64. ad hunc usque quo hæc edimus, rarissimæ omninò *Londini* comparuerunt.

Dicendum mihi etiam erat de *variolis*, quales nam scilicet erant istæ quæ tum contingebant, respectu habito ad Constitutionem illam; quandoquidem (ut jam subindicavi) vario admodum se habent modo pro variâ Constitutione quâ incessunt: sed cum non satis attentè per id temporis animum ad eas adjecerim, missas jam facio: id tantùm tradam illis peculiare, quòd sc. iis annis labentibus, sub initio Maii confertissimæ invadabant, supervenienti verò Epidemicorum Autumnalium cohorti (Febrem volo Continuum, atque Intermittentes) locum dare solebant. In pustularum summitate foveolæ quædam ad instar capitum acicularum minorum plerumque subsidebant; atque in *discreto* genere æger octavo maxumè die periclitabatur, quo tempore, abrupto, derepente, quo hucusque dimanaverat, sive sudore, sive madore, externa exarescebant, nec revocari poterat sudor Cardiacis quibuscunque; æger phrenitide, atque anxietate insigni corripiebatur, cum magno dolore & ægritudine, urinam frequenter, at in parvâ quantitate, reddebat, ac intra paucas horas de magnâ spe decidens, ad plures migrabat.

# SECTIO SECUNDA.

## CAPUT. I.

*Constitutio Epidemica Annorum 1665.  
& 1666. Londini.*

**P**Rægressâ Hyeme frigidissimâ, & sicco gelu in veris usque tempora indefinenter perdurante, cum ex improvise solveretur, sine sc. *Martii*, ineunteque, ex Anglorum Computo, Anno 1665. *Peripneumoniâ, Pleuritides, Anginæ*, aliique id genus morbi Inflammatorii magnam derepente stragem edebant: quo ipso tempore caput etiam extulit *Febris* quædam *Continua Epidemica*, à Februm Continuarum genio, quæ præcedenti Constitutione vigeabant, longè diversa; quarum vix ullæ eâ anni tempestate solebant invadere. Dolor Capitis quàm in priore illâ intensior, & vomituritiones adhuc magis immanes ad hanc Febrem accedebant, in plerisque *Diarrhœa*, quam priùs diximus assumpto Emetico præcaveri potuisse, jam ab eodem provocabatur, nec tamen cessabat Vomituritio. Externa hîc pariter ac in Febris Constitutionis præcedentis sicca reperiebantur, attamen, præmissâ maximè Venæsectione, æger in sudorem solvi poterat, quo provocato leviora mox Symptomata; atque hoc nullo non morbi tempore fieri potuit, cum in Febre prægressâ nec tutò ante diem 13 vel 14 id tentaveris, nec facile voti fueris compos. Sanguis sæpe Pleuriticorum, & Rheumatismo laborantium sanguinem colore referebat, non verò usque adeo Galatinâ illâ albescente quâ

78 FEBRIS PESTILENTIALIS Sect. II.  
illorum sanguis prætextitur. Hæc primò erant Phænomena hujus morbi Διαγνωστικῶς, Anno verò surgente ipsa *Pestis* irrupit magno symptomatum Pathognomicorum numero stipata, *Carbunculis*, viz. *Bubonibus*, &c. Hæc indies magis ac magis invalescens, circiter Æquinoctium Autumnale ἀκμῆν attigit, quo jam instante, unius septimanæ decursu octo plus minus hominum millia delevit; à quo tempore receptui canere cœpit, & urgente Brumali Frigore tantùm non evanuit, nisi quod sparsum unum atque alterum hinc inde feriret per omnem hyemem, & insequentis veris exordium; quo appetente & ipsa omnino est deleta; mansit tamen *Febris*, quamvis non ita Epidemica, excurrente integro anno sequente, imò ad Ver usque ortum <sup>1667</sup> Anni 1667. De his nonnulla hic subnectam.

---

## C A P. II.

### *Febris Pestilentialis & Pestis.*

**I**N superioribus obiter admonui è febris nonnullas in malignarum classe vulgò reponi, cùm indomita symptomatum sævitia, quæ huic opinioni patrocinari videtur, non à venenosâ morbi indole sed à therapeiâ perperam administratâ proficiscatur. Nam cùm ad morbi solutionem à naturâ destinatam haud satis attenditur, sed alia medendi ratio temerè instituitur, hinc perturbatâ totius corporis œconomia, ac omnibus susque deque conversis, non modo tristissima rerum facies ultra consuetum morbi morem inducitur, verùm morbus jam à seipso alius, etiam anomalis accidentibus velut alienigenarum satellitio stipatur. Atqui *Febris verè maligna* non est omnium dierum morbus, utpote quæ ab aliis Febrium speciebus,

bus, ob symptomatum anomaliam eâ nomenclaturâ utcunque insignitis, totâ suâ ideâ ac ingenio diffideat. Reverâ enim cum ipsissimâ Peste, specie convenit, nec ab eâ nisi ob gradum remissiorem discriminatur. Quocirca utriusque affectûs ortum ac curationem in eodem capite complectar.

Aëris massæ occultam ejusmodi sive crasin sive texturam obtingere, quæ diversarum diversis temporibus ægritudinum ansa atque pararia existat, nemini obscurum est, qui modò animadverterit unum eundemque morbum certâ aliquâ tempestate infinitam mortalium vim corripere, ac Epidemicum fieri, aliàs tamen unum alterumve hominem afflixisse contentum, ulterius non grassari. De Variolis, ac imprimis de Peste, hujusce capitis argumento, res est sat superque manifesta.

At verò quæ qualisque sit illa aëris dispositio, à qua morbificus hic apparatus promanat, nos pariter ac complura alia, circa quæ vecors ac arrogans Philosophantium turba nugatur, planè ignoramus. Quicquid sit, hoc saltem nomine Dei Opt. Max. clementiam ac bonitatem meritissimo jure veneramur, quod aëris constitutiones *λοιμώδεις*, id est, Pestem malorum omnium immanissimum, ac humano generi maxime internecinum, inferentes, rariùs evenire voluerit, quàm quæ cæteris affectibus minùs exitialibus suscitandis inserviant. Unde fit quod hunc orbem nostrum *Britannicum* Pestis vix frequentius quàm post annorum circiter quadraginta intervalla, summo perniciæ vigore, ac totâ furiarum acie adoriatur. Quæ per annos aliquot Pestem insigniorem subsequentes, sparsim occurrunt, pestiferorum funera paulatim imminui, ac evanescere solita, Pestilenti aëris diathesi etiamnum ex parte perseveranti, nec dum in aliam salubriorem penitus immutatæ, attribuenda sunt, quippe quæ antègressæ messis duntaxat spicilegia

reputari debeant. A quibus etiam nuperæ luis reliquis, fit ut Febres quæ anno post graviores Pestem uno aut altero passim grassantur, Pestilentes esse soleant; & licet aliquibus veræ Pestis notis destitutæ, tamen ejusdem naturam ac indolem quam plurimum referant, necnon consimilem medendi rationem sibi vendicent, quemadmodum inferius ostendemus.

Verùm præter istam aëris constitutionem, seu causam communiorem, accedat oportet & alia procatartica, nimirum *μύσμηλα* sive semini à pestifero aliquo corpore, vel immediatè ac propiore consortio, vel mediatè ac per fomitem aliundè transmissi, susceptio. Hoc enim si instante qualem diximus aëris diathesi fieri contingat, ab exigua primùm scintillâ mox horribile erumpit incendium, ac densatis undique funeribus, universo aëri per istum terræ tractum à Peste, tum laborantium halitibus, tum mortuorum cadaveribus, labes & contagium inducitur; adeo ut ad tristissimæ ægritudinis propagationem jam non ampliùs vel fomite, vel personali consortio opus sit, verùm quemcunque hominem, vel summâ curâ à Peste correptis semotum, ipse aër cum spiritu intrò subiens per se ac suo Marte inficere valeat, modò ille corpus habeat humoribus ad afflatum excipiendum paratis, refertum.

Quantquam autem hic morbus, cum duntaxat sporadicus existit, nullo tempestatis discrimine paucos aliquot, tradito quasi per manus contagio, affligat, tamen ubi adest etiam Epidemica aëris constitutio, exoritur circa eam anni partem quæ inter Ver ac æstatem ambigit, utpote quæ ad producendam ægritudinem, cujus essentia in humorum *φλογώσις* sive inflammatione, ut postea ostendemus, imprimis consistit, maximè idonea atque accommodata sit. Porro & sua habet Incrementi ac Declinationis tempora, non secus ac cæteræ rerum naturalium species. Na-  
scitur



fcitur eo quo diximus tempore, crescente anno adolescit, eodemque vergente collabascit, donec tandem aërem in diathesin huic morbo adversantem, glacialis bruma transmutet.

Quod si tempestatum anni vicissitudines in hunc affectum nihil imperii exercerent, verùm seminium Pestilentiale, nullâ aëris mutatione domabile, de alio in alium perpetuâ propagationis serie transmitteretur, fieri non posset, quin ubi in frequentiorem aëquam Urbem semel pedem intulisset, continuatâ strage funera usque & usque densaret, donec tandem nemo superesset in quem Pestilentis miasmatis labes impingat. Atqui contrarium sæpe evenisse animadversum est, numero extinctorum, quos unica mensis *Sextilis* septimana ad aliquot millia extulerat, sub *Novembris* exitum valdè imminuto ac propemodùm nullo. Nec tamen diffiteor fieri posse, quod & nonnulli authores factum prodiderunt, ut Pestis aliis etiam anni tempestatibus caput primùm exerat; hoc autem rariùs accidit, nec ejusmodi lues in populum admodum debacchatur. Interea, aëris dispositionem, quantumvis *λοιμώδη*, pesti fuscitandæ per se imparem esse, vehementer suspicor; quin Pestilentiaë morbum alicubi semper superstitem aut per fomitem, aut per pestiferi alicujus appulsum, è locis infectis in alios deferri; ibidemque non nisi accedente simul idoneâ aëris diathesi popularem fieri. Aliàs enim non assequor quâ fiat ut in eodem coeli tractu dum unum aliquod oppidum Peste gravissimè affigitur, aliud non longè distitum, omnem commercii necessitudinem, cum loco contagioso cautè inhibendo, prorsus immune se præstiterit; quemadmodum non ante multos annos Pesti per universam ferè Italiam immaniter grassanti, *Magni Ducis* cura atque prudentia aditum in *Hetruriæ* fines penitus interclusit.

Primus insultus rigorem ac horrorem, quemad-

mo-

modum & Februm intermittentium accessiones, ferè perpetuum habet comitem. Mox vomitus enormes, dolor circa cordis regionem ( ac si torculari premerentur ) Febris ardens usitatâ symptomatum *sydegua* stipata, indefinenter ægros divexant, donec aut mors ipsa, aut benigna Bubonis vel Parotidis eruptio, quæ materiam morbificam foràs ablegat, eos ab luctuosissimo discrimine liberet. Rariùs quidem accidit, ut citra ullam Febris præfensionem ingruat, ac homines de improvîso è medio tollat, maculis purpureis, præsentanei interitûs nuntiis, etiam dum in toro versantur erumpentibus. Quæ repentina exanimatio ( quod animadversione dignum ) nisi in Pestis admodum funestæ exordio vix contingit; remittente ac refractâ jam lue, aut in annis in quibus non existit popularis, nunquam observata est. Fit etiam nonnunquam ut tumores prorumpant, nec Febre nec graviore aliquo symptomate prægresso; quantum suspicor rigorem, & horrorem leviuisculum, ac minùs perceptibilem semper præcessisse. Quibus autem hoc obtingit, iis integrum est per publicas plateas pro libitu obambulare, ac communia vitæ munia sanorum more, spretâ omni regiminis curâ, obire.

Cæterùm quod ad morbi essentiam spectat, eam enucleatè definire in me non suscipio. Nec fortasse hominibus cordatoribus rem minùs importunam ille facere, videbitur, qui à me postulârît quid hanc aut illam ægritudinis speciem constituat, quam ego etiam facerem, si ab illo idem de *Equo* v. c. inter animalia, vel de *Betonica* inter stirpes vicissim sciscitarer. Nimirum certissimis ubique legibus, ac artificio sibi soli intellecto rerum omnium generationes Natura parens exequitur, quæq; uspiam è causarum gremio in actum ac quasi in lucem educit, eorum essentias, quidditates, ac differentias constitutivas altissimis tenebris obvelat. Hinc unaquæq; morborum non minùs quam

quam animalium aut vegetabilium species, affectiones sibi proprias perpetuas, ac pariter univocas ab essentia sua promanantes, sortita est. Neque interim magnoperè urgebit ista Quæstio, Quî demum morborum medela administrabitur dum causæ ipsorum nos latent? Quandoquidem non causarum, sed methodi convenientis atque experientiâ comprobatæ cognitione, affectuum plurimorum curatio absolvitur. Sed ut ad rem redeamus. Quoniam siliarium omnium morborum ortus à qualitatibus vel primarum vel secundarum vitio (quod solum in hac rerum caligine nobis licet) deducere solemus, propè est ut credam Pestem peculiarem ac sui generis Febrim esse, quæ à particularum sanguinis spirituosorum inflammatione, originem ducit, utpote cujus naturæ subtilissimæ, præ tenuitate suâ, maximè proportionatæ ac adæquatæ videntur. Quod si subtilitate quâ potest maxima pollet (ut in principio & statu constitutionis Epidemicæ videre est) subito ac quasi ex improvîso calorem nativum dissipat, & ægrum è medio tollit: Cadaveribus interim hujus morbi ferociâ tam subito extingtorum, maculis purpureis undiquaque conspersis, atque fœdatis; nempe Fibris cruoris præ intestini conflictûs violentiâ dissilientibus, & compage ipsius prorsus dissolutâ. Atque hæc tragœdia præ hujus quasi flammæ subtilitate eximiâ, etiam sine aliqua sanguinis Febrili ebullitione, vel alterius ægritudinis præensione, cietur. Secûs quàm ut plurimum accidit ubi causâ morbifica minùs subtilis existit & quasi obtusiori telo vitam impetit. Discriminis modus pinguiori exemplo sic adumbretur. Si acus vel quid aliud cuspidè graciliori præditum pulvinari supponatur ac vi adigatur, illud, æquè ac ab obtusiore instrumento similiter adaçto, in sublime non attollitur, sed perforatur. Verum ejusmodi subitanea extinctio, rariùs occurrit, nec nisi (ut supra innuimus)

mus) circa initium Pestis, vel incrementum. Etenim, ut in aliis Febribus, plerumque rigor atque horror primùm invadit, quem calor mox excipit, & tantisper excurrit, donec particulæ cruoris inflammatae provido naturæ ductu ad Emunctoria amendantur, ac ibidem ad instar phlegmonum communium in pus vertantur. Jam si inflammatio adhuc remissior existat, Febres quas Pestilentes vulgò appellant producere solet; ut in fine pestilentis constitutionis sæpe numerò accidit, ac forsitan etiam uno alteròve post anno, donec ista Febrium species profùs disparereat.

Certè, me judice, inflammatione ista quam Latini *Ignem Sacrum* appellant, quandam Pestis imaginem non obscuram intueri licet. Est enim morbus hic apud saniores Medicos, Febris Continua à sanguinis parte tenuiori corruptâ, ac inflammata originem ducens, quâ ut natura se liberet, eam in corporis aliquam partem externam expellit, in qua Tumor, aut potius (cum tumor ad eò notabilis sæpe non appareat) Macula rubra, lata, dispersa, quam *Rosam* appellant, oritur. Solvitur autem ista Febris, postquam uno atque altero die ægrum afflixit, criticè per hunc tumorem, & proinde aliquando in glandulis sub alis vel in inguinibus dolor, ut etiam in Peste fieri consuevit. \* Et ferè invadit hoc malum ut Pestilentia, cum horrore & insequenti calore Febrili, ita ut qui ipsum ante non sunt passi, existiment lue pestifera se corripit, donec tandem in crure aut alio loco sese affectus prodat. Quibus accedit quod & maligni aliquid huic morbo inesse nonnulli Authores suspicantur, ac proinde curationem in sudoriferorum atque alexipharmacorum usu constituunt. Hæc quidem flamma, ubi Ebullitionem commoverit, cujus ope particulæ sanguinis leviuscule ustulatae ac quasi syderatae brevi spa-

\* Vid Sennertum, lib. 2. cap. 16. de feb. Sympt. contin.

tio foras ablegantur, sponte suâ, nec ulteriorem noxam molita, extinguitur.

Veruntamen Ignis noster isto *Sacro* longè *divinior* est, ut qui summâ quâ pollet substantiæ tenuitate intimiores corporis recessus ad instar fulgetri permeare aptus natus sit, spiritibus cruoris de repente profligatis, ipsiusque compage nonnunquam citiùs dissolutâ, quàm Natura præcipiti malo oppressa, Ebullitionem Febrilem (solennem nempe machinam quâ quicquid sanguini infestum est, suis è finibus amovere satagit) concitare valeat.

Quod si quis mihi hîc litem paret de eo quod hunc morbum ab Inflammatione oriri existimem, is attendat non modò Febris præsentiam, sed & complura alia huic sententiæ suffragari; nempe sanguinis detracti colorem, qui Pleuriticorum ac Rheumatismo laborantium sanguinem planè æmulatur; adustam Anthracum faciem, Pyrotici actualis impressioni non abfimilem; necnon Bubones ipsos, qui inflammationem æquè solenniter excipiunt ac eandem alii cujuscunque generis tumores consequi solent, uti & inflammationes pleræque omnes in abscessum terminantur. Quin & anni tempestas quâ Epidemica Pests ut plurimum exoritur, ad hanc rem symbolum suum conferre videtur: Eodem enim tempore, nimirum quod inter vernum æstivumque medium est, *Pleuritides*, *Anginae* aliæque inflammati sanguinis affectiones popularitèr ingruere consueverunt: quemadmodum etiam nunquam frequentiores mihi visæ sunt, quàm per aliquot septimanas, quæ nuperæ *Pestis Londinensis* exortum antecesserunt. Nec verò nullius est momenti illum ipsum annum tot millium strage funestum, alioquin mitissimum ac saluberrimum extitisse; omnèsque qui à Peste immunes persistiterunt nunquam meliori valetudine usos fuisse; quin & eos qui ab eadem con-

valuis-

valuissent, cachexiæ aliisque affectibus à residua priorum morborum labe provenire solitis, non magis obnoxios deinceps vixisse. Quibus accedit, quod & quantæcunque latitudinis apostemata & carbunculi, postquam inflammatae particulæ una cum sanie decessissent, Chirurgicis auxiliis, iisque non admodum conquisitis facile sanata fuerint.

Verùm perquirat hinc fortasse aliquis, si Pestis in inflammatione quadam consistat, qui fiat ut medicamenta calidioris census, qualia sunt *Alexipharmaca* propè omnia, tum ad hujusce affectus Therapeiam, quàm Prophylaxin tanto cum fructu usurpentur. Cui respondeo, illa duntaxat per accidens auxilium præstare, nempe Diaphoreticos, quam suscitant, beneficio, quo particulæ sanguinis inflammatae diffiantur, atque exterminantur. Quòd si fortè exhibitæ sudores commovere non valeant (ut per sæpe accidit) mox sanguinis incendium ab additio calore magis effèratum, eorum noxam palàm proclamat. Prophylaxin ut verbo attingam, non sum pascius etiam ad illam *Antidotarium* calidorum usum pascim deprædicari, at quo emolumento adhuc probandum restat. Imò vinum liberiùs ingurgitatum, aliaque fortiora præservativa statis horis dietim assumpta, complures, qui aliàs salvi intactique verisimiliter permansissent, in hunc effectum conjecerunt.

Quod ad harum Februm *Therapeiam* attinet, erunt fortasse qui me temeritatis atque arrogantia eo nomine insimulabunt, quòd ab Urbe dum nupera Pestis grassaretur, maximam partem complurium milliarium intervallo semotus, adeoque observationum copiâ ni inus instructus, de hac re tamen differere iustineam. Verùm cum Medicis illis longè peritioribus, quibus per totum calamitosæ luis decursum inter media pericula & mille mortis imagines commorandi animus ac fiducia non defuisset, tamen ea quæ cre-

briori

briori usu de hujusce morbi ingenio annotassent, in lucem edendi voluntas hæctenus desuit, mitiorem, uti spero, de consilio meo sententiam latari sunt omnes boni, quòd meam de truculentissimo affectu sententiam, paucis quidem, sed propriis observationibus superstructam, in medium expromam.

Ac primus quidem locus *Indicationibus curativis* debetur, quæ eò in universum dirigendæ sunt, aut ut naturæ ductum in exterminando morbo accuratè sequentes, eidem subsidiariam porrigamus manum; aut ut methodo, quâ natura in intestino hoc hoste debellando uti solet, minimè fidentes, diversam ac tutiorem ex nostro penu atque artificio vicè illius substituiamus. Nisi fortè hic aliquis rogerat rem etiam satis feliciter per pestifuga alexiteria geri posse, quorum ingentem apud Practicos copiam reperire est. Verùm enim verò annon auxilium quod præstant hujusmodi medicamenta, potiùs manifestæ ipsorum facultati; quâ sudores assatim proliciendo simul materiæ morbificæ exitum aperiant, quàm occultæ cuidam indolè quâ à Natura ad Pestilentis malignitatis labem delendam donata fuerint, referri debeat, magnam atque anticipitem habet disceptationem. Nec de hiscè tantummodò, sed & de aliorum morborum Alexiteriis dubitare fas est, utràm evacuationem aliquam sollicitando, potiùs quàm virtute quadam specificâ ægrotantibus non succurrant. Qui enim, verbi gratia, in *lue Venerea* vel *Mercurium* vel *salsaparillam*, veneni in isto morbo reperti alexipharmaca objiciat, adducenda sunt ei curationum exempla, in quibus ille sine sputo aut secessu, hæc vero sine sudoris suscitatione sanitatem aliquando restituerit; quod ego quidem credo ei admodum difficile futurum. Mihi autem verisimile est, peculiare Pestis remedium, propriumque ipsius perniciæ alexiterium adhuc in naturæ sinu abditum delitescere, nec eandem nisi ratione quâdam mechanicâ tolli posse.

Quocirca ut intentionem illam priorem paulò plenius expendamus, quæ eò spectat ut Naturæ in materiæ morbificæ exterminatione suo more & modo auxilium suppeditetur, advertendum venit, quòd in verâ Peste Natura, dum neque sponte suâ aberrat, neque vi aliquâ transversim agitur, per abscessum aliquem in Emunctoriis erumpentem, unde materiæ exitus patescit, negotium suum exequitur. Atqui in Febre quam Pestilentem nuncupamus, mediante diaphoresi per universam corporis superficiem idem efficitur. Unde colligere est, pro diversa, quam natura in utroque morbo præmonstrat, viâ ac ordine, etiam diversam medendi rationem institui debere. Nimirum si quis materiam veræ Pestis, ope sudoris amoliri satagat, is diversâ à natura viâ insistit, utpote quæ id per apostemata molitur. Contrâ verò qui aliàs quàm per sudores Febris Pestilentis materiam eliminare tentat, is cursum instituit cum naturæ ductu ac <sup>εὐπρί</sup> nequaquam convenientem. Cæterùm in Peste verâ, quoniam idoneo accerto remediorum genere naturalis morbificæ materiæ ejectio, id est, apostematum eruptio promoveri possit, nondum constat; nisi quis fortè victum corroborantem atque Cardiaca ad illud conferre posse existimet; quæ tamen multùm dubitare ne ægrum, jamjam plus æquo calescen- tem, in majorem æstum conjiciant. Certè sudores in hoc casu frustra esse compertissimum habeo; quanquam haud inficior, post magnos sudores ad trium quatuorve horarum spatium productos, ac deinde abruptos, tumorem se in conspectum dare; quem ego à sudore proficisci minimè arbitror; utpote quo vigente, nullum appareat eruptionis indicium; finito quidem veluti per accidens consequatur, nimirum cum jam aliquam sarcinæ partem, quæ naturam plus satis gravabat, sudores abstulerint, ac corpus à Cardiacis ad Diaphoresin suscitandam propinatis, vehemen-



mentius incalescat. Verùm quàm fallax & infida sit; hæc peccantis materiæ per apostemata à sudoribus forrâs evocata, exterminatio, testor funestos eorum exitus qui hoc modo tractati fuerunt; è quibus vix tertius quisque (ut modestissimè dicam) medicationis ac morbi periculum evasit. E contra vero multi, quibus laudabili ritu tumores eruperunt; etiam dum negotiis suis intenti versarentur, nec ullius sive naturalis sive vitalis sive denique animalis facultatis læsione perceptâ, sanitatem brevi recuperarunt; nisi qui malo suo fato in medicastrum aliquem incidentes; ejusque monitu, quantumvis corpore pariter ac animo optimè valentes, ad sudandum in cubilibus compositi, ab eo ipso tempore deterius se habere inceperint, ac demum ingravescente ægritudine, inauspicati consilii noxam sub interitu comprobarunt. Verùm lubricam atque alexæ plenam in se esse hujusce morbi per tumores judicationem ex eo manifestum est, quòd interdum Bubo qui primùm laudabiliter ac cum symptomatum remissione protuberavit, postea ex improvviso dispareat, ejusque loco, Maculæ purpureæ, certissimi mortis indices, succedant; cujus retrocessionis causâ magnis illis sudoribus ad eruptionem promovendam destinatis, jure tribuenda videtur, ut qui bonam materiæ partem, quæ tumoris molem infercire ac sustentare debuerat, alioversùm per ambitum corporis distrahendo ac dissipando leves in auras diffuserint. Ut ut sit, hoc saltem planissimè constat, cæteris affectibus, à Dei Opt. Max. benignitate, certam amoliendæ causæ morbificæ rationem; huic autem, enormium delictorum flagello, non nisi lubricam admodum & versatilem adjunctam esse. Atque hinc fortasse non minùs commodè, quam à malignitate, eximie perniciosæ causâ atque origo peti possit. Nam & in *Arthritide* aliisque morbis, qui exiguam habent malignitatis suspensionem, materiæ

morbificæ recursus non minori certitudine fatum accersit. Ex quibus omnibus manifestò consequitur, medicum, qui in aliorum morborum medicatione, naturæ ductum ac propensionem præsim, ac passibus æquis sequi tenetur, hinc ejusdem auspiciis renunciare debere. Cujus effati veritatem quia paucissimi hæctenus perspexerunt, hinc numerus eorum, quos tumulo Pestis intulit, haud paulò auctior evasit.

Quare cum minimè securum sit in exterminando hoc morbo naturæ vestigiis insistere, proximo loco dispiendum venit, quæ demum arte secundæ quam diximus Intentioni satisfiat, nempe aliam atque à Naturali diversam, hujusce morbi solutionem aggrediendi. Hoc autem dupliciter omnino fieri posse existimo; scilicet vel per sanguinis missionem, vel per sudores. Priorem quod attinet, non sum nescius sacram apud pleròque audire in hoc morbo venæsectionem. Verùm vulgi præjudicia parùm moratus, rationum in hac quæstione momenta, quæ par est æquitate atque candore, paulisper expendam. Ac primum quidem medicorum, qui grassante nuperâ lue in Urbe perstiterunt, fidem appello, Numquis eorum, Phlebotomiam largâ manu ac repetitis vicibus, necnon tumore nullo adhuc protuberante celebratam, Peste laborantibus funestam esse animadvertit? Parcâ quidem vel tumore jam conspicuo sanguinis detractionem semper damnosam esse, neutiquam mirandum est; Siquidem cum mediocris tantum quantitas cruoris adimitur, hinc Naturæ, quæ tumori protrudendo totas intendit vires, rei administratio è manibus eripitur, nec intereâ alia satis efficax materiam morbificam evacuandi, ratio substituitur. Apparente autem jam tumore, celebrata venæsectio, cum à peripheria ad centrum trahat, motui naturæ, qui fit à centro ad circumferentiam, inducit motum planè adversantem. Nihilominus vix quicquam tre-

quen-

quentius factitatum videas, quàm Phlebotomiæ, per-  
 verso hoc ritu administratæ, noxam, à contrariæ sen-  
 tentiæ patrónis universim ac in genere adversus fan-  
 guinis in hoc morbo detractionem validissimi argu-  
 menti loco torqueri; uti in *Diemberbroeckio* aliisque Ob-  
 servationum scriptoribus passim videre est. Quod ad  
 me attinet, equidem eorum ratiocinationi assentiri  
 non possum, donec intellexero; quid Quæstioni su-  
 perius propositæ respondeant. Sanè Venæ-Sectionem  
in Peste convenire, complures iique gravissimi scri-  
 ptores jam pridem senserunt; quorum præcipui sunt  
*Ludovicus Mercatus, Joannes Costæus, Nicolaus Massa,*  
*Ludovicus Septalius, Trincavellius, Forestus, Mercurialis,*  
*Altomarus, Paschalius, Andernacus, Pereda, Za-*  
*cutus Lusitanus, Fonseca,* aliique. Verùm qui totum  
 curationis negotium in copiola, qualem nos postu-  
 lamus; sanguinis detractione collocaverit, unus, quod  
 sciam, repertus est *Leonardus Botallus*, medicus su-  
 perioris sæculi celeberrimus, quem, ne solus in hac  
 palæstra versari videar, Lector accipiet suis ipsius  
 verbis de hac re differentem. \*Ego (inquit) *ut uno ver-*  
*bo dicam, nullam Pestem esse puto, cui hæc non possit esse*  
*salutaris supra omnia remedia; modo opportune & quan-*  
*titate convenienti usurpata sit; ratus eam aliquando inu-*  
*tilitem inventam fuisse, propterea quod aut tardius aut par-*  
*cius quàm opus esset, aut quod utroque modo circa eam*  
*usurpandam peccatum sit. Et paulò post hæc subjungit;*  
*At in tanta timiditate & parca detractione quæ fieri potest*  
*ut quis recte possit judicare quantum ea in Pestilenti mor-*  
*bo prodesse valeat, aut obesse? Non enim morbus pro cu-*  
*jus curatione requirebatur detractio librarum quatuor*  
*sanguinis, in quo una tantum detrahatur, si hominem in-*  
*terficiat, ideo interficit, quia sanguis est missus, sed quia*  
*non justo modo missus est, nec fortè etiam opportune. Ve-*  
*rum nebulones nequissimi & ignavissimi in id semper cul-*

H 3

pan

\* Cap. 7. De curatione per venæ-sectionem.

pam converterere satagunt, non quod nocuit, sed quod per nefas à cunctis vituperari exoptant. Aut si id nequitia non faciant, ignorantia tamen prave dispositionis efficiunt: utraque certe perniciofa, sed illa magis. Quæ omnia experientia confirmaturus, pauld inferius sic pergit, *His observatis nemo rationis capax jure in his morbis vituperare missionem sanguinis potest, sed mirificè & tanquam divinum auxilium commendare, extollere, & confidenter usurpare; quod ipse profecto ab annis quindecim facio. Ideo in morbis Pestilentibus, in obsidione Rupellarum, & Montibus Hannoniæ abhinc quadriennium & Parisiis toto hoc biennio, & Cameraci anno proxime actò, in omnibus meis agrotis (qui innumerati fuerunt) nullum præsentius ac salutaris reperi ipsa largà & tempestivâ sanguinis missione. Deinde ad curationum exempli descendit, quæ brevitati studens, huc transferre supersedeo. Libet tamen rei in hac nostra Britannia ante aliquot annos gestæ historiam oppidò raram ac à proposito nostro non alienam, hic loci apponere.*

Cùm inter cæteras belli civilis calamitates quæ hanc patriam nostram miserrimè affligerunt, pestis etiam multis in locis grassaretur, ac fortè in Castrum *Dunstar*, quod in provincia *Sommertonensi* situm est, aliunde invecata, aliquot præfidiariis cum macularum efflorescentia derepentè exanimatis, complures etiam alios corripuisset. Chirurgus quidam qui à longa in regionibus exteris peregrinatione redux tunc temporis stipendia inter alios faciebat, à præfidii præfecto enixè rogat ut sibi liceret commilitonibus suis truculento morbo correptis pro virili succurrere, quo annuente, singulis ægris, statim à primo morbi insultu, atque nullo adhuc tumore conspicuo, sanguinem ingenti copiâ detraxit donec pedibus deficere inciperent, nam stantibus ac sub dio vena pertusa est, nec aderant vascula quæ cruoris in terram effluentis

mensuram definirent. Hoc facto eos in tuguriola sua ad decumbendum demisit. Et quanquam à Phleboto-  
mia nullum omninò remedium adhibuit, tamen ex  
complurimis iis quos hoc modo tractasset, mirum  
dictu, ne unus quidè[m] desideratus est. Vir Nobi-  
lissimus juxta ac morum probitate atque fide spectabi-  
lis D. *Franciscus Windham* militum Tribunus, ac  
prædicti castrì tunc temporis Præfectus, mihi hæc  
retulit, & etiã[m] in vivis est, pro eâ quâ est hu-  
manitate rei gestæ veritatem cuilibet dubitanti con-  
firmaturus.

Quid mihi met ipsi circa hanc rem singulare ac me-  
moratu dignum aliquando observare contigit, Le-  
ctor inferius accipiet, ubi pauca ea quæ deserviente  
nuperâ Peste *Londinensi* à me usu atque experientiã  
annotata fuerunt, inferius ostendam.

Hujuscæ autem praxeos utilitatem etsi non mente  
tantum ac judicio assequor, verum etiam reipsã at-  
que editis experimentis dudum exploravi, tamen  
Pestilentis fermenti per diaphoresin dissipatio, præ  
ejusdem per Venæ-sectionem evacuatione mihi mul-  
tis nominibus arridet; utpote quæ nec ægrorum vires  
æquè prosternat, nec medicum infamiæ periculo  
objiciat. Atqui & hæc difficultatibus suis non vacat;  
Primò enim, multis, ac præsertim calidioris tempe-  
ramenti juvenibus, sudores ægrius proliciuntur; cu-  
jusmodi ægrotos, quò hydroticis fortioribus, ac cu-  
mulatori tegumentorum pondere diaphoresin con-  
ciere satagas, eò in manifestius Phrenitidis periculum  
adduces; aut quod tristioris adhuc ominis est, vana  
spe aliquantisper lactatus, tandem pro sudoribus *Exan-  
themata Pestilentialia* elicies. Cum enim præcipua hu-  
jusce mali labes in spirituosiori massæ sanguinæ par-  
te resideat, unde crassiorum particularum exagitatio  
nonnihil languidior quàm in aliis inflammationi-  
bus plerumque existat, tenuior illa portio novi

caloris accessione in majorem rabiem acta, impetu demum facto omnes cruoris fibras ultrà texturæ modum distensas prorsùs frangit ac comminuit. A quâ fibrarum sanguinearum dissolutione macularum Pestilentialium causam petendam esse censeo; quippe non secùs ac *vibices* à plaga fortiore in partem aliquam corporis musculosam inflictâ, primò intensius rubicundæ in cute efflorescunt, ac brevi pòst tempore livorem quendam aut nigredinem induunt.

Deindè verò, in corporibus quæ satis promptè in sudorem solvuntur, si diaphoresis justò præmaturiùs (nempe totâ materiâ morbosâ nondùm penitus dissipatâ) abruptatur, bubonum, qui laudabiliter quidem sub finem sudoris prodire inceperant, postea deterior evadit conditiò. Nam subductâ quæ eos in molem attollere deberet materiæ parte, aut de facili intrò remeant, aut saltem ad legitimos abscessus, nunquam perducuntur (quemadmodum etiã in Variolis accidere solet, quoties æger per primos dies impensius sudavit) recepto autem denuò intra muros hoste ferali, in sanguine commotio excitatur, cujus operâ eo quo superius innuimus modo, sæpe ecchymata imminentis lethi indicia foràs propelluntur.

Verùm quibusnam modis his aliisque difficultatibus obviã iri possit, ut luculentius patefcat, quid in hoc morbo à me pro modulo meo factum observatumque fuerit; initio à nuperæ luis primordiis ducto, summâ fide edisserere lubet.

Nobilem fœminam ineunte *Maiò* anno 1665 ætatis circiter 21 annorum, ac temperamento sanguineo præditam invisi. Præter Febrem ardentem quæ paulò antè invaserat, vomitiones importunæ; aliaque symptomata Febrilia ægram excruciabant. Curationem à Venæ-sectione auspicatus, postero die ad præcavendam Diarrhœam, quæ, ut in hujuscæ Tractatùs initio monuimus, ob omissam, quod postulabat in  
prin-

principio morbi vomendi propensio, Emetici exhibitionem, defervescente Febre supervenire consuevit, Vomitorium imperavi, quod satis commodè ventriculi saburram elicuit. Postero mane, cum ægram iterum adirem, ei alvum profluere intelligo, quæ res, ab aliquod annorum usu insolentior visa, mihi non levem sollicitudinem injecit. Exinde autem Febrem non vulgaris generis esse judicavi (quemadmodum etiam eventus docuit) proindeque aliam ab eâ, quæ superius tradita est, quæque constanti successûs serie hæcenus à me usurpata fuisset, medendi rationem sibi vindicare. Quocirca, adscito in negotii societatem medico alio seniore, venæ-sectio, quam ægrotantis ætas, temperamentum, ac inordinata sanguinis ebullitio flagitare videbantur, ex communi nostro consilio iterum celebrata est; etiam cardiaca moderatè refrigerantia propinata, ac denique clysmata alternis diebus injecta sunt. Sub finem ægrotudinis, quoniam symptomata valdè anomala ac inconsueta, malignitatis egregiæ indicia, ingruebant, ex Alexipharmacorum classe fortiora aliquot præscripsimus. Quibustamen omnibus nequicquam proficientibus, ægra circa diem decimum quartum è vivis excessit. Insolitum hujusce Febris ingenium per aliquot post dies animum meum variè exagitabat; ac tandem in memoriam revocans, summum ardorem, etiam post reiteratam venæ-sectionem, in prædicta ægrâ perseverasse; ruborem genarum adfuisse; cruoris aliquot guttulas paulò ante mortem è naribus fluxisse; nec non sanguinem ipsius in acetabulis refrigeratum, ei qui à Pleuriticis detrahitur, non abîmitem fuisse; quin & tussim aliquam & obscuros quosdam in partibus vitalibus dolores emicuisse; porrò & eam anni tempestatem incubuisse, quæ finem veris ac initium æstatis complectitur, quæque Febribus continuis producendis minùs esset idonea (illæ enim hoc

tempore sua sponte quasi diffiliunt & in intermittentium classem se reponunt; vel in Pleuritides arque id genus alias inflammationes præcípites ruunt) denique Pleuritides eo ipso tempore admodum populares fuisse: His inquam omnibus ritè perpensis, in eam deveni sententiam, ut Febrim hanc, etli pathognomicis Pleuritidis, aut etiam Peripneumoniæ signis destitutam, tamen symptomatis rationem habuisse, judicarem, inflammationis cujusdam respectu partes spiritales delitelcentis; quippe nullus aderat lateris dolor, nulla insignis spirandi difficultas. Ut rem contraham, eò tandem deveni ut eadem omnino mihi methodo procedendum fuisse in prædicto casu arbitrarer, quòñ Pleuritide sæpius cum successu singulari usus fueram. Quæ sententia deinceps feliciter atque ex voto cessit. Vocatus enim non multò post ad hominem consimili prorsus modo ægrotantem, reiteratis venæ-sectionibus, quales ad Pleuritidem supra laudantur, curationem commisi & absolvi. Circa mensis modò memorati exitum atque initium *Junii*, complures operam meam implorantes ab eadem Febre (quæ jam valdè popularitè grassabatur) prædictæ præxeos beneficio convaluerunt. Ab hoc tempore immanitè debacchari cæpit calamitosa illa Pestis, quæ eò tandem truculentæ devenit, ut septem dierum spatio totidem animarum millia in una urbe extinxerit.

Febri autem illi de qua modo loquebar, an pestis appellatio attribui mereatur, non aulim definitò pronuntiare. Hoc tamen exploratè cognitum habeo, omnibus, quos illo & aliquanto post tempore, ipsissima Pestis cum universo symptomatum sibi peculiarium apparatu in mea vicinia afflixit, eandem tam in primo morbi insultu quàm in decursu, accidentium *ovòpoulo* adfuisse. Cæterùm cùm proximo pariete ardente propiùs ædibus meis immineret periculum, ego tandem amicorum suasu numerosissimis fugientium

tur-



turbis me adunxi, familiã etiam meã ad aliquot ab Urbe lapides subductã. Eò tamen vicinis meis maturiùs rediì, ac dum calamitosã illius Luis in tantum perfereretur sævitia, ut fieri non potuit quin meliorum medicorum penuria ad Pestiferorum auxilium advocarer. Nec multò post complures Febricitantes invisi, quorum Febrem, illius quæ ante decessum meum tam prosperis ægrorum rebus à me tractata fuisset, morem atque genium æmulari non sine magna admiratione deprehendi. Ideòque propriã experientia fretus ceu duce, quibuscunque præceptis umbratilibus anteponendo, Phlebotomiam similiter administrare non dubitavi.

Hunc autem ritum imminuendi liberaliùs sanguinem (cui etiam Pisanã ac dietã id genus refrigerantis usus accessit) in multis ægris miro profectu continuavi, donec tandem in nonnullorum tractatione solito successu destitutus præadstantium proterviã, qui præjudiciis inanibus occupati, debitam sanguinis quantitatem auferri non pariebantur, magno ægrotantium malo, quibus (saltèm dum in hoc cardine curandi scopus versaretur) sanguis aut sufficienti quantitate, aut non omninò detrahendus fuerat, insignem obicem conatibus meis oppositum sensi, ac proindè alium à venæ-sectione huic morbo occurrèndi modum reperiri, magnoperè ex usu futurum judicavi. Nocumenti quod aliquando infons dedi, non ex eo quod sanguinem ademerim, sed quod ex voto eundem adimere impeditus fuërim, exemplum hîc adducam. Vocatus ad juvenem quendam, temperamento sanguineo ac habitu athletico præditum, quem Febris vehementior cum doloribus capitis vertiginosis, vomitu enormi, aliisque id genus symptomatibus à biduo corripuerat, cum nullum adessè tumoris signum interrogatus responderet, statim liberali manu sanguinem emitti imperavi, cujus refrigerati superficies

cies puriformem Pleuriticorum sanguinem referebat, præscriptâ etiam ptisanâ cum jusculis ac Julapiis refrigerantibus. A meridie pro secunda vice parem sanguinis jacturam subiit, quâ etiam sequente aurorâ similiter multatus est. Sub hujus autem diei exitu ægrum meum invisens, eum quidem multò meliùs se habere, & nihilominùs amicos ejus adversus ulteriorem venæ-sectionem animis vehementèr obstinasse deprehendo; quam tamen ego denuò celebrandam esse enixè contendì, superesse alteram duntaxat venæ-sectionem dictitans, quæ ægrum in sicco collocaret; sin contra niti pergerent, satiùs fuisse ut nullo omnino sanguine detractò curatio per sudores Instituta fuisset; uno verbo, ægrum certò certius interiturum. Prælagium eventus confirmavit; nam dum hæc altercatio rei agendæ occasionem corrupisset, maculæ purpureæ postridiè eruperunt; nimirum materiæ peccantis reliquiis, quas radicitùs evacuari oportuit, cum jam omnem abscessus spem Phlebotomia toties repetita abstulisset, morâ suâ universam cruoris massam pervertentibus, ejusdemque compagem subtilitate eximiâ disrumpentibus: Æger autem post aliquot horas fatis concessit. Cum ergo frequentior hujusmodi obstaculorum occursum mihi molestiam facerent, magnâ cogitandi sollicitudine mecum agitavi, equis demum reperiri possit medendi modus qui morbum non minùs efficacitèr abigeret, nec hominum offensionem æquè incurreret. Re diù multùmque apud animum meum deliberatâ, tandem in hanc methodum incidi, quam nunquam non proficuam, ac omnibus numeris absolutam deinceps expertus sum.

## C U R A T I O.

Primò, siquidem tumor nondum protuberaret sanguinem pro ægrotantis viribus ac temperamento moderatè detraxi, quo factò, Diaphoresis, cujus aliàs sollicitatio in nonnullis corporibus non modò  
sum-

summam habebat difficultatem, verùm etiam majoris incendii proindeque ecchymatum purpureorum periculum minitabatur, facilis erat atque expedita. Atque hanc sanguinis jacturam, quæ utut exigua aliàs gravissimum incommodum attulisset, diaphoreseos immediatè insequentis beneficium abundè compensavit. Post Venæ-sectionem (quam in lecto celebrandam curavi, cùm jam omnia ad sudores proliciendos in promptu essent) ne vel minimâ interpositâ morâ stragulis ægrum obrui, ac laciniam laneam sincipiti alligari jussi; quæ quidèm capitis obtectio ad sudorem ciendum plùs proficit quàm quis faciliè crediderit. Deinde, si vomitus non adessent, hæc & similia hydrotica exhibui;

℞. Theriac. Androm. ℥ss

El. de ovo D j.

Pul. è chel. crancor. comp. gr. xij.

Cochinell. gr. viij.

Croci. gr. iiij.

Cum. s. q. succi. kermes.

F. bolus, quem sumat. Cû quaque hora, superbibendo Coch. vj. seq. Fulapii.

℞. Aq. Car. benedicti & scord. comp. an. ℥ iiij.

Aq. theriac. still. ℥ ij.

Syr. caryophill. ℥ j.

Misc. f. Ful.

Quòd si vomitio interpellaret, ut in Peste ac Febribus Pestilentialibus sæpissimè accidit, medicamentum sudoriferum tantisper propinare distuli, donec solo tegumentorum pondere (nisi quod linteaminis pars subindè ad colligendos halitus vultui superinduceretur) sudor promanare inciperet. Nam (quòd quidèm observatu summè dignum est) cùm materia morbificæ radii versus ambitum corporis sese exporrigant, illicò alvi profluvium & vomitiones, ab eisdem introrsùm reflexis, ac in ventriculum & inte-

stina

stina decumbentibus provenientes, ultrò sedantur: Adeò ut quantacumque stomachi subversio præcesserit, assumptà deinceps medicamenta probe retineantur, ac ad sudores ex voto proliciendos conducant. Memini cum me aliquandò Pharmacopola quidam ad fratrem suum ex Febre Pestilentiali graviter ægrotante vocasset, atque ego de medicamento ad sudorem suscitandum exhibendo, sermonem injicerem, retulit se jamjam varia eaque fortiora sudorifera incastum propinasse, siquidem æger omnia vomitu rejecerat. Cui ego, adduceret, inquam, ex omnibus iis quæ antea exhibuisset vel ingrattissimum ac summè fastidiosum, me facillè effecturum, ne illud deinceps evomeretur. Promissi fidem eventus liberavit; quippe æg<sup>o</sup>, ubi à sola stragulorum mole paululùm maduisset, largiorem Theriacæ Venetæ bolum deglutivit ac retinuit, cujus beneficio in copiosiore sudorem conjectus, incolumitatem recuperavit. Sed ut ad institutum redeam, inceptam jam diaphoresin, hæustibus Zythogalæ salviâ alteratæ, vel cerevisiæ, cui macis aliquantulum incoxerit, subinde repetitis, ad naturalis diei spatium continuari præcepi, absterfione interim omni religiosè interdictâ: imò nec infra quatuor ac viginti horas à sudoribus finitis indusium, utcunque madidum ac immundum mutari permitto. Id quod summâ cautelâ observari velim. Quòd si sudatio angustiori temporis limite circumscribatur, recrudescit illicò symptomatum sævitia, atque ægroti salus, quam proluxior diaphoresis extra aleam constituisset, in acie novaculæ relinquitur. Et profectò *Diemerbroeckium* aliosque nequeo tatis mirari, quoties adverto eos tam levi prætextu ad diaphoresin interpolandam adduci, ut scilicet ægrotantium viribus consulatur. Primò enim ægrum sudore diffusentem viribus meliùs quàm antea constare, nemini in hujus morbi medicatione vel tantillùm versatò non

pòt-

potest esse animadversum. Quid me in hac re usus atque experientia docuit, palàm eloqui ac etiam propugnare non verebor. Multi, me authore in 24. horarum diaphoresin coniecti, tantum abest ut se exinde debiliores factos quererentur, quin potius quantum supervacanei humoris sudando decessisset. tantundem novi roboris sibi accrevisse profiterentur. Circa horas autem aliquot posteriores sæpe non sine stupore observavi erumpere sudorem quendam, priorè illo, quem vis medicaminum expresserat, magis naturalem, genuinum, copiosum, quique multò plus levaminis afferret, planè ac si verè criticus foret ac totius morbi eradicativus. Porro in summo sudoris vigore jusculis ac forbilibus confortativis ægrum reficere, quid secum trahat incommodi non video, ideoque ad nihilum recidit illa objectio de virium ad longos sudores perferendos impotentiam. Si qua igitur defectio sub finem imminere videatur, jusculi ex pullo tantillum, vitellum ovi, vel his similia sorberi permitto; quæ cum cardiacis & haustibus ad sudorem continuandum ex more destinatis, virium labefactioni abundè succurrunt. Cæterùm in re adè manifestâ non opus est ut plura argumenta adducam: Etenim, quod hujus praxeos utilitatem palàm proclamat, videre est, quòd quamdiù æger sudore diffluit benè se habere existimet, neque minùs ex astantium iudicio res tota in vado constituta videatur; Atqui quamprimùm corpus arescere incipit ac sudor abruptitur, omnia in pejus ruant, morbo quasi postliminiò redeunte.

Per horas à finito sudore viginti quatuor, moneo ut frigus cautè vitetur, indusium sponte suâ in corpore arescere permittatur, potulenta omnia calidiusculè hauriantur, & Zythogalæ salviâ alteratæ usus etiamnum continuetur. In sequenti luce commu-  
ne Catharticum exhibeo. Atque hâc medendi ra-  
tione;

102 FEBRIS PESTILENTIALIS Sect. II.  
tione, anno à Peste proximo, complurimis Febre  
Pestilentiali correptis sanitatem restitui, adeò ut ne  
unus quidem ex eo morbo mihi desideratus est, post-  
quam eandem exercere inceperam.

Verum ubi tumor jam enatus fuerit, venam ape-  
rire, etiam in corpore ad sudandum quantum vis in-  
habili, hætenus non sustinui, veritus ne materiã  
morbificã in depleta vasa confertim remeante, subi-  
taneus ægri interitus destinatam diaphoresin antever-  
teret. Nihilominus fortasse fatis tuto administrari  
poterit Phlebotomia, modò confertim ab ea perac-  
tã, ac nullã morã interjectã eliciantur sudores, qui  
ad spacium superiùs requisitum producti, omnem  
tumoris molem paulatim absumere ac dissipare va-  
leant; idque longè minore salutis periculo quàm si  
legitima apostematis maturatio, quæ in præcipiti af-  
fectu admodùm incerta ac fallax existit, seriùs expe-  
ctaretur.

Denique, ut ad calcem tandem perveniam, sicu-  
bi circa Theoriam me hallucinatum fuisse Lector de-  
prehendat, errori veniam peto; verùm quod ad  
Praxim attinet, profiteor me omnia ex vero tradidisse,  
nihilque uspiam proposuisse, nisi quod probè ex-  
ploratum habeam. Sanè cum supremus vitæ meæ in-  
stabit dies, confido mihi adfuturum alacrem in præ-  
cordiis testem, me non solùm ægrorum omnium, cu-  
juscunque demum fortis, qui sese curæ meæ concre-  
diderant, summã fide ac diligentia salutem procurasse  
(quorum interim nemo à me alias tractatus est, quàm  
ego memet tractari cuperem, si mihi ex iisdem mor-  
bis ægrotare contingeret) verùm etiam pro ingenii  
modulo omnes animi nervos in hoc intendisse, ut si  
quo modo fieri possit, morborum medela post cineres  
meos majori cum certitudine administraretur; ratus  
quantulacunque in hoc scientiæ genere accessio-  
nem, etsi nihil magnificentius, quam *odontalgie* aut  
clavo-

*clarorum pedibus* innascentium, curationem edoceat, longè maximi faciendam esse, præ inani subtilium speculationum pompâ, ac levicularum rerum notitiâ, quæ fortassè Medico ad abigendos morbos non magis ex usu futura est, quàm *Architecto* ad construendas ædes *Musicae* artis peritiâ.

Unicam hanc annotatiunculam, ne quis fortè sinistra interpretatione mentem meam detorqueat, aut eam saltem non satis assequatur, postremo loco subiungam. In præcedenti nempe Diatribâ, *Naturæ* nomine sæpius utòr, illique varios effectus attribuo, perinde quasi rem aliquam singularem & seorsim subsistentem, sed per totam hanc mundi machinam ubique diffusam sub hoc titulo mihi repræsentarem, quæ ratione aliquâ & consilio freta corpora quævis regeret ac moderaretur: quale quidpiam de *Mundi Anima* nonnulli Philosophorum cogitasse videntur. Verùm ad me quod attinet, uti nec rerum, ita nec verborum novitatem affecto; adeoque antiquam quidem vocem, sed sensu (ni fallor) & sobrio, & à sanis omnibus non intellecto solùm, verùm etiam usitato, in hisce pagellis usurpavi. Ego enim quoties *Naturam* nomino, toties *causarum naturalium complexum* quendam significari volo; quæ quidem causæ brutæ licèt, atque omni consilio destitutæ, non tamen sine summo consilio reguntur, dum suas quæque operationes edunt, suosque effectus exequuntur. Nimirum supremum illud Numen cuius vi producta sunt omnia, & à cuius nutu dependent, infinitâ suâ sapientiâ sic disponit omnia, ut ad opera destinata se certò quodam ordine atque methodo accingant, neque frustra quicquam molita, neque nisi quod optimum est, ac toti Rerum Fabricæ, suisque privatis naturis maxime accommodum, exequentia: perinde atque automata non pro suo, sed artificis consilio moventur.

## SECTIO TERTIA.

## CAPUT. I.

*Constitutio Epidemica Annorum 1667;  
1668, partim etiam Anni 1669;  
Londini.*

ANNO 1667, apprente Æquinoctio Verno *Variolæ*, quæ durante illâ quæ proximè est prægressâ, constitutione Pestilentiali, vel profus delituerant, vel rarissimè comparuerant, caput cœperunt attollere, jamque indies latius grassantes, sub Autumno *Επιδημιαστικη* factæ sunt; à quo tempore paulatim imminutâ vi, superveniente brumali frigore parcius lacescebant; at proximo Vere adulescente, postliminiò invaluit hic morbus viguitque, donec ab insequentis hyemis gelu, uti priùs, retuso impetu coerceretur. Posthæc tertio demum cum Vere surgente increbuit at jam languidior, & succiso quasi poplite, minùs latè dominabatur, quàm duabus quæ præcesserant æstatibus: Mense verò Augusto 1669. penitus intercidit, Dysentericæ Epidemicæ locum cedens. Labente primo illo biennio, quo hæc Constitutio regnabat, Variolæ plures in urbe aggrediebantur quàm unquam aliàs quantum ego meminî, seu prorsum spectes, seu retrò: Quo non obstante, cum genuinæ per id temporis fuerint, neque mali moris, paucos jugulabant, si ingentem laborantium numerum reputemus.

Quo primùm tempore Variolæ incessèbant, & novum



novum quoddam Febris genus exortum est, à Variolis, quales se tum gerebant, non multum abhorrens, si pustularum eruptionem demas, & quæ ab illa pendet, de qua in sequentibus speciatiim agemus. *Febris* hæc, licet multò pauciores invaderet quàm Variolæ, eisdem tamen duratione æquabat: Hyeme verò cum jam illæ minuerentur, invaluit, atque, illis Vere novo invalescentibus, recessit, prædominium Epidemicorum hujus constitutionis hoc pacto illis relinquens; Nihilominus per hæc tempora non planè desuit unquam, donec tandem cum Variolis mense Augusto 1669 omnino disparuit.

Binos hosce morbos Epidemicos & tertius comitabatur, ultimâ præsertim ætate, quam dicta Constitutio defamabat, *Diarrhœa* scilicet, aëris Constitutione jam tum ad subsequentem *Dysenteriam* vergente: Utut verò hæc se res habuerit, id saltem constabat, morbum hunc Febrem, quæ tunc regnabat, ita proximè attingere, ut nihil aliud esse videretur, quàm ipsa Febris introversa, & visceribus incumbens.

De tribus hisce morbis, qui soli in hac *Constitutione* Epidemicorum nomen sibi jure vendicabant, sigillatim jam agam, à *Variolis* initium faciens; quas idcirco paulo fusiùs tractabo, quoniam quæ per hos annos regnabant, mihi Genuinæ præ cæteris & *regulares* maximè videbantur, utpote eadem prorsus exhibentes *Φυσιώδεια*, & parili symptomatum agmine omnes, quotquot adoriebantur, ubique impetentes, & à quibus proinde, tanquam in suo genere perfectissimis, tum vera morbi Historia, tum etiam medendi methodus est desumenda. Notandum enim est, non tantum Febrim quandam propriam & peculiarem cuilibet peculiari constitutioni competere, sed peculiare etiam Variolarum genus, quæ hanc quidem speciem referunt durante hac annorum serie, aliam verò

annis frequentibus, quantumlibet inter se convenire videantur quoad certa *φαινόμενα* omnibus communia. Ita ludit natura in morborum Epidemicorum generatione! Sed ut ad rem redeam; Variolarum hujus generis Historiam ante omnia perscribam; quas ideo *Regulares* mihi licebit indigitare, ut ab *Anomalis* subsequentium annorum valeam dispecere: Tum etiam methodum adjiciam, quæ mihi in earundem *θεραπεία* ex animo votoque maximè cessit.

## C A P. II.

### *Variolæ Regulares.*

**V***Ariolæ*, quibus annis Epidemicè grassantur, si *Regulares* etiam sint atque mitiores, circa *Æquinoctium Vernum* (uti hæc de quibus sermo nobis est) ingrediuntur; quibus verò annis non tantùm grassantur Epidemicè, sed & *irregulares* atque periculosioris sunt generis, maturiùs nonnunquam, mense putà *Januario*, invadunt. Integras familias contagio suo afflantes, nemini parcunt, cujuscunque demum ætatis is fuerit, nisi priùs hoc morbo laboraverit; Neque tamen eximuntur illi, quos adulterinùm Variolarum genus aliquod, ad hunc morbum nihil attingentium, priùs obfuderit. Duplex est harum species (ut & Variolarum quæ quibuslibet annis infestant;) vel sunt enim *Distinctæ*, vel *Confluentes*; quæ licèt essentialiter, ut aiunt, non differant, per illustriora tamen quædam symptomata quæ hanc commitantur speciem, *illam* verò non item, haud diffculter ab invicem discriminantur.

1. *Interstinctæ* vel *Discretæ* cum rigore atque horrore invadunt, quos mox excipiunt calor intensus admodum, Capitis & dorsi vehemens dolor, vomituri-  
tio,

tio, ingens in sudores propensio (quod de Adultis dictum volo, neque enim in infantibus hujusmodi *Αἰθρῆσι* mihi unquam observare contigit, vel ante pustularum eruptionem, vel etiam post;) doloris sensus in partibus quæ scrobiculo cordis subjacent, si manu premantur, stupor etiam & somnolentia, in infantibus præsertim, nonnunquam & Paroxyfmi Epileptici: Qui si infantes Dentitione jam perfunctos corripuerint, suspicor ego ubique, Variolas in prociñtu stare, quæ intra pauculas horas se exerentes, Prognostico ut plurimum fidem conciliant, & auctoritatem; ita ut si fortè infans insultum Epilepticum sub vesperam, quod fieri solet, patiat, Variolæ sequente aurorâ in conspectum se dederint, & (quod sæpe sæpiùs observavi) quæ Variolæ infantes statim ab hujusmodi paroxyfmiis aggrediuntur, pustulas emittunt magnitudinis conspicuæ, mites etiam sunt, atque boni moris, & rarissimè confluunt. Atque hæc ferè sunt illa symptomata, quibus hic morbus sub initio stipatur, quæque eruptionem pustularum ut plurimum antecedunt. Quamvis interim hîc loci consentaneum fuerit subindicasse, in sanguine laxiori atque *δυσμετεβλήτῳ* nonnunquam accidere, ut separationis periodus sensim atque gradatim sine insigni aliqua ægritudine transigatur, priusquam expulsiõ materiæ, pustularum eruptione se prodât.

*Variola discreta* quarto ut plurimum die, (si primum etiam incluseris) ab invasione erumpunt, nonnunquam seriùs aliquanto, ante illum verò rarissimè; quo quidem tempore vel minuuntur admodum symptomata, quod plerumque fit, vel etiam penitus evanescunt; ac proinde iis affectus satis pulchrè sibi videtur valere, nisi quod adulti in sudores propensi vix ab illis possint cohiberi, ut ut leviter tegantur; quæ quidem *Αἰθρῆσι* non nisi pustulis jam maturationem attingentibus ægrum deserit, idque suâ de-

mum sponte. Eruptionem quod spectat, hoc se-  
 rē habet modò: Primò pustulæ subrubræ, tenuissi-  
 marum acicularum puncta æquantes magnitudine,  
 sparsim se produnt, faciem imprimis occupantes, vel  
 etiam collum & pectus, dein corpus univèrsum. Per id  
 temporis & tauces dolor infestat, qui unà cum pustul-  
 lis surgentibus augetur, quæ indies grandescentes, &  
 in majus fastigium elevatæ, cutem carnesque vicinas  
 rubore afficiunt atque inflammatione. Circiter enim  
*octavum* à primo insultu diem (quam in hoc morbo  
 Epocham ubique servo) intervalla, quæ priùs subal-  
 bebant, pro pustularum quibus obsidentur numero  
 rubere jam incipiunt, atque in molem attolli, non  
 sine partium dictarum dolore tensivo & lancinante,  
 qui in horas auctus inflammationi & tumori præ-  
 dictis viam sternit; ita ut progrediente morbo pal-  
 pebræ usque adeo impleantur extendanturque, ut  
 æger luce fermè privetur; qui quidem palpebrarum  
 tumor vesicam inflatam ac resplendescentem per eas-  
 dem extensam non malè refert.

Est etiam ubi temporius oculis capiuntur ægri, si  
 nempe major pustularum vis à prima eruptione se in  
 illos effuderit. Proximæ à facie intumescunt manus,  
 digitique, pro pustularum numero, distenduntur.  
 Usque ad hunc diem pustulæ quæ faciem obsede-  
 rant, læves ad tactum fuere atque rubræ; jam verò  
 asperiores evadunt (quod quidem primum est inci-  
 pientis maturationis indicium) & subalbidæ; paula-  
 tim insuper succum quendam luteum, colore à favo  
 non abludentem, evomunt. Faciei interim & ma-  
 nuum inflammatio ad summum evecta apicem, co-  
 lorem exhibet in pustularum interstitiis satis floridum,  
 & Rosarum Damascenarum æmulum. Et sanè quò  
 mitiores sunt Variolæ & genuinæ magis, eò etiam  
 magis, tum ipsæ pustulæ, tum & cutis in earundem in-  
 terstitiis, dictum colorem ad vivum exprimunt quæ-  
 lem

lem jam descripsi. Uti verò quæ faciem occuparunt pustulæ, asperiores quotidie ac magis flavæ pro maturationis ratione; ita è contrà, quæ manus & reliquum corpus, minus asperæ, albæque magis conspiciuntur indies. Die *undecimo*, faciei tumor atque inflammatio satis apertè recedunt, & pustulæ tam faciei quàm reliqui corporis jam maturitatem, & justam magnitudinem adeptæ, (quæ his annis ad pifum grandiuiculum ascendebat) exarescunt deciduntque; atque, in hac variolarum specie, die *decimo quarto* vel *decimo quinto* ut plurimum funditus pereunt. Veruntamen manuum pustulæ, cæterarum partium pustulis pertinaciores plerumque, recentes adhuc, albæque, diei unius aut alterius morâ illas vincunt. Faciei & reliqui corporis pustulæ desquamatione, at verò manuum quæ sunt, diruptione abitum sibi parant. Pustulis faciei succedunt squamulæ furfuracæ, quas aliquando excipiunt foveæ cutis. Etenim ubi primùm decidunt pustulæ, nulla adhuc in cute cernitur inequalitas; at verò hujusmodi squamulis exurgentibus recedentibusque vicissim, tandem excavantur foveæ istæ quæ sæpenumero in convalescentibus ab hoc morbo diu visuntur; quamvis rarò admodum *Variolæ Interstinctæ* ulla sui linquant vestigia; atque illæ fermè solæ, quæ sex postremis anni mensibus invasere; cum quæ hos præverterint, nullas cuti notas imprimant, nisi fortè confluerint, ut postea dicetur. Decurrente morbo omni, æger vel constipatam prorsus habet alvum, vel saltem rarissime dejicit. Atque hæc de Variolis *Discretis* dicta sunt.

2. Symptomata cum *Discretis* communia habet & illa Variolarum species, quas *Confluentes* appellavimus, nisi quòd hîc atrociora sint omnia: Febris scilicet, anxietas, atque ægritudo, vomituritio, &c. immaniùs affligunt, quibus signis Medico sagaci etiam ante eruptionem *Confluentes* se produnt. Nihilominus

non ita promptè hæc in sudores dissolvitur æger ac in alio genere jam supra descripto. Diarrhoea insuper nonnunquam eruptionem præcedit, & ad diem unum alterumve post illam protrahitur; quod quidem in *Discreto* Variolarum genere nondum mihi contigit observare.

*Tertio* ut plurimum die erumpit species hæc, ante illum aliquando, vix unquam post illum; cum *Discrete* vel ipso die *quarto* inclusivè à primo insultu morbi, vel postea, ante illum rarè admodum se monstrent. Quantoque magis quartum illum diem præverterint Variolæ, tanto etiam confluent magis. Quamvis autem, ut generaliter loquamur, *Confluentes* diem quartum vix præstolentur unquam; fit tamen, licèt oppido rarè, ut ob atrocius aliquod symptoma, ad quartum vel quintum usque diem differatur eruptio; Verbi gratiâ, acutissimus dolor nunc in regione lumborum, Paroxyfmi Nephritici æmulus, nunc in latere, qualis pleuriticus vexat, nunc denique in ventriculo cum ingenti ægritudine & vomitu enormi ante eruptionem ægrum fatigat angitque. Hisce in casibus, licèt infrequentes sint, Variolas solito seriùs erumpere animadverti, utpote ab immani symptomatum dictorum violentia constrictas atque impeditas: Quæ quidem symptomata solitis vehementiora, cum agmen ducant, mihi fatis apertè indicant futururas Variolas & è *Confluentium* genere esse & periculo minimè vacare.

At verò (quod jam proximè dicendum) licèt in *Discretis*, mox ab eruptione (uti dictum est) quæ morbi insultum comitabantur symptomata nullum jam amplius faceffant negotium, in *Confluentibus* longè aliter se res habet; cum tam Febris, quam alia symptomata etiam ad multos dies à pustularum eruptione ægrum discrucient.

Variolæ dictæ nunc Erysielatis ritu, nunc Morbillorum,

lorum, erumpunt, à quibus non nisi à Medico in his morbis versatissimo distinguuntur, saltem quoad faciem externam: Nam qui ad dispar in utroque morbo eruptionis tempus, aliàsque circumstantias, quas utriusque historia longè ab invicem discrepantes exhibet, sedulò animum adverterit, haud difficulter hunc ab illo discriminaverit. Crescente morbo, non in molem aliquam spectabilem, uti *Discretæ*, attolluntur, quæ faciem præsertim occupavère; at sibi invicem implicitæ primò se habent instar vesiculæ rubræ, vultum omnem contegentis, quem maturius etiam in tumorem elevant quàm solent *Discretæ*; dein ad instar pelliculæ albæ vultui agglutinatæ, solitam cutis superficiem non multùm superantes. Præterlapso die *octavo*, pelliculâ alba quotidie paulatim magis exasperatur judice digito, & ad colorem fuscum non verò flavum, ut in *Discretis* accedit, intenduntur indies tum asperitas, tum etiam cutis color, donec tandem pelliculâ dictâ latioribus laminis desquamatur, quod in quibusdam faciei partibus, si morbus truculentior fuerit, non nisi post vicessimum diem solet contingere. Quantò atrociores fuerint Variolæ, tantò magis pustulæ maturescentes ad colorem subfuscum vergunt, tantò etiam lentiùs, si suo utantur genio, abscedunt; ut è contrâ quantò minùs confluerint, tantò magis & flavescunt, & seociùs proripiunt. Pelliculâ hæc seu scabies omnia pervadens, ubi primùm deciderit nullâ quidem scabritie vultum afficit, at verò mox illam excipiunt squamulæ furfuraceæ indolis perquam corrosivæ, quæ non modò patentiore excavant foveas quàm solent Variolæ distinctæ, sed etiam faciem cicatricibus sævè deturpant. In *Confluentium* genere, si admodum sævierit morbus, humerorum etiam & dorsi cuticula nonnunquam deperditur, nudatis partibus subjectis expositisque.

Animadvertendum est autem, Morbum hunc magnum æstimari non pro Variolarum frequentia, quæ reliquum corpus, sed pro earum numero tantum quæ faciem obsedere, quæ si his tanquam injectâ arenâ ubique contegatur, ut ut paucae atque discretæ sint eæ quæ in reliquo corpore cernuntur, haud minus periclitatur æger, quàm si membra omnia denso agmine pervalerint: Atque ex adverso quantumlibet spissè truncum & artus occupaverint, si in facie rariores comparuerint, magis in vado res est. Quod de numero diximus, & de Variolarum more potest affirmari; malusne scilicet is fuerit, an secus, vultus apertè indicat.

In *Confluentium* genere ubique observavi Pustulas manuum atque pedum majores fuisse quàm reliqui corporis, & quò altiùs ab artuum extremitate truncum versùs ascenditur, eò sensim minores & contractiores semper extitisse. Atque hæc de *Pustulis* censui dicenda.

Sunt verò & alia symptomata duo, quæ Variolis *Confluentibus* accidunt, haud minoris momenti quàm vel pustulæ ipsæ, vel tumor, vel aliud quodlibet è prædictis; *Salivatio* nempe in adultis, atque in infantibus *Diarrhœa*. Horum prius ita perpetuum se comitem adjungit, ut unicum tantùm viderim Variolis *Confluentibus* laborantem, nullâ superveniente Salivatione. Utrùm providens natura has evacuationes idcirco substituerit, quòd in pufillo hoc ac humili genere materia morbosica ita penitus nequeat exterminari, ac in pustulis istis majoribus ac magis fastigiatis generis *Discreti*, nullus definitio; cum Historiam tantum scribam, non solvam Problemata. Hoc certò scio, quòd non solum Variolas *Confluentes* ubique comitantur, sed etiam quod quæ per illas fit evacuatio tam est necessària, quàm sunt vel Pustulæ, vel faciei & manuum intumescencia.



Dieta *Salivatio* nonnunquam sub primum eruptionis tempus se prodit, nonnunquam non nisi pestridie, biduove præterlapsò. Materia primò tenuis excernitur, ac facilè ad tempus aliquod rejicitur, ægro interim multa lintea eadem nocte conspurcante. Neque sanè multum cedit Ptyalismus hic alteri illi qui ope *Mercurii* excitatur, nisi quod non ita malè oleat. Die autem ferè *undecimo* saliva viscidior jam facta, ægerrimè excreatur; siticulosus est æger, tuffit subinde inter bibendum, & potus per nares revertitur, atque ab hoc die cessat ut plurimum Salivatio; licèt aliquando, (rariùs tamen id accidit,) ubi per diem unum alterumve omnino cessaverit, tandem postliminiò recrudescat. ●

*Diarrhœa* non ita maturè infantes solet invadere, atque adultos *Ptyalismus*; quocunque verò tempore ingruerit, nisi arte sistatur, singula morbi stadia decurrit.

In utraque Variolarum specie Febris à primo statim insultu ad eruptionem usque præcipuè dominatur; quâ peractâ inducias ferè dat usque ad pustularum maturationem, & tempus in quo pus conficitur, quo demum elapso prorsus desinit.

Observavi semper in morbo vehementiori, ægrum sub vesperam quasi Paroxyfmo laborasse, & funestiora symptomata vespertinis præsercim horis se ostendere, atque exacerbari.

En justam Variolarum hujus generis Historiam, vera ac genuina hujusce morbi Phænomena, prout scilicet naturaliter se habet, complectentem: De *Accidentibus Anomalis*, quæ eidem, ubi minus rectè tractetur, superveniunt jam proximè differemus.

Animadvertendum est itaque, ista quæ die *octavo* in genere *Distincto* occurrunt Symptomata Anomala, & quæ *undecimo* die in *Confluente*, (tactò semper à primo morbi insultu computandi initio) maximum

ad

Dieta

ad ægri sive vitam, sive interitum pondus habere, magisque ad amissum expendi debere, cum liquidò constet, maximam eorum partem qui utrolibet morbi (sc. jam descripti) genere intereunt, præfatis singulatim diebus defungi. Primò enim qui discretis Variolis laborat æger, cum satis promptè sudoribus diffuat, (quod hîc in adultis fieri solere jam diximus,) ac sibi omnia bona pacto amandaverit; diligenter ideo huic methodo insistit, tum remediis Cardiacis intrò assumptis, tum regimine calidiore, ut par est, adhibito; (atque hæc eò facit lubentiùs, quòd tum ab hac Methodo in principio sibi meliùs videatur habere, tum etiam ad male fundatam Astantium opinionem propiùs accedat.) Tandem verò eliminatis per *Αγορῆων* particulis istis, quæ ad pustularum elevationem, atque intumescentiam faciei debuerant facere, die *οκτavo* quæ turgescere, & per interstitia pustulis interjecta inflammari debuerat facies, flaccida è contra reperitur, & albescunt interstitia, licet interim rubescant pustulæ atque eleventur, etiam post ægri mortem. Qui ad hunc usque diem nullo negotio manaverat sudor, jam subito suâque sponte evanescit, neque remediis ullis Cardiacis, vel etiam calidissimis, revocari potest. Æger interim Phrenitide corripitur, anxietate, jactatione, ægritudine vehementibus, urinam parçè reddit, ac frequenter, ac tandem paucissimarum horarum spatio amicorum spem fallit, & ad plures migrat. Veruntamen hîc est notandum, quòd, si paucæ compareant Variolæ, hyems si fuerit, æger ætate provector, aut venæsectio fuerit celebrata, regimen illud calidius in quod jam animadvertimus, non ita certò faciei turgescentiam impedit, & proinde mortem accersit, atque ubi confertæ Variolæ, Ver ætate fuerit, æger ætate florens, neque sanguis detractus.

At verò in *Confluentibus* maximè periclitantur ægri, & plerique etiam moriuntur, die *undecimo*; nam cum hoc ferè tempore *Salivatio*, quæ ægrum hæctenus in tuto posuit, soleat desinere sponte suâ, nisi faciei & manuum intumescencia adhuc persistens ejus vicem subeat; necesse est ut pereat æger: Id enim est perpendendum, quòd in hoc Variolarum genere; ubi pustulæ tam sunt exiguæ, non *Salivatio* tantum, sed faciei insuper & manuum intumescencia ad materiam morbificam ritè eliminandam omninò requiruntur, quarum utralibet, si vel non adsit, vel ante justum tempus recedat, ægro protinus moriendum est. Jam verò nimio sæpius evenit in hoc morbo calidiòri, ut sanguinis Crasi à regimine præsevido disjectâ, fractâque, atque eò usque accensâ ut particularum inflammatarum exterminatione sensim faciendæ non amplius competat, (ut quæ sudoribus importune extortis debentur mala, jam taceamus,) itaque vel non omnino intumuerint facies manusque, vel tumor ille unà cum salivatione evanuerit; quamvis enim faciei tumor ipso hoc die aliquantisper debeat remitti, non debet tamen nisi post diem unum alterùmve omnino recedere: manuum interim tumore persistente vigentéque; quo quidem vix aliud est minùs fallax Convalescentiæ *αεγυσσιόν*, uti neque contrariò certum magis imminentis periculi indicium.

Sed ut ut id sit, materia Ptyalisimi quæ ad hunc usque diem cruda fuit, tenuis, & facilè excreabilis, viscida jam facta & tenax, ægro suffocationem intonat; Potus quem assumit in pulmones ferè delabatur, unde cum Tussi violentâ per nares rejicitur, voce est raucâ, somnolentiâ & stupore corripitur ingentibus, oppressus undique vi morbi, atque in hujusmodi agone ut plurimum extinguitur, eò quem jam diximus die.

Sunt & alia adhuc symptomata, quæ in quolibet morbi

morbi statu occurrunt, tam *Discreto* Variolarum generi, quam *Confluenti* pariter communia.

*Phrenitis* v. g. à nimiâ sanguinis ebullitione nunquam ægrum corripit, & calor tam parum est patiens, ut magnis viribus, ac furibundo nisu injectas prehendentium & lecto incarcerationum manus, eludere conetur.

Aliquando eadem causa effectum longè diverfum, seu contrarium, ut videtur, producit, Affectum sc. *Comatosum*; ita ut æger nunquam fermè evigilet, nisi continuo pulsu excitatus.

Est etiam ubi in hoc morbo, perinde atque in *Peste*, laxatâ, inflammationis vi, sanguinis compage, *macula purpureæ* se ostentant Pustulis interspersæ, mortis ferè semper prænunciæ. Frequentius hoc evenit, ubi aëris Constitutio morbo isti epidemicè grassanti præ cæteris favet. Aliquando in pustularum summitate maculæ nigræ exiguæ, acicularum capita vix æquantes, in medio verò subsidentes, se produnt variis in locis; quæ cum nimio fervori ortum debeant suum, tandem beneficio regiminis magis temperati fuscum colorem acquirunt, posteaque pedetentim subflavum illum, qui variolis genuinis, ac suum morem obtinentibus, naturaliter competit; quod fatis liquidò cernitur illâ quæ circa morbum hunc versatur praxi, in quo omnia Symptomata eò sunt mitiora, quò magis pustulæ maturitatem adeptæ ad dictum colorem accedunt, atque è contra.

Adolescentum porrò, & ætatis flore vi gentium, præcipuè si vino, aut alio quovis liquore spirituoso se nimium impleverint, usque adeo in hoc morbo nunquam sanguis accenditur furitque, ut per Arterias & velicam viam sibi faciat, & quâ data porta, ruat; quo quidem *mictu sanguineo* vix aliud symptoma peioris notæ atque ominis invenire licet, per omnem hujus morbi tragœdiam.

Ab eadem insuper causa nonnunquam, licèt rariùs, sanguis è pulmonibus ejicitur. Utraque verò Hæmorrhagia hæc sub morbi initio plerumque contingit, pustulis nondum erumpentibus, vel si in quibusdam locis se ostendant, in plerisque tamen aliis adhuc sub cute densæ latent, atque ejus sunt generis quæ in maximè *Confluentes* adolescerent, nisi jam dictum symptoma ægri morte morbum finierit.

Aliquando etiam *Urinæ suppressio* tot illis ad malorum cumulum accedit, in juvenibus præsertim, idque in statu, vel etiam declinatione *Discreti* generis.

Sunt & alia symptomata quæ à *æσθροσ* aliqua jam dictis contraria interdum oriuntur, si nempe æger à frigore nimis intenso fuerit læsus, vel si præter jus falsæ venæ fuerit pertusæ, aut alvus Catharsi subducta; unde pustulæ nonnunquam fastigiis cedunt & derepente confidunt, superveniente insuper *Diarrhœa*, à qua ægro, (adultus si fuerit, ut suprâ innuimus,) ingens est discrimen, & anceps morbi exitus, materiâ sc. Variolosâ intrò versâ, ita ut natura eidem per cutis poros debite exterminando impar prorsus inveniatur. Huc accedit, quòd faciei manuumque tumor ab his retunditur, qui non minùs in bonis ægri rebus est censendus, quàm ipsa Pustularum eruptio, nisi ex fuerint *perpauca*.

Quæ verò à suscepto frigore pendent symptomata, rarè admodum occurrunt, si cum illis conferantur quæ à contrario, calidiori nempe regimine, nascuntur; Cùm enim morbus hicce inter calidissimos jure optimo habeatur, longe minus ab hac parte peccatur, quàm ab altera.

Qualis verò sit hujus morbi essentia, ob naturalem & communem mihi cum reliquis hominibus Intellectûs defectum, nescire planè me fateor; veruntamen prædicta symptomata pensiculatim trutinata mihi videntur.

viden-

Ab

videntur subindicare, *inflammationem* eum esse (à cæteris tamen Inflammationibus specie diversam) tum sanguinis, tum reliquorum humorum, in qua amolienda, per dies priores duos tresve id agit natura, ut particulas inflammatas digerat coquatque, quas postea in corporis habitum ablegatas maturat adhuc, & sub Abscessulorum forma suis demum finibus expellit. Quapropter ut fundamento alicui medendi methodus superstruatur, notandum est, duo esse hujus morbi tempora, quorum primum *separationis* est, secundum *expulsionis*. Atque primum quidem illud tempus plerumque cum Febrili ebullitione transigitur, quod tribus vel quatuor primis diebus peragi solet, quorum decursu natura id fatagit, ut partes ejusmodi inflammatas seligat congregetque quæ sanguinem lacescunt, atque etiam ut illas in carnosas corporis partes relegatas ibidem deponat, quo factò pristinâ quiete fruitur, sedato jam tumultu, quidum hoc ageretur, in sanguine ciebatur. *Separatione* sic ope ebullitionis, in sanguine peractâ, *Expulsio* jam locum obtinet, quæ per reliquum morbi tempus, mediantibus parvis illis *abscessibus*, in carne perficitur. Sicut enim à natura abscessuum suâ specie non abludunt, ita parem cum aliis, cruditatis, maturacionis, atque exarescentiæ statum percurrere solent; quæ omnia si ritè atque laudabili modo absolvant & exequantur, in tuto res est, cum exinde curationis summa dependeat; sin minùs, omnia pessum ruitura sunt. Et quidem postremum hoc negotium priori illo *separationis* opere, tanto plus temporis sibi vendicat, quòd prius illud in tenui fluidoque corpore transigatur, atque in ipso (ut sic dicam) nature foco; posterius autem denso spissoque theatro, atque à vitæ fonte paulò remotiori, partes suas exequi cogantur.

His ita præmissis, Indicationes exurgunt: 1. Ut æqua-

æquabilis ille tenor ebullitionis in sanguine conseruetur, qui neque nimis properè separationem nimiam suam vi perficiat, neque tamen torpido nimis motu eandem remoretur, vel non satis idoneam præstet.

2. Ut abscessuli, pustulæ summam curam sustineantur, quo debita tempora percurrentes, tandem contentam in se materiam omnino avehant, ipsæque etiam evanescant.

Ut itaque paucis de *primo* agamus: sollicitè in primis cavendum est, hoc tempore præsertim, ne nimium affurgat ebullitio, sive id fiat ex congestis stragulis, sive ex aëre loci in quo decumbit æger, igne nimium exaltato, sive ex calidorum medicamentorum & cardiacorum usu; præcipuè verò ab his cavere oportet, si æger in ætatis flore constitutus fuerit, vel sanguinem habeat generosiori potu nimis exaltatum, vel anni tempestas aut Verna sit, aut saltem ultra ætatis initium non processerit. Hinc enim fiet, ut separatio, quæ sensim lentisque gradibus peragi debebat, ut ad universalem quandam depurationem opportunitus pergat, præcipiti cursu feratur; atque ita vel non satis idoneus partium numerus congregetur, vel (quod fortè contingat) nonnullæ partes ad secretionem damnentur, quas alias Natura illam subire noluisse, nisi quod ultra debitos limites excurrere coacta, noxam hanc sibi creet: secretis enim illis quæ ad separationem minus opportuna sunt, aliorum illuc propendentium motus, eorum commixtione impeditur, adeoque redduntur expulsionis minus accomoda. Mihi quidem rationi consentaneum videtur, ut quo diutius natura *separationem* molitur, ac perficit, dummodo ebullitio non omnino torpeat, eò certius atque universaliùs eadem *separatio* absolvetur. Atque ex illa sic absoluta, curationis insequentis successus potissimum ut dependeat necesse est, uti ex methodo contraria, contrarius planè rei exi-

tus: ex calido enim isto regimine nihil boni nascitur, sicut ex præcoci fructu, nihil frugi; cum frequenter usu veniat, ut vel in Phrenitidem æger pronò lapsu ruat; vel (quod pejoris notæ est) sudores ingentes oboriantur, ex quibus partes non secerni aptæ, neque *puris* naturæ respondententes (quod ipsum tamen pus, genuina soboles est hujusce excretionis) eliminentur; vel ex cardiacis illis administratis, calidâque custodia, Variolæ nimis protrusæ in unum confluant, foedo certè spectaculo, tristemque eventum interminanti.

Atque hæc & hujusmodi symptomata ex his erroribus progigni solent, cum ex altera illa methodo nihil unquam mali observaverim. Natura enim sibi permissa negotium suum suo tempore exequitur, materiamque debito ordine ac viâ tum secernit, tum etiam expellit, ut (in Junioribus præsertim vegetisque temperamentis) nostrâ ope, nostris artificijs, atque auxilijs non indigeat, suis viribus optimè instructa, suis opibus locuples, suo denique ingenio satis edocta. Neque sanè vel ipse vidi, vel fando accepi, quenquam ex eo periisse, quòd Variolæ primò non eruperint, & si nimis multi perierint, quorum Variolæ primùm laudabiliter, & cum summa spe erumpentes, postea recedentibus pustulis præmaturè detumuerunt.

Quemadmodum autem inconsultum est atque periculosum, calidioris regiminis vel Cardiacorum ope coeptam ebullitionem nimis evehere; ita è contrario non minùs vacat periculo, mediantibus venæsectione, clysteribus, emeticis, catharticis, aut id genus alijs eandem minuere, cum hoc pacto partium inseparabilium commoda secretio plurimum impediatur. Licet enim vulgare illud atque tralatitium argumentum, quo adversus Phlebotomiam, aliasque evacuationes utuntur (nempe quòd non liceat à circumferentia ad centrum movere humores, cum natura in hoc

Cap.  
hoc m  
planè  
omni  
ptio  
mini  
suad  
hac p  
præc  
nes,  
jus in  
debu  
quo  
supp  
riol  
fort  
cess  
det  
qu  
teq  
pe  
mo  
ab  
pe  
de  
sti  
in  
pu  
pe  
pl  
q  
g  
f  
c  
g



hoc morbo contrarium affectare videatur, ) nullarum planè virium sit; eo quòd ex earundem usu contrarius omnino effectus, subitanea scilicet variolarum eruptio, sæpissimè consequi deprehendatur; aliæ nihilominus rationes in promptu sunt, quæ vehementer suadent, ut, siquidem ullo modo vitari possit, ab hac praxi manus abstinemus. Namque (ut earum præcipuas paucis attingamus) per hæc evacuationes, non tantùm ebullitio nimis imminuitur, cuius interini ope partes despumandæ accuratè secerni debuerant, verùm etiam illud ipsum subducitur, quod cœptæ secretioni quasi pabulum continenter suppeditaret; unde sæpenumero contingit, ut variolæ primùm laudabili impetu erumpentes (eoque fortasse melius, quòd evacuationes jam dictæ præcesserant) paulò post ex improvviso quasi repercussæ detumescunt, idque ob eam potissimùm causam, quòd materia desit, quæ quasi à tergo præeuntem insequeretur, atque agmen clauderet.

Tandem, ut ad secundam illam Indicationem pedem promoveamus ad tempus *expulsionis* accommodatam; quo tempore materia separata, parvorum abscessuum sive pustularum ope, amandatur atque expellitur; nempe illud hic agendum est, ut pustulæ debito modo sustineantur, quo rite atque ordine destinatam periodum assequantur.

Sicut itaque supra satis, ut opinor, ostensum est, inprimis periculosum esse, si æger præsentī Febre, at pustulis vix dum apparentibus, in ipso *secretionis* tempore nimium calefiat; ita etiam non minori periculo plena res est, si idem quovis morbi tempore fiat, atque illo præsertim quod ad *expulsionis* initium vergit, crudis adhuc existentibus pustulis: Quamvis enim sanguis, peractâ jam *separatione*, atque relegatâ ad carnosas partes materiâ, ab intestino tumultu magnam partem immunis sit, interim tamen tener adhuc,

recensque, ac vix novo statu & quasi textura indutus, *δύμνησις* est, facileque vi caloris immodici undecunque appellentis afficitur, atque adeò levissimo momento irritatus flammam concipit, & in novam ebullitionem proclivis est; quæ quidem nova ebullitio, non, uti prior illa, *separationem* jam molitur (illam quippe peractam supponimus) verùm illius loco, non tantùm symptomata superiùs memorata excitat, sed & cœptam per pustulas *expulsionem* interturbat, & contentam materiam exagitando, novam parit. Vel itaque partes jam secretæ, atque in corporis *ἔξω* depositæ, vehementi illo rapidoque sanguinis ebullientis cursu abreptæ, in ejusdem massam reforbentur; vel partes carnosæ ultra gradum suppurationi debitum excafactæ, minùs commodè illam exequentur; vel denique fortassis obortâ hæc novâ ægritudine, sanguinis œconomia, ipsarumque carniùm tonus pervertitur, usque adeò ut materiam illam expulsam vincere, camque solenni more abscessuum coquere nequeat.

Interim non usque adeò nos illuc intentos esse oportet, quo ebullitionem nimiam in sanguine prævertamus, ut ægrum frigoris injuriis exponendo, pustularum eruptio impediatur. Gradus ille caloris ad harum expulsionem promovendam accommodatissimus, naturalis sit oportet, atque ejusmodi quæ carnosarum partium temperiei conveniat; quique hunc excedit, aut ab eodem deficit, utrinque periculosus est.

Ex dictis itaque satis manifestum videtur, in quàm incerto lubricoque sit loco, tum morbus ille de quo loquimur, tum praxis medica, quæ eidem accommodanda est. Atque etiam exinde pronunciare auisim, illius famam, qui in medicando hoc morbo frequenter sese exercet, in angusto versari; quandoquidem non vulgus solummodo mortis causam fati-

genti

genti nimis Medico transcribere paratum fit, verum etiam ejusdem artis professores calumniandi ansam inde cupidè arripiant, atque coram iniquis iudicibus causam dicentes, severissimam sententiam facilè eliciant; eo scilicet consilio, ut ipsi pluris æstimentur, & super aliorum ruinis viam sibi sternant ad famam: id quod viris literatis indignum prorsus est, imò & vilioribus Artificibus, modò probitatem colant. Hinc porrò cernere est, quòd minùs mirum sit, si Nutricibus, per se nimium plerumque officiosis & fatagentibus, res male sæpenumerò succedat; Nempe res ardua est, & quæ muliercularum ingenium atque iudicium superat, gradum caloris huc requisiti definire, præsertim cum anni tempestas, ægrorum ætas, & vitæ ratio, aliaque huc spectantia simul pensanda veniant, id quod prudentum profectò atque sagacem Medicum omnino postulat.

Si contigerit, ut vel Phlebotomiâ minùs opportunè celebratâ, vel admissò frigore pustulæ reciderint, vel facies ac manus detumuerint, Cardiacis utendum est. Sed cavendum tamen, ne in his exhibendis nimis sumus: Quamvis enim sanguinem ademeris, fieri tamen potest, ut virium inde jacturam metuens, adedque Cardiacis aut fortioribus aut sæpe repetitis utens, novam ebullitionem ex improvviso fuscites. Nimirum sanguis adhuc tenerior est, & vim calidioris stimuli facilè sentit; unde fit, ut sæpe repetitæ ebullitiones in eodem excitentur, quibus ægrorum mors majori jure tribuenda est quàm prægressæ venæ-sectioni. Atque hæc generatim de iis, quæ primariis Intentionibus satisfacere possint, dicta sunt.

## C U R A T I O.

Jam ut calcata vestigia repetam, ac ad Praxin propius accedam: Quamprimùm manifesta hujus morbi indicia se produnt, ægro aurâ liberiore, vino, ac carni-um esu interdico, cerevisiam vero tenuiorem pa-

ne tosto leviter reperfectam pro potu ordinario, ac nonnunquam pro arbitrio, hauriendam concedo; pro victu etiam juscula avenacea, hordeacea, poma cocta, aliaque, quæ neque frigoris neque caloris vim aliquam egregiam obtinent, aut ventriculo concocturo molestiam exhibent, injungo. Nec vulgarem illam rusticamque dietam admodum improbo, nempe ut lacte cum pomo cocto & contuso vescatur, modò cautum fit ut eo per vices utatur, & modicè, dempto etiam lactis frigore. A regimine calidiore protinus inhibeo, ut & ab usu medicamentorum Cardiacorum quorumcunque, quibus variolas in cutem ante diem *quartum*, qui eruptioni proprius est ac naturalis, temerè propellere nonnulli satagunt: Cùm pro certo habeam, eò magis universalem fore materiæ Variolosæ separationem, quò tardiùs istæ prorumpunt, proinde & securiores possumus esse ne se denuò intrò condant, & rectiùs maturescent: cùm, si ante tempus extrudantur, præcipitatur materia cruda adhuc atque inconcocta, quæ ad instar fructuum præcociorum inani spe lactat. Adde, quòd ab hac nimium festinata diligentia periculum est ( in calidioribus præsertim temperamentis ac vegetioribus, quorum principia Activa plus satis Cardiacorum supplent vicem ) ne natura nimis incitata coactaque, universam penè corporis substantiam in variolas effundat; ita ut jam *confluant* illæ, quæ nisi plus æquo prope- rasset, in *distinctarum* ordine lætiori omine substitissent. Porrò non ideò statim foràs propellendæ sunt Variolæ, ubi primum aliqua morbi hujus suspicio oritur, quia sc. æger ante eruptionem vehementer ut plurimum laborat angiturque; cùm ne vel unâ quidem instantiâ possit ostendi, quempiam ideo inter- iisse, ut ut graviter ægrotaverit, quod non mox prodirent Variolæ; vel naturam iisdem seriùs ocyus extru- dendis defuisse, nisi sicubi regimine calidiore & re-  
mediis

mediis Cardiacis, præmaturè ingestis, fuerit impedita. Etenim non semel observavi in junioribus & temperamento sanguineo præditis, regimen calidius, & Cardiacæ eo animo exhibitæ, ut Variolæ ante justum tempus exturbent, ita parum eruptionem accelerasse, ut eidem è contra obicem ponerent: Sanguine enim his modis excalesfacto, & in motum violentiorem, quàm qui materiæ Variolosæ separationi ritè peragendæ par esset, concitato, certa tantùm quædam morbi indicia se prodidère, latentibus intra cutim pustulis, neque se ultrà efferentibus, quibuscunque demum Cardiacis sollicitarentur, donec tandem sanguine ad moderatam debitamque temperièm redacto, concessâ sc. Cerevisiâ tenuiori, demptoque partim stragulorum quibus torrebatur onere, pustulis exiturientibus commodùm viam stravi, atque ægrum in tuto, Favente Numine, collocavi. Neque magis, si quid ego judicando valeo, ab illis stat Ratio, qui ægrum ita pertinaciter ante diem *quartum* lecto addicunt, modò cubiculi ambitu se contineat, quàm ab his qui adeo præmaturè atque intempestivè Cardiacæ ingerunt, Etenim *Sanguinis micus, macule purpureæ*, & reliqua symptomata lethalia, (de quibus suprâ,) eo tantùm nomine, præsertim ætate florentibus, superveniunt, quòd nempe lectulo præproperè nimis affigantur. *Quarto* verò die lectulo ægrum adjudico, ac tum temporis, si eruptio parum pro votis succedat, rectè exhiberi potest Cardiacum aliquod blandius, unicâ saltem vice, quo exigantur pustulæ. Inter ista quæ huc faciunt medicamenta, *Paregorica* dicta, qualia sunt *Laudanum Liquidum, Diafordium*, &c. si in pauca quantitate Aquis Cardiacis Appropriatis admisceantur, cæteris prælucent. Hæc enim cum sanguini æstuanti frænum injiciant, Natura materiam morbificam opportuniùs atque liberiùs ejicit, atque amolitur. Neque etiam consulerem,

Cardiacum ante hunc diem propinare vel urgente *Diarrhœa* atque illud, ut videtur, indicante. Licet enim, (quod antea inuimus,) nonnunquam Variolarum *Confluentium* eruptionem præcedat *Diarrhœa*, quæ oritur ab halitibus inflammatoriis, vel humoribus è massa sanguinis, per primos dies exagitati atque æstuantis, in intestina exoneratis; non tamen hic magis deerit Natura dictis materiæ variolosæ halitibus in corporis habitum propellendis (quo facto, sua jam sponte sistetur *Diarrhœa*,) quam solet in halitibus istis extrò vertendis eliminandisque, qui in ventriculum inuersi sub initio morbi vomitum provocant.

Animadvertendum verò est, quòd si ad adolescentem vegetiorem accerit, & qui insuper liberaliore sive vini sive liquoris cuiuscunq; spirituoſi computatione morbo ansam dedit, non satis habeo ad frænandam sanguinis ebullitionem, ut tam Lectulo, quam Cardiacis abstineat, nisi ad hæc sanguis è brachio mittatur: uod si non concedatur, obtinente vulgi præiudicio, missionem mihi saltem esse petendam existimo. Superinductâ enim Inflammatione istâ, quam sanguini impressit liquorum spirituosorum Fervor, intento illi calori quem hic morbus naturaliter comitem habet, ita furit sanguis, ut non rarò in vesicam vaporum ductu irruat, vel maculas pariat purpureas, aliaque eiusmodi symptomata, quæ per omnem morbi decursum crucem figunt Medico, atque ægrum è medio tollunt. Atque hæc de illis quæ ante pustularum eruptionem sunt peragenda.

Ubi primum eruperint Pustulæ, jam proximè diligenter mecum perpendo, an *Discreti* fuerint generis, an verò *Confluentium*; cum longo hæc intervallo ab invicem distent, quantumlibet convenient quoad symptomata quædam utrisque communia. Si itaque ex pustularum magnitudine, & paucitate, tar-

diore.

dioreque eruptione, tum etiam Ægritudinis, aliorumque symptomatum gravissimorum, quæ in *Confluentibus* etiam post eruptionem fatigant, evanescentiâ, de genere *Discreto* mihi constet; ægrum Cerevisia tenuiori, jusculis avenaceis, hordeaceis, &c. reficiendum curo, modo quem supra descripsimus. Atque si tempore æstivo eoque calidissimo Variolæ non ita multæ obtingant, quorsum attineat ægrum in lecto jugiter stratum obrutumque detinere, ego quidem non video. Quin potius singulis diebus, per aliquot horas de toro surgat, eâ lege, ut tam loco, quàm vestitu, frigoris pariter ac caloris nimii incommoda præcaveantur. Quid quod ægroto à cubili quandoque abstinate, morbus minori cum molestiâ, ac etiam breviori spatio temporâ sua peragat, quàm si eidem continenter affigatur; quod non modò ægritudinis tædium adauget, verùm etiam Febrilem æstuationem fovet, & prodeuntibus vesiculis dolorificam inflammationem conciliat. Quod si aut frigidior anni tempestas, aut copiosior Exanthematum eruptio perpetuò decumbendi necessitatem ægrotanti imponat, prospicio ut non intensiore caloris gradu, vel adjectis pluribus stragulis in lecto decumbat, quàm quibus in prospera valetudine uti solebat, accenso interim non nisi hyeme incumbente, mane & serò toco mediocri. Neque etiam exigo, ut in eodem loco semper jaceat, nempe ne sudores erumpant, quos ego tum rationibus supra allatis, tum ipsâ experienciâ fretus, fidenter affirmo non absque ingenti periculo promoveri posse.

Determinante morbo, cùm halituum, à materia jam in pus conversâ prodeuntium, Eruptio liberior à pustulis tandem crustosis ac duriusculis impediatur, abs re non erit Vini Canarini semi-cocti cochl. 3 vel 4 vel aliud medicamentum Cardiacum temperatum, exhibere, ne scilicet halitus illi putridi in sanguinis mas-

sam postliminio revertantur. Et sanè jam nunc, neque priùs, Cardiacis locus est. Eodem pariter tempore Diæta paulo calidior & Cardiaca magis potest concedi; juscula v. gr. ex Pane & Cerevilia Saccharatis, è farina Avenacea cum Cerevilia & Saccharo, &c. Neque aliis omnino erit opus, in genere sc. *discreto* ac leniori, si æger hâc Methodo ac Diætâ, utrisque moderatis, se tractare patiatur.

Hæc sanè, reclamante licèt immani isto ac malè fundato hominum præjudicio quod ex adverso militat, vera est ac genuina Methodus huic Variolarum generi Medendi, & obtinebit demùm, me vitâ functo. Et licèt non negem, multos regimine admodum opposito tractatos nihilominùs convalescere, fatendum est tamen, (& sanè dolendum etiam, si nobiscum reputemus quàm omni prorsùs periculo vacat ex sua natura hoc *Discretum* genus) plurimos etiam interire; quin & alii complures fati pariter concederent, nisi vel à frigidiore tempestate in quam incidit morbus, vel à Phlebotomia (aliter supervacaneâ atque inutili) nuper celebratâ servarentur. Quo nomine, si vel obstinatio amicorum, vel ægri diffidentia prædicto regimini intercesserit, tutius mihi videbatur sanguinem detrahare; quod quidem, licèt per se officiat (quatenus sc. & separationem perturbat confunditque, & pabulum insuper tum pustulis, tum tumori elevandis destinatum subducit) aliquantisper tamen tecuturum regimen calidius pensat, ac proinde hanc, quam non nisi coacti usurpamus, Methodum, non usque adeò periculosam atque ancipitem reddit.

Ex dictis, (ut obiter attingam,) facile erit vulgare illud Problema solvere; qui fiat sc. ut pauci adeò è plebe hoc morbo pereant, si ad eos comparentur qui inter divites eodem trucidantur; quod quidem vix ad aliam causam potest referri, quàm quòd



ob rem domi angustiore, & agreste vivendi genus, vix illis fiat copia sibi nocendi regimine magis accurato ac delicatiori. Quinimo & plures inter vulgus jugulavit hic morbus, ex quo *Mithridatii*, *Diascordii*, *Decostii* C. C. &c. usum didicere, quam in seculis *indoctoribus* quidem, at magis *sapientibus*; cum in singulis fermè ædibus reperiatur stolidi aliqua ac sciola muliercula, quæ in hominum perniciem, quam non didicit, Artem exerceat. Atque hæc de Variolarum, quas *Interstinctas* appellavimus, curatione.

At si *confluant* Variolæ, periculosæ plena res aletur; arbitror enim ego, genus hoc non minus ab altero illo discrepare, quam ab hoc ipsa pestis, licet apud hominum vulgus, quibus nomina & verba pro rebus sunt, utriuslibet Curatio ex æquo prædicetur. In hac morbi specie, cum intensioris sanguinis inflammationis proles sit, major pariter adhibenda est cura ne calefiat æger, ut in prioris Curatione jam dictum est. Quamvis autem species hæc ex sua natura majorem sibi vendicat refrigerationem quam altera ista, ad promovendam tamen faciei ac manuum intumescantiam, (sine qua de ægro actum est) & pustularum elevationem atque augmentum, tum etiam quia æger ob exulcerationes dolorificas lecto abstinere nequeat, expedit ut in eodem contineat & se, & manus etiam suas, modo stragulis modicè contractus sit, & concessa fuerit venia ab hac in illam lecti partem corpus pro arbitrio suo transferendi, ut in genere *Discreto* innuimus. Præsertim verò morbo exente, cum jam appetat *Febris Maturationis*, non tantum hæc libertate demerendus est æger, sed monendus etiam ut eam utatur, quin & versandus persæpè nocte atque interdium, ut ingens calor contemperetur, & evitentur sudores, quibus amandatur lenis iste humor quo diluendæ sunt Variolæ ut mitescant.

Quandoquidem verò ut diximus, *Ptyalismus* hanc speciem

speciem jugiter comitatur, qui cum è præcipuis sit Naturæ Evacuationibus, atque hîc in ejus locum quæ per pustulas fieri debuit, substituatur (quæ quidem per pustulas evacuatio in hac specie humili ac depressione non æque atque in altera procedit) summo opere annitendum est, ut dicta Salivatio in vigore persistet & conservetur; nec ante diem suum listatur, vel remedium calidorum usu, vel à cerevisia tenui aut simili alio liquore, liberaliter hauriendo, ægrum arceado. Jam cum Ptyalismi mos sit naturaliter se habentis, ut cum prima eruptione incipiat, & die *undecimo* minuatur, neque tamen nisi post diem adhuc unum aut alterum omnino desinat, si ante diem illum penitus cesset, in lubrico sunt ægri res. Nam cum faciei tumor (per quem nonnihil materiæ morbificæ evacuatur) nunquam non eo ipso die dispareat, si Salivatio eodem pariter tempore se subducatur, æger materiâ Variolosâ jam putrescente, seu Veneno, inficitur; cumque nulla amplius detur portâ per quam evacuari possit, in busti limine constituitur; nisi forte (quod fit nonnunquam) manuum intumescencia, quæ ut seriùs quàm illa faciei se ostendit, ita tardiùs recedit, ejus sit molis ac momenti ut ab Orci faucibus illum eripiat. *Salivatio*, quæ tanti hîc est tamque necessaria, admodum promovetur, si ægro affatim propinetur Cerevisia tenuis, vel liquor alius quilibet, qui nec illum calefaciat, nec ad sudores provocet.

Præter hæc verò ut consopiatur vehemens illa sanguinis ebullitio, quâ hæc Variolarum species alteram illam longè superat, & sustentetur *Ptyalismus*, (necessaria nempe hujusce morbi evacuatio) conveniunt medicamenta *Narcotica* præ aliis quibuscunque: quæ licet ob vim quâ donantur incessantem, educendæ Salivæ videantur officere, jamdiu tamen ego me isto liberavi præjudicio, atque eadem in hoc morbo

morbo adhibui, atipulante ubique rerum eventu, modò æger pubertatem excefferit. Sanguis enim Infantium Puerorumque (qui per integrum morbi stadium plerumque satis bene dormiunt) cùm mitiùs ferveat, nullo hujusmodi eget sufflamine; atque insuper horum usu *Diarrhœa*, quam in hoc morbi genere infantibus evacuationem natura instituit, cum ægri damno sistitur. Adultis verò *Paregorica* Medicamenta, si frequenter usurpentur, hæc adferunt commoda: Primò, somnum moderatè conciliando, efferram nimis sanguinis ebullitionem ac proinde Phrenesin cohibent, præcaventque. Dein, ab eorum usu Faciei & manuum intumescencia, quam insignem in hoc morbo natura habet evacuationem, rectiùs procedit. Quinetiam, quod non parum facit ad ægri securitatem, cùm non rarò justò citiùs detumescat facies cum malis ægri rebus, tumor Narcoticorum ope ad debitum usque naturæ terminum suffulcitur & protrahitur; mitigato enim sanguinis fervore, radii inflammati opportunè ad manus, faciem, atque omnem corporis superficiem pro morbi ingenio feruntur. *Pyralismus* denique hisce propagatur, qui licet vi medicamenti ita fortitèr incrassantis ad horas aliquot sistitur in quibusdam, mox tamen aucto novis hisce suppetiis robore, insurgit denuò natura, & cceptum opus feliciter peragit. Quinetiam animadverti *Salivationem*, quæ circa diem *undecimum*, aliquando etiam citiùs, cum ingenti ægri periculo minui solet exhibitis plus semel *Paregoricis* de novo fuisse redintegratam, nec ante diem *decimum* *quar: um*, alicubi etiam & post illum, desuisse. Propino ego ut plurimum vel *Laudani* *liquidi* guttas 14, aut circiter, vel  $\text{ʒ} \text{vj}$  aut  $\text{ʒ} \text{ij}$  *Syr. de Meconio* in *Aq. flor. Paralys.* vel simili stil:atitia solutam: Quæ si Adultis post plenam eruptionem ad morbi usque finem singulis noctibus propinentur, non modò incommodi nihil, sed & magnum

gnum inde emolumentum capient, quod frequenti experientiâ didici. Expediit verò, ut cenfeo, paulò temporius quam aliter fieri solet, *Paragoricum* exhibere; facile enim observatu est in Variolis pessimi moris, caloris, ut ita dicam, Paroxisimum vesperi plerumque ægrum inquietudine, anxietate, aliisque symptomatis laceffere, quæ, si *Paragoricum* horâ sextâ septimâve vespertinâ sumatur, aliquatenus præcaveri possint.

Proximo loco, cum in Variolis *Confluentibus* haud minus certò *Infantes Diarrhœa* comitetur, quàm *Adultos Ptyalismus*, naturâ, ut supra ostendimus, alterutram harum evacuationum materiæ morbificæ eliminandæ ubique constituite; ut nec hic *Ptyalismo*, ita neque istic *Diarrhœæ* frenum injicio, cum utrumque ex æquo sit absurdum: Malè locata interim imprudentium aliquot muliercularum opera in sistenda hujusmodi Diarrhœa, multa infantium millia letho dedit, dum falsò secum reputant, Diarrhœam par in hac Variolarum specie atque in *Distincta*, discrimen apportare; nesciæ scilicet, *illic* tantum officere Diarrhœam ubi per pustulas fit evacuatio, hic verò naturæ opus illam esse, morbo effugium quærentis. Missâ itaque Diarrhœâ *ἐν τῷ φώρει* ex præcepto Divini senis *συμπεράττω*, quo cœpi pede pergo, in cunis ut nunc jaceant infantes, ut nunc istinc auferantur, consulo; & si fuerint ablactari, eandem, quam superius Adultis, Diætam istis concedo.

Ultimis morbi Diebus, cum facies ob pustulas crustosas, duras aridasque fermè riget, eandem *oleo Amygdal. d.* inungo perlatæpe, tum ad migitandum dolorem à rigiditate ortum, tum ut effluvia calidiora liberius exhalent.

Facies ne cicatricibus deturpetur, nihil quicquam molior; cum *Olea, Linimenta*, &c. id tandem agunt quo

quo tardiùs evanescant alibi isti furfures, quibus se invicem pellentibus excipientibusque, postquam æger jam lecto surrexit ac mediocriter valet, paulatim succedunt foedæ illæ cicatrices. Sed ab his non valdè metuendum est ægro, ubi ob regimen moderatius pustulæ minùs exacerbatae nullam qualitatem Causticam contraxère.

#### CURATIO SYMPTOMATUM.

Jam verò, licèt Methodus hæc (si cautè sc. ac prudenter circumstantiis particularibus accommodetur) prædicta illa, à naturâ abhorrentia atque periculosa symptomata præoccupet, & securum atque perbenignum morbum reddat; à quacunque tamen causa exorta sint hæc, me nondum accersito, necesse habeo in aliquibus, quæ hæc subnectam, aliâ viâ insistere, eadem ut submoveam atque debellem.

Imprimis igitur, si in *Discreto* genere ob regimen justo calidius, & continuos sudores, ægri facies die octavo non intumescat (pustulis interim satis densè se exerentibus) sed flaccida sit, & palleant pustularum interstitia; in casu posito, ultra quod ad temperatum magis regimen, & compescendum sanguinis *επιπούν* velis remisque contendo, *Paregoricum* ali-quod medicamentum è vestigio hauriendum præcipio; quod quidem somnum blandè conciliando (nisi plus nimio cerebrum incaluerit) & mitigando proinde effrænem sanguinis ferociam, sanguinem unâ cum calore ad faciem, prout morbi ratio postulat, tempestivè determinat. Quod si eò usque processit malum hæc *νεφελος* ortum, ut sudor qui huc usque copiosè manavit, sponte suâ defecerit, æger Phrenitide corripiatur, de vehementi quærat ægritudine, urinam paucam at frequenter reddat; nullo jam alio auxilio (cùm in propinquo mors sit) ægro subveniri posse autumo, quàm sanguinem è brachio satis largâ quantitate extrahendo, corpusque exponendo auræ liberiori. Et profectò haud ita temerarium atque

que *ἀποπν* videbitur quod jam proposui, si ad illos animum advertamus, qui ob copiosas narium Hæmorrhagias subito ingruentes, ferreas imminentis lethi manus salvi evasere. Illud insuper est perpendendum, quod in extremo hoc agone, non idcirco instat mors, quod pustulæ intrò recedant, (extant enim hæ, ut jam diximus, eminentque cum insigni rubore, etiam animam agente ægrò) sed quod facies non turgescat; ad promovendam verò hanc faciei intumescenciam, quicquid id demum est quod ad sanguinem contemperandum facit (Venæ-sectionem autem & modicam refrigerationem eam vim obtinere nemo, opinor, negaverit) necessariò, æquè ac Paregoricorum usus, atque ob eandem planè rationes, debet conferre.

Non hæc ita velim intelligi, ac si in qualibet *Phrenitide*, Variolis superveniente, (cum nullum hîc symptoma frequentius occurrat) Venæ-sectionem statim suaderem; sed in illa tantùm quæ ideo accidit, quia facies non turgescit, in *distincto* sc. genere, & pustulis copiâ satis magnâ comparentibus; vel ubi ob regimen admodum calidum, & Cardiacorum usum, sanguis adeò efferus est, atque ultra omnem modum evehctus, ut inducias ferre nequeat, donec medicamentis *Paregoricis*, & reliquis eodem facientibus, ad debitam temperiem reduci possit. Cùm enim ita se res habent, Medicus, ad conscientiam suam potiùs, quàm ad incertam famam se componens, vel sanguinem, ut antè dictum detrahere debet, vel ut æger aere liberiori refocilletur, præcipere: Quod ut efficeretur, satis mihi visum est, ut æger lecto aliquantisper exurgeret; quo factò plures à morte liberavi. Præter ista verò quæ oculis ipsius usurpavi, innumera sunt illorum exempla qui his modis quasi Orco faucibus erepti sunt. *Phreneticorum* enim nonnulli Nutricum curam fallentes (miris sc. artibus utuntur homines ita affecti) atque è lecto dilapsi, æris frigori semetipsos etiam noctu exposuerunt

runt: Alii frigidam vel furtim, vel raptim nacti, vel etiam precibus à nutrice emendicatam, hauserunt, adeoque felici errore salutem jam planè desperatam consequuti sunt.

Unicam hîc loci historiam adscribere non gravabor, quam ab eo ipso accepi cuius res agebatur. Is nempe *Bristolium* profectus, juvenis adhuc, inque ipso ætatis flore, Variolis correptus est, iisque paulò post Phrenitis accessit: Nutrix in urbem ingressa, interim ægrum suum aliorum curæ commisit, mox nempe reditura. Verum dum paulò diutius moratur, ægrotus (ut astantibus visum est) interea moritur. Astantes & anni tempestatis, & habitus ægri, crassi sc. atque corpulenti, rationem habentes, ne oleret cadaver, è lecto sublatum ac nudum mensæ imponunt, linteo superstrato; Nutrix tandem rediens, accepto nuncio, cameram intrat tristissimo spectaculo interfutura; mox amoto linteo, vultuque conspecto, subobscura quædam vitæ indicia conspici sibi visa est, ac proinde statim projectum corpus in lectum reposuit, adeoque sub manu consilium capiens, ac nescio quid satagens, ægrum suum in vitam revocavit, atque diebus aliquot interpositis sanum conspexit.

Sed ut ad propositum revertar; Proximo loco, si in Variolis *Confluentibus* Saliva eo usque excocta sit & viscida ob calorem præcedentem, ut tantum non suffocetur æger, (quod *undecimo*, ut supra diximus, die non insolens est,) *Gargarisma* necessariò in usum trahatur, & ut sæpe die nocteque syringâ in fauces sedulo injiciatur, seriò imperandum. Componatur verò illud è Cerevisia tenui, vel aqua Hordei, cum melle Rosarum. Quod si æger ritè fuerit tractatus, *Ptyalismus*, etiam cum jam coeperit imminui, ita pulchre suo fungetur munere ut hoc remedio opus non fuerit. Et profectò ubi eò res rediit ut æger singulis momentis à suffocatione periclitetur, stupore ob-

rus, & spiritu ferè undiquâque præcluso, non factis tutò huic remedio fiditur: Ægro ita ad incidendas redactò *Emeticum* peropportunè ac feliciter nunquam exhibui ex *Infusione Croci Metallorum* sed dosi paulo majori, sc.  $\zeta$  jss; quando, ob eximiam quâ laborat æger stupiditatem, minor dosi haudquaquam operabitur, atque interim, eos exagitando humores, quos nequeat educere, ægrum in magnum vitæ discrimen conjiciet.

Cætera quæ in hoc morbo accidunt symptomata, ut *præcaventur* ope regiminis moderati, ita ab eodem pleraque etiam *tolluntur*; e. gr. ut *Pkrenesis* ante dicta, à nimia cerebri excalefactione prognata, sanguine quovis modo paululum ventilando curatur, eâdem Methodo & *Cômati* (quod alteri contrarium prorsus videtur symptoma, & ab obstructione corticis cerebri fit, dum halitus calidiores à sanguine, regiminis ac medicamentorum calidorum usu attenuato magnâ copiâ ac vi illic impelluntur) facilè occurritur.

Eâdem hâc sanguinis contemperatione & *Maculas Purpureas* vidi sublatas: Sed neque hâc neque aliâ Methodo quâcunque, vel *miçtum sanguinis*, vel violentam ejusdem è pulmonibus eruptionem adhuc sufflaminare potui; utraque verò Hæmorrhagia hæc, quatenus mihi hactenus observare licuit, indubiè mortem prænunciat.

In *Urinæ suppressione*, quæ juniores ac vegetos nunquam incessit (à confusione sc. magnâ & spirituum *amçia*, ejusdem excretioni subservientium, ob sanguinem & humores nimio fervore agitados) omnes *Diureticorum* tribus in auxilium accersivi; sed nihil æquè feliciter hîc mihi cessit atque è lecto eximere ægrum, qui postquam adstantium manibus suffultus, cubiculum bis terve circumambulaverit, mox urinam satis copiosè reddet, haud parvo cum levamine. Testes hic possim compellare medicos quosdam è familiari-



liaribus meis, qui in hoc casu, ex meo consilio, idem fieri præceperunt; neque eos fefellit eventus.

At verò quæ à materiæ variolosæ repercussione ob frigus extremum, vel evacuationes indebitè factas, proveniunt symptomata, usu Cardiacorum & conformi regimine sunt tollenda; qui tamen non ultra spatium quo ista persistant continuandus. Horum præcipua sunt Pustularum depressio seu procidentia, & *Diarrhœa* in Variolis *Discretis*. Neque enim in *Confluentibus*, vel Pustularum depressio mali quidquam ominatur, cum ea sit morbi natura; neque *Diarrhœa* infantium iisdem laborantium, cum salutem ista adferat non periculum. In utroque hoc casu potio Cardiaca ex *Aquis stillatitiis* appropriatis, cum *Diascordio*, *Laudano liquido*, &c. jure optimo, concedetur, idque non tantum ad dicta symptomata submovenda, sed quolibet morbi tempore, si æger de cordis dolore atque ægritudine conqueratur. Sed ut verum loquamur, symptomata hujus generis oppidò rara sunt, si cum illis conferantur quæ extremorum alteri exitiabili magis, licet minus culpato, debentur. Et quidem opinor, rumorem illum, qui de crebra pustularum retrocessione invaluit, ex eo natum esse, quòd qui earundem depressionem in genere *Confluentium* observaverint, illam pro materiæ Variolosæ ob susceptum frigus recessu habuerint, cum nihil sit hic præter morbi morem: Atque in genere *Distincto* idem suspicantur, quia sc. pustularum eruptionem atque augmentum ante diem expectant, cum non satis attenderit ad tempus illud quo natura fructum hunc ad maturitatem solet perducere.

Ægro jam convalescente pustulisque deciduis, ubi per dies aliquot carnes idem degustaverit, circa diem nempe *primum & vicesimum*, sanguinem è brachio extrahendum censeo, si morbus fuerit vehementior; cum inflammatio, quam sanguini impresserunt

Variolæ, five adultus fuerit æger, five infans, non minus Venæ-sectionem indicet, quàm colluvies, quæ eidem accrevit, Catharsin: quod satis liquet, tum à sanguinis colore, qui post atrociorum morbum educitur, Pleuriticorum sanguini omnino similis, tum etiam à magnis istis inflammationibus, quæ post morbum hunc in oculos decumbunt aliisque diris sanguinis excalescenti & à morbo depravati effectibus; unde etiam qui antea pancreaticè valebant, postea cum humoribus calidis acribusque, in pulmones, aut aliam aliquam partem depluentibus, per reliquam vitam omnem configunt. At si pauciores extiterint pustulæ, Phlebotomiâ non opus erit. Post Venæ-sectionem, Catharticum exhibeo ad tres vel quatuor vices.

Adhæc, ægro à *Confluentibus* Variolis jam diu liberato, & è lecto quotidie surgenti nonnunquam accidit *Crurum tumor* ferus ac molestus; qui tamen vel sponte facessit post Venæ-sectionem & Catharsin, vel usu Herbarum Emollientium ac Discutientium, (quales sunt *Malvæ*, *sol. Verbasci*, *Sambuci*, *Lauri*, cum *flor. Camomillæ* & *Meliloti*,) in lacte coctarum, facile fugatur. Atque hæc de Historia & Curatione Variolarum, quæ per duos hosce annos grassatæ sunt, quas, ut ab aliis speciebus quæ inscutæ sunt dirimam, *Legitimas* appellare libuit.

### C A P. III.

#### *Febris Continua hujus Constitutionis.*

JAm ut de *Febre* illa dicam quæ durante *Variolosâ* hæc *Constitutione* dominabatur, & cum Variolis ingressa, stetit cum iisdem, ceciditque. Ita se hîc res habuit; Doluit æger in regione quæ cordis scrobiculo subjicitur, nec sustinuit ut manu illa premere-tur; quod quidem symptoma non memini me observasse

servasse in alio morbo præter hanc Febrem, & hanc  
 speciem Variolarum. Capitis dolor, & calor totius  
 corporis, ut etiam Petechiæ, satis manifesto indicio  
 se prodebant. Sitis interim non urgebat. Lingua sa-  
 norum similis non rarò comparuit, nisi quod quan-  
 doque albida, sicca rarissimè, nunquam verò nigra.  
 Æger in spontaneos eosque effusissimos sudores ab  
 initio morbi solvebatur, sed cum nullo levamine;  
 quinimo ubi calidioribus medicamentis & regimine  
 provocabantur isti, periculum erat ne mox Phreni-  
 tide corriperetur: Petechiarum insuper numerus au-  
 gebatur, atque alia symptomata adhuc efferebantur  
 omnia. Urinæ separatio, quæ satis videbatur lauda-  
 bilis *vel* ab initio, spem faciebat salutis; neque tamen  
 æger magis exinde in melius proficiebat quàm post  
 Ἀγρίφρονον, de quâ priùs diximus. Si minùs rectè tra-  
 ctaretur hic morbus diutissimè protraheretur plerum-  
 que; neque Crisi aliquâ factâ, nec sponte, mo-  
 re aliarum Februm, desinens, sed vehementibus  
 symptomatis miserum excrucians ad septimanas sex  
 vel octo, nisi Mors intercederet. *Ptyalismus* quan-  
 doque satis copiosus sub finem accedebat, si nempe  
 nulla insignior præcesserat evacuatio, atque ægro  
 Julapia refrigerantia imperata fuerant, quo quidem,  
 si neque evacuationibus, neque usu Medicamen-  
 torum calidorum fuerit interceptus, morbus ultra  
 spem omnem fugam sibi quærebat. Ut verò Febris  
 hæc ab ista aëris Constitutione Epidemicâ pende-  
 bat quæ eodem tempore Variolas producebat; ita  
 profectò dicta Febris, si non eadem planè esset, eju-  
 dem ferè *cum* illis naturæ atque indolis per omnia  
 videbatur, demptis solummodò symptomatis istis,  
 quæ eruptionis vel consequentiæ vel effecta erant  
 necessaria; Nam eodem modo uterque morbus ag-  
 grediebatur, dolor idem in partibus quæ cordis scro-  
 biculo subjacent, si manus admoveretur. Linguae  
 item

item color; Urinæ consistentia, &c. Sudores spontanei copiosi ab initio oborti ubique respondebant. Propensio itidem quam habeat hic morbus, quoties in flammam vehementiorem affurgeret, se per *Ptyalimum* exonerandi, eadem profus erat atque in Variolis hisce, quoties scilicet *confluebant*. Cum insuper hæc Febris eò præcipuè tempore sæviret, quò latius quam unquam aliàs, quantum ego observavi, hic locorum grassabantur Variolæ, nemini dubium esse potest, quin ejusdem omninò sint prosapiæ. Id certò scio, Phænomena practica omnia quæ Curationem respiciebant, eadem planè fuisse in utroque morbo, exceptis istis, quæ Variolarum eruptio, ejusque effecta in isto morbo indicabant, quæ, cum nulla esset in hac Febre, indicari proinde non potuère; quod quidem mihi abundè constabat ex accuratissimis illis observationibus, quas feci dum utroque morbo laborantes tractarem: Quapropter danda mihi est venia, (non quod nova rerum nomina affectem, quæ perinde mihi sunt invisa atque illi cui maxime, sed ut hanc Febrim à cæteris distinguam) ut istam, à similitudine quam cum hac Variolarum specie habet, *Febrem Variolosam* insigniam.

Ut ut verò Febris dicta Variolas referebat, nemo tamen sanus eadem illam methodo debere curari facile sibi persuaserit, cum in his mediantibus Abscessulis particulæ inflammatae in habitum corporis amandentur eliminanturque: Qui enim in morbi principio manabant sudores profusi, *Symptomatici* erant, non *Critici*; cum natura non aliam hic evacuationem videretur designavisse quam *Salvationem*, quam tamen ipsa eadem natura pervertit ut plurimum, vel *Diarrhœa*, quæ sæpissimè à radiis inflammatoriis, per arterias mesentericas in intestina delatis, atque eadem ad excretionem sollicitantibus, exoritur, (quod etiam in *Pleuritide* usu venit, aliisque Febris Inflammata-

Cap. III. HUIUS CONSTITUTIONIS. 141

flammatoris, ob sanguinis particularumque servidarum orgasmum, ut eventilentur satagentium, atque in auras facessant, ) vel immensis etiam *sudoribus*, quæ morbum hunc pariter cum Variolis ex naturæ præscripto ubique comitabantur: quibus cum symptomatici essent ipsi, *Salivatio* quæ Critica aliàs erat futura aliò derivabatur; ita ut nisi evacuationem aliam suggereret Ars, ad septimanas aliquot perseveraret morbus nec aliarum Februm more Concoctionem subiret.

Sed ut paulò ulteriùs progrediamur, quò & Febris hujus naturam rectiùs capiamus, & ea pariter substernamus, quibus *Indicationes Curativæ*, tanquam immobili fundamento, superstrui possint; omninò animadvertendum est, quòd in *Febre* illa, quæ in *Constitutione Intermittebantibus Epidemicâ*, vigeat, materia quæ à sanguine erat sejungenda tantæ erat crassitudinis, ut separari nequiret sine præviâ Digestione, quâ ad debitam evacuationem disponderetur, (determinato sc. ad hoc tempore,) idque vel *diarrhœa* paulò pleniori, vel Dejectionibus Criticis; ita ut id tantùm negotii Medico daretur, sic se ad morbi genium accommodare, ne ex una parte in symptomata periculosa assurgeret atque ebulliret, neque ex alterâ ita parum effervesceret, ut materiæ inimicæ exterminandæ impar prorsus esset, cum Febris Naturæ instrumentum fuerit, ad hujus secretionis opus deditâ operâ fabricatum. Quin & in *Peste* materia aliqua reperiebatur à sanguine segreganda; sed cum subtilissimarum fuerit partium & maximè inflammabilium, (ita ut quandoque ubi summè exacuerentur, sanguinem, fulguris instar, pervaderent, nec ebullitionem quidem in eodem ciere valerent) ictu oculi per eum trajiciebat, nec nisi in glandula aut parte aliqua externa sistebatur; ubi irretita carnes circumjacentes primò in inflammationem, postea in *Apostema*, pertraxit. Est autem *Apostema* Naturæ machina,

quâ ista quæ carnibus infesta sunt amolitur; sicut *Febris* ejusdem est machina, ad difflanda ea quæ sanguinem malè habent. Quo in casu, Medicorum est, evacuationem materiæ Pestilentialis, quam per hos Abscessus natura molitur, prout decet, regere; nisi fortè quis magis consultum esse putaverit, aliam aliquam evacuationem substituere, quæ magis penes illum fuerit, ejusque arbitrio certiùs obtemperaverit, quàm illa Naturæ. Eodem etiam modo procedit Natura in expellenda Variolarum materia, licèt ea species sit inflammationis pinguioris ac magis crassæ, quæ per pustulas ubique sparsas ejicitur, *Carbunculorum* loco ac *Bubonum*, &c. Atque in hoc etiam casu, Indicationes Curativæ eò sunt dirigendæ, ut Naturæ per pustulas evacuatio ritè administraretur. Jam vero cum in hoc *Febris Inflammatorie* genere, de quo nunc agimus, non inveniatur crassior illa materia, non nisi præviâ Digestione egerenda, sicut in Febre superiùs descriptâ, incassum Ebullitioni obsecundamus ad obtinendam hujusmodi Digestionem; quinimò è contra, haud leve est periculum ne huic viæ insistentes, stimulos addamus morbo, cujus esse in inflammatione plus satis violenta consistit: Atque porò, cum natura nullam huic Febri evacuationem per modum eruptionis constituerit, quod in Febre Pestilentiali & Variolis fieri cernimus, ( ut ut rebus aliis posteriori huic morbo respondeat; ) necessariò in hoc stabit rei summa, ut sedetur inflammatio evacuationibus & medicamentis contemperantibus. Hunc mihi proponens scopum, hujusce Febris Curationem aggressus sum, quæ methodo hæc haud difficulter expugnata fuit.

## C U R A T I O.

Ad ægrum accersitus, mox sanguinem è brachio educendum curavi, modò nimia debilitas, præfer-  
tim

Cap. III. HUIUS CONSTITUTIONIS. 143

tim verò provector ætas, non contra-indicaret; & Venæ-sectionem insuper alternis diebus ad duas adhuc vices repetendam iussi, nisi redeuntis sanitatis signa aliter suaderent. Diebus interjectis *Enema* è lacte & saccharo, vel simile, injiciendum præcepi; præscripti & Julapium sequens vel aliud ejusmodi, frequenter per omnem morbi decursum assumendum;

℞. *Aq. Portul. Lactuc. fl. Paralyf. an.* ℥ iiii.

*Syr. de Limon.* ℥ j. ℞.

*Syr. Violacei* ℥ j.

Cap. ℥ iij. quater vel quinquies in die, & ad libitum; ferum lactis, Aquam hordei, & similia ejus farinæ pro Potu ordinario concessi; pro victu juscula etiam Hordeacea, Avenacea, Panatellam, Poma cocta, &c. jusculis verò è carne pullorum, vel alia quacunque interdixi.

Præ reliquis omnibus edixi ne se in lecto assidue contineret, sed illo abstineret bonam diei partem, idque quotidie; quando observaverim in hâc Febre, (uti etiam in *Pleuritide*, *Rheumatismo*, aliisque omnibus morbis Inflammatoriis, in quibus abigendis Venæ-sectio & Refrigeratio primas obtinent,) medicamenta summè Refrigerantia, & repetitam sæpissime Phlebotomiam ne hilum prodesse, dum interim æger, lecto indefinenter affixus, ejus calore torreatur, æstate præsertim. Quocirca nec sudores quibus subinde difflebat æger, ab hac Methodo Refrigerandi, tum Medicamentis exhibitis, tum jugem lecti usum vetando, me deterrebant: Etsi enim, sumptâ à plerumque juvantibus *Indicatione*, magnum sibi quis inde emolumentum haud injuriâ pollicitaretur, refragabatur tamen ubique experientia, quâ magistrâ didici, ægrum non modò nihil exinde commodi capere, sed è contra vehementius incallescere; ita ut non rarò *Phrenesis*, *Petechiæ*, cæteraque

peffimi omnis fymptomata mox hujusmodi fudores exciperent, quæ non tam à morbi *malignitate* quàm *finifiro regimine* oriri videbantur.

Si è contra dicatur, jam laudatam Febrium curandarum Methodum Authorum Theoriæ omnimodè adverfari, qui omnes uno ore pronunciant, Febrim per *Αἰσθησιον* rectiffimè ac maximè naturaliter expediri; hæc habeo quæ pro me militant, præter certiffimæ ac constantis Experimentiæ testimonium, mihi in hujus particularis Febris curatione nunquam non fuffragantis. Suppono ante omnia, viros doctos, qui fudorum provocationem ad tollendam Febrim efflagitant, eos velle fudores qui à præviâ Digestione humoris alicujus in fanguine ftabulantis excernuntur, in quo humore elaborando præparandoque ut per *Αἰσθησιον* eliminetur, natura certo aliquo ac determinato tempore fuerit occupata. Verumenimverò longè aliter hîc fe res habet; æger enim à primo ftatim morbi impetu in fudores uberimos folvitur, qui foli morbi hujus pars magna funt; & fi Phænomenis omninò omnibus fit habenda fides, morbus hicce à nudo potius calore, & fanguinis æftu, quàm ab humore aliquo delitefcente, & poft debitam Concoctionem è fanguine per fudores expellendo, pendere videtur. Quod fi demus, hujusmodi humorem Digestione maturandum in hac Febre, pariter atque in multis aliis reperiri; quorfum attinet, Naturæ (cujus enormiora molimina in ordinem redigere opis eft noftræ) plus nimio fatagenti morem gerere, hujusmodi fudores vel Cardiacis provehendo, vel regimine calidiore; cùm non minùs fudores refpiciat quàm Dejectiones tritum illud Axioma, *Cocta, non cruda, funt medicanda?*

Stante hâc Constitutione, accerfebar ad Virum doctiffimum D. D. *Morrice* (qui tum temporis *Londini*, jam *Petvorthiæ* Medicinam cum laude facit,) hâc



Cap. III. HUIUS CONSTITUTIONIS. 145

hâc Febre, cum effusissimis sudoribus & frequentibus Petechiis laborantem; Consentientibus aliis aliquot medicis, utrique nostrum familiaribus, Vena-secta fuit, surrexit è lecto, absterse primum sudore, Medicamentis & Diætâ Refrigerantibus usus est, præsentissimo cum levamine, multis malis atque periculosis symptomatis mox difflatis; &, cum eadem methodo insisteret, intra paucos dies sanitati restitutus est.

Sed ad rem: Neque etiam *Diarrhœa*, quæ Febrim hanc sæpissimè comitabatur, me à dicta Methodo vel latum unguem dimovit; quinimò expertus sum (cum sc. ab halitibus inflammatoriis è sanguinis massa per Arterias Mesentericas in intestina excretis, atque eadem vellicantibus, illa nasceretur) nihil huic profusio sistendo æquè conducere atque Venæ-sectionem, & sanguinis contemperatorem, *aquâ Hordei, sero lactis* atque aliis supra nominatis procurandam.

Hæc sanè Methodus optimè mihi cessit in hujus morbi curatione, ad quam quidem apta nata præ cæteris mihi videtur. Non quod ego nunquam viâ longè contrariâ incedentibus spectator interfuerim, adhibitis sc. Cardiacis & calido regimine, ægro nihilominus à morbo sæpe liberato: ita tamen ut mihi semper videtur is non mediocre discrimen adiisse nullâ id suadente necessitate: Etenim *Petechiæ*, quæ aliter perpaucæ erant, his modis numerosissimæ scatebant; sitis, quæ ut plurimum vix molestabat, jam intensius urgebat; Lingua, quæ aliàs humida solebat esse, neque à sanorum linguâ, nisi quòd, ut diximus, subalberet aliquantisper, multum abhorrens, sicca in hoc regimine, arefactaque, quin & nigra sæpe comparebat. Postremò illi ipsi sudores, quos Cardiacorum usu extorquere fatagebant, tandem eorundem ope penitus intercidere: Exactâ enim

enim per corporis habitum nimis largâ feri copiâ sanguis humori istiusmodi ulterius suppeditando par non erat, cùmque ista, quâ dilui debuerat, humiditate, in solidum jam spoliaretur, exarescebat protinus æger, atque in externis partibus constringebatur, omnino præter naturæ morem, quem in hac Febre observare solet; donec tandem sanguis humiditate, ab assumptis mutuâtâ, denuò repletus, partim Medicamentorum, partim etiam Febris vi, serum hoc recens ingestum, accum illo Febrem, à finibus suis pelleret. Quæ quidem Crisis erat coacta nimis, & nimis periculosa, & (quod adhuc pejus,) rariùs etiam contingebat.

Jam verò, ut supra monuimus, Febris hujus solutio, ut etiam Variolarum, (quæ soror ejus germana meritò audiunt,) per *Salivationem* non rarò fiebat; quæ quidem nunquam non salutaris fuit, ita ut eâdem liberaliùs procedente tam maculas reverâ purpureas, quàm Febrim ipsam evanescere oculis vidi meis. Obortâ itaque *Salivatione*, nulla omnino Evacuatio convenit, nec quæ venâ pertusâ, nec injecto quæ fit Enemate; cùm ab utrâque periculum sit ne humor aliò divertatur. At serum lactis, atque alia refrigerandi vi pollentia necessariam in *Salivatione* eliciendâ operam navabant, ut è contra Cardiacâ, & quæcunque alia calefaciebant; materiam inspissando, ejusdem eductioni officiebant.

## D I A R R H Œ A.

Superstite adhuc Febre hâc necdum extinctâ penitus, anno maximè 1668. *Diarrhœa*, sine manifesto aliquo Febris indicio, Epidemicè grassabatur: Jam enim *Constitutio* ad *Dysentericam* illam accedebat, quæ insequenti anno invaluit, ut jam proximè dicemus. Hanc nihilominus eandem ego censui Febrem esse cum *Variolosa* adhuc regnante, formâ tantum diversâ, atque alio se symptomate efferentem.

Cùm

Cap. III. HUIUS CONSTITUTIONIS. 147

Cùm enim mihi constaret, rigorem atque horrorem hanc etiam *Diarrhœam* præcedere solere, atque illam insuper ut plurimum ex eadem *vesicâ* invadere, ex qua solebat ista quæ tùm depopulabatur Febris, verisimile mihi est visum, Febrem hanc ortum suum debere radiis inflammatoriis in intestina inverfis, atque eadem ad expulsionem hanc sollicitantibus, cùm interim sanguinis massa, ope hujus diverticuli à malis, quos aliter radii isti attulissent, effectibus integra maneat atque illæsa, nullo Febris visibili signo exterius se prodente. Adhæc æger partes cordis scrobiculo accumbentes manu premi non tulit (quod quidem symptoma & *Variolis* & *Febri* hujus *Constitutionis* accidisse jam pridem ostendimus.) Idem etiam dolor, atque eadem carniū teneritudo sæpenumero externè in Epigastrium protendebatur; nonnunquam etiam inflammatio, quæ in Apostemate atque ægri morte demum terminabatur. Quæ, omnia luce clarius indicabant, *Diarrhœam* hanc ejusdem omninò naturæ fuisse atque essentiæ cum illa, quæ tum dominabatur, Febrî. Sententiam hanc meam magis adhuc ratam faciebat felix eventus, quem Venæ-sectio, & Medicamentorum, Diætæ, atque Regiminis Refrigerantium usus, quæ in *Febris Variolosæ* curatione usurpasset nos sæpe diximus, in sananda etiam hac *Diarrhœa* perpetim habuere; utpote quæ huic Methodo promptè cessit: Cùm verò aliâ longè diversâ tractaretur, sive exhibitis *Rhabarbaro* aliisque Catharticiis Lenitivis (ad deturbandos sc. mordaces istos succos, qui intestina ad hujusmodi Excretiones putabantur irritasse) sive etiam Astringentibus; ex levi, suâ naturâ, morbo in exitialem sæpissime evasit; ut, qui eo anno concinnabantur *Diem obeuntium Indices*, plus satis testantur. Atque hæc dicta sunt de *Morbis Epidemicis*, qui ab hac *Constitutione* pendebant.

## SECTIO QUARTA.

## CAPUT. I.

*Constitutio Epidemicæ partis Anni 1669, atque integrorum, 1670, 1671, 1672, Londini.*

MDC L X I X.

**I**Neunte Augusto An. 1669. Cholera Morbus, immania Ventris tormina sine Dejectionibus, uti etiam Dysenteria, quæ per decennium jam parcius compa-ruerat, grassari cœperunt; Cholera morbus, quem nunquam antehac ita fuisse Epidemicum animad-verteram, hoc non obstantè, eo etiam anno, uti semper, intra Augusti cancellos stetit, vix in prio-res Septembris Hebdomadas evagatus. Ventris autem Tormina absque dejectionibus ad Autumni exitum usque perseverabant, & Dysenterias comitabantur, quibus etiam latius spargebantur illa: Superveniente verò hyeme tormina ista sine dejectionibus penitus dispa-rebant, nec deinceps infestabant per sequentes An-nos quibus vigeat hæc Constitutio, quâ nihilominus Dy-lentericæ *ἐπιδημιασάντων* læviebant. Cujus rei hanc ego causam fuisse arbitror, quòd scilicet Constitu-tio ista nondum ita perfectè in Dysentericam transie-rat, ut symptomata illa omnia quæ Dyntericos af-fligunt, in singulis valeret producere. Etenim inse- quente Autumno cum jam redirent tormina, nullo non symptomate Pathognomonico stipatus incessit mor-

morbus. Inter *Tormina* hæc, dejectionibus cassâ, & *Dysenterias* jam memoratas, quæ ubique populabantur, exoriebatur & novum *Febris* genus, utrique comes, quæ non eos tantum invadebat qui priorum alterutro laborabant, sed etiam illos qui ab utroque adhuc immunes persistabant; nisi quod nonnunquam (at rariùs id quidem) ventris tormina admodum levia accederent, nunc solutâ alvo, nunc verò adstrictâ; quæ cum illam *Febrem* quadantenus referret, quæ morbis præfatis non infrequenter adhærebat, *Febris Dysentericæ* nomine ab aliis distinguenda est; maximè cum, ut mox docebimus, à *Dysenteria* genio atque indole in eo tantùm recederet, quòd *Dejectionibus* istis caruerit quæ in *Dysenteria* indefinenter molestabant, cæterisque iis effectibus quæ huic evacuationi necessariò debebantur. Appetente jam Brumali frigore *Dysenteria* ad tempus se subduxit; *Febris* autem *Dysenterica* magis grassabatur; *Variolæ* etiam, at mitiores, & fractis admodum viribus, quibusdam in locis impetebant.

M D C L X X.

Anno verò subsequente vix dum ingresso, ipso nempe *Januario*, successere *Morbilli*, qui indies auctiores facti, nullam ferè familiam, nullos saltem infantes intactos sinebant, atque ad *Vernum* usque *Æquinoctium* sensim invalescentes, ab illo tempore, iisdem ferme quibus infurrexerant gradibus paulatim referebant pedem, & *Julio* mente evanescere, non ampliùs visi per eos annos omnes quibus dominabatur *Constitutio* hæc; nisi quod proximo anno eâ ipsâ tempestate quâ in præcedente eruperant, rari hæc illac dissiparentur.

*Morbilli* isti *Variolarum* generi, mihi hæctenus non cognito, viam sternebant, quas ut à cæteris distinguam, ob Phænomena irregularia inusitataque à me observata (quæ postea in earundem *Historia* tradentur)

tur) à præcedentis *Constitutionis Variolis* longè distantia, *Variolas Anomalas Constitutionis Dysentericæ* compellare lubet. *Variolæ* hæ, licèt morbillis longè infrequentiores, non paucos tamen aggrediebantur, donec inchoante mense *Julio*, *Febres Dysentericæ* prævalerent, Epidemicè incurfantes; approximante verò Autumno, *Augusto* scilicet, *Dysentericæ* postliminio revertebantur atque omnia pervastabant, etiam inclementius quàm prægresso anno defævientes. Hyberno tamen frigori terga dederunt, ut priùs. Verumenim verò his fugatis *Dysenterica Febris & Variolæ* hyemem omnem funestabant.

## M D C L X X I.

At circa initium *Februarii* Anni insequentis, subfitutis *Tertianis Intermittebantibus*, uterque morbus rarior prodibat. Dictæ *Intermittentes*, licèt non admodum Epidemicæ, frequentiores tamen erant, quàm quovis alio tempore observâsse me memini, à quo sc. expiravit *Constitutio* ista, quam sibi adeò faventem illas habuisse supra notavimus. Atque hæ, pro more *Intermittentium Vernarum*, Solstitio æstivo vix præterlapso omnino evanüere. Incipiente mense *Julio*, *Dysentericæ Febres* quam præcedentibus annis obtinuerant stationem de novo repetebant; Autumno verò aliquantum provectiore, *Dysentericæ* jam tertio regressa est, sed contractior quàm anno ultimo elapso, quod ad *anxiosâ* pervenisse videbatur; supervenienti autem Hyemi tertium etiam cessit, *Febre Dysentericâ & Variolis* reliquam eam tempestatem iterum contristantibus.

## M D C L X X I I.

Cùm verò, ut jam monuimus, sub ingressu utriusque anni præcedentis morbus aliquis valdè Epidemicus invalesceret, *Morbilli* sc. exoriente Anno 1670; *Intermittentes* autem *Tertianæ* Anno 1671. inchoato, quorum prædominio ita interdicebantur *Variolarum*

larum copiam, ut fines suos, prædictis annis ineuntibus, longè latèque propagare requirent: Hæc, inquam, de causâ remoto jam obice, (nempe initio Anni 1672.) cum solæ dominantur Variolæ, Epidemicè admodum ex consequenti grassabantur, donec subintrante rursus Julio, Febres Dysentericae denudò invaderent, quæ redeuntibus jam quarto Augusto, Dysenteriis mox faceflebant; Dysenteriae verò non pauciores tantùm quàm prioribus annis fuerant, sed mitiora insuper apportabant symptomata. Porrò Variolis hinc indeque simul sparsis, haud facile erat dictu, quis morbus præpolleret. Existimo quidem ego Constitutionem aëris, ad Dysenterias progignendas minùs facientem, Variolis eam subministrasse facultatem, quâ pari passu procedere valerent, secus atque iis annis quibus Dysenteriae, Augusto mense confertim magis trucidabant. Hyems, ut solebat, Dysenterias ablegavit, sed neque Febrem, nec Variolas: Variolæ hîc etiam pro more suo, exulantibus Dysenteriis, rerum denuo potiebantur, & per omnem reliquam brumam regnabant. Quinimò subsequente Vere, ut etiam aestatis initio, huc atque illuc deferebantur, longè tamen mitiores quàm pro hoc genere.

Verum enimverò quando assero, Epidemicorum alterum ab altero, ut clavum à clavo, pelli, non statim dico, eum, qui pellitur ac cedit morbum in solidum evanescere, at verò rariùs invadere. Durante enim hæc Constitutione uterque morbus reperiebatur, etiam illâ tempestate qua cum minùs ei conveniebat; e. gr. Dysenteria, etsi morbus Autumnò maximè proprius, unum fortassè aut alium, licèt rarò admodum, Vere incessabat.

Satis itaque evicimus, quòd per integram hanc Constitutionem, subintrante Julio, (qui mensis certissima est Febrium Autumnalium Epecha, uti Vernarum

152 FEBRIS CONTINUA Sect. IV.  
rum *Februarius*) Febres *Dysentericæ* grassabantur;  
Autumno verò jam se propius admovente, *Dysente-*  
*riæ* (morbus, si accuratiùs loqui velimus, verè Au-  
tumnalis) iisdem succedebant, quas ab hyeme dif-  
flatas excipiebant *Febris Dysenterica*, & *Variolæ*;  
quæ quidem *Variolæ* non eam tantùm hyemem sed  
& subsequens etiam Ver, nec non æstatem illi con-  
junctam peragrabant, donec reverso *Julio*, à *Fe-*  
*bribus Dysentericis* Epidemicè prædantibus ejiceren-  
tur: Atque hæ rerum erant vices dum vigeret præ-  
dicta *Constitutio*.

Observare insuper est, quòd sicuti Epidemico-  
rum quilibet in subjecto particulari suas habet perio-  
dos, *Augmenti* sc. *status*, & *Declinationis*; ita etiam  
*Constitutionis Generalis* quæcunque, quæ huic alterive  
morbo Epidemicè producendo favet, pro ratione  
temporis quo dominatur, suas etiam periodos habet;  
quatenus sc. indies magis ac magis Epidemicè grassa-  
tur, donec *apex* attigerit suam; atque exinde iisdem  
ferè gradibus decrescat, donec tandem penitus exo-  
luerit, alteri *Constitutioni* locum cedens. Symptoma-  
tum enim quod attinet vehementiam, atrociora sunt  
omnia ubi primùm se ostendit; quæ quidem paula-  
tim mitescunt, & in *Constitutionis* Catastrophe tam  
sunt benigna atque *æquæ*, quàm patitur morbi na-  
tura in quo fundantur; quod satis demonstrant *Dy-*  
*sentericæ*, & *Variolæ* hujus *Constitutionis*, ut mox fusiùs  
declarabimus. Hujus *Constitutionis* morbos particu-  
lariter tractandos aggredior, eo quem ipsi servarunt  
ordine.

## CAP. II.

### *Cholera Morbus.*

MORBUS hic, qui, ut antea diximus, Anno 1669.  
se latius diffuderat quàm alio quovis anno quan-  
tum



tum ego observaveram, eam anni partem quæ Æstatem fugientem atque Autumnum imminentem complectitur, unicè ac eadem profùs fide, quâ veris primordia Hirundines, aut insequentis tempestatu fervorem Cuculus, amare consuevit: Qui ab ingluvie ac crapula nullo temporis discrimine passim excitatur affectus, ratione symptomatum non ablimilis, nec eandem curationis methodum respuens; tamen alterius est subsellii. Malum ipsum facillè cognoscitur; adsunt enim vomitus enormes, ac pravorum humorum cum maxima difficultate & angustia per alvum dejectio; Ventris ac intestinorum dolor vehemens, inflatio & distentio; Cardialgia, sitis, Pulsus celer, ac frequens, cum aestu & anxietate; non raro etiam parvus & inæqualis; insuper & nausea molestissima, sudor interdum diaphoreticus, crurum & brachiorum contractura, animi deliquium, partium extremarum frigiditas, cum aliis consimilis notæ symptomatis, quæ astantes magnopere perterrefaciant, atque etiam angusto viginti quatuor horarum spatio ægrum interimant. Est etiam & Cholera sicca à spiritu flatuoso suprâ & infrâ erumpente, idque sine vomitu vel secessu; cuius unicum duntaxat exemplum me vidisse memini ineunte hujus anni Autumno, quo tempore prior illa species mihi creberrimè & factò quasi agmine sese obtulit.

## C U R A T I O.

Sedula mentis applicatione, & multiplici etiam experienciâ edoctus, quòd si hinc acres istos humores, fomitem morbi, Cathartici expellere conarer, idem agerem atque is qui ignem oleo extinguere satagit, cum Cathartici vel lenissimi operatio omnia magis perturbaret & novos insuper excitaret tumultus: Et si ex adverso medicamentis Narcoticis aliisque adstringentibus in ipso statim limine primum humoris impetum compefcerem, dum naturali evacuationi

obfisterem, & invitum humorem detinerem, æger, inimico visceribus incluso, bello intestino indubiè conficeretur. Has, inquam, ob causas mediâ mihi viâ insistentium esse duxi, ut partim scilicet humorem evacuarem, partim etiam diluerem: morbum itaque hâc arte, mihi à multis retrò annis compertâ ac comprobâtâ, toties quoties in ordinem cœggi.

Pullus tenerior in tribus circiter aquæ fontanæ congiis elixatur, aded ut carnis saporem vix perceptibilem liquor referat, hujus decocti (vel defectu ejus, liquoris possetici) capaciores aliquot cyathos æger tepidè exhaurire jubetur, & eodemque tempore bona ejusdem quantitas pluribus Enematis successivè injiciendis inservit, donec quâ per superiora, quâ per inferiora, tandem omne jusculum absumptum ac de-  
nuo rejectum fuerit. Hisce haustibus, pariter ac Clysteribus, Syruporum *Lactucæ*, *Vialarum*, *Portulacæ*, *Nymphææ*, eorumve alicujus, uncia subinde admiscetur; quanquam & citra ejusmodi additamenta, jusculum ipsum per se rem satis commodè exequatur. Ita Ventriculo insigni liquoris quantitate sæpius onerato, atque, ut sic dicam, subverso, ac reiteratâ Enematum injectione, humores acres vel foràs elimantur, vel retusâ acrimoniâ ad debitam temperiem revocantur. Exantlato hoc eluvionis penso, quod tres vel quatuor horas sibi vendicat, medicamentum aliquod *paregoricum* curationi coronidem imponit: Mihi hoc crebro in usu est,

℞. *Aq. Paralyf.* ℥ j.

*Mirab.* ℥ j.

*Laudani liquidi gut.* xiiij.

Cujus loco Narcoticum quodvis officinale succenturiari poterit. Atque hæc, quam proposui diluendi humores via, multo tutiùs, ac expeditiùs quàm quæ vel per evacuantia, vel per astringentia vulgò instituitur, periculossimo affectui occurrit, quippe cum ab  
illis

*illis* tumultus concitator & ferocior evadat ac omnia  
 fusque deque vertantur; *hac* è contra hostem in me-  
 diis visceribus detineant, ac ex advena reddant plane  
 inquinum; ut taceam, protracto in longitudinem  
 morbo præter periculum ex ejusmodi mora, quâ in  
 massam sanguinis tandem humores vitiosi irrepunt,  
 atque mali moris febrim faciliè accendunt, etiam ægris  
 gravissimi mali tædium procreari.

At verò diligenter est animadvertendum, quòd  
 si non accesserit Medicus, nisi postquam æger vomitu  
 ac dejectionibus, ad horas aliquam multas conti-  
 nuatis, puta 10. vel 12, fuerit exhaustus, & jam frige-  
 scant extrema membrorum; hoc, inquam, casu, omis-  
 sis aliis quibuscunque auxiliis, recto cursu ad sacram  
 hujus morbi anchoram, Laudanum intelligo, con-  
 fugiendum est, quod non tantum exhibendum est  
 urgentibus Symptomatis, sed etiam cessantibus Vo-  
 mitu ac Diarrhœâ, mane & serò quotidie repeten-  
 dum; donec pristinas vires æger, ac sanitatem tan-  
 dem receperit.

Hic morbus, quantumlibet Epidemicus, rarissi-  
 mè tamen (quod supra dictum est) *Augusti*, quo pri-  
 mum coepit mense, terminos excessit; ex quo mihi  
 subest contemplari elegantissimum illud subtilissi-  
 mumque artificium, quo utitur natura in Epidemi-  
 corum natalibus atque ortu: Licet enim eadem  
 prorsus maneat causæ, unde plures sub finem *Septem-  
 bris* æquè ac mense præcedente, hoc morbo possint  
 corripì, nimia sc. Fructuum Horariorum ingestio;  
 eundem tamen non sequi videmus effectum: Quis-  
 quis autem *Cholera morbi legitimi*, quòcum solo no-  
 bis impræsentiarum res est, Phænomena studiosè col-  
 legerit, fatebitur morbum istum, qui quovis alio  
 anni tempore invadit, quamvis ex eadem occasione  
 prognatum, atque eorundem symptomatum nonnul-  
 lis stipatum, ab hoc nostro toto cœlo distare; haud  
 M 3 aliter

aliter ac si in aëre peculiaris mensis hujus lateat reconditum ac peculiare quiddam, quod specificam hujusmodi alterationem, soli huic morbo adaptatam, vel cruori vel Ventriculi fermento valeat imprimere.

## C A P. III.

*Dysenteria.*

Ventris tormina sine dejectionibus initio Augusti 1669, ut supra innuimus, invadere coeperunt; & excurrenre eo Autumno, *Dysenterias*, quæ cum iisdem ingrediebantur, æquabant numero, ne dicam, exuperabant. Febris nunc iis accessit, nunc aberat. *Dysenteriarum* per id tempus grassantium torminibus dicta Ventris tormina omnino respondebant; atrocissima nempe hæc erant, & per intervalla cruciabant; nullæ verò sequebantur Dejectiones vel *Stercorosæ*, vel *Mucosæ*. Pari passu cum *Dysenteriis* per *Autumnum* hunc omnem procedebant, sed, ut jam docuimus, non cum iisdem per Annos sequentes hujus *Constitutionis* Epidemicè ampliùs invadebant. Cùm verò tormina hæc sine dejectionibus neque naturâ suâ neque illâ, quâ promptissimè sopiebantur, methodo, à *Dysenteriis* multum distideant, ad has me confero.

Animadverti, morbum hunc uti nunc, ita ferè semper, *Autumni* initio invadere solere, & appropinquanti hyemi pro tempore cedere; cùm verò annorum series eidem Epidemicè producendo nimium faveat, unum alterumve, etiam quovis alio tempore potest ferire; quili & circa *Veris* ingressum, fortè etiam maturiùs (si nempe aura calidior intemperantiori gelu derepente soluto mox supervenerit;) plures aliquot incessere. Unde, perpauci licèt fuerint qui hoc corripiantur morbo, cùm id tempore ita alieno contingat, satis scio illam *Constitutionem* haud mediocriter huic morbo suffragari. Atque ita se res habuit per eos annos, qui-

quibus *Dysenteria* ita latè depopulabantur; quandoque enim, circa finem hyemis aut Veris initium, uti dictum, hic morbus hunc illumve vexabat.

*Nunc* cum rigore horrorèque aggreditur hic morbus, quos sequitur totius corporis calor, ( ut in Febris solenne est, ) atque hunc, brevi post, ventris tormina, ista verò, dejectiones: Sæpe verò nulla antecedit Febris præsentio; agmen autem ducunt tormina, dejectiones subsequuntur: Semper tamen adest ingens cruciatus, & intestinorum depressio cum dolore quoties exoneratur alvus, cum crebris itidem dejectionibus, & molestissimo viscerum omnium quasi descensu. Dejectiones *mucosæ* sunt omnes, non *stercorosæ*, nisi quod nonnunquam *stercorosa* interponitur; idque sine dolore insigni. Mucosis hisce dejectionibus intertextuntur sanguinis quædam lineamenta; quandoque tamen ne minimum quidem sanguinis per omnem morbi decursum iisdem admiscetur; quò non obstante, ( modò frequentes sint Dejectiones, cum ventris torminibus & colluvie mucosâ, ) morbus haud minùs rectè *Dysenteria* vocabitur, quàm si unà manaret sanguis. Interea temporis æger, si vel astate floreat, vel Cardiacorum ope incalescat, febricitat, linguâ subalbidâ quadam mucilagine densè obsitâ, & si vehementiùs fuerit excalescens, nigrâ etiam atque siccâ: Prosteruntur admodum vires, dissipantur spiritus, nullum non adest Febris malè moratæ indicium. Non dolores tantàm fummos atque ægritudinem adfert hoc malum; sed, nisi peritè tractetur, ingens etiam in vitæ discrimen ægrum perducit; cùm enim jam imminutâ caloris Vitalis ac spirituum copiarum à crebris hisce dejectionibus ante exhauriantur, quàm peccans materia possit è sanguine exturbari, manuum ac pedum frigore superveniente, à morte periclitabitur, etiam intra morborum acutorum periodos oppetendâ; quod si intentatas *Porcarum*

manus hâc vice eluserit, plura tamen diversi generis symptomata miserum expectant: v. gr. nonnunquam progresso morbo, loco filamentorum sanguineorum, quæ eodem incipiente dejectionibus permixta conspici solebant, *sanguis sincerus*, ne muco quidem intermixto, largiori quantitate singulis conatibus egeritur, quod, cum corrosionis majorum aliquot vasorum, quæ intestina perreptant, argumentum sit, ægro interitum minatur. Nonnunquam etiam intestina à magno illo incendio, quod excitavit materię calidæ atque acris ad partes læsas affluxus copiosior, *Gangrenâ* insanabili afficiuntur. *Aphthæ* insuper exeunte morbo oris interna faucesque sæpenumerò obsident; imprimis ubi corpus diu fuerit excalesfactum, & materię peccantis evacuatio medicamentis astringentibus impedita, non exacto priùs per Cathartica morbi fomite. Atque hæc quidem mortem imminentem ut plurimum denunciant. Quòd si prædicta symptomata superaverit æger, & morbus in longum trahatur, tandem intestina ordine quæque suo deorsum versus affici videntur, donec in *rectum intestinum* malum omne detrudatur, & in *Tenesmum* desinat; quo factò, longè secus atque in Dysenteriis Dejectiones *stercorosæ* vehementissimam intestinis dolorem inferunt, alvi sc. fæcibus teneriora adhuc intestina inter descendendum radentibus; cum Dejectiones *Mucosæ* eo tantum tempore inferiori intestino, *Recto* nempe, molestias creent, quo materia in eo solo conficitur atque inde excernitur. Hic autem morbus licet *adultis*, maxime *grandævis*, haud rarò exitialis, *Infantibus* nihilominus perbenignus reperitur, qui ad mentes aliquot ab eodem quandoque afficiuntur sine quovis incommodo, modo res naturæ permittatur.

Quantam cum hac, quam descripsimus, affinitatem habeat *Epidemia* ista *Hibernorum Dysenteria*, non satis scio, cum nondum ea mihi innotuerit; quin & in

in his, quas incolimus, regionibus quomodo se habeat *Dysenteria*, quam jam depinximus, si ad illas referatur quæ aliis annis infestabant, mihi pariter incomperatum est; cùm fieri quidem possit, ut variæ enascantur *Dysenteriarum* species, ut sunt *Variolarum*, & Epidemicorum aliorum, diversis *Constitutionibus* propriæ, & quæ proinde medendi methodum in aliquibus diversam sibi suo jure vendicent. Neque est, cur hos Naturæ lus hac in re tantopere demiremur; cùm in confesso apud omnes sit, quòd quo profundius in quæcunque naturæ opera penetremus, eo luculentius nobis affulgeant ingens illa varietas & divinum pene artificium operationum ejus, quæ captum nostrum longissimè superant. Aded ut quisquis ille fuerit, qui in se receperit hæc omnia mente assequi, & multifarias Naturæ operationes *negra pòdes* indagare, partim magnis ausis excidat, neque voti per omnia compos reddatur: Convitia interim, ( si quid judicando valet, ) pro Repertorum *vel* utilissimorum, quam fecit, semente, certò certius sibi metenda proponet, idque eam tantùm ob causam, quòd primus invenit.

Porro observandum est, quòd *Epidemici* omnes ubi primùm è Naturæ sinu emergunt exiliuntque, quantum ex eorum Phænomenis licet conjicere, principio magis spirituoso ac subtili videntur inhærescere, quàm ubi jam magis adoleverint, quòque magis ad occasum vergunt, eò magis indies crassi atque humoresales fiunt: Etenim quales quales demum fuerint inimicæ istæ particulæ, quas aëri intimè permixtas *Constitutionem Epidemicam* formare opinabimur, omnino par est ut easdem majori agendi potentiâ per ea tempora pollere existimemus, quibus primum eruperint, quàm postquam earum vires fuerint refractæ, eâ scilicet mensurâ quâ easdem aëri in Crasin statumque Epidemicum evehendo impertierint. Ita primis mensibus, quibus grassabatur *Pestis*, nullo fe-

rè non die ejus contagio afflati, dum in triviis versarentur, inopinantes extincti sunt, nihil prorsus mali præsentientes, cum, ubi morbus magis adoleverat, neminem, nisi Febre atque aliis symptomatis præcedentibus, unquam prostravit: Ex quo abundè conficitur, morbum hunc in ipsis incunabulis magis efferatum atque Acutum fuisse, quàm post principia licet pauciores primâ acie jugulaverit, aucto jam sc. quem habebat in humana corpora influxu. In *Dysenteris* pariter, de quibus jam agimus, omnia univèrsim symptomata atrociora sub primo morbi ingressu comparebant, & licèt si ad ægrorum numerum respexeris, latius indies malum serperet, donec tandem ad statum pervenisset, in quo ex consequenti plures interibant quàm ineunte morbo, symptomata tamen sub initio sæviebant magis quàm in *statu*, ac multo adhuc magis quàm in *Declinatione*, & cæteris paribus plures pro ægrorum numero, *ἑλατὶ πρὸς τὴν ἰσχυρίαν καὶ κρείσσει κατὰ τὴν*. Adde quòd, quo diutius perseverabat morbus, eo magis Humoralis etiam videbatur; v. gr. primo quo invasit Autumno, quam plurimi nullis omnino Dejectionibus molestabantur; Torminum verò quod spectat atrocitatem, Febris intensio, subitam virium prostrationem, aliaque symptomata, insequentium annorum Dysenterias longo intervallo post se reliquit. Quinimò Dysenterix cum Dejectionibus, quæ primæ incessabant, principio magis spirituoso ac subtili videbantur inhaerere, quàm quæ illas sequebantur. Etenim in primis Dysenteris & conatus & ad desidendum irritatio majores erant, tum etiam frequentiores; ipsæ verò Dejectiones, stercorossæ præsertim, & minores & magis insolentes. Quibus autem gradibus morbus in genere se promovit, iisdem etiam imminuebantur tormina, dejectiones verò magis stercorossæ erant, donec tandem factiscente *Epidemicâ* hæc *Constitutione* Tormina vix percipere



Cap. III. D Y S E N T E R I A. 161  
ciperentur, Dejectionesque stercoreas magis essent  
quàm mucosæ.

C U R A T I O.

Ut ad Curativas Indicationes tandem procedamus cum varia, quæ huic morbo accidunt symptomatica, diligenter ac maturè mecum pensitasset, *Febrem* eum esse (sui sc. generis) in intestina introversam deprehendi, cujus opè humores calidi atque acres in massa sanguinea contenti atque eandem exagitantés, per Arterias Mesaraicas in dictas partes deponuntur; unde à vehementiori sanguinis atque humorum eò contentendentium impetu patefactis vasorum orificiis, sanguis per sedem effunditur. Interea temporis importuno intestinorum nisu, quæ omnem adhibent operam ut humores acres continuò infestantes expellant, mucus iste, quo naturaliter obducuntur, singulis sedibus, nunc parcius, nunc copiosius, una egeritur. Proindè ultrò se *Indicationes* offerre videbantur, neque mihi aliud quippiam incumbere existimavi, quàm ut primùm acres istos humores sectâ venâ immeditatè revellerem, quo factò insuper reliquam massam temperarem, tum etiam dictos humores per Cathartica subducerem. Hâc itaque Methodo sum usus; Quò primùm accersebar die, venam cubiti tundendam suasi, eadem nocte & *Paregoricum* propinavi; & sequenti aurorâ Potionem hanc Catharticam Lenitivam mihi familiarem.

R. *Tamarind.* ℥℥.

Fol. *Sennæ* ℥ij.

Rhei. ℥j℥.

Coq. s. q. *Aquæ Colaturæ* ℥ iij dissolve *Mann.*

& *Syr. Ros. Solut. an* ℥j.

M. f. Potio sumenda summo mane. Hanc ego Potionem Electuario cuilibet cum Rhei paucâ quantitate parato, soleo præponere; licet enim *Rhabbarbarum* Cholerae atque acrioribus quibusque humoribus evacuandis

cuandis sit dicatum; attamen nisi *Mannæ* aliquid, aut *Syrupi Rosacei*, vel aliud ejusmodi, ea quantitate admisceatur ut ad pleniorum Catharsin affurgat, non admodum conducit. Quandoquidem verò satis est obvium, Medicamenta Cathartica etiam lenissima, & tantum *Εκκλεσιωπικη*, ventris tormina intendere, spirituum etiam dejectionem, atque *αταξίαν* universalem ægro inferre, adventitio nempe illo tumultu quo sanguinem ac humores commovent inter operandum; eapropter solenne mihi est *Paregoricum* temporius aliquanto subicere quam post Cathartica consuevimus, horâ sc. pomeridianâ quâcunque, modò Catharticum suo defunctum munere videatur; quo sc. quem concitavi motum denuò fassillaminare valeam. Deinceps ad duas adhuc vices dictum Catharticum præscribo, alternis sc. diebus hauriendum; Paregoricum etiam post singulas Purgationes, quo supra monuimus tempore. Hoc insuper diebus à Purgatione vacuis tam manè quàm serò exhibendum curo, quo sc. symptomatum ferociam debellem, atque inducias impetrem, dum cum humore peccante exterminando mihi res est. *Anodyno* autem utebar, maximè *Laudano liquido*, guttis nempe 14 vel 15 in Aqua qualibet Cardiacâ, prodoli una: Post Venæ-sectionem & Catharsin semel celebratam, Aquam Cardiacam è temperatioribus subinde degustandam concessi: *Aquam* sc. *Epidemicam*, *Aquam Sordii compositam*, aut similem, (idque inprimis in senioribus ac Phlegmaticis,) quo nempe spiritus magnâ Dejectionum vi, quod in hoc morbo usu venit, prostratos erigerem quadantenus, & resarcirem: Potus erat Lac coctum cum Aquæ triplo, aliquando etiam Lac Cerevisiatum, vel Cerevisia cum panis cortice & Maci incoctis; Panatellâ item nonnunquam vecebat, nonnunquam jusculo è carnis ovinis macilentioribus. Grandæviores lectulo magis addixi; Aquam item Cardiacam illis familiarem

liarem liberaliùs indulſi, quàm infantibus aut junioribus par erat: Laudata Methodus omnibus, quæ mihi hæc tènùs innotuère, in hoc morbo vincendo facile palmam præripuit, qui perratò ultra tertiam Purgationem duravit.

Quòd ſi morbus præfractior his non cederet, dictum *Paregoricum* ægro exhibui ſingulis diebus mane & horâ ſomni, donec omnino convaleſceret; nec vel minimum quidem incommodi à tam frequenti Medicamenti Narcotici repetitione mihi adhuc videre contigit, (quamtamlibet noxam inde ſequuturam comminifcantur inexpti,) licèt plures noverim qui in morbo contumaciori idem ad ſeptimanas aliquot continuas quotidie uſurpaverint.

Ut unicâ inſtantiâ (nequè enim pluribus Convaleſcentium exemplis, nulla cogente neceſſitate, Lectori tædium creabo) Methodum jam à me propoſitam commendatam faciam; Vir Pietate atque Eruditione inſignis *Joh. Belke S. T. P. & Comiti Sancti Albani* à Sacris Domeſticis, durante hæc Conſtitutione, *Dyſenteria* Acutiſſimâ laborans, me in ſubſidium accito, ipſiſſimâ hæc Methodo reſtitutus eſt.

Infantes hoc morbo correpti eodem planè modo erant tractandi; ſanguis tamen extrahendi quantitate, tum etiam medicamentorum, tam Cathartici quàm Anodini, viribus pro annorum ratione immi-  
nucis; ita ut v. gr. Narcotici guttæ duæ infanti unius anni ſuffecerint.

*Laudanum Liquidum*, quod in quotidiano, ut dictum, uſu mihi erat, hanc ad normam ſimpliciorum præparavi.

℞. *Vini Spanici* ℥j.

*Opii* ℥ij.

*Croci* ℥j.

*Pulv. Cinamomi & Caryophyllorum an.* ʒj.

Infundantur ſimul in B. M. per duos vel tres dies,

dies, donec liquor debitam consistentiam acquirat, Colatura fervetur pro usu. Hanc nostram præparationem *Laudano* Officinarum *solida* anteferendam virtutibus quidem non cenfeo, sed ob formam saltem commodiorem & majorem Dosis certitudinem, eisdem antepōnd; cum sc. Vino, Aquæ Distillatæ, aut liquori alii quicunque instillari possit. Et profecto non hic mihi tempero, quin gratulabundus animadvertam, Deum Omnipotentem *πᾶντων δασύτα ἐλάω* non aliud remedium, quod vel pluribus malis debellandis par sit, vel eadem efficacius extirpet, humano generi, in miseriarum solamen, concessisse, quàm sunt *Opiata*, Medicamenta sc. ab aliqua *Papaverum* specie desumpta. Et quamlibet sint nonnulli, qui credulis persuadere velint, omnem ferè Narcoticorum, *Opii* præsertim ipsius, virtutem ab artificiosa ac debita, quam soli adhibent, præparatione pendere; qui tamen experientiâ judice certaverit, & tam simplicem succum à natura oblatum, quàm ejus præparata cum diligenti observatione in usum frequenter revocaverit, nullum ferè discrimen intercedere comperiet, & mirandos illos effectus, quos edit, naturæ ipsius plantæ bonitati atque excellentiæ non verò artificis polydedali solertiæ deberi, certò sciet. Quinimò ita necessarium est in hominis periti manu organum jam laudatum Medicamentum, ut sine illo manca sit ac claudicet Medicina; qui verò eodem instructus fuerit, majora præstabit quàm quis ab uno Remedio facillè speraverit; rudis enim sit oportet & parum compertam habeat hujus medicamenti vim qui idem sopori conciliando, demulcendis doloribus, & Diarrhœæ sistendæ applicare tantùm novit, cum ad alia plurima, gladii instar *Delphici*, accommodari possit, & præstantissimum sit Remedium Cardiacum, unicum penè dixerim, quod in rerum naturâ hæctenus est repertum:

Hâc Methodo erant tractandæ *Dysenteria* in genere. Observandum est autem, quòd cùm primò quæ ingrediebantur anno, indolis magis subtilis, uti dictum, ac spirituosæ essent, quàm quæ sequentibus annis infestabant, idcirco non ita promptè Cathartici parebant Medicamentis, atque illis quæ tam sanguinem diluebant contemperabantque, quàm acres istos humores qui ex eodem in fistulam intestinalem exercebantur. Quamobrem primo autumnò quo *Tormina sicca* & *Dysenteria* invadebant, Methodum sequentem constanter ad utrumque morbum abigendum adhibui eventu ubique astipulante; donec appetente frigore eandem etiam anno eodem minùs efficacem esse sentirem, atque annis sequentibus, cùm jam magis à subtilitate recederet morbus, prorsus inutilem.

Ita verò processu: si æger ætate florens febricitaret, cubiti venam tundendam præcepi, atque elapsâ horâ unâ aut alterâ, eundem ingesto affatim liquore diluendum, ut in *Cholerâ morbo*, factitaram, non verò, ut illic, jusculo è carnibus pullorum, aut Lacte Cerevisiato, at Lactis ipsius sero, quod eâdem quâ illic copiâ, frigidè propinandum, tepidè verò inferius injiciendum curavi, nec Saccharo adjecto, nec aliâ re quacunque. *Tormina*, & *Dejectiones* sanguine permittas, rejecto jam quarto Enemate semper evanescere animadvertēbam: Hoc labore exantlato, & transmissio sero lactis omni, quod duarum triumve horarum spatio fiet, si diligenter operam navaverit æger, lectulo protinus eum commisi, ubi brevi iponte suâ in madorem solvebatur (à sero lactis sanguini immixto,) quem ad horas 24 continuari jubebam, nihil interim concedens præter Lac crudum paulò tepesactum, quo etiam utebatur solo ad dies tres vel quatuor postquam è lecto surrexerat. Si vel ob lectuli, vel lactis usum nimis præmaturè intermissum, recidivam pate-

retur

retur æger, eadem vestigia denuò repetenda erant. Hæc Methodus, si certa atque expedita fuerit, non ideo à viro quolibet prudente repudiabitur, quòd fastoso Remediorum apparatu non se venditet.

Hujusmodi *Febrem* symptomatis, qualia supra descripsimus, stipatam iis in locis & temporibus reperiri quibus *Dysenteria* Epidemicè regnat, & Methodum hanc quam delineavimus, eidem omnino deberi, testimonio viri probi atque eruditi Doctoris *Butler* amplius confirmabitur, qui Nobilissimum D. D. *Henricum Howard* à S. Maj. Regia *Britannica* ad *Moroccensem* in *Africa* Legatum comitabatur; quibus in regionibus, ut mihi ipse retulit, observavit *Dysenteriam* per ea tempora, uti semper, Epidemicè grassari, & *Febrem*, quæ cum illa jungebatur, omnino illi similem quam depinximus; quibus ille medebatur tam in urbe *Tingitana* quàm aliis in locis, siue *Nofrates* essent ægri siue *Mauri*, dictâ Methodo debemus, sed pari fortuna in eandem dissitissimi incidimus. Profitetur autem, optimè istic sibi cessisse in illius morbi Curatione Methodum illam, quâ liquoris diluvio submerguntur *Dysenteria*. Atque existimo ego, omnino par esse ut in calidiori isto Climate longè rariùs successu careat hæc Methodus quàm in nostrâ *Britannia*.

Primo illo Autumno quo vigeat hæc *Constitutio* *Daniel Coxe* M. D. vir ingenio & omnifariâ eruditione ornatissimus, *Dysenteria* acutissima laborans, me, quem consuluit, suadente, ope Methodi jam laudatæ, Citò, Tutò, & Jucundè sanatus est; post tertium sc. quartumve *Enema*, dum lecto assiderem & *Tormina* & *Dejectiones* sanguinæ evanüere; nec qualibet re aliâ, præter lecti ad dictum spatium patientiam & *Lacteam* Dietam, ad sanitatem redintegrandam opus habuit. Eodem planè modo & idem postea alios

alios quàm plurimos hoc malo affectos restituit ex-  
eunte eo Autumno. Anno autem proximo, illum  
etiam idem molientem spes fefellit.

Jam olim diximus, quòd sæpenumerò hic mor-  
bus, si diutius excurrat, intestina seriatim omnia  
deorsum versùs afficiat, donec tandem omnis ejus vis  
in Rectum decumbat cum assiduâ desidendi cupiditate,  
quâ nihil præter Mucosum quiddam & subcruentum  
excernitur. Hoc si fiat, frustra erit, me judice, qui  
medicari sataget vel quâvis Methodo prædictâ, vel  
Alysteribus Abstergentibus, Glutinantibus atque  
Astringentibus, pro variis ulceris, quod supponitur;  
temporibus, injectis; vel etiam Fotu, Incessu, Suf-  
fumigiis ac Suppositoriis dictos scopos respicienti-  
bus. Liquet enim, hoc ab ulcere *Recti* non procedere,  
sed ex illo potiùs, quòd *Intestina* quibus gradibus vi-  
rès resumpserint, iisdem etiam materiæ morbificæ re-  
liquias in *Rectum* deturbaverint; quod quidem inde-  
finenter proritatùm singulis sedibus mucosam illam  
materiam, quâ ex naturæ providentiâ intestina du-  
plicatur, elidit. Corroboranda est itaque pars affe-  
cta, quòd possit, aliorum intestinorum exemplo, jam  
fatiscentes mali reliquias funditùs eliminare. Hoc au-  
tem ea sola præstabunt, quæ corpori in genere vires  
adjicere apta nata sunt. *Topicum* enim, qualecunque  
id demum fuerit, parti dolenti applicatum, cùm *Alien-*  
*num* quid sit, contactu molesto debilitatem magis  
aderet, quàm robur subministrabit. Tolerandum  
itaque est ægro, donec *Dietâ* *Analepticâ* & liquore  
aliquo *Cardiaco*, qui palato aridet maximè, pro li-  
bitu ingestio, revocari possint vires; quibus redeun-  
tibus, pari passu suâque sponte proripiet se hoc *Tenes-*  
*mi* symptoma.

Accidit etiam nonnunquam, licèt rarò admodum,  
ut *Dysenteria*, sub initio non ritè curata, particulare  
subjectum ad annos aliquot discruciet, integrâ sangui-

nis massâ Crasin quasi *Dysentericam* jam indeptâ, unde acres calidique humores intestinis continuò suppeditantur, ægro interim singula vitæ munia mediocriter bene obeunte. Hujus specimen se mihi obtulit non ita pridem in muliere quadam meis ædibus vicinâ, quæ per tres annos hujus *Constitutionis* postremos hoc malo continenter exercebatur. Cùm remedia quam plurima esset experta antequam ad me accederet, *Venæ-sectionem* tantùm, missis cæteris præfidiis quibusque, celebrandam censui; quam ut sæpius repeterem, longioribus tamen intervallis, tum sanguinis color, Pleuriticorum sanguinis æmulus, tum insigne illud quod post singulas vices magis ac magis auctum, sentiebat levamen, mihi addebant animos: cujus ope tandem pristinam sanitatem consequuta est. Atque hæc de *Dysenterii* dicta sunt.

#### C A P. IV.

##### *Febris Continua hujus Constitutionis.*

**E**O ipso tempore quo sæviebat *Dysenteria*, & *Febris* quædam illi simillima, quæ *Dysentericis* accidere sæpe solebat, unâ exorta est; quæ quidem non eos tantùm quos jam sauciaverat *Dysenteria*, sed ab illa prorsus immunes, (nisi quod subinde, at rarò, tormina haud quidem atrocia, nunc cum *Dejectionibus*, nunc sine illis, paterentur ægri,) pariter incessit: Eisdem enim ubique *ætiologiis* seu causis manifestas & apparentes habuit, quas *Dysenteria*; eadem etiam per omnia symptomata, quæ *Dysentericorum* Febrem comitabantur. Ita ut, si evacuationes per alvum *Dysenteria* laborantium excipias, & quæ ab istis necessariò pendebant symptomata, dicta *Febris* ejusdem prorsus naturæ cum ipsis *Dysentericis*.



fenterii videretur; & deinceps per hujus *Constitutionis* decursum omnem, parem cum illis subiit symptomatum quorumlibet alterationem, eisdem scilicet differentiis, quoad Augmentum, Statum & Declinationem, affecta, quibus afficiebantur in genere *Dysenteriae*. Hæc itaque *Febris Dysenterica* mihi audiebat.

Memorata *Febris* nonnunquam, uti dictum, cum alvi Torminibus, sed mitioribus, ingrediebatur, (prioribus annis maximè quibus invasit) vel ista ad eam post accedebant, sæpius verò nulla erant. Sudores, qui in Febre *Constitutionis* prægressæ copiosissimi erant, ut supra notavimus, in hac rari ac parci, sed Capitis dolor in hac quàm in illa specie immanior: Linguae ægrorum, licet humidæ atque albæ ut in altera specie, crassâ insuper pelliculâ oblinebantur. Rariùs hæc per *Ptyalismum* sibi fugam quærebat, quod in aliâ non erat infrequens. Ad *Aphthas*, cum jam discessum meditaretur, erat propensior quàm vel prior ista, vel alia quævis *Febris* species quam mihi hæctenus contigit videre; huic etenim perquam familiare fuit (uti & Febri etiam illi quæ *Dysenterii* supervenit) cum jam ferè desineret, materiam foedam atque acrem è sanguine in os atque gulam deponere, unde nascebatur dictum symptoma, in iis præsertim quos contumacior morbus diutiùs maceraverat, & regimen iusto calidius ampliùs infirmarat.

Eodem etiam modo generabantur *Aphthæ* istæ, quæ *Dysenterii* pervicacioribus cum Febre conjunctis nullo non die accidebant; præsertim si præter regimen calidius, evacuationes etiam per alvum medicamentis astringentibus priùs fuerint coercitæ, quàm morbi fomes è venis Phlebotomiâ & Catharsi exigere.

Hæc erant certissima hujusce *Febris æstiva*; reliqua symptomata variabant quotannis, & pro manifestis aëris qualitatibus certis quibusdam temporibus,

bus, & pro Dysenteriaë in genere progressu, tum etiam vario ejusdem statu. Sed ut hæc clariùs intelligantur, cum hoc præsertim artificio in *Epidemicorum* productione triumphet natura, rem paulo altiùs repetam. Notandum est itaque, quod, licet aëris *qualitates manifestæ* non eam vim cuilibet *Constitutioni* imprimant, ut causæ sint Epidemicorum, qui ad illam propriè referuntur Productivæ, (cum à reconditâ atque inexplicabili ejusdem conditione fluant isti) pro tempore tamen in eos habent potestatem, & proinde intromittuntur *Epidemici* aut etiam excluduntur, prout illis favent *Qualitates manifestæ*, vel adversantur; *Universalis* autem *Constitutio* eadem prorsus manet, sive eam promoverint istæ, sive quantenus retardârint. Unde etiam est, quod, cum varii *Epidemici* in eandem incidant *Constitutionem*, hic aut ille morbus particularis eâ potissimum tempestate se exerat, ad quam sensibiles aëris qualitates eundem destinaverint, atque alteri demum *Epidemico* locum cedit, quem sc. diversæ subsequenti temporis qualitates advocaverint. Ex quo fit, ut *Febris Stationaria*, quæcunque demum illa sit quæ ad *Epidemicum* eo anno regnantem attinet, *Julio* mense potissimum sæviat, cujus initio plures hominum catervas simul aggreditur; *Autumno* verò appropinquante, magno illi Epidemico, à quo annus insignitur, rursus invalescenti decedit, & parcius infestat, ut quilibet semper annus satis docet. Excalescunt enim à prægressâ ætate hominum corpora Febres, *Constitutioni Generali* propriæ quæ sunt, promptissimè eo tempore invadunt; appetente verò *Autumno*, quo qui prædominatur *Epidemicus* fasces resumit, istis omnino recedendum est.

Sicuti verò nominatæ *Febres* sensibili aëris Qualitati acceptum referre debent quòd jam hoc mense exoriantur; ita etiam symptomata varia, à sua natura, qua-

Cap. IV. HUIUS CONSTITUTIONIS. 171

quatenus ab ejusmodi *Constitutione* Generali pendent, prorsus aliena, à manifestarum qualitarum, quæ in illum incidunt *mensis*, peculio sumunt mutuò. Hinc est, quòd quibus annis dictæ Febres hoc mense turmatim ingrediuntur, variis symptomatis novis stipantur, præter illa quæ eis sunt propria quatenus ab ejusmodi *Constitutione* Generali procreantur; eadem tamen ipsæ maneat, licet apud vulgus ob *φαινομένων* diversitatem *Novæ* quotannis Febres audiant. Ad paucas verò tantum septimanas perseverant symptomata hæc magis peculiararia, quibus elapsis propria solummodo symptomata, quæ eis accidunt quatenus Febres sunt *Stationariæ* talis *Constitutionis*, reperiuntur per reliquum annum.

Hoc tum in aliis liquebat Febribus, tum magis peculiariter in *Dysentericis* mensis *Julii* 71, & 72, in quarum *priore* vehemens ægritudo, & Bilis æruginosa, cum magna in Diarrhœam propensitate sub morbi finem, continuò observabantur: In *posteriore*, doloris sensus in partibus corporis musculosis, Artubus maximè, ad Rheumaticorum ferè dolores accedens: Faucium insuper Inflammatio, mitior tamen quam in Angina laborantibus. Utraque tamen hæc in eadem *Febre specificâ* coibant, & eadem plane mendendi ratione utraque profligabantur; differebant autem respectu tantum qualitarum sensibilibium quibus donabantur tempora illa in quæ incidebant. Improvisa verò subitaneaque harum Febrium circa dicti mensis initium eruptio, & nova ad tempus aliquod peculiarium symptomatum facies (licet neque specie distarent, neque methodo medendi quam postulabant, à Febre illâ quæ integrum percurrerat annum:) Hæc, inquam, plus satis evincunt, quàm sit difficile, certam Febrem speciem omni tempore è Phænomenis elicere; licet eam satis recte possit dignoscere, qui ad alios morbos eodem anno ingruentes diligenter at-

tenderit, & propria insuper Febris symptomata, quæ ad hunc vel illum *Evacuationis* modum spectant, ritè observaverit. Nec parùm facit ad investigandam Febris speciem consideratio sive *Methodi* sive *Medicamenti*, à quibus eadem minimo cum negotio expugnatur.

Quod ad reliquas symptomatum, Febres *Stationarias* comitantium, differentias spectat, *varia* Constitutionis *tempora* ex tantùm respiciunt, atque eo nomine vel sunt intensiora vel remissiora, prout intenduntur vel etiam remittuntur symptomata aliorum Epidemicorum ad quos ipsa pertinent. Sed ut ad rem revertamur. *Febris* hæc quæ cum *Dysenteriis*, ut supra dictum, est ingressa, parem cum iis passum tenuit, nisi quòd se paululum subduceret, dum alii horum annorum Epidemici prævalerent; persistebat tamen illa, nunc plures nunc pauciores petens, durante hæc *Constitutione*.

#### CURATIO.

Pro hujusce *Febris Curatione*, cùm observassem, uti priùs dictum, Phænomena *Febris Dysentericorum* quamplurimum eadem planè esse cum illis quæ hujus anni *Febres solitarias* comitabantur, consentaneum mihi videbatur, sanatos iri ægros meos, si evacuationem illam quadantenus imitarer, quâ natura materiam illam corrosivam atque acrem, quæ & ipsius *Dysenterix*, & supervenientis *Febris* causa *contingens* est, solet ablegare. Ac proinde eadem ipsâ *Methodo*, tum quoad *Venæ-sectionem*, tum repetitas *Purgationes*, & *Cardiaca*, *Febrem* hanc aggressus sum, quam in *Dysenterix* curatione supra fusiùs diduximus; nisi quod *Paregorica* *Purgationibus* interjecta non tantùm non hîc juvare, sed & obesse deprehenderim, secus atque in *Dysenteria*, cùm ab his detineretur materia illa quæ *Catharsi* eliminari debuerat. *Puliculâ Avenacâ*, *Hordeacâ*, *Panatellâ* & fimi-

Cap. IV. HUIUS CONSTITUTIONIS. 173

similibus sub primis morbi diebus victitabat æger; potus erat Cerevisia tenuis parum tepesfacta: Post celebratam verò semel iterumve Catharsin, nulla suadebat necessitas pullorum carnibus aut similibus Eupptis ægro interdiceret; cum hæc per Purgationem Medicatio ea indulgeat, quæ non poterant concedi si alii viæ infisteretur. Tertia ut plurimum Purgatio, interposito semper die, morbum absolvit; neque tamen perpetuum id fuit, sed aliæ insuper nonnunquam instituendæ erant. Si Febre jam pulsâ, fractiores adhuc essent ac magis effectæ ægri vires, atque is tardiùs convalesceret (quod *Hysteriis* frequentissimè accidebat,) *Laudano* in parva dosi exhibito eadem restaurare, & spiritus transfugos ac dissipatos in desertas stationes revocare conabar; rarò autem remedium illud repetebam; neque unquam præscripsi nisi biduo triduove à postrema Catharsi. Nihil verò æquè ad renovandas vires refocillandosque spiritus faciebat, atque auræ liberior usus mox ut Febris recesserit.

Ansam autem ad praxin hanc instituendam hinc primùm arripui; quòd nempe, nascente fermè *Constitutione* hæc, dum irrequieto sollicitoque animo novæ hujus Febris naturam volutarem, ad juvenculam mihi vicinam advocabar, Febricantem quidem illam atque acerbissimo sincipitis dolore ferè enectam, aliisque symptomatis, quibus *Febrem Dysentericam* onerari jam diximus: Hæc cum à me interrogaretur, & de modo quo Febris primùm invadebat, & de ejusdem duratione, facta est, se à *Dysenteria*, quæ tum ubique ferè grassabatur, à quatuordecim retro diebus fuisse liberatam; cui sive suâ sponte discedenti, sive medicamenti ope depulsæ, protinùs successit dicta Febris cum dolore capitis: Quibus ego me rectissimè occurrere posse conjectabam, si *Dysenteria* loco aliam evacuationem substituerem, ejus simillimam,

nam, quâ præclusâ Febris oborta est; ac proinde methodo supra laudatâ eandem restitui: Atque huic quidem se promptissimè dedebant hujus *Constitutionis* Febres. Semper enim rebar, non sufficere ad comprobendam in *Acutis* Medendi rationem, ut feliciter ea cederet, (cùm ab imperitissimarum muliercularum temeritate sanentur nonnulli,) sed requiri adhuc, ut morbus nullo negotio victus quasi suoapte genio cedat, atque abitum affectet quantum ejus fert natura. Sed hæc extra oleas.

Ineunte *Junio* 1672. Vir Nobilissimus ac Prudentissimus Dominus Comes *Salisburiensis* hâc Febre laborans cum torminibus, alvo tamen non solutâ, accersiri me jussit, & Methodo propositâ sanitati redditus est. Neque aliâ mihi ullâ fuit opus dum hæc staret Febris.

In Adolescentibus, aliquando & in paulò provectioribus, Febris hæc caput nonnunquam petebat, unde delirabant, non quidem ut in aliis Febribus, Phreneticorum more, sed quasi stupore, ad *Carum* proximè accedente, perculsi. Hoc illis præ cæteris accedebat, qui sub morbi principio, in sudoribus quoquo modo extorquendis operam inauspicatò collocarant. Non id mihi contingebat Felicitatis, ut his sublevandis par tunc temporis essem, licèt nullum non moverem lapidem, nullumque non è remediis hactenus notis in suppetias advocarem. Atque hæc de Febre hujus *Constitutionis* possint sufficere.

---

## C A P. V.

### *Morbilli.*

**S**Ubinatio *Januarii* 1672. (ita ut solent præmatu-  
rè) *Morbilli* sunt ingressi, atque indies magis inva-  
lesce-

lescebant, donec instante *Verno Æquinoctio* *anulo* a-  
 depti, exinde iisdem gradibus imminuti, tandem *Ju-*  
*lio* sequenti penitus extinguerentur. Horum jam ego  
 Historiam (cùm omnium quos hæctenus vidi in suo  
 genere perfectissimi illi mihi videantur,) certam at-  
 que exquisitam, quatenus mihi tum observare licuit,  
 literis consignabo.

Ortum habet hic morbus atque Occasum tempo-  
 ribus supra notatis. Infantes plerumque aggreditur,  
 omnesque adeo ex illis, iisdem mœnitis conclusos. A  
 rigore atque horrore, calorisque & frigoris, quæ se mu-  
 tuo *primo* die expellunt, inæqualitate tragœdiam ordi-  
 tur; tandem effulgente *secundo* die in Febrem con-  
 summatam definit, vehementi ægritudine, siti, inap-  
 petentiâ, linguâ albâ, (non verò siccâ) tussiculâ, ca-  
 pitis atque oculorum gravedine, & somnolentiâ per-  
 petuâ stipatam. Plerumque etiam è naribus atque o-  
 culis stillat humor, sternutat æger tanquam à suscepto  
 frigore, intumescunt palpebræ (paulò sc. ante eruptio-  
 nem,) vomit, sæpius tamen laborat *Diarrhœâ* cum  
 Dejectionibus coloris subviridis; Dentientibus ma-  
 ximè id convenit. Infantes etiam per hunc morbum  
 solito sunt morosiores. Ingravescunt ut plurimum  
 symptomata ad *quartum* usque diem, quo tempore  
 plerumque (licet ad diem *quintum* aliquando differan-  
 tur) circa frontem & reliquam faciem maculæ parvæ  
 rubræ, pulicum morsibus perfimiles, prodire inci-  
 piunt, quæ tam numero quàm magnitudine auctæ,  
 facematim coalescunt, & faciem maculis rubris ma-  
 jusculis, variæ figuræ, interftinguunt. Quæ quidem  
 maculæ rubræ è parvulis quibusdam papulis rubris  
 haud longè ab invicem distitis, supra cutis superficiem  
 paululum elevatis, conflantur, quarum protuberan-  
 tiâ, digito leviter admoto, tactu potest deprehendi, li-  
 cèt oculorum longiùs remotorum aciem ferè effugiat.  
 A vultu ad pectus ventremque, crura deinde ac tibiàs

se diffundunt hæ maculæ, licet truncum atque artus rubore inficiant tantùm, nullâ eminentiâ sensibili cutis æquabilitatem transgressæ. Eruptione *Morbil-  
lorum* non perinde deliniuntur symptomata, atque *Variolarum*; Vomitus tamen post eruptionem nunquam observavi; Tussicula nihilominus, Febrisque intenduntur, cum spirandi difficultate, oculorum debilitate defluxioneque in eisdem decumbentes; somnolentiâ perpetuâ, atque inappetentiâ, uti prius, adhuc perseverantibus. Die *sexto*, aut circiter, frons & facies asperescunt emorientibus pustulis, ruptaque cuticulâ, & per id temporis, maculæ per reliquum corpus & latissimæ sunt, & maximè rube-  
scunt. *Octavo* circiter die maculæ in facie evanescent, & vix in reliquo corpore cernuntur, *nono* verò nullæ sunt prorsus, facie atque artibus, quandoque & toto corpore quasi farinâ conspersis; particulis scilicet disrumpæ cuticulæ paulum elevatis & vix coherentibus, quæ morbo jam abituriente in frustra distrahitur, & postea à toto corpore squammularum formâ decidit. Evanescent itaque *morbilli* die ferè *octavo*, quo tempore vulgus (à spacio quo perdurare solent *Variolæ*, deceptum) eisdem introverti affirmat, licet reverâ illi cursum à natura destinatum absolverint, & symptomata quæ iisdem recedentibus superveniunt ex eo nata autumat, quod iusto citius se intro *Morbilli* receperint. Observare enim est, Febrim atque spirandi difficultatem tunc temporis augeri, importuniùs urgere Tussiculam, ita ut nec interdiu nec etiam noctu ferè somnus possit obrepere. Infantes præsertim sub regimîne calidiori, aut qui calidioribus uti sunt medicamentis ad promovendam *Morbil-  
lorum* eruptionem, huic malo sunt obnoxii, quod *Morbillis* jam facessentibus se ostendit, unde in *Peripneumoniam* conjiciuntur, quæ plures jugulat quàm aut *Variolæ* ipsæ, aut symptoma quodcumque



ad eum spectans morbum; licet omni prorsus periculo vacent *Morbilli* si modo peritè tractentur. His etiam non raro accedit *Diarrhœa*, quæ vel morbum statim excipit, vel etiam ad plures septimanas excurrit post morbi, omniumque ejus symptomatum fugam; haud sine magno ægri discrimine, in quo ab hinc ortâ spirituum profusione continuâ, versatur. Aliquando etiam post regimen intensè calidum Exanthemata livefcunt primò, mox nigrescunt; id verò *Adultis* tantum contingit, de quibus conclamatum est ubi primum nigredo ista conspicitur, nisi Phlebotomiâ & temperatoris regiminis refrigerio iis actum subveniatur.

## C U R A T I O.

*Morbillis* ut naturâ, ita & medendi, quam sibi poscit hic morbus, ratione, cum *Variolis* fatis convenit: Medicamenta, & Regimen calidiora periculi plenissima sunt, ut ut frequenter in usum revocentur ab ignavis ægrorum Curatricibus, eo animo ut morbus à corde procul submoveatur. Feliciter præ aliis mihi cessit methodus illa, quâ æger ad dies binos ternosve ab eruptione lecto astringebatur, quò sanguis leniter pro morbi genio particulas inflammatas facile separabiles, à quibus offendebatur; per cutis spiracula diffaret; nec lodicibus, nec igne, præter modum quem sanus tenebat, adjectis: A carnibus quibuscunque arcebam, juscula avenacea, hordeacea, & similia, nonnunquam & pomum coctum concedebam: Potus vel erat Cerevisia tenuis, vel Lac cum Aquæ triplo coctum. Tussim, quæ huic morbo ferè assidua est, decocto aliquo Pectorali subinde hausto delinitam volui. Rarissimè perit qui hoc utitur regimine; nec, præter necessaria atque inevitabilia morbi symptomata, novis insuper malis atteritur: Tussis præ reliquis fatigat; à qua tamen nihil est periculi nisi morbo sublato, cumque adhuc per septimanam

manam unam aut alteram perflat, auræ liberioris usu, *Decocto Pectorali, Sympo Violarum, Capillorum Veneris cum oleo Amygdalarum dulcium* atque id genus remediis Pectori dicatis, haud difficulter fugatur; quinimò sponte suâ & paulatim decrefcit & tandem fatifcit. Si autem æger à Cardiacorum, vel Regiminis iusto Calidiorum usu, vel *Morbillis* adhuc vigentibus, vel post eorum difceffum (quod magis est familiare) Febre vehementi atque *Dispnoâ* aliisque Accidentibus, qualia *Peripneumonicos* folent affligere, in vitæ difcrimen adducatur, feliciffimo femper even-  
 tu, *vel* tenerrimorum Infantum *venas in brachio fecui*, eductâ eâ fanguinis quantitate quam ætas virefque indicarent. Quandoque etiam, urgente morbo, *Phlebotomiam* iterare haud fum veritus. Profecto haud paucos Infantes hoc ftatim fymptomate enecandos, benedicente fummo Numine, miffio fanguine eripui. Infantibus autem accidit illud post *Morbillo-  
 rum* recessum, quibus ita est exitiale, ut inter præcipuos *Parcarum* ministros jure habeatur, plures jugulans, quàm vel iptæ Variolæ; nec dum mihi vifus est qui certâ aliâ methodo, eidem potuit occurrere. Quin & *Diarrhœâ*, quam *Morbillos* excipere diximus, Venæ-fectioe pariter fanatur: cùm enim halitibus inflammati fanguinis in inteftina ruentibus ortum suum debeat, (quod etiam in *Pleuritide, Peri-  
 pneumoniaâ*, aliisque, qui ab inflammatione creantur, morbis usu venit) à quibus illa ad excretionem ftimulantur, fola Venæfectio levamen adferet, à qua tum revelluntur acres ifti humores, tum etiam fanguis ad debitam redigitur temperiem.

Neque est cur quis miretur me in teneris infantibus Venæ-fectioem instituendam fuadere, cùm fanguis, quantum ego haftenus potuerim obfervare, haud minus tutò ex eorum venis quàm ex adultorum extrahatur. Et profectò ita est illa neceffaria, ut nec fym-

symptomati memorato, nec aliis quibusdam quæ infantibus accidere solent, omiffâ Phlebotomiâ certò mederi valeamus. Exempli gratiâ, quo pacto Puerorum *Dentientium Convulsionibus*, quæ nono decimoque mense superveniunt, (cum Gingivarum intumescentiâ doloreque, à quibus comprimuntur nervi atque irritantur, unde etiam Paroxysmi isti nascuntur) sine Venæ sectione opem feremus? Quæ sola in dicto Affectu *specificis* quibuscunque vel detestantissimis, quæ hæctenus innotuere; longè est anteferenda; quorum nonnulla adventitio calore nocent etiam; & dum occultâ aliqua proprietate morbo adversari creduntur, manifesto calore eidem militant, atque ægrum ad plures deducunt. Prætereo impræsentiarum ingens illud solatium quod adfert Venæ-sectionis Infantum Pertussi, (quam Nostrates vocant *Hooping Cough*) in quâ Remedia quælibet Pectori dicata longo post se linquit intervallo.

Quod de horum symptomatum, *Morbillis* decedentibus supervenientium, curatione jam diximus, nonnunquam etiam eisdem florentibus potest competere, si nimirum artificiali, si fas est dicere atque adscititio calori ea debeantur. Hoc anno 1670. famulam Dominæ *Annæ Barington* hoc morbo laborantem, unâ cum *Febre*, *Dyspnœâ*, *Maculisque purpureis* corpus omne deturpantibus, aliisque symptomatis quam plurimis periculossimis, Medicus invisebam; cum regimini, & Medicamentis, quæ satis multa usurpaverat, calidioribus ista omnia tribuerem, sanguinem è brachio extrahendum curavi, & Ptilanam Pectoralem atque Refrigerantem sæpe assumendam præscripsi, quorum ope, & regiminis simul temperatoris, & maculæ, atque alia omnia symptomata pedetentim evanescebant.

Hicce Morbus, mensæ *Januario*, ut dictum est, natus, ad *Æquinoctium* usque *Vernum* crescebat indies;

dies; à quo tempore imminutâ paulatim vi, sequenti Julio planè desit; nec est reverfus per omnes annos quibus hæc *Constitutio* dominabatur, nisi quòd insequenti Vere, nonnullibi, licèt rariùs, se ostenderet. De *Morbillis* hæc dicta sunt.

## CAP. VI.

*Variolæ Anomalæ hujus Constitutionis.*

**M**orbilli prædicti, (quod jam supra innuimus) *Variolarum* speciem, ab illa, quam propagaverat *Constitutio* præcedens, diversam introducebat, eodem ferè cum illis tempore ingredientem, initio sc. *Januarii* 16<sup>69</sup>/<sub>72</sub>; quæ licèt non usque adeo Epidemica atque ipsi *Morbilli*, eosdem tamen comitabatur per omne illud tempus quo dominabantur, atque iis etiam fatiscensibus, per residuos hujus *Constitutionis* annos perseverabat. *Dysenteriis* nihilominus primas concedebat, sub auspiciis *Autumni* iidem faventis atque amicissimi, grassantibus; *Hyeme* verò *Dysenteriis* alienâ tempestate pressis, denuò recrudescere hæc de quâ agimus species. Atque hunc servabant ordinem per singulos hujus *Constitutionis* annos, nisi quòd postremo quo illa vigeat *Autumno*, Anno sc. 72, (languescente jam istâ *Constitutione* & *Variolæ* præter solitum, hoc quoque tempore grassabantur, atque ita pares *Dysenteriis* concurrebant, ut haud facile esset dictu, quis morbus plures occuparet; licèt quantum ego conjectando valui, prævalere *Dysenteria* adhuc videretur. Quin & hæc etiam *Variolæ*, ad exemplum Epidemicorum aliorum quorum

sequenti  
es annos  
uod in-  
ostende-

Cap. VI. HUIUS CONSTITUTIONIS. 181

rumlibet, primo statim insultu atrociores erant, atque indies increbrescebant donec ad statum pervenissent, quem semel transgressæ, tum quoad symptomatum vehementiam, tum ægrorum numerum, sensim imminuebantur.

Sed ut particularia earum Phænomena referamus; haud parum præter opinionem mihi primum comparebat hoc *Variolarum* genus, cum animadverterem istud quamplurimis Phænomenis insignioribus ab eo differre quod produxerat *Constitutio* præcedens, & in quibus observandis me operam satis sedulam olim collocasse rebar. Hæc tantum earum Phænomena ab alterius generis Phænomenis dissidentia, impræsentiarum tractabo, prætermisissis iis quæ cum Variolis ita prolixè supra descriptis habebant communia.

*Discretum* Variolarum genus *his* tantum à genere *Discreto communi* alterius *Constitutionis*, determinabatur: Primò, quòd cum in iis, quoties erant *interfinctæ*, Eruptio diem *quartum* prævertere non solet, hîc in *tertium* plerumque incidebat; quod *Confluentibus* solenne quidem est. Deinde, non ad eam magnitudinem, procedente morbo, hîc assurgebant pustulæ atque in alio genere; magis autem exasperabantur in minori mole, & sub diebus ultimis ubi jam maturuerant *nigræ* frequentius visebantur. Illud etiam addam, quòd nonnunquam, licet rariùs, ægrum etiam paucissimis notatum pustulis, *Ptyalismus*, haud secus atque in *Confluentibus*, exerceat. Ex quibus conficitur, *Distinctas* hujus *Constitutionis* Variolas, ad *Confluentium* naturam propiùs accedere, atque *Inflammationis* magis intensæ esse participes, quàm quæ in *Distincto* Genere usu venire solet.

*Confluentes* verò ab aliis, quos per alios annos ego observaveram, *Confluentibus*, in multis, quæ jam recensebo, discrepabant. Nunc *secundo*, nunc *tertio* die se primùm monstrabant, specie tumoris sub-

rubri,

rubri, atque uniformis, vultum omnem contegentis, *Eryspelatæ* quidem densioris, nullo ferè visibili pustularum discrimine; reliquum corpus congeries quædam (ceu panni latiores,) ex infinitis propemodum pustulis rubris efferatis in unam conflatæ variegebant, inter quas sparæ, in femoribus præcipuè, vesiculæ quædam satis conspicuæ, ambustorum ad instar, sero limpidiore distentæ eminebant; quod quidem disruptâ subinde pelliculâ copiosè effluebat, subjectâ carne nigredine & Sphacelo quasi affectâ. Rariùs autem occurrebat hoc tam dirum symptomâ, idque primo tantum mense quo hæc species regnabat: Quo tempore inter alios ita malè multatos, ineunte *Januario 1679.* accersiri me curavit vir probus, nomine *Collins*, *Zythesa* in Parochia *S. Ægidii*, cujus filius adhuc infans vesiculas habuit in femoribus juglandem nucem exæquantes, sero limpidiore repletas; quibus disruptis substrata caro quasi mortificata omnino comparebat, atque non ita diu post æger fatis concessit; quæ & eorum omnium fors fuit, quos hoc tam funesto symptomate correptos vidi unquam. Die *undecimo* circiter, pellicula alba resplendens tumori subrubro, variis faciei partibus, & paulatim vultui omni obducta est. Pellicula hæc alba brevi post materiam quandam crustosam splendescentem eructabat, colore quidem neque flavo, neque fusco, (qui duo in aliis Variolarum speciebus reperiuntur,) sed rubro saturato, concretum sanguinem imitante, qui maturescente pustulâ ad nigrorem indies magis accedebat, donec tandem facies integra nigredine, fuliginis omnino æmulâ, tingeretur. Cumque in alia Variolarum *Confluentium* specie dies *undecimus* in maximum vitæ discrimen ægros adduceret, & plerisque emorientium supremus esset; in hac specie æger, nisi regimine immoderatè calido oppressus mortis refrigerium maturius præ-

præoccupasset, *decimum quartum* ut plurimum diem, aliquando etiam *decimum septimum* expectabat, quod demum elapso salva res erat. Notandum est tamen, quod qui lethalibus istis vesiculis ac mortificatione, quæ nonnullis primo mense quò hæc species invadebat accidisse memoravimus, Libitinæ destinabantur, intra paucos dies ab eruptione interibant.

Et Febris, & symptomata alia omnia quæ vel præcedebant, vel comitabantur hoc Variolarum genus, graviora erant quàm in præcedente, & Inflammationis adhuc majoris manifesta dabant indicia. Ægri ad Salivationem erant procliviores. Pustulæ & efferatior, & mole longè minores; ita ut non facile, ubi primum apparebant, ab *Erysipelate* quis eas discreverit, vel etiam à *Morbillis*, nisi quòd hæc ex die Eruptionis certò innotescant. Pustulis decidibus furfures diutiùs hærebant, foedioraque stigmata inurebant cuti. Operæ pretium est & illud adjungere, quòd durante hæc omni *Constitutione*, quæ tam Epidemicè sæviebant *Dysenterix*, *Variolæ* regimine justo calidiore provocatæ per *Dysenteriam* nonnunquam viam sibi facerent, quod ne semel accidisse hæctenus quidem animadverteram.

Observare autem convenit, *Variolas* hæc non ita diris symptomatis per omnia sua tempora fuisse stipatas, postquam enim binos exegerant annos, tertio, sc. 1672, mitescere cœperunt, & exuto nigro colore, paulatim ad flavum illum, & *favorum* similem, accedebant, qui *Variolis Legitimis* maturis est proprius; ita ut postremo hujus *Constitutionis* anno, benignæ plane essent & boni moris, habitæ generis ratione. Quo non obstante, satis liquebat, illas ad aliam prorsus Classem relegandas esse, ex pustularum nimirum exiguitate tam eximiâ, ad salivationem dispositione, atque aliis.

## CURATIO.

Quamlibet ob causarum Differentiæ cujuslibet specificæ quâ immergimur, ignorantiam, impossibile fuerit *rationem* harum Variolarum *formalem* comprehendere, quatenus ab illis, quas alia promit *Constitutio*, contradistinguuntur; mihi tamen liquidò constabat ex singulis Phænomenis *inflammationem* in his quàm in illis longè immaniorẽ fuisse, ac proinde omnem medendi *rationem* in eo stare, ut pluribus adhuc repagulis sisteretur effrænata sanguinis Ebullitio. Id autem maximè efficiebatur (post *Hypnotica* dicto modo exhibita) regimine temperato, indulgendo sc. ægro usum liberaliorem liquoris alicujus qui non eum excaleareret, sed potius fervidissimum illum æstum (quo hic morbus, pustulis maximè ad maturitatem jam pervenientibus, miseris præ cæteris quibusque morbis fatigat atque exurit) ilico committigaret. *Decoctum Album* dictum, ex pane sc. & C. C. C. exiguâ quantitate in multa aqua factum, & Saccharo dulcoratum hîc juvabat; at Hydrogala è tribus Aquæ partibus & Lactis unâ simul coctis, & ægri palato & votis magis ut plurimum, refrigerandò respondit; nec eò tantum profecit ingesti liquoris copiâ, quò insignem calorem, cum *Maturationis* Febre præcipuè vigentem, restingeret, sed quatenus Ptyálisimum etiam promoveret, atque eundem diutiùs protraheret, quàm poterat fieri si æger nimio æstualet calore. Præter hæc omnia, sæpenumerò ita bene cessisse liquores hosce affatim haustos observavi, ut eorum usu *Variolæ*, quæ cum pessimis *Confluentiæ* signis exhibant, progrediente morbo *Distinctæ* sint factæ; pustulæ quæ maturescentes rubram primò, mox nigram materiam aliter evomissent, flavissimæ comparerent; proferatis insuper atque minutulis *benignæ* atque optimi moris haberentur.

Neque



Cap. VI. HUIUS CONSTITUTIONIS. 185

Neque etiam *Fluxus Mensium*, qui foeminis hoc morbo laborantibus haud infrequens accidit, liberalem horum liquorum usum quicquam prohibet; imò verò & suadet, si nempe tempore non solito isti fluant. Etenim non jam alia de causa periclitantur foeminae, nisi quòd sanguis ab immodico morbi calore plus justo attenuatus, quâ data porta ruat, naturæ ductus sequens; præsertim ubi noxia Curatricum temeritas, regimine calidiori & *Decocto C. C. cum floribus Calendulae*, &c. adhibitis, oleum igni affuderit. Quicquid autem sanguinem potenter diluit contemperatque, (licet non immediatè, in quantum tamen ejusdem fluxum cohibet) tum pustulis, tum faciei manuumque tumori in statu conservandis necessariò conferet; cum ex adverso Remedia calidiora, licet ad hunc scopum rectius videantur collimare, cum tamen jugem hunc sanguinis fluxum promoveant, longissimè aberrent. Quinimò nec dubium mihi est, quamplurimas mulieres hoc errore periisse; dum sc. Assistentes, ne pustulæ ob sanguinis fluxum conciderent, veriti, malo huic Cardiacis medicamentis, & regimine adhuc calidiori adhibitis, occurrere niterentur; quo factò misellas certo certius pessunderunt; quantumlibet *adstringentia* varia Cardiacis admiscentes, Hæmorrhagiam sistere, atque pustularum junà tumorisque debitam elevationem tueri sategerint.

Haud ita pridem *Dominam* tam virtutibus quàm stirpe prænobilem, *Variolis nigris* & mali moris laborantem, tractavi. Quamvis autem ab initio iis omnibus illi interdixeram, à quibus sanguis exagitari poterat, cum tamen temperamento esset admodum sanguineo, viridi juventâ vegetâque, fervida etiam anni tempestas accederet, derepente, tertio scilicet die ab eruptione, ita largo *Mensium profusio*, tempore illis non debito, correpta est, ut astantes mulieres

lieres eam jam abortivisse suspicarentur. Licet hoc symptoma ad dies multos importunè urgeret, non tamen idcirco existimavi, Lactis & Aquæ usum à me præscriptorum, intermitteri debere: quid quod magis jam necessarium illum esse, & liberalius adhuc indulgendum censuerim? quod etiam per omnem morbi decursum factitavimus, præsertim cum appeteret *Febris Murationis*. Quo quidem tempore Medicus Doctissimus Candidissimusque, Dominus *D. Millington*, ejusdem mecum olim *Collegii Socius*, jam amicissimus, ad sociam operam invitabatur; qui cum omnia satis bene responderet, pro hujus morbi genio, animadverteret, mihi lubens assensit ut pergeret ægra dictos liquores affatim haurire, quos ipsa sibi gratissimos & tam ad salivam facere quàm ad refrigerium & refectionem sæpe affirmabat. Cum verò jam indurari facies cœperit, & crustâ obduci, ab halitibus putridis à materia purulenta, quæ in hoc pessimo *Variolarum* genere male olebat, intromittendis ægræ nostræ metuentes, vini Canarini fenni-cocti cochleariâ paucula, semel in die assumenda, vel quoties in ventriculo ægritudine aliquam persentisceret, concessimus. Pauculis hisce, nisi quod haustulum etiam *Paragoricum* horâ somni quotidie imperaverimus, contulit; neque delirio, neque alio quovis symptomate, præter dictam Hæmorrhagiam, adstantibus molesta. Facies manusque satis intumescēbant; pustulæ, quantum tulit morbi species, satis magnæ erant; Salivatio copiosa & facilis ad metas usque; postremò, quantumlibet pustulæ quæ faciem obfidebant, cum maturefcerent, nigredinem affectare viderentur, in plerisque tamen ejus partibus flavescēbant.

Quibuscumque verò caloris atque inflammationis gradibus *Variolarum species*, huic *Constitutioni* peculiaris, alias aliarum *Constitutionum species* super-

peraverit, cum tamen *Discretæ* essent Pustulæ, vel saltem *pauca*, docuit experientia, non opus esse tantâ prædictorum liquorum quantitate ingerendâ; satis autem fuit, ut æger pro sitis modo atque imperio cerevisiam tenuem potaret, jusculis Avenaceis, Panatellâ, & pomo cocto subinde, vesceretur; & si ex Ephebis excefferat, *Paregoricum*, (*minoribus non concedendum*,) cum vel ægrotaret, vel ob nimias vigiliâs delirare inciperet, assumeret. Neque aliud quicquam tentabam (nisi quod ægros lecto addicerem) ubi pustulæ *rara* comparebant. Atque hæc solâ Methodo Charissimus mihi filius, *Gulielmus Sydenham*, distincto hujuscemodi Variolarum genere laborans mense *Decembri* 1670. Favente Numine, restitutus est.

De Variolis hujus *Constitutionis* nihil superaddam; cum jam aliam speciem fusiùs tractaverim, à quibus hæc in eo tantùm discrepant, quod naturæ sc. calidioris fuerint, & magis *inflammatoriæ*; unde sequitur, diligentiore operam fuisse navandam, ut restingeretur intensior iste calor, qui tam iis naturalis erat, & ægro ita certum minitabatur incendium.

## C A P. VII.

### *Colica Biliosa.*

PER omnes hujus *Constitutionis* annos, cum sanguis ad humores cholericos fervidôsque in viscera deponendos propensior esset, *Colica Biliosa* præter solitum plures invasit; qui morbus licet *Chronicis* annumerari debeat, ac proinde extra oleas mihi sit, cum tamen ab eadem sanguinis indispositione penderet hoc tempore, à qua & *Epidemici* plerique qui tum grassabantur, vel eo nomine hinc mihi veniet

tractandus; præcipuè verò quia animadverti, morbum huncce eadem planè præcessisse symptomata Febrilia, quæ *Dysenteriam* per illa tempora regnantem præcedere solebant; atque eundem etiam aliquando (quod supra notavi) *Dysenteriam*, quæ post diuturnos cruciatus ægro tandem valedixisse videretur, fuisse infecutum. Ubi verò *Dysenteriam* diutinam non excipiebat, plerumque à Febre ordiebatur, quæ per horas aliquot tantùm affligens, in hunc morbum solebat definere. Juvenes ut plurimum temperamento calido ac bilioso præditos, æstate præsertim, adoritur. Intestinatorum dolor atrocissimus est, & præ cæteris omnibus, quibuscum mortalium calamitosissimi committuntur, maximè intolerabilis. Intestina nonnunquam quasi injectâ fasciâ constringit; nunc in punctum contractus quasi terebello perforat: subinde remittitur dolor, mox recrudescit Paroxysmus, quem æger præsentens, vultu miserabili atque ejulatu ceu præsentem exhorret, & averfatur. Sub initio hujus morbi non ita certò ad unum aliquod punctum determinatur dolor atque in ejusdem progressu; neque tam crebra est vomituritio, neque alvus ita pertinaciter *Cathartorum* vim eludit; quo autem magis augetur dolor, eo obstinatius in puncto figitur, vomituritio succedit frequentior, & major alvi adstrictio; donec tandem ab ineluctabili horum symptomatum vi *totalis Peristaltici intestinorum motus inversio* (nisi maturius quis tulerit suppetias) atque *Iliaca Passio* procurantur; in quo morbo *Cathartica* Medicamenta omnia in *Emetica* statim transeunt: Enemata etiam injecta, unâ cum alvi fæcibus, per omnem intestinatorum ductum sursum lata, vomitu ejiciuntur. Quæ hoc modo excernitur materia, sincera si fuerit atque *αμύνη*, viridis aliquando, aliquando etiam flava, aut insoliti cujusdam coloris spectatur.

Cum singula hujus Affectûs Phænomena, eum ab acri aliquo sive humore, sive halitu, è massa sanguinea in intestina excusso, nasci apertè doceant, Indicatio Curativa primaria mihi hæc est, ut sc. evacuetur dictus humor, tam *Antecedens* in venis, quàm *Continens* in visceribus conclusus; altera verò ab hac, ut Anodynorum usu & compefcatur humorum eotenditium impetus, & mitigetur immitissimus dolor.

## C U R A T I O.

Sanguinem itaque è brachii venis paulò liberalius educi (si nempe id fuerit hætenus intentatum) & post horas 3 vel 4 Anodynum exhiberi curo. Postero die Catharticum aliquod Lenitivum præscribo; interposito die uno repetendum, ad tertiam etiam nonnunquam vicem, prout humoris reliquiæ plures mihi videntur, aut pauciores. Observandum est autem, quòd si malum hoc sive Fructibus Horariis nimis avidè ingestis, sive alii cibo cuicunque *δυσπικτώ* originem suam debeat, unde sc. succi pravi corruptique primùm in sanguinem transmittabantur, atque ex eodem postlimio in viscera; rebus, inquam, sic stantibus, ventriculus ante omnia eluendus est Lacte Cerevisiato affatim hausto & per vomitum rejecto, quo exantlato, Anodynum propinandum est; sequenti autem die primùm vena secanda, & in cæteris eo quem jam docuimus ordine, procedendum.

At verò cùm & doloris vehementia, & vomitum-ritio, ob quam intestina ad inversionem quasi feruntur, Catharticorum operationi obstant, intendendæ sunt eorundem vires, neque Leo subere excipiendus; frustra enim mitius Catharticum exhibueris, nisi fortè æger salvo sit facilè solubili, quod diligenter inquirendum est: Cùm enim hujusmodi medicamentum sibi facere per intestinorum canales non valeat, æger ab eo læditur magis, dum scilicet ab ejusdem ineffi-

inefficaci agitatione & vomitus & dolor augmentur. Potio Cathartica Lenitiva ex infusione *Tamarind. fol. Senn. & Rhei*, in qua dissolvi possunt *Manna*, & *Syr. Rosaceus*, Catharticis aliis anteferenda, cum humores minus exagitet & commoveat: Cum tamen sive ob ægri aversationem medicamenti formæ liquidioris, sive vomituritionem, in ventriculo retineri vix queat, Pilulæ necessariò in subsidium vocandæ; inter quas *Cochiæ* mihi præ cæteris semper placuere, utpote certissimo pede, quam cœperunt viam insistentes, tum in hoc casu, tum aliis plerisque. Ubi verò tanta est sive Ventriculi debilitas, sive etiam Vomituritio, ut nec Pilulæ possint detineri, ibi remedium primò *Anodynum* impero, & paucis horis elapsis *Catharticum*; eo temporis spatio interjecto, ut *Catharticum* à *Narcotico* tanto distet intervallo, ut ab eo non vincatur & pereat, eas autem in ventriculo moras trahat, quæ ad virtutem Purgativam eidem communicandam sufficiant, ut suam demum exerat operationem, cessante altero. Licet *Catharticum*, modò id possit fieri, diu post *Anodynum* rectissime propinatur, cum etiam ad horas duodecim ab hoc assumpto, alvus isti ægrius respondeat, atque non nisi operosius solvatur.

Cum autem hinc, uti in aliis plerisque morbis in quibus indicantur *Narcotica*, *Catharticum* semper dolorem intendat, (saltem finitâ jam operatione, quâ quidem vigente mitius nonnunquam cum ægro agitur,) idcirco solenne mihi est *Anodynum* ingerere, ubi primum expiravit *Cathartici εὐσπεία*. Quale quidem mane etiam & serò quotidie hauriendum impero, spatio sc. omni inter Purgationes medio, quo certius dolorem consopiam, donec Catharsis debite fuerit celebrata.

Peractâ *Catharsi* humorum *εργασίῃ* compefcere (quod jam solum restat agendum) *Anodyno* mane & vespe-

vesperi jugiter exhibito, contendo; quod etiam sæpius aliquando est repetendum: nec unquam mihi contigit, dolores vehementiores sedare posse nisi Dosis largiori & reiteratâ; quæ enim alteri malo debellando par esset, ab hoc vincitur, violentiâ doloris remedii vires frangente. Tutissimè autem repetuntur *Narcotica* urgente hujusmodi dolore, non item ubi ille desierit. Quamobrem doloris indicium secutus, *Narcoticum* repeto, donec vel cessaverit ille, vel admodum fuerit mitigatus; eo nihilominus interjecto temporis spatio, ut compertum mihi sit, quid à dosi præcedente sperari debeat antequam alteram superaddam. Plerumque verò, nisi ubi summè viget dolor, *Paregoricum* mane & serò exhibitum sufficiet. *Anodynum* mihi familiare *Laudanum* istud *Liquidum* est supra descriptum, cujus *gutta xvi.* in Aqua Cardiaca stillatitia solvuntur; vel augetur dosis pro doloris magnitudine.

Simplicissima hæc Methodus, quâ primùm Humor peccans Venæ-sectione & Purgatione evacuat, deinde *Narcoticorum* ope conciliatur quies, semper mihi felicissimè cessit præ aliis quæ mihi hæctenus innotuere omnibus. Cùm *Enemata* Carminantia, eo sine injecta, ut humores acres exterminent, crabrones irritent tantùm, & concitato humorum tumultu diuturniorem reddant morbum. Hic autem imprimis animadverti volo, quòd licet tam Phlebotomiam quam Catharsin huic sedandi Methodo necessariò esse præmittendam affirmavero, nonnunquam tamen, re ita postulante, ea utrâque omissâ à *Paregoricis* ordiendâ tela est. Exempli gratiâ, ubi ob prægressam ægritudinem aliquam, Evacuaciones copiosiores non ita diu ante *Colicæ* adventum institutæ fuerint; (non rarò enim ob viscerum debilitatem, maximè si accedat major caloris gradus à vino, vel spirituoso liquore alio immodicè hausto, qui nuper ab alio

convaluere morbo, in hunc præcipitantur) hoc, inquam, in casu non modò non necessarium, sed & noxium esse censeo, alia insuper adjiciendo Cathartica novos excitare tumultus, atque omnia denuò perturbare. Illud jam taceo, quòd in hoc Affectu æger ut plurimum, priùs quam consulatur Medicus, repetito Enematum usu intestina fatis proluit; ita ut partim hac de causa, partim ob diuturniorem morbi moram Narcotica ferè sola in usum videantur revocanda.

Mense *Augusto* 1671. Nobilissimus Dominus *Ba-ro Annesly*, *Colicâ Biliosâ* laborans cum cruciatu intolerabili, & frequenti vomituritione, jam ab aliquot diebus, ad Castellum de *Belvoir* accersiri me iussit; nullum non Enematum genus, atque alia insuper remedia à Medicis Doctissimis Experientissimisque eo locorum degentibus præscripta jam tentaverat. Ego nullis usus ambagibus, repetitum Narcoticorum usum ad normam jam traditam suasi, quorum ope propediem convaluit, & mecum ad urbem sanus rediit.

Quandoquidem autem dolor hic præ cæteris quibusque ex sua natura recidivus fit, omnis ei revertendi ansa *Anodyno* bis quotidie ad aliquot dies exhibitò præscindenda est. Quod si, quoties intermittitur Narcoticum, dolor subinde recrudescat, (ut nonnunquam fit) nihil à me hætenùs excogitari potuit quod ad persanandum ægrum ita certò faceret atque *Equitatio*, vel in curru vectio, quo longiora itinera confici debuere; *Anodyno* interim mane & ferè indefinenter propinato. Hujusmodi enim exercitiis materia morbum committens in corporis habitum deducitur, sanguis perpetuâ agitatione comminutus de novo quasi depuratur, ipsaque demùm intestina caloris nativi excitatione haud parùm corroborantur ac refocillantur. Nec pudeat fateri, me dicto exercitio



citio in partes adscito morbum hunc, cui alio quovis modo devincendo par non fui, plus semel penitus expulisse. Neque verò illud tentandum est, nisi post evacuationes debitas sufficienter celebratas, neque ab eo nisi post dies aliquam multos desistendum.

Pauper quidam mihi vicinus, qui & adhuc est superstes, *Colicâ Biliosâ* vehementissimâ per hos annos laboravit, quam *Catharticis*, *Clysteribus*, *Globulisque plumbeis* devoratis expugnare, diu, sed frustra, erat conatus: Hic *Ego* ad frequentem Narcoticorum usum confugi, neque poenitendâ operâ; quamdiu enim ista repeterentur, satis rectè habuit; sed cùm his palliaretur tantùm malum, non extirparetur, (revertebatur enim ut primum erat exhausta Narcoticorum vis,) *Ego* hominis misertus, & gravi morbo, & re angustâ afflictissimi, Equum ex meis commodabam, quo iter dicto jam modo peragendum aggrediretur; eoque ad dies pauculos continuato, viscera eas vires recepère, ut morbi reliquiis excutiendis paria jam essent, & sine Anodynorum præsidio omnino convalesceret.

Et ut quod res est loquar, non in hoc tantùm casu, sed in morbis aliis *Chronicis* quàm pluribus hoc exercitii genus nunquam non cum uberrimo fructu usurpatum memini, modò quis in illo improbiùs perseveraret. Si enim nobiscum reputemus ventrem inferiorem, in quo disponuntur organa secretoria, hoc maximè exercitio vibrari, eaque succussationibus aliquot mille uno in die exagitari solere, facile credemus, eadem succum quemlibet recrementitium ibi impactum ope dicti exercitii posse excutere, & (quod majori adhuc est momenti) validiori ista caloris nativi excitatione ita corroborari, ut munere, quod iis mandavit natura, in sanguine depurando rectè defungantur.

*Dietam*, si junior fuerit æger & calidioris temperamenti, refrigerantem atque incrassantem impetro, puta Hordei cremorem, Panatellam, &c. tertio quoque die, si latret adhuc stomachus, pullum teneriorem, merulamve piscem coctum; Potum non alium concedo quàm cerevisiam tenuem mitèmq; , vel lac cum Aqua coctum: neque ulterius quicquam indulgeo, nisi Equitatio ad redintegrandam sanitatem necessaria, pleniorum victum & generosiorum postulet liquorem, quibus rependantur spirituum exercitio exhauriendorum damna.

Quinimò observatione constat, quòd ubi hic morbus minùs peritè tractatus diutissimè fatigaverit, ita ut viscera elanguerent, atque æger extremâ jam macie atque debilitate tantùm non esset confectus, in hoc, inquam, casu liberalior sive *Aquæ Epidemicæ*, sive *Mirabilis*, sive aliùs demum cujuscunque quâ sanus maximè delectabatur, usus, hoc tempore eundem ultra spem omnem juverit; hujus enim ope paucissimæ istæ caloris nativi spirituumque reliquæ excitabantur, & fermentum præternaturale, visceribus adhærens, & novis paroxysmis fomitem subinde ministrans, à liquoribus magis spirituosis extinguebatur.

Porro ut in morbi curatione, ita etiã & eodem jam depulso, *Dietâ* illa tenuis, de qua diximus, adhuc aliquamdiu est observanda. Cùm enim morbus hic recidivam præ aliis omnibus affectet, atque insuper sedem sibi delegerit præcipua Coctionis instrumenta, (*viscera* intelligo, jam ab eodem infirmata) vel levissimus hujus generis error malum haud leve confestim apportabit. Quocirca tam in hoc, quàm in cæteris omnibus viscerum Affectibus cibi *δυσπεπτοί* *ἀνεπιτοί*, ea tantum quantitate sumendi, quæ ad vitam sustinendam possit sufficere.

## COLICA HYSTERICA.

Fœminarum nonnullas vexat *Affectus Hysterici* species quædam, *Colicam Biliosam* ita ad unguem referens, tam doloris acerbitate, quàm situ, tum etiam humoribus coloris flavi viridisque vomitu rejectis, ut mihi obiter tractanda veniat, ne à quopiam pro jam dicto morbo hæc habeatur.

Quæ habitu corporis laxo crudoque sunt mulieres cum hoc malo præ cæteris conflictantur, quæque alio aliquo Affectu Hysterico jam pridem laborare; aut (quod sæpenumero fieri solet) quæ à partu difficili ac laborioso ob natum infantem grandiusculum, qui vires & naturam maternas nimis exhaustit, vix evasere. Regionem ventriculi, nonnunquam & paulo inferiorem, dolor haud mitior quam in Passione Colicâ Iliacæ primùm obsidet, quem vomitiones sequuntur enormes, nunc viridis materiæ, nunc verò flavæ. His accedit (quod sæpe observavi) major animi dejectio desperatioque quàm in morbo alio quocunque. Post diem unum alterumve faceffit dolor, qui post paucas septimanas revertitur, nihilo lenius sæviens quàm antequam solveretur Paroxysmus. *Icterus* quandoque satis spectabilem, comitem sibi adsciscit, intra dies pauculos sponte evanescentem. Cessantibus jam symptomatis omnibus, ubi ægra sibi satis valere videatur, levissima animi commotio, sive ab ira sive à dolore ea fuerit excitata (quibus hoc in casu promptissimè afficiuntur fœminæ) dolorem ferè revocat; quod etiam & de Ambulatione, & de alio exercitio quolibet præmatu-  
rè nimis suscepto dicendum est; cum ab hujusmodi causis eleventur vapores in habitu corporis laxo atque imbecilliori. *Vapores* cum vulgo dico, cum sive istiusmodi sint, sive *Convulsiones* particularum partium, utrovis pariter modo solventur *φαινόμενα*.

Hi

Hi vapores, siue Convulsiones hæ, ubi hanc illamve corporis regionem invaserint, pariunt symptomata, ei, quam invasere, parti accommodata; ac proinde licet unum atque eundem ubique morbum faciant, plerisque tamen quibus miseri cruciantur affabre simulant; quod vel ex hoc liquet Affectu, qui cum partes *Colo* adjacentes insederit, *Colicam Biliosam* ad amissim imitatur. Neque minus id patet in multis aliis corporis partibus eodem morbo tactis; e. gr. nonnunquam *Renum* alterum vehementissimo dolore afficit, unde vomitus immanis; atque etiam per ureteris ductum sæpe delatus, *calculum* simulat, & cum ab Enematis aliisque medicamentis Lithontripticis & calculo exturbando dicatis exasperatur, uno eodemque tenore diutissime affligit, subinde etiam (præter morem suum, cum per se omni vacet periculo) ægrum ad plures deducit. Vidi insuper & symptomata ab eodem prognata, quæ *vesicæ calculum* omnino referebant: Non ita diu est, à quo noctu excitabar, ut Comitissæ mihi vicinæ, dolore in vesicæ regione admodum violento & urinæ suppressione derepente correptæ, consulerem: Cum ego illam Affectibus Hystericis variis obnoxiam certò scirem, atque ex eo augurerer, non isto eam, quem putabat, laborare morbo, Enemata, quæ parabat ancilla, injici non patiebar, ne ab iis cresceret morbus; at horum loco atque Emollientium v. gr. *Syr. de Althæâ*, &c. quæ adferebat Pharmacopola, *Narcoticum* exhibui, quod symptoma illud subito compefcuit. Neque sanè *vel* una aliqua pars corporis ab hujus mali insultibus penitus eximitur, siue interna ea fuerit, siue externa, ut sunt Fauces, Coxæ, Crura, in quibus omnibus dolorem excitat intolerabilem, atque, ubi discesserit, teneritudinem quandam quæ tangi recuset, relinquit, perinde ac si carnes multo verberare fuerint emollitæ.

Quem-

Quemadmodum autem quædam ad *Colicæ Hystericæ* historiam pertinentia obiter tradidi, ne sc. illa pro *Biliosa* falsò haberetur; ita & quædam etiam alia *εν παρὰ τὸν* attingam, ad *symptomatis* doloris, qui eam comitatur, curationem facientia: *Curatio enim radicalis*, quæ *morbum* sublatâ causâ tollit, alterius omnino est & speculationis, & loci.

Venæ-sectio & repetitæ purgationes, quæ in *Colica Biliosa* incipiente apertissimè indicantur, hic locum non habent nisi in casu infra dicendo. Docet enim experientia, & exasperari dolorem, & invalescere symptomata alia omnia, à tumultu, quem ista cient, adjuta; atque adedò plus semel animadverti, *Enematum*, vel lenissimorum, repetitionem, continuam symptomatum seriem invexisse. Experientia ratio etiam astipulabitur, quæ morbum hunc à spirituum potius *ἀταξία* atque inordinato motu, quam humorum vitio aliquo produci dictabit, si expendamus nempe circumstantias illas, quibus ut plurimum originem suam debet: Hujusmodi sunt; magnæ atque indebitæ sanguinis profusiones, motus animi uti etiam & corporis violentiores, & alia id genus. Quæ omnia, remedia illa suadent proscribenda, à quibus major spirituum perturbatio possit excitari, atque eorum loco *Anodyna* esse usurpanda, licet *viridis* ac pravus materiæ vomitu rejectæ color contrarium indicare videatur: Subtilior enim est atque minutior colorum speculatio, quàm ut evacuationibus, quas ipso facto nocentes deprehendimus, auctoritatem conciliare valeat. Nullusque dubito, morbum hunc (qui licet acerbissimum dolorem, nullum tamen vitæ discrimen apportat) ob errores hoc nomine commissos, lethalem sæpenumerò evadere. Adde, quòd si quis *Emeticum* vel fortissimum hodie propinaverit, ut sc. eam, quam putat, morbi mineram exhauriat, ægra postero die materiam æquè

viridem aut pravi alterius coloris, atque erat prior illa, evomet.

Observandum est tamen, eam quandoquē sanguinis atque humorum copiam reperiri, quæ *Narcotici* operationi eò usque obsistat, ut, quamlibet sapientissimè repetatur, orgasmum tamen cohibere nequeat, nisi sectâ prius ægrè venâ, aut alvo subductâ; quod in foeminis temperamenti magis sanguinei atque viraginibus mihi subiit notare. Si ita se res habeat, vel Phlebotomiâ, vel Cathartî, fortè etiam utrâque, *Anodyno* via aperienda est. Celebratâ enim harum utraque, *Narcoticum*, quod prius summâ licet dosi exhibitum nihil quicquam profecit, jam etiam in mediocri dosi, effectum obtinebit cui destinabatur. Rarè autem hoc contingit, neque tum reiteranda sunt hæc remedia. Quibus præmissis, ubi opus iis fuerit, in *Anodynis* eâ methodo, quam in *Colicâ Biliosâ* proposuimus, exhibendis progrediendum est, quæ crebrius parciusve sunt ingerenda pro doloris recedentis ratione. Quæ quidem Methodus præsens atque instans vehementissimi doloris *symptoma* tantùm respicit; cùm non hîc loci illam, quâ morbi *causæ* occurritur, tractandam in me receperim. Atque hæc de morbis hujus *Constitutionis*.

# SECTIO QUINTA.

## CAPUT. I.

*Constitutio Epidemica partis Anni 1673;  
atque integrorum, 1674, 1675.*

MDC LXXIII.

Circa initium mensis Julii 1673. alia quædam Febris species est ingressa, *Constitutione* verò necdum ita ad eam unice dispositâ ut penitus excluderentur *Constitutionis præcedentis* morbi, non admodum fuit Epidemica. Nondum enim desierat ista *Variolarum* species quæ Anno 1670. primùm cœpit invadere, licet jam & rariùs occurreret, & mitiora essent symptomata; ita ut bini hi morbi pari ferè passu procederent, neuter verò multùm grassaretur: *Priori* Constitutione nondum ita profusus evanescente ut nullos proferret morbos veteris prosapiæ, (*Dysenteria* enim perpauca adhuc reperiebantur,) neque *Novâ* ita adhuc confirmatâ ut eos produceret, qui alios exterminarent omnes.

Et per Autumnum hunc & Hyemem omnem *Variolæ* pari cum hac *Febre* incedebant passu, neutro tamen morbo admodum grassante, atque interim tantùm non exstinguebantur *Dysenteria*. *Novembri* autem tùm currente, post acerrimum Gelu, ad dies aliquot perdurans, succedente insperatò tempestate caldiori quàm ego me per istud anni tempus unquam observasse memini, pauculæ *Dysenteria* & pau-

paulò antè , & circiter Festum *Nativitatis Domini* hîc illic spargebantur : Hæ autem extremum morientis Lucernæ conatum referebant , mox enim morbus hicce, (ista saltem ejus species) omnino intercedit.

## M D C L X X I V.

Præmaturè admodum sequente Anno, mensè sc. *Januario* invadabant *Morbilli*, haud minùs Epidemici atque erant isti qui eodem fermè tempore Anni 1670. fuerant ingressi. Etenim in nullam non ferè familiam se insinuabant, infantes præ cæteris omnes adorti. Non autem perinde Regulares erant, neque Typum ita ad amissim servabant, atque isti qui prædicto anno infestabant. De hac autem illorum ab invicem discrepantia plura dicam, ubi de illis agam particulariùs. Hi magis indies magisque grassabantur ad *Æquinoctium* usque *Vernale*, à quo tempore iisdem gradibus decrescebant, donec paulò post elapsum *Solstitium Æstivum* tandem evanescerent.

Sicut autem *Morbilli Epidemici*, qui invadabant initio anni 1670, *Variolas nigras* ibidem descriptas introducebant, hi pariter haud minùs Epidemici qui initio hujus anni comparebant, *Variolarum* speciem introduxère isti persimilem. Cùm enim (quòd priùs est notatum,) *Variolæ* præcedentis *Constitutionis* post priores annos duos pustulas emitterent minùs ac minùs nigricantes, majores insuper sensim & majores, donec sub finem anni 1673, pro speciei ratione, mites essent & benignæ, jam receptâ pristinâ feritate & pessimis symptomatis stipatæ revertentur. Invaluit hæc *Variolarum* species Autumno proximo, longiùs etiam in Hyemem excurrens, quæ, cùm solitis calidior multò esset, morbo favebat; appetente verò tempestate frigidiorè imminuta est, Febri jam grassanti mox locum cedens.

## M D C L X X V.

*Febris* hæc quæ per annum perseverarat omnem, initio



initio Julii 75. longè latèque depopulata est; sed *Autumno* jam appropinquante in viscera cœpit converti, nunc *Dysenteria* symptomatis, nunc *Diarrhœa* se prodens, licèt quandoque neque hanc haberet comitem, neque illam, sed caput magis tentabat, stupidiore reddens ægros. *Variolæ* interea, quæ jam pauculos hinc inde affecerant, sub *Æquinoctium Autumnale* penitus disperebant, vix unum alterumve jugulantes. Jam enim *Febris* alios vincens Epidemicos, anni prædominio potiebatur. Observandum est nihilominus, quòd cùm proclivior esset *Febris* hæc materiam morbificam in viscera deponere, quæ *Dysenteriam* quandoque, sæpius autem *Diarrhœam* excitabat, ex hac occasione *Ventris* *Tormina* eam edidisse stragem vulgò putabantur quæ *Febri* huic revera fuerat imputanda; licèt nemo qui ægrotos hoc *Autumno* tractaverit, nescius sit, quantum invaluerit hæc *Febris*; ut nec etiam, *Dysenteriam* dictam & *Diarrhœam* pro *symptomatis* magis quàm *morbis* *Essentialibus* ac *Primariis* haberi debuisset.

Hunc *Febris* ista cursum tenuit per omnem *Autumnum*, nunc caput petens, nunc viscera, ubique læviens sub persona symptomatum iis partibus accidentium, ad finem usque *Octobris*: Quo tempore quæ eò usque tepida atque ad instar æstatis placida fuerat tempestas, derepente in frigidam humidamque est mutata; unde etiam *Catarrhi* & *Tusses* increbuerunt magis quàm alio ullo, quod memini, tempore. Quod autem maximi erat momenti, *Tussibus* hisce supervenire solebat *Febris* hujus *Constitutionis Stationaria*, quæ ansâ hinc arreptâ & magis grassabatur, & quædam etiam symptomata variabat. Cùm enim paulò antè, insultus, ut jam dictum, in præfatas partes plerumque fieret, nunc in pulmones & *Pleuram* præ cæteris detorquebatur, unde symptomata nascebantur *Peripneumonica* & *Pleuritica*: licèt eadem omnino *Febris*

bris esset, quæ Julio 1673. ingressa, sine quavis symptomatum alteratione progrediebatur, donec *Catarrhi* isti accederent.

Hi *Catarrhi* & *Tusses* usque ad exitum *Novembris* perseverabant, quo elapso derepente minuebantur. Febris autem eadem planè mansit atque erat antequam *Catarrhi* se ostenderent; licèt nec ita prorsus Epidemica, neque iisdem symptomatis stipata, cum horum utrumque per Accidens à *Catarrhis* penderet. Quinetiam recedentibus *Catarrhis Variolæ* hinc inde spargi cœperunt, ejusdem planè generis cum *Variolis* anni præcedentis; sed cum jam secundum fermè annum explevissent, non ita atrocia erant symptomata ac ubi primùm invaderent. Quamdiu adhuc stabit hæc *Constitutio*, dicere non habeo; id certò scio, illam perquam *Anomalam* atque Irregularem hæctenus fuisse, atque morbos omnes per eam natos ejusdem omninò indolis.

De hujus *Constitutionis* Epidemicis, eo quo se invicem ordine excipiebant, jam agam.

## C A P. II.

### *Febris Continua hujus Constitutionis.*

**H**Æc, perinde atque alii Epidemici, mox ab ingressu socia habebat symptomata, quæ indicia haud obscura dabant, majorem & spirituosam magis tunc esse inflammationem, quam ubi morbus magis adoleverat. Etenim primo quo invadebat anno, uti & *Vere* insequente, symptomata *Pleuritica* Febri superveniebant, & sanguis è venis extractus (saltem pro prima & secunda vice) *Pleuriticorum* retereat sanguinem; at morbo jam provecctiori cessabant ea signa Inflammationis intensioris.

Præter symptomata Febris *universis* communia, *hanc* Febrē ista sequebantur: Ut plurimum afficiebatur æger dolore Capitis & Dorsi fati atroci, stupore item, & dolore Articulorum, Artuumque tensivo, imò & totius corporis, at mitiori aliquanto quàm Rheumatismo laborantes. Primis diebus calor & Frigus sibi invicem succedebant, quandoque etiam ineunte morbo æger in sudatiunculas erat propensior.

Lingua, ubi Febris suo genio erat permissa, nec sicca, nec à colore naturali multum recedens, nisi quòd magis alberet, neque fitis multum urgebat: Quòd si excaleferet æger ultra ordinariam Febris fortem, lingua aridissima erat cum flavedine subfusca, fitis etiam intendebatur; Urinaque, quæ aliter colorem ferè naturalem servare solebat, intensè rubebat.

Febris his tantum gravata symptomatis, si peritè tractaretur, die *decimo quarto* ægro valedicebat; pertinacissima, *primo post vicesimum*.

Inter hujusce Febris symptomata eminebat affectus quidam *Comati* haud dissimilis, quo correptus æger obtupebat delirabatque, imò ad septimanas aliquot dormitabat nonnunquam, nec nisi valido clamore expergiscebatur; à quo ægrè excitatus oculos aperiebat tantum, & post ingestum sive medicamentum, sive potum cui assueverat, mox in stuporem dilabebatur, ita quandoque profundum, ut in Aphonia desineret absolutissima.

Qui sic fuerat affectus æger ubi ad se rediit, die vicesimo octavo vel trigesimo coepit convalescere; cujus primum signum erat, quòd cibi aut potus genus aliquod insuetum aut absurdum deperiret. Convalescentis caput ad dies aliquot debile atque infirmum, nunc versus hanc partem, nunc illam nutabat; aliaque aderant signa, quæ Caput plurima fuisse

passum ostenderent. At quo passu vires restituebantur, eo ipso discessit dictum symptoma.

Quandoque non tam dormitabat æger quàm tranquillè delirabat, incongrua tamen subinde effutens, ceu iratus, ac mente motus; at non eò excandescentiæ & furoris ascendebat, quo solent ii qui à Variolis atque aliis Febribus Phrenetici fiunt; à quibus hic in eo etiam discriminabatur, quòd per intervalla abruptè dormiebat, stertebat etiam profundius. Adhæc non ita erat acutum hoc symptoma atque illud, sed erat diuturnius. *Pueris* etiam hoc plerumque accidebat aut iis qui nondum adoleverunt, illud *Adultis* maximè. In utrisque verò si ingererentur Calidiora remedia & sollicitarentur sudores, malum in caput facillè transferebatur, & dictis symptomatis ansam præbebat.

Ubi verò symptoma hoc nec sponte suâ accessit, nec medicamentorum vi coactum, morbus intra diem *decimum quartum* terminabatur ut plurimum, nonnunquam etiam intra tertium quartumve, quod factum vidi.

*Autumno 1675*, ut supra innuimus, Febris hæc per Dysenteriam sibi fugam quærere, nonnunquam & per Diarrhœam affectabat: Harum posterior præcipuè sæpe excurrerat stupore adhuc manente. Utraque verò quantum diligenti observatione assequi poteram, nihil erat aliud quàm Febris symptoma.

#### CURATIO.

Curationem hujus Febris quod attinet; sub primum introitum, nempe *Julio 1673*. tum ex variis Phænomenis ab istis longè diversis quæ præcedentem comitabantur, tum ex eo quòd Catharticis minus pareret, quibus felicissimè Febres omnes Constitutionis prægressæ deviceram, statim didici, Febrem hanc esse alterius planè familiæ, & diutius quàm solebam aliàs, in ejus specie investiganda hærebam,

rebam, & ex consequenti anxius dubitabam, quem mihi Curationis scopum proponerem. Quo enim tempore primùm erupit hæc Febris; nullum habuit alium Epidemicum sibi *συναρξον*, cujus perspecto genio, de hujus natura verisimile aliquid conjectare possem; cùm Variolæ, uti dixi, quæ illam comitabantur, nigrarum istarum, quæ anno 1670. invaserant, reliquias omnino referrent, jamque & mitissimæ essent & tantùm non exolerent. Nihil mihi itaque aliud jam restabat, nisi ut in hunc morbum nudum & ab aliis sepositum accuratissimo examine inquirerem, atque oculo ad *Furvantia* & *Lædentia* quàm diligenter maximè potui semper intento, viam pro virili, Exploratoris instar, prætentarem. Atrox capitis dolor, propensioque quam habebat hic morbus ad dolores lateribus infigendos, tum etiam sanguis Pleuriticorum similis, me statim edocebant, Inflammationem haud mediocrem huic Febrì subesse, nec tamen eam posse ferre largiorem istam evacuationem quæ Pleuritidi convenit: Sanguis enim post primam aut secundam saltem vicem detractus Glutinis colorem, quo tegebatur superficies, protinus amittit, nec repetitâ adhuc venæ-sectione levabatur æger, nisi fortè morbus in Pleuritidem veram transiret; quod nonnunquam accidebat post regimen iusto calidius, præsertim primo *vere* quo invadebat, sc. Anno 1664; quo tempore à solis accessu occasionem nactus (cùm etiam nondum adolefceret morbus & principio magis spirituoso inniteretur quàm postea) ad genus Peripneumonicum videbatur accedere. Cùm verò & experientia & exemplo à repetita Phlebotomia deterrerer, licèt luce clarius esset Febrèm hanc, præcipuè sub primum ingressum, haud parum inflammatoriam fuisse, nihil jam restabat quo ejus calor restingui posset præter Enemata sæpius repetenda, & medicamenta Refrigerantia. At præter hos

Affectus Inflammationem apertè prodentes, illud *superioris* Phænomenon, Febri huic, quàm alii cuiilibet familiaris, omnino indicabat continuò repetenda esse Enemata, quibus materia Febrilis, quæ ita promptè caput petebat, ab eo diverteretur; quin & Venæ-sectioni repetitæ, quam ægrè tulit propria hujus morbi natura, substituebantur illa, atque ejus pensabant defectum, sanguinis fervorem placidè ac sensim contemperantia, & causam eliminantia morbificam. Porro judicabam Emplastra *Epispastica* satis ampla cervici posteriori applicita in hac Febre potius ex usu fore quàm in aliis, quibus materia Febrilis haud ex æquo caput tentabat; Etenim à cruciatu & fervore vehementibus, quos dicta *Epispastica* parti cui imponuntur solent imprimere, materia, quæ secus in caput ascenderet, in locum affectum corrivatur. His, & regimini ad eundem refrigerandi sanguinis scopum facienti, tandem morbus quasi naturaliter sponteque suâ cedebat; quantumlibet sæviret si methodo ab hac diversa eum quis aggrediretur; quod mihi ab experimentis plus satis frequentibus abundè liquebat.

Hunc itaque cursum institui: Sanguinem è brachii venis mittendum, eâ quantitate, quæ ægri viribus, ætati, aliisque circumstantiis convenire mihi visa est, ante omnia curabam, atque eodem ferè tempore Emplastrum *Epispasticum* bene largum Nuchæ applicandum. Die proximo Clysterem *Lenitivum* ita temporis injiciendum præcepi, ut ante noctem sedari posset tumultus qui ab eo operandum excitaretur, horâ scilicet secundâ tertiave post meridiem. Repetebatur Enema illud singulis diebus donec imminueretur morbi vis. Quo quidem tempore ab eo cessandum esse duxi, imò & maturius, si nempe Febris diem quartum & decimum excessisset, jamque inveterasceret; quo in casu licet

ab Enematis præcedentibus debellata non fuerit, eadem tamen post elapsos hos dies supervacanea esse comperi: Morbi enim acie per Ebullitionem prægressam jam retusâ, atque ægro *ἰσθ βέλγυς* constituto, & à symptomatis violentioribus quæ ab eo pende- bant, securo, nihil prius erat, quàm ut morbum suo uti Genio, & quasi sensim deflagrare ac suis viribus ruere sineremus. Quod mihi semper cessit melius quàm evacuationem qualemcunque violentiorem hoc tempore moliri. Ægro interim carnibus interdixi, cerevisiam verò tenuem ad arbitrium concessi.

Restat & aliud, quod, quia multiplici experien- tiâ astipulante, ægris optimè solebat vertere, in des- cribendo hujusce morbi regimine mihi minimè prætereundum fuit, nempe ut æger quotidie lecto abstineret, saltem ad horas aliquot; vel si id veraret major ejus debilitas, vestes saltem indueret, & supra lectum cubaret, capite paulò elatiori: Etenim cum magnum illum impetum, quo Febris in caput fere- batur, & inflammatoriam simul sanguinis Diathe- sin contemplerer, subiit mihi in mentem, ægrum à corporis positura nonnihil emolumenti capere posse, si nempe ea talis fuerit ut à circumambiente nulla- tenus augefceret calor (quod omnino fieri necesse est si in lecto se jugiter contineat) neque sanguinis in capitis arcem tendentis impetus promoveretur; cum illinc cerebri fervor intendatur, proindeque spiritus animales calefiant atque exagitentur, à qui- bus & vehementior Cordis vibratio & Febris au- gmentum.

Quantumlibet autem ægris conducatur in Febris omnibus quæ inflammationis intensioris sunt parti- cipes, ut non semper lecto incarcerentur, animad- vertendum est tamen, eosdem si diutiùs quàm par erat pro una vice à lecto abfuerint, declinante præ- sertim morbo, in dolores vagos, qui in *Rheumatismo* define-

desinere possint, nonnunquam de facili incidere; nonnunquam etiam superficiem corpora *listero* deturpari; quæ si cui contingant, lecto addicendus est, quo apertis cutis spiraculis commodè diffari possint istiusmodi particulae quæ malorum alterutri formitem præbent; hoc verò ad diem unum aut alterum tantum, sudore non provocato: Huiusmodi autem Accidentia oppidò rara sunt, nec nisi in Febri declinatione comparent unquam; quo tempore cum jam morbus peritior est, longè tutius ægro permittes ut in lecto assidue decumbat, quàm vel initio, vel in statu; quinimò per hoc tempus id magis confert ad materiam Febrilem digerendam, quæ, si æger maturius lecto affigatur, efferatur magis, atque incenditur.

Hic si quis objecerit, dictam Methodum, licet ad sanguinis impetum à Capite amolendum rescindendum ægrum, satis commodam, minus tamen expedire, eò quod evacuationi per sudores, quæ materia Febrilis jam concocta eliminanda omnino erat, officiat: Respondeo, nihil agere contra-sentientem, nisi prius argumentis confecerit, huiusmodi evacuationem omni Febri deberi, quod haud ita in proclivi atque facili est. Docet enim Experientia, non autem Ratio, quænam Februm species per Diaphoresin, quæ per Catharsin sit exterminanda, &c. Quinimò est cur arbitremur, dari quasdam Februm species, quas Natura methodo sibi peculiari, sine visibili aliqua Evacuazione, ablegat, reducendo sc. in sanguinis massam eique assimilando materiam illam morbificam, quæ cum eodem minus quadrabat. Quæ ego nixus ratione, sæpenumerò tam in hac Februm specie, quàm aliis, mox à primo insultu, totoque sanguine nondum inquinato, easdem in ordinem redegi, imperato tantum Lactis cum Aqua Potu, esuque Carnium & jusculorum è carnibus ægris interdicto;

Cap. II  
dicto;  
aurà lib  
mel in

Qu  
per Di  
volum  
punt e  
qui pr  
rentis  
opin  
pescer  
bent.  
cies,  
sum  
dolis  
stule  
roxy  
bris  
tent  
enir  
ut r  
fud  
nul  
qua  
gre  
op  
len  
ve  
fu

p  
n  
j  
r  
o  
a



Cap. II. HUIUS CONSTITUTIONIS. 209

dicto; Permissis interim & exercitii consueti usu, & aurâ liberiore, nullâque profus evacuatione vel semel institutâ.

Quòd si demus, Naturam non aliâ methodo quàm per Diaphoresin morbum vincere posse, an non eos volumus sudores, qui morbo jam fatiscente prorumpunt & à præviâ Digestione fluunt, non verò istos qui primis morbi diebus protrusi, ab interrupta furentis naturæ œconomiâ nascuntur? Huiusmodi, opinor, sudores non erunt promovendi, at compscendus potius tumultus ille cui ortum suum debent. Istiusmodi autem sudores multas Februm species, licèt non omnes, solent comitari. Neque enim sum nescius, quasdam Februm species ejus esse indolis, ut in *De exper.* sudorem hunc Criticum sibi postulent: Tales sunt particularès Intermittentium Paroxysmi; magna item & frequentissima Naturæ Febris ab illa pendens Constitutione quæ ad Intermittentes Epidemicè producendas unicè facit. In his enim, si cui methodo insistatur quæ non eò tendit ut materia morbifica digeratur primùm, dein per sudores eliminetur, augebitur morbus: Quocirca nullæ hîc evacuationes locum habere debent, nisi quatenùs morbi impetum primis diebus quibus aggredditur, sufflaminare valent, ne inter medentium operas æger fato succumbat. Quin & Febris Pestilentialis causâ, cum tenuissima sit & perquam subtilis, vel primis morbi diebus, sudoribus diffilari potest, suffragante ubique experientiâ.

Itis autem in Febris in quibus ordinario symptomatum ductu, & si suo genio uti permittantur, nusquam videmus naturam materiam morbificam jam præparatam tempore præfinito evacuare solere; nescio an non plus satis temerarius is fuerit, qui sudore provocando vim morbo inferre cogitet, atque ægrum eâ solâ methodo restituere, [cum, ut docet

Di-

Divinus senex, Τῆς φύσεως ἀντιπαροῦσης νεὶδὰ πείναι: ]  
 Atque illud quidem usu venire autumo in Febre  
 hæc particulari de qua hic agimus, quam, multiplici  
 experientiâ edoctus, satis scio sine sudoribus fugari  
 posse; ægrum etiam, dum eosdem inopportuniùs so-  
 licitamus, sæpenumerò nulla cogente necessitate in  
 manifestum vitæ discrimen conjici, à materiâ mor-  
 bificâ in caput sursum latâ: Attamen neque in hæc  
 Febre, neque in alia qualibet vel ex eis quæ sudore  
 Critico solvi non solent, si fortè hujuscemodi sudor  
 morbojam imminuto sponte supervenerit, quem ex  
 symptomatum omnium remissione debitæ Conco-  
 ctionis sobolem esse arbitremur, medicorum pru-  
 dentissimus quisque eum contemnet; ubi verò non  
 ita sponte exit, qui certò scire possumus an non ho-  
 minem è medio tollamus, dum humores regimine  
 & cardiacis calidioribus ad ejusmodi sudores dispo-  
 nere nitimur? Si quis fortè in Thesaurum incidit,  
 nisi desipiat, humò tollet; stultus autem sit oportet  
 qui hæc fretus fortunâ, omnem adhibet operam ut  
 alium ejusmodi cum vitæ periculo adipiscatur. Quo  
 verò cunq̃ue modo hæc se res habeat, mihi abundè  
 constat, solam Febrem calorem eum secum adferre,  
 qui materiæ Febrili ad Coctionem præparandæ pos-  
 sit sufficere, neque eo intensiorem à regimine fervido  
 forinsecùs accersendum.

Præfatam Methodum per Venæ-sectionem atque  
 Enemata in hujuscæ Febris curatione quàm felicissi-  
 mè succedere comperiebam; eam verò, quoties à  
 Diaphoreticis lacefferetur, non solùm Anomala ma-  
 lique moris symptomata, sed etiam dubium semper  
 exitum habuisse: Inter symptomata eminebat tacit-  
 tum illud delirium, quod non tam insanâ loquacitate  
 se prædebat, quàm stupore Coma æmulante, quod uti  
 diximus huic Febri frequens solebat accidere. Hoc  
 symptoma, (licet nonnunquam sponte suâ ortum il-  
 lud

Cap. II. HUIUS CONSTITUTIONIS. 211

lud viderim, ) à nimia Curatricum diligentia in provocandis sudoribus malè positâ, ut plurimum invitabatur: Hoc enim pacto materia morbifica quæ in hæc Febris specie sudoribus morem gerere recusabat vehementer exagitata in caput tandem elevabatur cum ingenti ægrorum discrimine.

Jampridem animadverti in Curatione Febris Constitutionis alterius, quòd per ultimos annos hujusmodi *Stupor* Pueros maximè, atque eos qui ex ephelis vix excefferant subinde invadebat, sed nec ita profundus, nec perinde Epidemicus atque erat is qui hanc Febrèm comitabatur. Nequè tamen illum, licèt huic inferiorem, multò minùs hunc, ubi primùm ingrederetur morbus, edomare potui; licèt nullum non lapidem moverem, reperitis Venæ-sectionibus non in brachiis tantum, sed cervice etiam & pedibus, Emplastris Vesicatoriis, Cucurbitulis, Ene-matis, Diaphoreticis omnis generis, &c. in partes adscitis. Tandem statui, post sanguinem è brachioeductum, Epispasticum Cervici applicatum, atque Enemata duo vel tria è Lacte & Saccharo injecta primis morbi diebus, nihil quicquam ampliùs moliri, nisi quod ægrum & à carnibus & à liquoribus spirituosis quibuscunque arcerem: Ad naturæ methodum interim attendebam, cujus ego vestigiis inhærens symptoma hoc superare tandem discerem. Morbus interim cui invigilabam, turò, licet tardè recedens, tandem evanuit. Huic itaque methodo insistendum mihi esse duxi in Febris quas deinceps tractavi univèrsis; quod quidem si & symptomatis magnitudinem, & eventum ubique votis respondentem spectamus, haud parvi momenti mihi videtur. Et sanè mihi nonnunquam subiit cogitare, nos in morbis depellendis haud satis lentè festinare, tardius verò nobis esse procedendum, & plus Nature sepe numero committendum, quàm mos hodie obtinuit.

Errat enim, sed neque errore erudito, qui Naturam Artis adminiculo ubique indigere existimat. Namque id si fieret, parcius humano Generi ea prospexisset, quàm postulat speciei Conservatio: cum ne minima sit proportio inter morborum ingruentium frequentiam, & facultates quibus pollent homines ad eosdem fugandos, vel iis sæculis quibus Medendi Ars maximè caput extulit, & à quampluribus exulta est. Aliis in morbis quid hoc profecerit nescio. Illud satis scio ex diligenti observatione mihi astipulante, quòd in Febre de quâ jam agimus, dictum symptoma post usurpatas evacuationes generales, Venæ-secctionem dico & Enemata, solo tempore feliciter solebat vinci.

Antea diximus Convalescentiæ prænuncia Signa ut plurimum ad diem usquè Tricesimum differri solere, (in stupore scilicet paulò confirmatori) ægro nonnunquam etiam Aphoniam correpto: quibus elapsis, incongruum aliquod atque absurdum sive cibi, sive potûs genus importunè flagitabat, Ventriculi fermento à morbo diuturniore impense vitiatò. Hoc in casu quandoquidem jam exhaustæ corporis vires refectione omnino indigerent, lubens ea etiam concessi quæ minùs ægro convenire viderentur, modò palato magis arriderent.

Mensæ Septembri 1674. filium Novennem Librarii cujusdam ædibus meis vicini, nomine *Noz*, hæc Febre unâ cum symptomate jam sæpe memorato laborantem tractabam: Extracto è brachio sanguine, & Clysteribus per primos aliquot morbi dies continuos injectis, importunissimæ Matri obstabam, quæ rem ocys expediri acriter urgebat quàm ego cum salute filii stare posse arbitrabar. Datis itaque induciis, nulloque medicamento alio propinato præter Julapium aliquod è vulgaribus, quod pacandæ quidem matri potius destinabantur, quàm filio restituendo,

trigesimum circiter diem melius habere cœpit; edulia varia etiam absurda miserè discupiens, quorum pars aliqua concedebatur, licèt nullo alio nomine concedi debuisset; atque ita tandem prorsus convaluit.

Quamvis autem *Stupor* hic ad *Comatis* accedens naturam, huic Febri aliis symptomatis frequentius superveniebat, quandoque tamen, at rariùs, *Phrenesis* absque stupore nonnullos invadebat, in qua æger infomnis dies noctesque agebat, nullà ratione poterat regi aliàque patiebatur symptomata iis similia, quæ vel ab aliis Febribus, vel à Variolis in Phrenesin actos infestabant. Inducias non tulit symptoma hoc, ut solebat Affectus Comatosus jam memoratus, donec fieret digestio, ægrum verò intra paucos dies tollebat, nisi inflammatio cohiberetur. Aquæ hïc mihi suppetias præ cæteris tulit *Vitrioli spiritus*, quem post Venæsectionem atque Enematis unius alteriusve injectionem cerevisiæ tenui instillatum pro potu ordinario concessi: Qui intra dies paucos & somnum conciliabat, & sanitatem, superatis symptomatis, ægro reddebat: quod quidem nullà alià methodo efficere valebam. Atque hoc reiteratâ sæpe Experimentiâ mihi abundè constabat.

Febri huic, Autumno 1675. & *Dejectiones Dysentericæ* superveniebant quandoque & *Diarrhœa*. Ista ego statim perspexi *Symptomaticas* fuisse huic Febri, non verò, ut in Constitutione præcedenti, *originales* & primò ortas. Quo non obstante, cum morbi causa in sanguinis massâ clauderetur, Venæsectionem ea indicabat; quæ quidem, propinato etiam post Narcotico ad duas vices, symptomati huic debellando par erat.

*Septembri* 1675. Domina *Conysby* juxta Equilia Regia habitans me accersivit; laboraverat ea hac Febre, ventris torminibus derepente jam correpta, quæ dein-

deinceps excipiebant Dejectiones sanguineæ ac mucosæ: Licet protractæ jam ab aliquot diebus, ob morbum diutinum vires essent, maximè verò à Dejectionum frequentia quæ nocte prægressâ multum fatigaverant, sanguinem tamen è brachio statim educendum curavi, & paulo post Narcoticum exhibendum, quibus peractis ea ipsâ nocte Dejectiones stercoreas conspiciebantur. Mane & vesperi sequentibus Narcoticum repetebam prædictum, imperato etiam medicamento Cardiaco moderatori quo Spiritus refo-cillarentur: atque ab his statim convaluit.

*Diarrhœam* quod attinet, quæ eodem ferè anni tempore huic Febri haud rarò accidebat, minùs adhuc illa faceffebat negotii; cumque ea neque ægro prodesset, neque etiam officeret, quantum mihi observare lieuit (sive adesset stupor, sive etiam abesset) nullam ab illa Indicationem Curativam elicere valebam, modò intra eos stare limites ut æger ab eâ de vitâ non periclitaretur: quo in casu Narcoticum sine dubio indicabatur; atque in eo solo probandus Anodynorum usus per omnem morbi hujus decursum: ingens enim illa propensio quâ hâc Febre laborantes in stuporem ferebantur, ab his intendebatur, ac proinde nisi urgente necessitate in usum nunquam erant revocanda.

Notandum est haud rarò accidere tam ab hâc Febre quàm Febribus aliis convalescentibus, iis maximè quos illæ diutiùs maceraverant, nec nisi post longas magnasque evacuationes tandem demiserant, (præsertim si invalidiori essent corporis habitu) ut noctu in lecto cubantes incalescerent primùm, mox sudore diffuerent, à quibus vehementer infirmabantur, & vires tardius recipiebant, nonnulli etiam præcipitabantur in tabem. Cum symptoma hoc non aliunde nasci existimarem, quàm à sanguine ob morbum contumaciorem eò usque depauperato debilitatoque ut

suc-

Cap. I  
succos  
per fun  
per fun  
quatu  
jus us  
sudor  
cont

O  
eod  
mi  
per  
ob  
pe  
fic  
ca  
al  
pr  
v  
n  
b  
f

fuccos, quos recenter advectos nequiret assimilare, per sudores ejicere moliretur; ita affectis author semper fui, ut singulis auroris noctibusque cochlearia tria quatuorve Vini Malacensis annosioris haurirent, cuius usu ægris vires crescebant jugiter, & evanescebant sudores. Atque hæc de Febre hujus Constitutionis continua.

## C A P. III.

*Morbilli.*

Oriente anno, mense sc. *Januario* 167 $\frac{3}{4}$ , ingressa est *Morbillosum* species quædam ab eâ diversa quæ eodem mense Anno 166 $\frac{6}{7}$  invaserat; neque tamen minùs Epidemicè sæviebant hi atque isti, sed non perinde erant regulares, neque ita constanter Typum observabant: Nunc enim citiùs, nunc seriùs erumpent; cum in alia specie, eruptio in diem ab invasione *quartum* semper incideret. Adhæc humeros, & cæteras trunci partes primùm occupabant; cum istî alteri faciem primùm peterent, & in reliquum corpus paulatim spargerentur. Nec hæc in specie observare licuit, nisi rarissimè, eas cuticulæ desquamnationes ad instar farinæ inspersæ, quoties recederent *Morbilli*; quæ in aliâ specie haud minùs certò conspiciantur, quàm post *Febris Scarlatinæ* decessum conspici solent. Plures insuper è medio tollebant, quoties imperitè tractarentur, quàm priores illi. *Febris* enim & *Dyspnœa*, quæ *Morbillis* abiturientibus solebant accidere, vehementiores erant; & *Peripneumoniam* hîc propiùs referebant, quàm in altero genere. Quantumlibet autem fuerint *Anomali* atque irregulares hi *Morbilli* quoad jam memorata symptomata, in præcipuis tamen satis iis competeat *Historia* quam de *morbillis* tradidi cum morbo An. 1670. Epidemicos

describerem, quæ idcirco impræsentiarum repetenda non erit. Hi, uti etiam Priores isti, ad Vernaliusque Æquinoctium invalescebant, à quo tempore decrecentes, appetente Solstitio æstivo, aut non diu post, evanuerunt.

## C U R A T I O.

Curatio, cum nullâ ferme in re ab illa differat quam in Morbillorum historia jam fuisse tradidi, exinde petenda est. Unicam tantum hinc pro meo more, imitantiam adferam Methodi quâ illas aggrediebar.

Februario 1674. Domina virtutibus ornatissima, atque in exemplum nata, Comitissa *Sarisburiensis* me accersivit: Infantium unus tantum tum temporis ægrotabat, mox reliqui (5 autem vel 6 erant) quos omnes eadem methodo tractavi. Lectulo eos addixi ad dies binosternosve ante eruptionem, ut sanguis, pro suo genio, particulas facile separabiles morbum committentes, per cutis poros eliminaret. Neque autem vel stragulis, vel igni quibus sani assueverant, quidquam adjici patiebar; ab esu carniarum arcebam, juscula Avenacea, Hordeacea, ac subinde pomum coctum concedens, cerevisiam tenuem insuper, vel lac cum aquæ triplo coctum pro potu. Urgenteque, pro more, Tussi, Prisanam Pectoralem sæpe assumendam præscripsi. His peractis omninò convaluere, brevi illo spatio quod hic morbus solet percurrere; neque vel per ejus decursum, vel eodem fatigante, symptomate quòvis morbo huic non familiari, tentabantur.

Duobus primis mensibus quibus hæc morbillorum species se prodebat, intercurrebat & *Febris* quædam *Morbillosa* hinc illic sparsa, in quâ *in* nonnulla per truncum corporis, colli præsertim posteriora, atque humeros erumpebant, *in* Morbillorum imitantia; à quibus in illo saltem determinabantur, quòd non universum corpus pariter occuparent,



rent, quas diximus partibus contenta: Febris etiam (licet ejusdem planè generis) inmanior erat, & ad dies 14, nonnunquam etiam plures, protrahabatur. Nec Venæ-sectionem tulit hæc Febris, nec Enemata, ab utrisque irritata; at Methodo quæ Morbillis superius dicata est, lubens concessit. Atque hæc de Morbillis fuerunt dicenda.

## C A P. IV.

*Variolæ Anomalæ hujus Constitutionis.*

QUemadmodum Morbilli Epidemici initio anni 1670. incurstantes, *Variolas nigras* ibidem delineatas introduxere, ita etiam hi, qui haud minus Epidemicè grassabantur initio Anni 1674, Variolarum speciem introducebant tam earum similem, ut eadem ista revixisse omnino videretur, non alia subnasci: cum enim (uti jam diximus) in priore illâ Variolarum specie post elapsos priores annos duos, pustulæ minus indies nigræ comparerent, & grandiores etiam pedetentim conspicerentur, donec exeunte anno 1663, morbus jam mitis, habitâ generis ratione, ac benignus esset; jam pristinâ ferociâ, & infausito malorum symptomatum agmine stipatus de novo revertebatur. Etenim pustulæ fuliginem nigredine æquabant, ubi nempe confluerint, & æger non prius extingueretur quàm ad maturitatem istæ pervenerint; immaturæ enim fuscæ tantum erant colore. Pustulæ quinetiam perpusillæ erant si numerosæ, (Paucæ enim ubi fuerant tantùm, haud erant minores, quàm in aliis Variolarum generibus, nigræ verorariissimè.) Verbo dicam; istas quas anno 1670. descripsimus satis referebant; licet non in omnibus cum iis quadrarent, distarent autem pauculis quibusdam, quæ

quidem majorem sub his quàm illis aliis putredinem latere, naturæque eas esse magis crassæ & inconcoctis ostendebant: Maturæ enim pejùs olebant, ita ut eisdem graviter laborantes præ fœtore vix quirem accedere. Tardiùs etiam periodum absoluebant, hærebantque diutiùs, quàm ulla species alia quam mihi adhuc videre contigit.

Notatu interim est perdignum, quòd quanto mitior est morbi species, tantò citiùs pustulæ ad maturitatem, atque morbus ad finem perducitur. Ita in specie istâ regulari Variolarum Confluentium quæ anno 1667. ingressa est, Dies *Undecimus* maximum adferebat vitæ discrimen, quo semel elapso, non ampliùs ut plurimum ægro metuendum erat. In proximè sequenti specie anomalâ Confluentium quæ initio anni 1670. cœperunt invadere, æger die *Decimo quarto* vel ad extremum *Decimo septimo* maximè periclitabatur, quos si æger superaverit, salvus omnino erat, nec quenquam post hunc diem ab hoc morbo interemptum hæcenus observavi. At verò in hæc specie Confluentium, æger etiam post diem *vicefimum* contrucidabatur; nonnunquam & si convalesceret, quæ paucorum fors erat, non tantum tibiæ intumescebant, (quòd quidem in Variolis Confluentibus quibusque familiare est,) sed brachia insuper, humeri, crura, partesque aliæ; qui quidem tumores ab intolerabili dolore *Rheumaticorum* per omnia æmulo, tragœdiam ordiebantur; postea haud rarò suppurabantur, & in sinus ingentes & partium musculosarum apostemata desinebant, ægro in vitæ periculo etiam ad multos dies à discessu Variolarum adhuc versante. Adeò ut mihi luculenter constaret de gradibus quibus hic se Epidemicus promoveret per tres hæc Constitutiones, quarum posterior priorem semper exuperavit, tum quoad majorem putredinem, tum quoad morbi materiam minùs coctilem.

Videntur autem mihi hæc, quas jam tracto, *Variolæ*, nova quædam Variolarum species, è priore inveterascente suborta. Quamvis pro aëris diathesi eum producente Epidemicum, Variolæ nigræ, quæ initio anni 1670 primùm se ostendebant, ad *Scrupul* suam usque progredierentur, tamen ad instar recidivæ alicujus morbi à materia pristina denuo fermentescente, aër rursus ad Variolarum productionem faciens, ex veteri penu easdem depromptit; qui quidem morbus redintegratus sumptisque de novo viribus, reviviscere planè & quasi rejuvenescere videbatur. Tantò autem magis Anomalæ hæc erant, tantòque magis intensam redolebant putrefactionem, quantò materia, è quâ generabantur, istâ crassior erat atque fæculentior, ad quam præcedentes primum ortum referebant. Quòd ut magis elucescat, existimandum omnino est, nullam ejusmodi diathesin in ipso aëre supponi debere, quæ hunc hoc in loco Epidemicum propaget, alium verò longè diversum in alio non ita multum distante; hoc enim si fieret (sit autem subinde) quilibet ventorum motus Constitutionem diffilare valeret; vero autem similius mihi videtur, hunc vel illum particularem aëris tractum effluviis repleti à minerali aliquâ fermentatione, quæ aërem, per quem feruntur, particulis nunc huic animalium generi, nunc alteri existialibus, contaminantia, morbos variis terræ Affectualibus, appropriatos eò usque propagant, donec expiraverit subterranea illa halituum minera; quæ pariter in novam denuo fermentationem agi possit, ex reliquis nempe materiæ exolescentis, uti in casu jam memorato. Mihi verò, qui non ultra quàm res ipsa loquitur sapere audeo, perinde est, an hæc, an alia aliqua Hypothesis Phænomena rectius solvat. Id saltem pro comperto habeo, quas jam tractavi Variolas, præcedentis Constitutionis Variolis fuisse simillimas,

nisi

nisi quòd & crassiorē naturam, & putredinē longè intensiorē redolere viderentur. Quibus etiā de causis duabus, ubi admodum *confluēnt*, plures orco dabant quā species alia quælibet quā mihi hæc tenus videre contigit; & si quid meo iudicio tribuendum sit, Pestem ipsam, pro numero sc. ægrotorum, perniciæ æquabant; licet, ubi *Discretæ* invaderent, haud certius intentarent periculum quā alia quævis species, & tam pustularum magnitudine, quā colore, aliisque circumstantiis boni se moris esse faterentur.

## C U R A T I O.

Curationem quod attinet; Jam à multis annis miratus sum Indicationes planè contrarias, quas hic mihi morbus subinnuere videbatur. *Hinc* enim luce clarius fuit, à calidiori regimine symptomata, quæ à nimia inflammatione pendent, statim produci, Febrim sc. Phrenesin, maculas Purpureas, & similia, quibus hic morbus præ cæteris quibusque est obnoxius; *inde* verò regimen justò frigidius faciei manuumque intumescentiæ, quæ hic apprime est necessaria, officere, & pustulas flaccidiores reddere. Postquam hæc diu multumque apud me satis anxie revolveram, intellexi tandem, utriusque huic incommodo eodem simul tempore posse occurrī. Usū enim Aquæ cum Lactē coctæ, Cerevisiæ tenuis, aut liquoris alterius similis liberaliorem concedendo, penes me erat internum sanguinis *ὀρρασις* frænare; Atque ex adverso ægrum in lectulo jugiter detinendo, ne brachio quidem exerto, blando ejus calore pustularum elevationem & faciei manuumque intumescentiā valebam promovere. Neque hæc secum methodus pugnare videtur; sanguis enim, eruptione jam finita, particulas inflammatas in corporis habitum eruptasse putandus est, neque jam stimulis ad ulteriorem materiæ secretionem indigere: Ita ut, cum jam in  
habiti

Cap. IV. HUIUS CONSTITUTIONIS. 221

habitu corporis, maturandisque Abscessulis rei car-  
do versetur, id tantum sit agendum *sanguinis* nomi-  
ne, ut sc. sanguis ab halitibus calidis, à carne pustu-  
lis obsessâ retro agendis, fartus tectus conservetur;  
*Pustularum* verò, ut blando partium externarum ca-  
lore ad maturitatem illæ perducantur. Jam verò, ut  
ut feliciter mihi cesserit hæc Methodus, uti priùs do-  
cui, in Variolis aliis *Confluentibus*, in istis tamen hu-  
jusce Constitutionis illa me fefellit; ita ut eorum  
plerique qui vehementius laborabant interirent, sive  
methodo jam à me laudatâ, sive regimine & Cardia-  
cis calidioribus uterentur. Omnino itaque intellexi,  
desiderari adhuc aliquid præter ista, quæ vel ad com-  
pescendam sanguinis ebullitionem, vel ad pustula-  
rum elevationem, manuumque atque faciei intume-  
scentiam facerent; desiderari sc. aliquid, quod Putre-  
factioni magis intensæ, quam in his Variolis præ  
cæteris quibusque observaram, vincendæ par esset.  
In mentem mihi tandem venit *Vitrioli Spiritus*, quem  
existimabam utrique intentioni, tum Putredinis op-  
pugnandæ, tum perdomandæ caloris ferociæ, sa-  
tisfacere posse. Quamobrem Ægro sibi relicto, do-  
nec & dolor & vomituritio, quæ eruptionem præce-  
dere solent, jam desinerent, & Variolæ conferto ag-  
mine prodirent omnes, tandem die *quinto sextove* di-  
ctam *spiritum*, cerevisiæ tenui ad levem aciditatem  
instillatum, pro potu ordinario concessi ad libitum  
sumendum, liberaliùs verò, cum appeteret Febris  
maturationis; quem Potum, donec perfectè conva-  
lesceret, imperavi usurpandum quotidie.

Hic spiritus, ceu morbo reverâ specificus, sympto-  
mata omnia ad miraculum ferè compescebat: Facies  
& maturiùs, & longè altiùs intumescebat: Variolarum  
interstitia, ad colorem magis rubrum, & Rosæ Da-  
mascenæ æmulum magis accedebant: Pustulæ quoque  
minutissimæ grandæcebant, saltem quantum ea spe-  
cies

cies pateretur: Pustulæ etiam quæ aliter nigræ comparuissent, hîc materiam quandam flavam & colore Favum referentem eructabant. Facies deinceps, pro nigrâ, colore flavo saturato ubique tincta conspiciatur: Celerius maturescebant, atque tempora alia omnia diei unius aut alterius spatio, citius percurrabant. Hæc autem accidebant omnia, si liquorem nempe laudatum liberalius haurirent: Quâpropter, quoties ægrum copiam subjugandis symptomatis debita respicere animadverterem, spiritum istum, vel Syrupum aliquo in cochleari permixtum, vel Aquæ Destillatæ cum Syrupum junctæ additum, subinde ingessi, quo pensaretur sc. liquoris parcius usus.

Varia hujus Medicamenti commoda recensui, incommodi ne minimum quidem ex eo natum hæcenus potui deprehendere: Licet enim Salivatio die undecimo decimove ferè ab eo sistatur, cujus vicem per id temporis Dejectiones aliquot subire solent; tamen ab his minùs ægro erit periculi, quàm ab ista fuit; Quandoquidem, quod plus semel diximus, qui Variolis *Confluentibus* laborant, eò præcipuè urgentur discrimine, quòd saliva his diebus viscidior reddita fauces præcludat, cui quidem symptomati hoc in casu Diarrhœa succurrit, quæ vel sponte suâ desinet, vel saltem, ubi nullum amplius à variolis periculum est, Lactè & Aquâ mistis, & Narcotico assumptis facillè compescetur.

Ægro interim in lecto jacenti, inclusis quoque brachiis, stragula præter solita adjici non patiebar; concessi etiam, ut ab hac in illam lecti partem se pro arbitrio transferret, ad sudores arcendos, in quos proclivissimus erat, hoc non obstante remedio. Jusculis interim Avenaceis atque Hordeaceis victitabat, nonnunquam & pomo cocto. Ultimis diebus, si vel langueret æger, vel ægrotaret stomacho Vini Canarini cochlearia tria quatuorve indulsi. Haustum

verò

Cap. IV.  
verò E  
vesper  
enim  
sc. gu  
Di  
misi;  
dum  
vices  
ac m  
quos  
Met  
turp  
nius  
I  
De  
m  
in  
be  
c  
m  
P  
u  
c

Cap. IV. HUIUS CONSTITUTIONIS. 223  
verò Paregoricum jam à quinto sextove die singulis  
vesperis temporius propinandum Adulto ( Infantibus  
enim eo non erat opus, ) præscripti; *Laudani Liquidi*  
sc. *guttas 14. in Aq. fl. Paralyf.*

Die Decimo quarto, ægrum è lecto surgere per-  
misi; vicesimo primo sanguinem è brachio educen-  
dum curavi; Catharticum deinde ad duas vel tres  
vices exhibui; quibus peractis ægri facies coloratior  
ac magis vivida conspiciebatur, quàm solebat eorum  
quos hic morbus ita malè multaverat: Adde, quod  
Methodus laudata vix patitur faciem cicatricibus de-  
turpari, quæ ab humoribus calidis efferatisque prove-  
niunt cuticulam rodentibus.

Die Julii 26. 1675. Vir Nobilis mihiq; Amicus  
Dominus *Elliot* Regi à cubiculo, Domesticum è suis  
meæ curæ commisit, ferâ hâc Variolarum *Confluen-*  
*tium Nigrarum* specie propediem laboraturum: Ha-  
bebat is annos octodecim circiter, temperamento  
erat admodum sanguineo, & in hunc morbum à ni-  
mia Computatione recens inciderat: Confluebant  
pustulæ densiore agmine quàm alias vidi unquam, ita  
ut nulla ferè inter eas intercapedo linqueretur quâ  
distingui possent. Remedii hujus *δεξικωτίτς* confi-  
sus viribus, venam nullus secui, licet tempus quo  
accersebar id mihi liberum faceret, atque etiam se-  
care debuissim, cum à nimîâ Vini ingurgitatione in-  
vitaretur morbus. Post Eruptionem finitam, die  
viz. quinto vel sexto, *Spiritus Vitrioli* in lagenas ali-  
quot cerevisiâ tenui repletas jussi instillari, atque hunc  
Potum ordinarium concessi pro arbitrio sumendum.  
Die octavo ea sanguinis quantitas è naribus fluxit,  
ut Nosocoma hoc symptomate territa, me ocyùs ac-  
certendum putaret: Adveniens ego, cum ab im-  
modico sanguinis calore & impetu inusitato illud ori-  
ri animadverterem, Cerevisiam tenuem dicto spi-  
ritu imprægnatam uberius adhuc hauriendam impe-  
rari,

ravi, quo facto Hæmorrhagia dicto citius est coërcita. Salivatione satis copiosa, faciei & manuum intumescentiâ, pustularumque augmento ritè procedentibus, morbus se satis feliciter expedivit; nisi quod ultimis diebus Dejectiones aliquot mucosæ sanguineæque interpellarent, quæ fortè nullum successissent negotium, si venam, eo quo diximus nomine, mox accersitus aperuissem. Nihilominus nullo alio præsidio Dyfenteriam adoriebar, quàm Narcotico illo, quod aliàs etiam, si hoc symptoma non urfisset, singulis noctibus fuisset assumendum, quo vis ejus retusa erat donec evanescerent pustulæ; posteaque extractâ è brachio sanguinis quantitate satis largâ, Lactéque atque Aquâ affatim hauistis, subito convaluit.

Eodem ferè tempore quidam è meis vicinis Dominus *Clench* duos mihi liberos sanandos tradidit; quatuor annos habebat alter, alter adhuc lactebar, nec dum sexum mensem attigerat. Pustulæ utrifque per pustillæ erant, *Confluxiles* admodum, & ad Erysipelatis modum prodibant, generisque nigri dicti. *Vitrioli spiritum* utrifque in potu omni instillandum curavi, quem non obstante ætate, Junioris præsertim, tenellulâ, nehilum averfabantur; quin & nullo symptomate graviore affecti convaluere ilico. Amicissimus mihi Vir, Dominus Doctor *Mapletoft*, utrosque mecum invivens, ætate majorem jam convalescentem reperit, minorem verò in cunis adhuc laborantem.

Animadvertendum est autem, quod, sicuti Variolæ hujus Constitutionis quæ non confluebant, satis erant benignæ, ita neque remedio jam præscripto opus habebant; satis verò erat istâ eas Methodo tractare quam generi *Distincto* jam supra debere docuimus.

Habes jam, Lector, quæ de *Variolis* mihi erant dicenda omnia; quæ licèt non nemo fortasse parvipenderit pro sæculi genio, scio tamen ego, haud parvo mihi labore, curâ atque industriâ, per multos anos



nos continuos ea fterisse; neque jam à me fuisse evulganda, nisi vicisset charitas in proximum, & studium aliis benefaciendi vel pretio existimationis propriæ, quàm satis intelligo à subjecti novitate gravandam fore. Neque tamen video, cur aliquem malè habeat nova Methodus ei morbo medendi; cujus nec apud *Hippocratem* vestigium ullum, nec apud *Galenum* invenitur, (nisi quis fortè locus difficillimâ ratiocinatione torqueatur,) cùm quæ à Modernis adaptantur Curationes, à magnis illis rei Medicæ luminibus non institutæ, æquo jure ab his negliguntur, atque ab illis magni fiunt.

Quin & pari ratione nemini mirum debet videri, si quid immutavero in ea Methodo, quæ expugnandæ sunt istæ Febres quæ ab iis pendent Constitutionibus, quæ Variolis Epidemicæ sunt; Etenim si in prioribus illis mundi sæculis Variolæ nusquam gentium comparuerint, sequitur neque istiusmodi Febres uspiam locorum extitisse unquam. Vero autem simillimum est, ne quid dicam audacius, Variolas nondum tunc temporis in rerum naturâ fuisse repertas: si enim per antiquiora tempora perinde atque nunc dierum hic morbus invaluisset, sagacissimum *Hippocratem*, opinor, is nunquam latuisset; qui cùm morborum Historias & clariùs intellexerit & descripserit accuratiùs quàm Post-natorum quispiam, & hujus etiam descriptionem genuinam, atque simplicem pro suo more nobis reliquisset. Quocirca opinari mihi fas sit, morbos certas habere periodos pro occultis illis atque adhuc incomptis Alterationibus, quæ ipsius terræ accidunt visceribus, pro variâ sc. ejusdem ætate ac duratione: quodque, sicuti alii morbi jam olim extirpârè, qui vel jam ceciderunt penitus, vel ætate saltem penè confecti exolevêre, & rarissimè comparent (cujusmodi sunt *Lepra* atque alii fortasse nonnulli;) ita qui nunc regnant morbi aliquando demùm

demùm intercident, novis cedentes speciebus, de quibus nos ne minimum quidem hariolari valemus. Hæc se ita res habere potest, quicquid de eâ videatur nobis *βεβαίων*, qui heri tantum nati sumus, cras fortè interituri: neque quas de morbis Authores, vel antiquissimi, congesserunt rationes, ævi multò productioris, si cum Antiquissima mundi Epochæ conferantur.

## C A P. V.

*Tusses Epidemicæ, cum Pleuritide, & Peripneumoniâ supervenientibus.*

CUM tempestas placida ac tepens, immò verò ætatis simillima, præter solitum ad postremos usque *Octobris* dies perseveraret, Anno 1675, eam verò mox exciperet alia multùm diversa, frigida scilicet atque humida subitò ingruens, *Tusses* ubique numerosiores grassabantur quàm alio quovis, quod meminimus, tempore, nemini ferè parcentes cujuscunque is fuerit sive ætatis, sive temperamenti, integras verò simul familias pervadentes. Neque numero tantùm erant spectabiles (cùm quælibet hyems haud paucas nobis generet) sed etiam ob anceps illud periculum, in quod eos quos affecerant, per accidens conjiciebant. Cùm enim *Constitutio*, & jam, & per Autumnum omnem modò elapsus, in producenda Febre Epidemica supra descriptâ omnes nervos intenderet, cumque jam nullus existeret morbus alius Epidemicus, cujus contranifu hujus vires aliquantisper possint refringi, *Tusses* istæ Febri sternebant viam, atque quemadmodum *Tussis* *Constitutioni* opitulabatur in Febre producendâ, ita etiam Febri occasionem ex  
Tussi

Tuffi natam arripiens, jam Pleuram ac Pulmones haud aliter invadebat, ac caput invaferat vel septimana illâ quæ harum Tuffium exortum fuerat prægressa; Quæ tam improvifâ symptomatum mutatio nonnullis, qui minùs diligenter adverterant animum, ansam præbuit, Febrem hanc pro *Pleuritide Essentiali*, aut *Essentiali Peripneumoniâ* habendi, licet eadem omnino illa maneret atque fuerat per integram hanc Constitutionem. Nunc enim, uti priùs temper, cum dolore Capitis, Dorsi, atque Artuum quolibet aggrediebatur; quæ symptomata omni ubique hujusce Constitutionis Febri conveniebant. Materia tantùm Febrilis, cum stimulante Tuffi in Pleuram ac Pulmones uberius deponeretur, symptomata dictas partes attinentia excitabat; at tamen Febris, quantum mihi licuit observare, eadem prorsus cum illa fuit, quæ ad eum usque diem fuerat depopulata quæ hæ Tuffes primùm comparebant; quin & remedia quibus promptissimè parebat, idem planè demonstrabant. Et quantumlibet lateris dolor punctorius, spirandi difficultas, color detracti sanguinis, & reliqua signa Pleuritidi familiaria, *Essentialem Pleuresin* subesse innuerent, non aliam tamen medendi methodum postulavit hic morbus, quam quæ Febri hujus *Constitutionis* quadrabat, ab illa verò quæ *Veræ* Pleuritidi conveniebat, abhorrebat admodum, ut ex infra dicendis liquebit. Addo, quòd cum Pleuritis, quoties est morbus primarius, eo plerumque anni tempore soleat invadere quod inter Ver atque Æstatem ambigens, utriusque quasi fibula est; hic morbus alieno prorsus sydere natus, pro symptomate tantùm Febris, isti anno propria quæ fuit, ducendus est, atque accidentalis Tuffi fobole.

CURATIO.

Ut ad eam methodum ritè procedam, quam hujus Anni Tuffibus, (tum etiam itis quæ aliis annis contin-

tingunt, modò ab iisdem causis nascantur) deberi monuit experientia; animadvertendum est, effluvia ista, quæ à sanguinis massâ per insensilem transpirationem ablegari solent, à frigore cutis spiracula subito contrahente intrò verti, & in Pulmones deponi, quos irritando, Tussim mox excitant. Cùmque hoc pacto detineantur calidæ istæ & recrementitæ languinis exhalationes, quo minùs per cutis poros exeant, Febris in sanguinis massâ facile accenditur; ubi scilicet vel tanta est halituum copia ut pulmones iis eliminandis haud sufficiant, vel calore adventitio sive Remediorum, sive Regiminis iusto calidiorum quasi adjecto oleo ignis augetur, & qui in Febrim jam plus satis erat proclivis in eandem præceps agitur. Verumenimverò, qualiscunque fuerit Febris *Stationaria*, quæ illum annum funestat, atque per id temporis dominatur, Nova hæc Febris statim in ejus nomen ac familiam adoptatur, ejusdem ubique genio obsequens, licèt symptomata quædam adhuc retineat, à Tussi, quam habuit parentem, pendentia; Ac proinde satis constat in Tussi quâlibet ex hac *φάσι* natâ, non tantùm ipsi morbo, sed & Febrî, quæ Tussi huic paratissima accedit, occurrendum esse.

Hac innixus basi, iis qui meam implorabant opem hoc modo succurrere conabar. Si Tussis nondum Febrim, atque alia symptomata, quæ ut plurimum se adjungere solere diximus, accersiverat, satis esse arbitrabar, ægrum à carnibus & liquoribus spirituosiss quibuscunquæ arcere; hortabar item ut exercitiis uteretur moderatis, & frueretur aurâ liberiore, Ptiisanam Pectoralem refrigerantem subinde hauriens. Sufficiebant nimirum paucula hæc & ad Tussim perdomandam, & Febrim, aliaque symptomata quæ illam comitari solebant, præveniendâ. Sicut enim abstinentiâ à carnibus, & liquoribus spirituosiss, tum etiam Refrigerantium usu ita contemperabatur san-

guis;

Cap.  
guis,  
exero  
ties c  
intro  
nuis  
rebus  
Tu  
peric  
nec n  
fis c  
utro  
teriâ  
disce  
tu n  
cieb  
go i  
vini  
cem  
Per  
pien  
fana  
for  
gis  
tis  
Qu  
rut  
fid  
du  
&  
Et  
fec  
lic  
po  
ca  
at

guis, ut impressioni Febrili ineptior esset; ita etiam exercitii ope fervida illa sanguinis effluvia, quæ, quoties corporis Pori à repentino frigore occluderentur, introacta Tussim excitabant, viâ sibi naturali ac genuinâ exhalabant opportunius, & cum bonis ægri rebus diffabantur.

Tussim quod spectabat sedandam; haud vacabat periculo Narcoticis atque Anodinis illam aggredi; nec minùs periclitabatur, si quis liquoribus spirituosus calidisque medicamentis idem moliretur, cum utroque modo inviçatâ atque induratâ Tussis materiâ, halitus isti, qui à sanguine placidè ac sensim discedentes tussiendo in auras evanescerent, jam exitu negato, in cruoris massa præclusi Febrim ibidem ciebant. Atque hoc sæpenumerò non paucis è vulgo inconsultioribus pessimè cessit, qui, cum spiritu vini ustulato aliisque calidis liquoribus Tussi obicem ponere niterentur, Affectus Pleuriticos & Peripneumonicos invitabant, atque insanâ hâc sapientiâ morbum suâ naturâ levissimum & facilè sanabilem, in periculosum ac sæpè lethalem transformabant: Nec minùs halucinabantur (licet magis cum ratione insanire viderentur) qui provocatis sudoribus morbi causam exterminare volebant: Quamvis enim non diffiteamur, sudores sponte prorumpentes haud rarò præ cæteris quibuscunque præfidiis causam morbificam expellere, liquet tamen, nos, dum in iis extorquendis sumus, sanguinem incendere, & quem servare volumus ægrum, letho dare posse.

Quandoque verò, non tantùm ubi minus ritè tractaretur morbus (quo sc. supra descripsimus modo,) sed etiam nonnunquam suâ sponte (maximè in delicatioribus ac tenellulis,) nunc statim ab initio, nunc post diem unum aut alterum, Tussi superveniebat calor ac frigoris vicissitudo quædam, capitis, dorsi, atque artuum dolor, ad sudores nonnunquam propen-

sio,

fio, noctu maximè (quæ omnia pariter Symptomata Febrim hujus *Constitutionis* plerumque sequebantur;) quibus sæpe adjuungebatur lateris dolor, nonnunquam etiam Pulmonum quasi constrictio coarctatioque, unde difficulter spirabat æger, inhibebatur Tussis, excitabatur Febris vehementior.

Febri, & pessimis ejus symptomatis rectissimè, (quantum accuratè factâ observatione mihi constitit) occurrebatur venæ-sectione in brachio, & Epispastico Nuchæ applicato; Clystere item quotidie injiciendo. Ægrum interim monebam, ut singulis diebus ad horas aliquot lecto absteret, abstineret à carnibus, nunc Cerevisiam tenuem, nunc Lac Aquæ permixtum, nunc Ptisanam aliquam Refrigerantem ac Lenientem forberet. Elapso jam biduo triduoque, si nondum minueretur dolor lateris. sed adhuc vehementer urgeret, sanguinem secundò detraxi, & ut in usû Enematum persisteret adhuc, suasi. Enemata autem quod attinet, diligenter advertendum est (tam in hac quàm aliis Febribus) ea, jam fractis morbi viribus & retusâ acie, non diu & continuò repetenda esse, maximè in Fœminis Passioni Hystericæ obnoxiiis, aut Viris Hypochondriacis; cum talium sanguis atque humores *δυσμετέωροι* sint, ac nullo ferè negotio exagitentur atque æstuent, unde perturbatur corporis œconomia, & symptomata Febrilia etiam ultra solitam periodum ægros discruciant.

Sed ut ad rem revertamur, dum hoc pacto spatium morbo concederemus, quo sanguis calidas illas particulas quæ in Pleuram ac Pulmones impegerant, sensim excuteret, symptomata universa placide solebant evanescere; cum, qui morbum ferociùs atque hostili manu aggrediebantur, ingenti remediorum molimine bellum inferentes, vel suos Ægros amitterent, vel saltem Phlebotomiâ sæpius repetitâ quàm vel postulabat morbi genius, vel etiam tutò ferebat,

eorum-

eorum  
in ver  
meru  
(mod  
lidior  
ptoma  
fecasse  
& pot  
necess  
educer  
intend  
hoc c

Ha  
omn  
doqu  
boto  
ties h  
dem  
hac  
diff  
næ-  
tam  
ca,  
alter  
Pul  
nùs  
fe  
fæ  
no  
cer  
à q  
inc  
po  
m  
re  
de

eorundem vitam redimere cogerentur. Cùm enim in verâ Pleuritide Venæ-sectio repetita omnem numerum absolvat, solaque ad Curationem sufficiat, (modò non obstiterint medicamenta & regimen calidiora, quæ contrâ militant) ex adverso in hoc symptomate satis erat semel, vel ut plurimum bis venam secasse, modò ægro concederetur ut è lecto exurgeret, & potu refrigerante uteretur. Nulla autem cogebat necessitas, si bene observaverim, sanguinem sapiùs educere, nisi ubi à calore foris accedente admodum intenderetur dictum symptoma; neque etiam in hoc casu periculo id omnino vacabat.

Hanc jam nactus ansam, paucula de eo dicam quod omnium ore tritissimum est, *Pleuresin* scilicet quandoque ita *Malignam* reperiri, ut per eos annos Phlebotomiam ferre nesciat, saltem toties repetitam, quoties hic morbus communiter deposcit. Censeo equidem *Pleuresin* Veram atque *Essentialem*, quæ, ut posthac dicetur, omnibus annorum Constitutionibus indifferenter infestat, omnibus indifferenter annis Venæ-sectionem pariter repetitam indicare; aliquando tamen accidere ut Febris ejus anni propriè Epidemica, à repentinâ aliquâ manifestarum aëris qualitatum alteratione, materiam morbificam in Pleuram aut Pulmones libenter deponat, ipsaque Febris nihilominus eadem profus maneat. In hoc casu, etsi Venæ-sectio possit concedi ut huic symptomati, si multum sæviat, occurratur; generaliter tamen si loquamur, non multò plus sanguinis symptomatis ratione educendus est, quàm Febris nomine debuerat educi, à quâ pendet istud symptoma: Namque si hæc ejus sit indolis ut à repetitâ Venæ-sectione non abhorreat, potest ea repeti in Pleuritide quæ ejusdem symptoma est; at verò si Febris repetitam Venæ-sectionem respuat, neque juvabit ista, imò & nocebit in Pleuritide, quæ cum Febre stabit cadetve. Hoc autem modo

se res habuit, me saltem iudice, in *Pleuritide symptomaticâ* quæ Febrem comitabatur hoc in loco grassantem quo tempore subingrediebantur *Tusses*, hæc nimirum hyeme 1675. Atque hoc quidem mihi ideo reticendum non erat, quòd existimem dubio illum tramite errare, atque incerto duci filo, qui in Febrium Curatione non continenter ob oculos habet anni *Constitutionem*, quatenus huic aut alteri morbo Epidemicè producendo favet, cæterisque morbis omnibus unâ concurrentibus in ejus similitudinem ac formam detorquendis.

*Novembri* anni præfati, Dominum *Thomam Windham*, Domini *Francisci Windham* Equitis filium natu maximum, hæc Febre laborantem tractabam. Quærebatur is de lateris dolore, aliisque symptomatis, de quibus cæteri hoc morbo affecti. Venam haud plus semel tundendam curavi, *Epispasticum* Nuchæ apponi, *Enemata* quotidie injici; nunc *Ptisanas* atque *Emulsiones* refrigerantes, nunc *Lac Aquæ* immistum; nunc *Cerevisiam* tenuem propinavi; suasi ut lecto abisteret quotidie ad horas pauculas; quâ methodo intra paucos dies restitutus est, & celebratâ *Catharsi* omnino convaluit.

At priusquam his, quæ de Morbis Epidemicis differui, ultimam imponam manum, *Objectioni* quam contra eorum nonnulla adferendam prævideo, occurrendum mihi est; quod nempe non fatis cum *malignitate* istâ pugnare videantur quæ pluribus horum morborum adhæret. Non is sum qui receptam à *Viris Doctissimis*, sive hujus sæculi, sive antiquioribus, de malignitate opinionem convellere aut possim, aut etiam velim, cum ista indiciis plus satis se prodant manifestis, in Epidemicis plerisque. Liceat mihi tantum quæ de ejus naturâ sentio in medium proferre, quò hæc nostra *Praxis* minùs à ratione abhorreere videatur. Ipse enim cum eruditissimo *Scaligero*,



*Non mihi, sed Rationi, aut quæ Ratio esse videtur*

*Milito; securus quid mordicus hoc tenet, aut hic.*

Censeo itaque ego malignitatem eam omnem quæ Epidemicis competit, (qualiscunque tandem fuerit specifica ejus natura,) particulis calidissimis ac spirituosissimis, humorum in humano corpore contentorum naturæ plùs minúsve adversantibus, consistere ac terminari; quia solæ istiusmodi particulæ humores ita subito alterare valent atque in morbis malignis fieri videmus. Censeo item calidas illas & spirituosas particulas assimilando maximè agere; cum ex naturæ lege quodlibet Principium Activum sui simile procreare satagat, & quæ ei cunque obfistunt ad propriam indolem inflectere atque accommodare: Ita ignis ignem generat, & maligno infectus morbo focium inficit, spirituum sc. emissionem, qui humores mox inficiendos sibi assimilant, & in naturam suam perducunt trahuntve.

His præmissis, omnino sequitur nihil esse priùs quàm ut dictæ particulæ sudore eliminentur; hoc enim modo morbus confestim funditus extirparetur: At hîc reclamatione experientia, docetque hoc in omni *malignitatis* specie fieri non posse. Quamvis enim in ipsâ *Peste* particulæ pestilenciales, tum quòd admodum fuerint subtiles, tum etiam quòd sanguinis partibus maximè spirituosissimis infideant, dissipabiles sint, atque excitato sudore non interrumpendo ejici queant; in aliis tamen Febribus, ubi particulæ assimilantes non in eam subtilitatem sunt evectæ, atque etiam humoribus magis crassis incorporantur, minera illa maligna non tantùm sudoribus diffilari non potest, sed sæpenumerò etiam augetur, quibus isti sollicitantur, Diaphoreticis. Quantò enim magis usu calefacientium actuantur particulæ hæc calidæ ac spirituosæ, tantò magis intenditur ea quam habent assimilandi facultas; quantòque etiam magis excale-

fiunt humores isti in quos agunt, tantò libentiùs in assimilantium castra migrant, earundem impressio- nibus cedentes. Cùm ex adverso ratio dictare videatur medicamenta illa quæ contrariæ sunt naturæ non tantùm particularum calidarum atque acrium vim inhibere, sed etiam humores condensare obfirmare- que, quò spirituum morbificorum fortiùs sustineant impetum, vel etiam frangant. Atque appellanda hïc mihi venit Experientia, quâ magistrâ edoctus sum & purpureas Februm maculas, & Variolarum pustulas nigras, eò promptiùs sumplissè incrementum, quò magis calefieret æger, easdem verò pro ratione moderatioris regiminis, quod iis omnino debetur, decrefcere solere ac minui.

Jam si quis me roget, qui fiat ut, cùm *malignitas* in ejusmodi particulis calidis ac spirituosis consistat, haud rarò ita parca Febris signa conspiciantur, etiam in morbis summè malignis; responderem percontanti, Primò in præcipuâ illâ, & maxime insigni malignitatis instantiâ ipsâ *Peste*, ab- unde constat particulas *venegis* ita supra modum subtiles esse atque aculeatas, (præsertim ubi primum incipit grassari) ut auræ ad instar sanguinem pervadant, ac syderatis quasi ejus spiritibus, ne in *Ebullitionem* quidem illum attollant, unde æger sine Febre perit.

At verò in minori isto malignitatis gradu qui in aliis Epidemicis reperitur, symptomata Febrilia ita parum conspicua redduntur, nonnunquam à confusione in sanguine atque humoribus excitatâ à particulis inimicis eorum in gremio conclusis; unde natura quasi oppressa non potis est symptomata illa magis regularia exercere quæ morbo competunt, at anomala sunt *φαινόμενα* ferè omnia ob *επιρροήν* penitus everfam dirutamque; quo in casu deprimitur sæpe Febris, quæ, obtinente genuino naturæ ductu,

ctu, omnino vigeret. Quandoque etiam patiora se ostendunt Febris indicia quàm pro morbi genio, ob metastasin mineræ malignæ vel in Genus Nervosum factam, vel in alias partes corporis, vel etiam humores extra sanguinis pomœria, dum turgeret adhuc materia morbum committens.

Quicquid verò id fuerit, ne hariolari quidem possum quænam alia Medendi Methodus *malignitati* qualicunque adhibenda sit, præter eam quæ Epidemico, cui inhæret, debetur. Ita ut sive Epidemicus de eorum numero sit, qui primò Concoctionem materiæ Febrilis, mox ejusdem ritè dispositæ eliminationem per sudores sibi vendicant, vel eorum, qui per eruptionem aliquam fugam sibi quæerunt; vel etiam eorum, qui ab artis præsidio viam sibi aperientem præstolantur; in singulis his, inquam, generibus, *Malignitas* morbi comes, cum ipso morbo stabit cadetque, pari usa fortunâ, & pari etiam passu recedens; atque ex consequenti eadem & malignitati debetur; quantumlibet evacuationes istæ sibi invicem fuerint contrariæ. *Malignitati* itaque isti quæ *Febres Autumnales Intermittentes* comitatur, uti & *Febrem Continuanam*, quæ ejusdem est indolis, medebitur Diaphoresis, quæ concoctionem subsequitur ceu ejus effectum. *Variolarum malignitati* subveniet tempestitiva Abscessulorum maturatio, atque ita de reliquis; in quibus omnibus, peculiaris malignitatis species istis præsertim modis ac methodo illâ optimè superatur, quibus libentissimè cedunt peculiare isti morbi ad quos illa spectat, sive hâc methodo procedendum fuerit, sive alterâ. Hoc mihi dicat ratio, nisi pro Junone nubes; atque huic etiam Experientia jugiter suffragatur.

## C A P. V I.

*Anacephaleosis.*

A Tque ita demùm animadvertimus, spatium illud annorum, quo finiuntur prægressæ observationes, genera *Constitutionum* omnino Quinque peperisse; Quinque nimirum peculiare aëris Diatheses, totidem *Epidemicorum* species peculiare, Februm nominatim, producentes: Februm autem harum prima, quæ iis annis infestabat quibus *Intermittentes Autumnales* maximè grassabantur, unica mihi videtur, (quantum observatione diligenti fidæque hæctenus assequi potuero) in quâ Natura ita omnia symptomata moderabatur, ut materiam Febrilem debitâ Costione præparatam certo suo tempore ad exitum disponeret, vel per justam *Ἀφύεσιον*, vel *Ἀπυλω* paulo liberaliorem, (quæ idcirco *Febris Depuratoria* mihi audit.) Et profectò facillè adducor ut credam, præcipuam hanc esse atque *Primariam* Naturæ *Febrem*, tum ob regularem illam methodum, quâ utitur in promovenda materia morbifica, eademque præfinito tempore digerendâ; tum etiam quia hæc Febris aliis quibuslibet frequentior occurrit; cùm credibile sit *Febres Intermittentes* Epidemicè sæpiùs grassari, quàm alios morbos quoscunque, si illis nempe habenda sit fides, qui de eorum frequentia in sæculis jam elapsis tot & tanta scripserunt; quicquid demùm in causâ fuerit quòd ita rarè comparuerint, à quo *Pestis* hanc urbem est depopulata: Enimverò *Febris hæc Pestilentialis Inflammatoriis* iis omnibus, quæ pòst invasere, se ducem præbebat ac *ἄεθροισιν*. *Febri* autem isti *Primariæ*, de quâ supra, adaptantur, ni fallor, illustria illa,

illa, atque necessaria Axiomata, quæ tradiderunt *Hippocrates*, aliique medici antiqui; quorum ope ita illa est regenda, ut præparetur materia Febrilis ad Crisin per sudores ritè faciendam: Neque enim satis video, qui possint accommodari dicti Aphorismi subsequenter istis Februm speciebus, quæ diversam longè habent indolem, & rarò ejusmodi Methodo aliquâ solvi solent, quâ nos adjuti, si ad eam accedamus scilicet, eamque perficiamus, morbos hosce subjugare possimus. Ut ut verò hæc se res habeat, notatu dignum esse autumo, quòd cum Febris hæc, quæ ab illâ *Constitutione* pendebat, quâ Intermittentes cæteris prædominabantur, (si vel diutius persisteret, vel æger nimis evacuationibus fuerit exhaustus) subinde in Intermittentium castra de facili transfret; istæ Febres, quæ sequentes funestabant annos, etiam si diutissimè cruciarent, rarissimè tamen Intermittentes fierent: indicio satis manifesto eam *Febrim Continuam* atque *Intermittentes* istas, vel naturâ quadantenus convenire, vel non multum ab invicem abhorrere.

Jam si quis à me percontetur, quo demum pacto *Febris Continua* speciem ex notis in Februm descriptionibus à me traditis queat expiscari, cum plerumque singulæ iis implicentur symptomatis, quæ omnibus in genere compètunt Febribus, (cujusmodi sunt calor, sitis, inquietudo, &c.) Huic ego responderem difficile id quidem esse, at non planè impossibile, modò quis seriò atque ad amussim exegerit circumstantias eas omnes quas in Historia præcedenti indigitavimus; maximè si in urbe aliquâ, aut loco alio hominibus referto, examen instituat. Ponamus enim Medicum ad Febrim Continuam laborantem accersiri, id primò habet adminiculi ad judicium ritè formandum, quòd vel ex observatione propriâ, vel aliis indicantibus facilè resciscat, qui-

nam alii morbi præter hanc Febrem, & cujus demum generis, eo locorum Epidemicè grassantur; quo cognito non ampliùs dubitabit cujus generis esse debeat Febris ista, quæ huic alteri Epidemico regnanti famulatur. Quamvis enim fieri possit ut Febris iis tantùm se prodat symptomatis quæ omnibus omnino Febris sunt communia, (præsertim si in *aliquo* & confusione agatur à Methodo quæ ab ejus curatione profus aliena est) alii tamen Epidemici characteres natura atque indoli suæ proprios ac peculiare aperitissimè agnoscent. Verbi gratiâ, qui *Variolas* inspexerit, facile conjectabit, (modò ejus morbi Historiam probè calleat) vel à die quo primùm erumpunt Pustulæ, vel ab earum magnitudine, atque colore, &c. ad quodnam Variolarum genus species illa particularis fuerit referenda: atque ubi semel cognoverit quænam sit illa Variolarum species quæ eo anno atque per loca ista increbrescit, satis illi constabit de specie Febris cujusvis per id temporis, atque eo locorum grassantis. Et sanè si morborum Historias ad unguem perdidicissem, (quam ego mihi laudem minimè sumo) sicuti Epidemico quovis inspecto non dubitarem de Febris tum regnantis genere pronunciare, licèt ne unam viderim quidem; ita *Febris* quælibet inspecta, quisnam ei jungeretur Morbus Epidemicus, me satis doceret, an *Variolæ* scilicet, vel *Morbilli*, vel *Dysenteria*, &c. Cùm tam peculiare aliquod horum genus, quàm Febris peculiaris, particularem quamlibet Constitutionem jugiter comitetur.

Secundo autem, præter indicia illa quæ Epidemicorum unà invadentium consideratio nobis suggeret, & ipsa cujuslibet Febris symptomata ad ejusdem speciem dignoscendam, haud obscuram lucem scenerantur. Quamlibet enim, ut supra innuimus, Febres in univèrsam omnes quædam habent symptomata omnibus communia, sunt tamen & certæ aliquæ Di-

stin-

stinctionis notæ quas singulis speciebus sigillatim impressit Natura; quæ cum subtiliores sint ac magis reconditæ, non nisi à cautissimis, & minutissima quæque perficulis trutinantibus erui solent, aut investigari. Inter hæc signa distinguenda semper existimavi ego, ægri sive sudationem, sive siccitatem in hoc vel illo morbi tempore, Febris speciem præcipuè & præ cæteris demonstrare, modò illa à statu naturali ac suo, Methodo minùs congruâ non fuerit dejecta. Atque hoc ipsum liquidò mihi constabat in Febris omnibus Epidemicis, quotquot observationes hæ nostræ hactenus complectuntur. Exempli gratiâ, iis in Febris quæ vigeant durante *Intermittentium Autummalium* prædominio, ægri externa arescebant, nec vel minima sudoris præsignatio ante materiæ Febrilis concoctionem, quæ die decimo quarto plerumque perficiebatur, in conspectum se dabat. Neque etiam cieri hîc poterat sudor sine ingenti ægrorum discrimine, qui in Phrenesin, aliaque symptomata periculossima mox à coacto sudore præcipitabantur. In *Febre Pestilentiali*, quæ hanc quidem subsecuta est, (*Inflammatoriarum* autem omnium quæ ab illo tempore invasere, chorum duxit) nulli sudores sponte suâ prurumpebant, at à sudorificis excitari poterant vel primis morbi diebus, atque iis semel abortis æger nullo non symptomate levabatur. Febre proximè succedente quæ *Variolas* iis annis comitabatur quibus illæ *Regulares* erant, æger suâ sponte effusissimis sudoribus totus dimanavit, vel à morbi initio; at qui istis indulgebat æger, intendebat illicò symptomata omnia, haud mitigabat. In binis illis Febris quæ duobus *Variolarum Anomalarum* speciebus, atque *Dysenteris* se comites adjungebant, & sudores Anomali etiam fuere; at plerumque solis primis diebus exeuntes. Licet qui primam Febrem comitabatur sudor, quàm qui posteriorem, aliquantisper esset copiosior;

fed in neutra emolumento fuit ægro, cùm non à prævia Concoctione, fed à confufo particularum noxiarum motu is eliceretur.

Arduum vero id mihi imprimis videtur, Novæ Febris speciem, vertente primùm anni *Constitutione*, indagare, cùm nec dum specimen ejus ali- quod quis oculis ufurpaverit, nec dum resciverit, qualesnam demùm fint futuri morbi Epidemici, quos ut plurimùm Febris prævertit. Moleftum effet fingula enumerare quæ iis annis, de quibus egi, occurrebant, quo liqueret anfas haud obfcuras à natura nobis fuggeri, quibus adjuri hoc præftare valeamus; ac proinde Cognitio hæc à perdiligenti at- que accuratiffimâ Circumftantiarum omnium ob- fervatione neceffariò pendeat. Quantumlibet au- tem difficile id fuerit, imò fi & impoffibile planè fupponamus, Novæ Febris, ubi primùm ingreditur, speciem certò diftinguere; tamen ad Curatio- nem quod attinet, Indicatio à *Fervantibus & La- dentibus* fumenda, nobis faltem relinquitur; cujus opè viam paulatim præfentantes ægrum in tuto pof- fimus collocare, modò ne plus fatis properemus; quâ quidem feftinatione nihil ego quicquam exitia- lius effe autumo, nec re ullâ aliâ Febricitantium plures vitâ fpoliari. Neque pudet fateri, me non femel in curandis Febris, ubi nondum conftaret quid mihi agendum effet, nihil profus agen- dō & mihi ægro confuluiffè optimè; dum enim morbo invigilarem, quo eum opportuniùs confo- dere valerem, Febris vel fponfe fuâ fenfim evanuit, vel in eum fe Typum redegit, ut jam mihi inno- tefceret quibus armis effet debellanda. Sed, quod dolendum omnino eft, ægrorum quamplurimi, haud fatis gnari quòd perinde fit Medici periti quandoque nihil agere, atque alio tempore effica- ciffima adhibere remedia, prohibitis atque fidei fru- ctum

Cap. VI.  
ctum hu  
ignorant  
fiffimus.  
cere æqu  
prudenti

Hæc  
quæ ad  
borum E  
invafero  
Quo qu  
earum  
tæ funt  
Qui po  
vit om



ctum hunc capere nolunt, sed vel negligentiae vel ignorantiae id imputant; cum Empiricorum insul-  
fissimus quilibet medicamenta medicamentis adji-  
cere æquè novit, ac solet magis quàm Medicorum  
prudētissimus.

Hæc sunt ferè quæ hactenùs observavi, saltem  
quæ ad normam aliquam reduci potuerint, de *Mor-  
borum Epidemicorum* speciebus, atque ordine illo quo  
invasère ab anno 1661. ad finem usque anni 1675.  
Quo quidem tempore *Variolæ*, & *Febres Continuae*  
earum Comites, quæ fermè à biennio domina-  
tæ sunt, imitiores jam factæ videntur exolescere.  
Qui pòst sequentur morbi, solus novit, qui nò-  
vit omnia.

# SECTIO SEXTA.

## CAPUT I.

### *Febres Intercurrentes.*

**O**bservationes annorum, quos jam descripsi, satis arguunt Febrium alias *Stationarias* meritò audire; ejusmodi Febres intelligo, quæ, cum à particulari quadam, at nondum satis cognitâ hujus aut alterius anni *Constitutione* pendeant, singulæ suo ordine invalescunt, grassantur admodum, & quasi cæteris dominantur per continuam illam annorum seriem. An dentur etiam aliæ species præter jam dictas: An etiam exacto quodam annorum curricula, aliæ alias certo ac constanti ordine excipiant, an secus se res habeat nondum mihi licuit deprehendere. Sunt verò & aliæ Febres Continuæ, quæ licet jam parcius, jam inclementius sæviant & depopulentur, tamen cum Stationariarum quibuslibet, ut etiam & secum invicem eodem anno indifferenter commiscuntur, quas idcirco *Intercurrentes* appellandas censeo. Quid tam de illarum ingenio, quam de Methodo Medendi eisdem adhibendâ, hæcenus observando didici, in sequentibus tradam. Sunt verò, *Febris Scarlativa. Pleuritis. Peripneumonia Notba. Rheumatismus. Febris Erysipelatosa. Angina.* Et fortè aliæ quædam.

Jam verò cum universos hosce morbos, vel adhuc comitetur Febris, vel saltem fuerit comitata, donec exoneratâ in partes sive has sive illas, pro morbi ratione,

tione, materiâ Febrili, sibi exitum invenerit; nullus dubito Febrem ipsam pro morbo primario habendam, reliquosque affectus à quibus ut plurimum morbi isti nomen mutuantur, symptomata esse, quæ vel peculiarem *κρίσεως* modum, vel partem, in quam ruit morbi vis, præcipuè spectant. Verùm modò de re conveniat, nullam de nominibus movebo litem; mihi integrum fuerit morbum hoc vel illo nomine designare, pro arbitrio meo.

Animadvertendum est, quòd sicuti *Febres Stationariæ*, de quibus supra egimus, magis minúsve Epidemicè infestant, quòd jam diximus, prout annorum Constitutio in secreta atque inexplicabili aëris temperie fundata, eisdem favet, ita etiam *Intercurrentes* hæ nonnunquam, licèt non ita frequenter atque istæ, Epidemicè grassantur. Quamvis enim plerumque oriuntur ab hac vel illa particulari corporum particularium *αιωρολογία*, quâ sanguis atque humores quoquo modo vitiantur, aliquando tamen originem debent suam mediatè quidem causæ alicui Generali in aëre, manifestis qualitatibus hominum corpora ita disponente ut exinde tales talesve sanguinis atque humorum dyscrasiæ generentur, quæ *Intercurrentium* ejusmodi *Epidemicarum* causæ fuerint immediatæ. Uti cum Gelu acrius diu perseveraverit, se in Veris usque pomeria longiùs extendens, dereperente autem calidior tempestas succedat, *Pleuritides*, *Anginæ* similesque morbi alii solent invadere, qualiscunque demùm fuerit *Constitutio* annorum *Generalis*. Et quoniam hi nonnunquam Epidemicè grassantur perinde atque alii isti, idcirco ut hos ab illis Febris dispefcam, quæ ad certam annorum feriem determinantur, omnibus indifferenter annis communes *Intercurrentes* appellare libet.

Quanto autem à se invicem intervallo diffideant duo hæc Februm Genera, quantum ad causas ab aëre

aëre subministratas, quoad alias tamen causas externas, ac Procatarticas spectat, sæpenumerò conveniunt. Ut enim jam mittamus Contagium quod quidem nonnunquam Februm Stationariarum aliquibus ansam exporrigit, & Crapulam taceamus, quâ matre profeminantur tum istæ Febres, tum hæc etiam de quibus jam ago; causâ evidens externa Februm quam plurimarum inde petenda est, quòd quis scilicet vel præmaturius vestes abjecerit, vel ab exercitio incalefcens se frigori incautiùs exposuerit; unde Poris subitò oclusis, retentisque iis halitibus quibus aliàs per cutis spiracula patebat exitus, hæc vel illa Febris species in sanguine succenditur, prout vel Generalis Constitutio quæ tum temporis obtinet, vel particulares humorum dyscrasie in hanc vel illam Febris speciem potentiùs determinaverint. Et sanè existimo plures modò jam designato, quàm Peste, Gladio, atque Fame simul omnibus perire: Etenim si quis ægrum Medicus de prima morbi occasione paulò minutiùs interrogaverit, (modò ex Acutorum istorum numero sit quos supra tractavimus) audiet quasi semper, vel eum vestem aliquam temerè deposuisse cui pridem assueverat, vel corpus motu excalefactum subito frigori permisisse, atque ex alterutra harum *αἰτιῶν* incidisse in morbum. Quam ob causam familiares meos semper moneo, ut nullo alio anni tempore quicquam vestium, quibus assueverit, sibi detrahant, nisi mense uno ante *Solstitium Æstivum*, alioque idem proximè excipiente: Nec minori cum studio eosdem hortor, ut ab exercitio calefcientes, frigus sedulò evitent.

At verò diligenter hîc loci notandum est, quòd licèt morbi isti, qui sub Intercurrentium titulo jam mihi tractandi veniunt, plerique, si non omnes, *Essentiales* fuerint morbi, sæpenumerò tamen Affectus quidam, tum eos quoad Phænomena referen-

tes,

tum eodem etiam insigniti nomine, istis Febris  
 bus superveniunt quas *Stationarias* appello, & sunt  
 nuda earum symptomata: Quo in casu non jam illa  
 Methodus adhibenda est, quæ iis debetur quoties  
 Morbi sunt *Essentiales*, at ista potius quam sibi po-  
 stulat Febris cujus nunc sunt symptomata, ad quo-  
 rum quidem curationem ea leviter tantum inflecten-  
 da est: In genere autem ad Anni Febrim serio atten-  
 dendum est, investigandumque quo illa pacto facil-  
 limè expugnari possit, Venæ-sectione, an sudoribus,  
 vel aliâ methodo qualibet. Hoc si susque deque ha-  
 beatur, cum ingenti ægrorum discrimine persæpe  
 errabimus. Si quis objecerit hos ipsos *Affectus*, quos  
 ego *Essentiales* voco, & de quibus jam ago, reverâ  
 symptomata tantum esse; respondeo, symptomata  
 ea fortè esse respectu Febris ad quam propriè spe-  
 ctant, at symptomata sunt saltem *Februm*, quæ illa  
 semper ac necessariò producant. v. gr. in *Pleuritide*  
*Essentiali* Febris ejus est indolis, ut semper materiam  
 morbificam in *Pleuram* deponat: in *Angina* *Essen-*  
*tiali* ejus indolis est, ut eandem ad fauces semper  
 amandet, atque ita se res habet in cæteris: Cùm ubi  
*Affectuum* memoratorum uteris Febrim superveniat,  
 quæ ad hanc illamve annorum *Constitutionem* spe-  
 ctat, atque ab ea pendet, idem per accidens tantum,  
 neutiquam verò necessariò producitur. Quo nomi-  
 ne haud parum à se invicem determinantur.

Jam autem, ut *Affectus* *Essentiales* mihi dictos ab  
 iis qui *Symptomatici* tantum sunt, ritè distinguamus,  
 multum conferet nobiscum perpendisse, quòd qua-  
 lia sint symptomata quæ invasionem Febris hujus al-  
 teriusve *Stationariæ* comitantur, talia omnino erunt  
 symptomata quæ insultum sive *Pleuritidis*, sive *An-*  
*ginæ* sequuntur, quoties ejusmodi Febris *Acciden-*  
*tia* sunt tantum. Quod quidem cernere erat in *Pleu-*  
*ritide* *symptomaticâ* prædictâ, quæ Febrim per hyemem  
 graf-

graffanti, anno 1675. superveniebat. Quotquot enim hæc laborabant Pleuritide, ubi primùm corripiebantur, Capitis, Dorſi, & Artuum patiebantur dolorem; quæ certiffima erant & maximè vulgaria Febrium earum omnium ſymptomata quæ & antequam ingrederentur Pleuritides, invadebant, atque illis expirantibus adhuc durabant. Cùm quoties uterlibet horum Intercurrentium morbus *Effentialis* eſt, omnibus indifferenter annis pari modo aggreditur, nihil proſus habens commune cum Febre Stationariâ per id tempus regnante. Adhæc, ſymptomata omnia quæ poſt emergunt magis perſpicua ſunt, cùm non obſcurentur ac confundantur ab aliorum *Φαινομένων*, quæ naturæ ſunt diverſæ, & ad aliam ſpectant Febrem, admixtionem. Præter hæc, Anni tempus, quo eſſentiales Intercurrentes plerique, non tamen omnes, ſolent inſiſtare, haud rarò ſubinnuit ad quam claſſem huiusmodi Affectus referendi ſint. At verò ad Morborum tum horum, tum aliorum etiam omnium Diagnofin, is demum inſtructiſſimus accedet, qui obſervatione aſſiduâ ac diligenti ita intimè eorum Phænomena rimando perſcrutatus fuerit, ut ubi eos inſpexerit, genus ſtatim nôrit diſtinguere; licèt Differentiarum Characteriſticarum aliæ ita ſint fortâſſe ſubriles ac delicatæ, ut eaſdem alteri verbis nequeat exprimere.

Quandoquidem autem variæ hæc Febrium ſpecies, ( quantum quidem aſſequi poſſum ex Phænomenis, quæ tum morbos ipſos, tum medendi rationes attinget, ſedulò penſitatis) peculiari, ac cuilibet morbo propriæ ſanguinis inflammationi ortum debent ſuum; in eodem refrigerando contemperandoque omnis mihi ferè Curationis vertitur cardo: Methodo interim pro morbi genio variatâ, & cui, Experienciâ jogiter ſuffragante, ea ſpecies libentiſſimè concedit, materiæ morbificæ eliminandæ ubique ſatago.

Et profectò in Febrium quarumlibet curatione omne punctum tulerit, quâ portâ excludenda veniat materia Febrilis, qui certò nôrit; Venæ-sectione v. gr. Sudoribus, Catharsi, aut si qua est alia, magis appositâ.

C A P. II.

*Febris Scarlatina.*

**S**carlatina Febris, licet nullo non tempore possit incidere, ut plurimum tamen exeunte æstivo se prodit, quo quidem, integras Familias, Infantes verò præ cæteris infestat. Rigent, horrentque sub initio, ut in aliis Febribus, qui hâc afficiuntur, neque vehementer admodum ægrotant: postea cutis universa maculis parvis rubris interstinguitur, crebrioribus certè & multo latioribus, magisque rubentibus, at non perinde uniformibus, ac sunt illæ quæ Morbillos constituunt. Ad duos tresve dies persistunt hæ maculæ, quibus demum evanescentibus, decedenteque subjectâ cuticulâ, restant surfuraceæ quedam squammulæ ad instar farinæ corpori inspersæ, quæ ad secundam aut tertiam vicem se promunt, conduntque vicissim.

CURATIO.

Cùm hic morbus nihil aliud mihi videatur, quam mediocris sanguinis effervescentia à prægressâ Æstatis calore, aut alio aliquo modo excitata, nihil quicquam molior quò minus sanguis sibi despumando vacet, & materiæ peccanti, quæ satis promptè abjungitur, per cutis poros ablegandæ. Quamobrem tum hinc & à Venæ-sectione, & ab Enematum usu mihi temperans (quibus remediorum formis factâ revulsione particulas sanguini infestas cum eodem

S

inti-

intimiùs permisceri, & motum Naturæ magis congruum sufflamini autumo; ) tum ex altera parte ab exhibendis Cardiacis, quorum æstu impetuosius fortè exagitabitur sanguis, quàm pro pacatâ & leni illâ separatione in qua jam totus est; ( Quid quod & vehementior Febris hoc fomite possit accendi? ) satis habeo ut æger à carnibus in solidum abstineat, & à liquoribus spirituosis quibuscunque, tum ut neque usquam foràs prodeat, neque se perpetim lecto affigat. Cute jam penitè desquammatâ, & cessantibus symptomatis, è re fore existimo ut purgetur æger leni aliquo medicamento, ætati atque viribus accommodo. Simplici hâc & naturali planè methodo, hoc morbi nomen, ( vix enim altiùs affurgit, ) sine molestia, aut periculo quovis, facillimè abigitur. Cùm è contra si plus negotii ægris faceffamus, vel lectulis continenter incarcerando, vel Cardiacis aliisque remediis supervacaneis nimis doctè & ( ut vulgo videtur ) secundum artem supra modum ingestis, morbus statim intenditur, & æger non rarò nulla alia de causa, quàm nimiâ Medici diligentia ad plures migrat.

## C A P. III.

*Pleuritis.*

**H**ic morbus, quo nec alius frequentior, nullo inter Ver & Æstatem ambigente. Nam per id temporis sanguis à nova solis vicinia excalesfactus in effervescentias & inordinatos motus effrænatiùs ruit. Temperamento sanguineo præditos præ reliquis aggredditur, sæpè etiam rusticos, & duro jam fractos membra labore. A rigore plerumque atque horrore orditur, quos excipiunt calor, fitis, inquietudo, & cætera



tera Februm symptomata plus satis nota. Elapsis pauculis horis, (licet aliquando multò seriùs ingruat symptoma hoc) æger vehementi dolore, eoque Punctorio, in laterum alterutro circa costas corripitur, qui nunc versus Omoplatas, nunc Spinam, nunc ex adverso versus anteriora pectoris se propagat. Tussi etiam crebrâ affligitur, quæ magnum adfert cruciatum, à partium inflammatarum contentione ortum, unde spiritum subinde reprimat, ut prima tussendi molimina coercerent. Quæ singulis vicibus *Anacatharsi* rejicitur materia, sub initio morbi pauca & tenuis conspicitur, & sæpe sanguinis particulis intermixta; sed procedente morbo copiosior est & magis concocta, sanguine etiamnum permixto. Febris interea pari passu incedit, quin & vires sumit à symptomatis illis quæ ab ipsa nascuntur. Atque dicta Febris cum funesto comitatu omni, (Tussi scilicet, sputo sanguinis, dolore, &c.) pro ratione liberioris materiae morbificæ expectorationis, sensim minuitur. At verò materia hunc morbum committens, non semper, eodem procedente, concoctionem expectorationi debitam attingit; fit enim non rarò ut materia paucula adhuc & tenuis, sicut in principio morbi, tussiendo educatur, & consequenter Febris cum reliquis symptomatis ne hilum remittat, donec ægrum jugulaverit. Æger interea nunc alvo est nimis adstrictâ, nunc solutâ nimis dejectionibus crebris & liquidissimis. Est ubi morbo admodum invalescente, & Venæ-sectione non celebratâ, æger ne tussire quidem valeat, sed immani dyspnœâ laborans, tantum non suffocetur inflammationis vi; quæ tanta aliquando reperitur, ut pectus ne ad spatium quidem respirationi debitum sine exquisitissimo dolore queat expandi. Est etiam ubi post ingentem inflammationem, & omissam Phlebotomiam, quæ nascente morbo fuerat imperanda, mox ad Apostema res

redit, *pure* in thoracis cavitatem subinde depleto; quo in casu, quamvis Primaria Febris vel omnino cessat, vel mitius saltem urget, attamen in vado non est æger, sed *Empyemate*, atque *Febre Hecticâ* succedentibus, miser *Tabæ* extinguitur.

Jam verò licet *Pleuritis* propriæ illi atque specificæ sanguinis inflammationi, quæ eam, quando affectus primarius existit, producere solet, originem suam debeat; per accidens tamen aliis Febris quandoque supervenit, cujuscunque demum generis eæ sint; ex præcipitatione scilicet materiæ Febrilis in pleuram, vel musculos intercostales. Atque illud quidem in ipso ferè Febris initio accidit, crudâ adhuc existente materiâ Febrili, nondumque per idoneam ebullitionem subactâ, adeoque nec ad separationem debitam per loca magis conferentia præparatâ. Hoc autem incommodi sæpissime ex intempestivo ac præpostero calidorum medicamentorum usu inferitur, qualia à nobilibus quibusdam fœminis exhiberi solent; quarum interim benevolentia charitasque multo melius in pascendis pauperibus, quàm in iisdem medicandis, collocaretur. Atque illæ quidem eo consilio (si tamen ullo utantur) id faciunt, ut in primo statim Febris insultu provocetur sudor; parum cogitantes quàm inconsultò atque infeliciter idem tentent. Natura enim hoc pacto turbata, humores adhuc crudos existentes expellere, qua data porta cogitur; atque adedò nunc in cerebri Meninges impetu fertur materia Febrilis, indeque *Phrenitis* nascitur; nunc ad membranam costas succingentem idem malum appellit, ex quo *Pleuritis* oboriri solet; præsertim ubi ægrorum ætas, ac temperamentum, annique tempestas inter Ver atque Æstatem ambi-gens, sua etiam symbola ad hanc rem contulerint: Certè enim tempestate illâ Febres in Pleuritidem transire proclives sunt.

*Pleuritidem* autem, ejusmodi quam diximus præ-  
 cipitationi ortum suum debere, evacuati per Venæ-  
 sectionem cruoris color subindicare videtur. Nimi-  
 rum sanguis (saltem ille qui post primam vicem ex-  
 trahitur) ubi refrixerit, sevi liquati præ se fert spe-  
ciem ad crassitiem satis conspicuam, ac superficiem  
 habet veri puris æmulam, & tamen ab eo longe di-  
 versam, utpote quæ fibris, instar reliqui sanguinis,  
 arctè contextitur, nec ad modum puris diffuit, quin  
 à reliquo divulsa discolor illa pars, formam cuticulæ  
 tenacis & Fibræ refertæ exhibet; & fortasse nihil  
 aliud est quàm Fibræ sanguinæ, quæ rubicundo  
 ac naturali suo integumento per præcipationem  
exutæ, ambientis aëris frigore in membranam hu-  
jusmodi subalbidam concrevère. At verò (ut id obi-  
 ter attingam) animadvertendum est, quòd si san-  
 guis è secta venâ non recto flumine versùs Hori-  
 zontem profiliat, sed per cutim repens perpendi-  
 culariter dimanet, ut ut celeri se proripiat gradu,  
 sæpe tamen ad dictum colorem non accedit, cu-  
 jus ego me causam nescire fateor. Neque æger ab  
 istiusmodi sanguinis missione perinde levatur ac si  
 modo primùm descripto fluat. Quinimo cùm hoc  
 ipsò modo extrahitur, si orificium angustius, sive  
 quid aliud obstiterit, quo minùs pleniori exeat gur-  
 gite, neque hic sanguis Pleuriticorum sanguinem  
 colore æmulatur, nequè æger par exinde commo-  
 dum capit. Observavi etiam, quòd si sanguis recens  
 extractus, quocunq; demùm modo fluxerit, im-  
 missò digito agitetur, superficie rubenti ac floridâ,  
 ut in aliis morbis quibuslibet, spectabitur.

Ut ut verò sanguis se habet, Morbus hic tameris  
 infamis, & plerisque aliis suapte naturâ periculo-  
 sior, tamen si pericè tractetur, facilè vincitur; &  
 quidem non minùs certò & constanter, quàm alii  
 Medicorum conatus ad homines ab orci faucibus li-

berandos, morbósque averruncandos, perduci ad exitum felicem solent.

Variis hujusce morbi Phænomenis diligenter perpenſis, nihil aliud illum eſſe arbitror, quàm Febrem à propria & peculiari ſanguinis inflammatione ortam, quâ natura materiam peccantem in Pleuram deponit, nonnunquam & in pulmones, unde *Peripneumonia* ſuboritur; quam à priore gradu tantùm, & pro majore ejuſdem cauſæ intentione, extenuque latiori differre autumo.

## C U R A T I O.

Hunc itaque in dicto morbo pellendo mihi ſcopum propono, ut ſcilicet ſanguinis inflammationem reprimam, & particulas ejuſdem accenſas, quæ in membranam coſtas ſuccingentem vim fecerunt, & incendio collabefactarunt omnia, per evacuationes debitas revellam.

Quamobrem in Venæ-ſectione ſpem ponens maximam, ut primùm accerſor, ſanguinem è brachio lateris affecti ad uncias decem aut circiter mittendum curo. Potionem deinde ſequentem ſtatim à Venæ-ſectione primùm celebrata ſumendam præſcribo.

℞. *Aq. Papav. Rhæad.* ℥ iiij.

*Sal. Prunell.* ℥ j.

*Syr. Violar.* ℥ j.

M. F. Hauſtus.

Item ℞. *Amygd. dulc. N.* vij.

*Sem. Melon. Pepon. an* ℥ ſ.

*Sem. Papav. alb.* ℥ ij.

*Contundantur ſiſiul in mortario marmoreo, ſenſim affundendo.*

*Aq. Hord.* ℔ j. ſ.

*Aq. Roſar.* ℥ ij. *Sacchar. cand.* ℥ ſ.

M. F. Emulſio; Cap. ℥ iiij. quartâ quâque horâ.

Pecto-

Pectoralia etiam impero frequenter usurpanda,

c. gr.

℞. *Decoct. Pectoral.* ℥ ij.

*Syr. Violar. & Capillor. Ven. an.* ℥ j. ℞.

*M. F. Apozema*; *Cap.* ℥. ℞. ter in die;

℞. *Olei Amygd. dulc.* ℥ ij.

*Syr. Violar. Capill. Ven. an.* ℥ j.

*Sacch. cand.* ℥ ℞,

*M. F. s. a. Eclegma*, de quo lambat sæpius in die.

*Oleum* etiam *Amygd. dulc.* per se, vel *Oleum Sem. Lini* recenter extractum magno sæpe cum fructu assumuntur.

Dietam quod spectat, carnibus omnino interdicto, atque insuper earundem decocto quamlibet limpidissimo. Consulo ut jusculis vescatur Hordeacis, Avenaceis, & Panatellâ, & pro Potu utatur Prisanâ ex decocto Hordei cum rad. Acetosæ, Liquerit. &c. ac nonnunquam Cerevisiâ lupulatâ tenui. Porro, sequens Unguentum præscribo.

℞. *Oleum Liliorum Amygd. dulc. & Unguent. Dialthæe an.* ℥ j.

*M. F. Linimentum*, quo inungatur latus affectum mane & serò, superimponendo folium brassicæ.

Jubeo item ut in dictorum remediorum usu persistat per omnem morbi decursum. Eodem ipso die, si dolor vehementer urgeat, sanguinis eandem quantitatem rursus detrahi præcipio, vel nihilominus, die sequenti, ut etiam tertio die; atque hoc modo ad quartam usque vicem, continuis quatuor diebus, (nisi priùs æger convaluerit) Venæ-sectionem repeto, ubi scilicet dolor, atque alia symptomata admodum sæviunt: At verò, si vel morbus remissior & minoris periculi, patiatur ut lentiori pede progrediar, vel etiam dejectæ ægri vires non facile ferant

Venæ-sectionem post tam brevia intervalla repetitam; Phlebotomiam jam bis celebratam non deinceps repeto nisi interjecto die uno aut altero inter singulas vices. Quâ quidem in re normam mihi statuo Contraindicantia; hinc nempe morbi violentiam, inde verò imminutas fractasque ægri vires ad invicem trutinatas. Et quanquam in curandis morbis integrum mihi esse volo, ut plus minusve sanguinis, pro rei ratione, demendum præcipiam, rarò tamen observavi *Pleuresin* confirmatam in Adultis minori quàm 40. circiter unciarum sanguinis impensâ sanatam: licet in Pueris semel tantùm aut bis secuisse venam ut plurimum suffecerit. Neque, quæ nonnunquam supervenit, *Diarrhœa*, repetendis jam dictis Venæ-sectionibus obicem ponit, quæ quidem ipsa hâc Methodo brevi sistetur, etiam non adhibitis medicamentis restringentibus. Enemata vel in solidum omitto, vel maximâ, quâ fieri potest, inter repetitas Venæ-sectiones intercapedine curo injicienda, eaque non nisi simplicissima illa è Saccharo in lacte soluto. Durante morbo id ago, ne æger nimis exæstuet, ac proinde liberum illi facio ut lecto quotidie eximatur, idque ad horas aliquot, prout vires suaserint; quod quidem tantum est in hoc morbi genere, ut si æger lecto jugiter affigatur, neque hæc tam larga sanguinis evacuatio, neque remedia alia utcunque refrigerantia, ad dicta symptomata perdomanda vel minimum aliquando proficiant. Mox ab ultima Venæ-sectione (nisi fortè prius id contingat) symptomata omnia mitescent, & æger (qui per aliquot adhuc dies, & à liquoribus spirituosus quibuscunque, & a crassioribus cibis ardens est) pristinas vires non ita diu post resumet: quo quidem tempore non abs re erit ut alvus tenuiori aliquo Cathartico sollicitetur.

Jam verò si quem moveat, quòd huic viæ insistent-

stentes, *Expectorationem* vix quidem attingamus, nedum quibus illa rationibus per varia morbi tempora sit promovenda, operosiùs differamus; sciat ille, hæc non per incuriam nobis excidisse, sed deditâ operâ diuque fatis cogitata, neglecta tandem fuisse & præterita: Cùm semper existimaverim in summo discrimine versari illos qui morbum hunc expectorationi eliminandum committerent. Nam ut tædium hujus Methodi, quâ Natura materiæ morbificæ ejiciendæ satagit, omittamus, nimium periculosa insuper res est alex; cùm non rarò eveniat, parte aliquâ materiæ jam concoctâ, fortè etiam per *ἀναγέ-  
σην* rejectâ, reliquam adhuc crudam manere, idque successivè, præstantissimis quibusve remediis maturantibus expectorantibusque incassum usurpatis, cùm expectoratio nunc quidem fatis auspiciatò procedat, nunc penitus supprimatur; ægro interim usquequaque periclitante, atque pro meo in expectorationem imperio (quod sanè nullum prorsus est) sive vivis, sive etiam mortuis adjudicando. Cùm è diverso, mediante Venæ-sectione, morbifica materia penes meum sit arbitrium, & orificium à Plebortomo incisum trachææ vices subire cogatur. Quinimò constanter assero, huncce morbum, qui, si juxta præcepta à nobis damnata tractetur, inter patentissimas orci januas meritò recensetur, æque certò ac tutò, Methodo jam à me præscriptâ (ut de brevissimo quo profligatur tempore nihil jam dicam) ac alium quemlibet morbum debellari. Nec dum mihi innotuit vel minimum damni à tam largâ sanguinis, (ut imperitis videri potest) detractioe cuiquam fuisse illatum.

Sæpe quidem aggressus sum in tractando hoc affectu, *ἡσυχίας* rationem aliquam stabilire, quæ citra ingentem hanc sanguinis jacturam subsisteret: nempe vel humorem resolvendo, vel expectorationis pro-

256 PERIPNEUMONIA NOTHA. Sect. VI.  
motione illum evacuando. Sed nondum ea fors mihi contigit, ut huic ipsi, supra memoratæ, praxi, parem aliquam reperire potuerim; cujus beneficio (non obstante tristi illâ de *Pleuritide sicca*, prognosi) ægrum etiam non moratus expectorationem ab insultu morbi vindico; per ipsum sectæ venæ orificium & Pleuritidi fugam parans & sanitati reditum.

## C A P U T I V.

### *Peripneumonia Notha.*

**S**UB hyemis exitum, Vereque adhuc nascente, quotannis emergit Febris *Symptomatis Peripneumonici* haud paucis conspicua. Paulò habitiores ac crassos ea præ cæteris aggreditur; virilem ætatem vel assequutos, vel etiam (quod sæpius accidit) prætergressos, liquoribus spirituosus (vini maximè spiritui) plus æquo addictos. Cùm enim in hujusmodi hominibus sanguis humoribus pituitosis, brumæ tempore congestis, fuerit oneratus, atque idem ab incunte Vere in novum motum cieatur, Tussis hanc nocta occasionem, mox subingreditur, quâ ministrâ dicti humores pituitosi in pulmones irruunt, quo tempore si fortè æger, nullo vivens consilio, liquores ejusmodi spirituosos adhuc liberaliùs hauriat, crassescente jam ferè quæ tussim excitabat materiâ, & ab ea præcluduntur Pulmonum aditus, & Febris omnem sanguinis massam depascitur. Primo Febris insultu nunc incalescit æger, nunc friget: Vertiginosus est, de capitis dolore queritur lancinante, quoties Tussis importuniùs fatigat. Potulenta omnia vomitu rejicit, nunc sine Tussi, nunc illâ vexatus. Urina turbida cernitur, & rubens intensè. Sanguis detractus Pleuriticorum sanguinem refert. Anhelus sæpenumerò spiritum



Cap. IV. PERIPNEUMONIA NOTHA. 257  
ritum crebrò ac celeriter ducit. Si moneatur ut Tuf-  
sim provocèt, haud aliter dolet caput, ac fi in partes  
mox diffiliret (qua loquendi formula ægri ut pluri-  
mum utuntur;) dolet & Thorax omnis, vel faltem  
pulmonum coarctatio adstantium auribus percipi-  
tur, quoties tuffit æger, pulmone non fe fatis di-  
latante, præclufis adeò ab intumefcentia, ut videtur,  
meatibus Vitalibus; unde intercepta circulatione,  
fanguineque quali præfocato, nulla ferè, præfertim  
in habitioribus, Febris indicia funt; licèt hoc acci-  
dere etiam poffit ob materiæ Pituitofæ copiam, quâ  
horum fanguis gravatus in plenam ebullitionem ne-  
quit affurgere.

#### CURATIO.

In curanda hac Febre id mihi negotii dari fentio,  
ut fanguinem iftum, qui ad Pulmonum & fuffoca-  
tionem & incendium facit, Phlebotomiâ revellam;  
ipfos pulmones remediis Pectoralibus deobftruam  
atque eventilem; & diætæ refrigerantis ope, totius  
corporis calorem compefcam. Cùm verò *hinc* mate-  
riæ Pituitofæ faburra in venis contenta, Pulmonum  
inflammationi fomitem quotidie fubminiftrans, Venæ-  
fectionem sæpe repetitam videretur indicare;  
*illinc* verò obfervatio, quam facere potui diligentiffi-  
ma, me doceret Phlebotomiam sæpe repetitam Fe-  
bricitantium iis qui craffiore effent corporis habitu  
(præfertim ætatis florem prætergreffis,) peffimè  
ceffiffe, atque adeò ab ejuſmodi repetitione haud  
minùs abfterreret; *Catharſin* ego crebriorem Venæ-  
fectioni ſuccenturiabam, quæ ei fatis rectè ſubſtitui-  
tur, in illis qui à largiori & iterata sæpius Phleboto-  
miâ abhorrent. Ad hunc itaque modum proceffi,  
fanguinem è brachio in lecto jacentis extrahendum  
præcepi, nec paſſus ſum ut ex eo ſurgeret ad duas tref-  
ve horas; cùm omnis fanguinis educio, quæ uni-  
verſam corporis compagem labefactat quadantenus

con-

concutirque, hoc pacto facilius tolleretur; ita ut mitius cum ægro agatur cum in lecto cubanti uncia decem fuerint detractæ, quàm si sex septemve tantum amiserit, postquam è cubili surrexerit. Die sequenti Potionem sequentem mane sumendam propino.

℞. *Cassie extract.* ℥ j.

*Glycyrrhizæ* ℥ ij.

*Ficæ pingues* N. iiii.

*Fol. Senn.* ℥ ij. ℞.

*Agarici trochiscat.* ℥ j.

*Coq. s. q. aq. Colar.* ℥ iiii. *dissolve Man-*  
*næ* ℥ j.

*Syr. Ros. solut.* ℥ ss.

Postridie sanguinem secundâ vice mittere soleo, atque interjecto die uno Potionem Catharticam modò præscriptam iterum exhibeo, diebus alternis jugiter repetendam, donec omninò convaluerit æger. Diebus à purgatione vacuis, Decocto Pectorali, *Oleo Amygd. dulc.* ac id genus aliis, ut utatur consulo. A Carnibus & earum jusculo, maximè verò à liquoribus spirituosus quibuscunque, ægrum interim inhibeo; quorum loco Psilanam ex hordeo & liquiritia, (Cerevisiam item tenuem, si eam efflagitet) pro potu ordinario concedo.

Atque istâ quidem methodo vincenda erat *Peripneumonia* hæc *Nottha*, orta ab exundanti colluvie Pituitosa in sanguine aggestâ ob Hyemis analogiam, & in pulmones explorâ; in qua non tantum iterata Venæ-sectio, sed & Cartharialis etiam indicabatur; secus atque in *Vera Peripneumonia*, quam ego ejusdem planè indolis cum *Pleuritide* esse arbitror, atque ab illa in eo tantum differre, quòd *Peripneumonia* Pulmones universalius afficiat. Quin & utrique morbo pari omnino methodo medemur, Venæ-sectione sc. præ cæteris, & medicamentis Refrigerantibus.

*Notthæ*

Notba hæc *Peripneumonia*, licet ad *Asthma siccum* aliquantulum accedat, tum quoad spirandi difficultatem, tum etiam alia quædam symptomata, ab illo tamen satis dignoscitur, cum in ista manifesta Febris atque Inflammationis signa se prodant, quæ in hoc nusquam comparent; quamlibet in hac specie minora sint longè, at obscuriora illis quibus insignitur *Vera Peripneumonia*.

## C A P. V.

*Rheumatismus.*

**N**ullo non tempore incessit hic morbus, maxime *Autumno* & præ cæteris annis florescentes & αὐτὸν ἔλαττον. Hæc ut plurimum occasione nascitur; æger scilicet, five exercitio aliquo vehementiori, five alio modo excalesfactus, mox repentinum frigus admisit. A rigore atque horrore orditur tragœdiam, quos statim excipiunt calor, inquietudo, fitis, & reliqua illa infœlix symptomatum caterva, quibus stipantur Febres. Elapso die uno alterove, (est & ubi citius) æger atroci dolore, nunc in hoc nunc in illo artu infestatur, in carpis, humeris, genibus præsertim; qui locum subinde mutans, vicissim illos occupat, rubore quodam & tumore in parte quàm postremum affecit adhuc residuis. Primis aliquot diebus, Febris & symptomata jam memorata rarè concidunt; Febris autem sensim evanescit, manente dolore, quin & nonnunquam immaniùs sæviente, materiâ scilicet Febrili in artus translata; quod satis arguit Febris ipsa sæpiùs recrudescens ob materiam morbificam ab intempestivo Externorum usu repercussam. Morbus hic quoties à Febre se jungitur, Arthritis sæpe audit; quamvis essentialiter ab illâ distinguatur, prout cui-

vis facillè constabit, cui uterque morbus intimiùs fuerit perspectus: unde forsàn petenda est ratio, cur tam sicco illum pede transiverint scriptores Medici: Nisi forte arbitremur, hanc morbi speciem ad reliquam malorum Iliada de novo accessisse. Ut ut se res habeat, jam plus satis grassatur hic morbus; & licèt rarissimè hominem è medio tollat, Febre semel depulsa, tamen & vehementia doloris & diurnitas eum prorsus contemni non sinunt. Etenim si minùs peritè tractetur, non ad menses tantum, sed annos etiam aliquot, imò per omnem aded vitam miserum haud infrequenter discruciat; quamvis in hoc casu, non eodem semper vigore, sed Paroxyfmis quibusdam periodicè repetitis, ad instar Arthritidis, subinde lacessit: imò verò potest fieri ut ubi diu multùmque vexaverint dicti dolores, tandem sponte desistant; atque interm æger omni membrorum motu ad mortem usque privetur, digitorum articulis quasi inversis, & protuberantiis, ut in Arthritide, nodosis in interna magis quàm externa digitorum parte se prodehntibus: stomacho nihilominus valeat, & cætera sanus vitam toleret.

Est & alia hujus morbi species, licèt non hujus esse profapix vulgò credatur, quæ *Lumbago Rheumatica* aptissimè dicitur: immanis dolor sc. idemque fixus circa lumborum regionem, ipsumque aliquando ad os sacrum se demittens, *Paroxysmum Nephriticum* mentitur; nisi quod æger non vomituriat: nam præter dolorem atrocissimum & vix ferendum circa ipsos renes, aliquando & ureteres per omnem eorum ductum ad vesicam usque, eodem, licèt mitiori, tentantur. Qui & mihi olim imposuit, tanquam à materia aliqua fabulosa in iis partibus hærente penderet; cum reverà materiæ *Rheumatismi* peccanti & inflammatae ortum suum debeat, quæ quidem partes illas jam solas urit, intacto reliquo corpore. Immanis hic dolor,

dolor, nisi abigatur eodem modo quo prior species, pariter etiam perdurat, pari sævitiâ excrucians; adeò ut miser nequeat procumbere, sed vel è lecto exiliat, vel super eodem erectus sedeat, corpore interim perpetua agitatione nunc versus anteriora, nunc posteriora inclinato, reductoque.

## C U R A T I O.

Cùm utraque hæc morbi species ab inflammatione videatur oriri, quod tum jam dicta arguunt Phænomena, tum præsertim sanguinis Venæ-sectione educti color, utpote qui Pleuriticorum sanguini tam est similis quàm ovum ovo, neque quitquam repariatur, qui hos inflammatione laborare vel quidem dubitaverit: his, inquam, ita se habentibus, censeo ego, Curationem non aliunde quàm à Phlebotomia debere sumi, sanguine interim contemperato, ejusque nimio fervore represso, tum medicamentis refrigerantibus atque incrassantibus, tum etiam conveniente regimine.

Ac proinde, ut primum accersor, statim sanguinis  $\zeta$  x. brachio lateris affecti mitti jubeo, & Julapium refrigerans incrassansque ad hanc ferè normam præscribo.

℞. *Aq. Nymph. Portulac. & Lactuc. an.*

$\zeta$  iiij.

*Syr. è succo citri*  $\zeta$  j.  $\mathcal{R}$ .

*Syr. Viol.*  $\zeta$  j.

*M. F.* Julap. de quo bibat ad libitum; vel etiam Emulsionem in curatione morbi Lateralis jam descriptam. Ad dolorem sedandum, Cataplasma è mica Panis siliginei & lacte croco tincto, parti affectæ applicandum, & sæpe renovandum curo. Diætam quod spectat, carnibus prorsus interdico, quin & eorum jusculo quantumlibet tenui limpidoque, quibus substituo juscula Hordacea, Avenacea, Panatellam, &c. ejusmodi. Cerevisiam tenuem mitemque pro potu

potu tantum concedo, vel etiam (quæ magis ad rem facit) Ptisanam ex hordeo, rad. Liquerit. Acetosa, &c. in aqua fontan. incoctis. Volo interim, ut per aliquot horas singulis diebus lecto se abstineat, cum calor qui à jugi decubitu nascitur, morbum promoveat intendatque.

Die sequente sanguinis tantundem detrahi præcipio; atque intercalato die uno alterove, pro ægri viribus, tertio; dein interjecto trium quatuorve dierum intervallo (prout ægri vires, ætas, constitutio, aliæque circumstantiæ suadent monentque) quarto, atque ultimò ut plurimum, Venæ-sectionem repeto: raro enim usu venit ut ultra quartam vicem venam incidamus, nisi vel regimen iusto calidius præcefferit, vel medicamina calidiora ægro præter necessitatem fuerint ingesta. Quin & Anodyna sive Paregorica dicta Remedia effulsiorem sanguinis missionem postulant: Quamobrem, ut ut sæviat dolor, per omnem hujus morbi decursum religiosè mihi ab his temperandum existimo, cum illorum usu figatur morbus, neque tam facilè Venæ-sectioni cedat; quæ ideo ob hæc ipsa medicamenta officiosè nimis exhibitæ, sæpiùs quàm erat opus, celebranda est. Quid quòd & in morbi statu, neque eam quam titulo pollicentur, *ἀλγησίαν*, valeant præstare.

Interim dum prædicta remedia, Diætaque sedulò usurpantur, Enema è Lacte Saccharato subinde injici curo, diebus scilicet à Phlebotomia vacuis. Porrò ut hæc omnia ad dies minimum octo ab ultima Venæ-sectione diligenter observentur, seriò hortor moneoque; quibus elapsis, Potionem Catharticam è Lenitivis præscribo mane hauriendam, & insequentibus vesperi, dosin paulò liberaliorem *Syr. de Meconio in Aqua s. Paralyf.* quo sc. sanguinis orgasmus, unde & recidivæ periculum aliter intentari poterit, penitus reprimatur. Quibus ritè peractis, ut in pristinum

num vitæ genus (quoad victum, exercitia, atque aërem) pedetenim se recipiat, lubens patior, ita tamen ut neque vinum, neque liquorem spirituosum quemlibet, neque etiam cibos, sive sale, sive aromatis conditos sive etiam *διὰ τῆς* quæcunque, nisi diu postea, degustare liceat.

Post venam, quoties supra innuimus, pertusam, ægri dolores admodum imminuentur, neque tamen adhuc profusus evanescent; at verò resarcitâ, quam fecerat sanguinis detractio, virium jacturâ (superveniente maximè proximo illo anni tempore, quod magis faciet ad redintegrandum corporis robur, quam id quo primùm decubuit æger) symptomata ad unum omnia certò certius cessabunt, atque æger pancreaticè imposterùm valebit.

Jam verò, tametsi prædictâ Methodo, aut aliâ huic simili, tempestivè atque sub ipso morbi ingressu adhibitâ, eum, quem jam dixi, finem, ut plurimum fortiatur; non rarò tamen accidit, ut ubi æger per errorem contrario planè modo fuerit tractatus, doloribus vagis, nunc quidem mitioribus, nunc verò atrocioribus, per omnem vitam miserè discrucietur: qui quidem mihi cauti nullo negotio imponunt, & pro *Scorbuti* symptomatis vulgò habentur. Hic enim obiter, sed & liberè tamen dicam, quòd licet nullus dubitem quin *Scorbutus* in his Plagis Borealibus revera inveniat, tamen eum morbum non tam frequentem, quàm fert vulgi opinio, occurrere, persuasum mihi habeo; multos autem ex iis Affectibus (nè plurimos dicam) quorum nomine *Scorbutum* incusamus, vel morborum *Fientium*, nondum verò *Factorum*, quique nullum adhuc certum induerunt Typum, effecta esse; vel etiam infœlices reliquias morbi alicujus nondum penitus devicti, à quibus sanguis cæterique humores contaminantur: Verbi gratiâ, quibus in corporibus materia aliqua

*Arthritidi* producendæ apta recens generatur, nondum tamen in artus depluit, varia se ostendent symptomata, quæ *Scorbuti* suspicionem facient, donec *Arthritis* jam formata, atque actu se exerens, nullum amplius dubitandi locum relinquat. Neque ignoramus, non pauciora symptomata *Scorbutum* mentientia, *Podagricos* jam à Paroxyfmo liberatos infestare; dum scilicet vel intempestivo evacuantium usus, vel ægri affecta ætas, vel alia aliqua causa, naturam interpellaverit, quò minus materiam omnem Arthriticam in artus exonerare valuerit; quæ adhuc retenta, cum *ἡ ἀνεπιτόδευος* existat, totam sanguinis massam inquinat, & confertissimo pessimorum symptomatum agmine hominem laceffit. Quod quidem non de *Arthritide* tantum, sed & de *Hydrope* adhuc incipiente dictum volo; de quo morbo licèt vulgò jactetur, *Ubi desinit Scorbutus ibi incipit Hydrops*; hæc tamen regula sæpe sæpiùs non aliter est accipienda, quàm quòd, ubi primum se *Hydrops* manifestis prodit indiciiis, præconcepta de *Scorbuto* opinio statim collabescit. Potest & idem hoc affirmari de quàm plurimis aliis morbis Chronicis, vel adhuc in corpore humano nascentibus, quique proinde nondum certum aliquem sibi cuderunt Typum; vel etiam de illis, qui, licèt partim fugati sunt; nondum tamen penitus debellati exterminatique videntur. Et sanè nisi hoc concedamus, *Scorbuti* nomen, uti hodie fit, in immensum crescet, & omnem ferè morborum numerum absolvet. Cùm, si id sedulò agamus ut abdita cujusque morbi penetralia perscrutemur, eumque post irregularium symptomatum vela latentem eruamus, suã se mox specie sit proditurus, & ad illam ad quam attinet familiam haud difficulter relegandus. Quin & Methodus quã hujuscemodi morbi sunt abigendi, non adulterinis illis symptomatis, sed ipsi morbo, qualifnam is demum

N

faci

pe c

quic

ito

min

auē

ceit

pit

rut

fēd

pt

co

no

ob



num fuerit, ceu perfectè formato, jamque actu existenti accommodanda.

Sed hîc notandum, non aded consultum esse, quando *Rheumatismus* aliquot annorum Diurnitate altas radices egit, sanguinem tam brevibus ac sub ejusdem primordiis fiebat, intervallis mittere; quin præstare, septimanarum aliquot intercapedine repetitas illas Venæ-sectiones determinare; quæ tandem vel penitus materiam morbificam averruncebunt, vel saltem eò conducent, ut Fontanella in crurum alterutro excitatâ, & Spiritu Volatili Domini Doctoris *Godlard*, in vino Canarino mane & serò exhibitò, reliquæ ejus extirpentur.

## C A P. VI.

### *Febris Erysipelatosa.*

**N**ULLAM non corporis partem, idque nullo non tempore incesit hic morbus, at præ reliquis faciem, exeunte præsertim æstate; quo tempore sæpe dum sub dio versatur, corripitur æger. Faciès siquidem ex improvîso in tumorem atollitur, qui subito exorsus cum dolore ruboreque summis densò minimarum pustularum ordipe distinguitur, quæ auctâ magis inflammatione in vesiculas subinde factissunt: hinc per frontem ipsûmque caput latius ferpit, oculis interim tumoris magnitudine planè obrutis (rusticis *Syderatio* audit;) neque multùm profectò abludit, nisi quod adsunt pustulæ, ab iis symptomatis quæ inflicta ab apum vesparumque aculeis comitantur vulnera. Hoc se habet modo *Erysipelatis* notissima species ac vulgaris.

At verò quamcunque corporis partem hoc vitium obfederit, ut etiam quocunque anni tempore, rigor

atque horror, nisi præcefferint ( quod nonnunquam pridie, aut nudius-tertius solet contingere, ) huic se inflammationi ut plurimum adjungunt, sitis insuper, inquietudo, ac reliqua Februm indicia. Procedente morbo, uti primùm Febris dolorem, tumorem, atque alia peperit symptomata, ( quæ indies ingravescentia nonnunquam in *Gangrana* terminantur, ) ita hæc invicem haud mediocrem ad Febris augmentum conferunt operam, donec remediis idoneis utraque restinguantur.

Est & alia hujusce morbi species, licèt rariùs occurrens: Hæc quolibet anni tempore invadit, idque hæc ut plurimum *œtate*, quòd scilicet æger vinorum subtilium magis magisque attenuantium potationi paulò liberaliùs indulerit, aut liquoris similis spirituosi. Febriculam, quæ agmen ducit, mox excipit pustularum per universum ferè corpus eruptio, quæ urticarum puncturas referunt, & nonnunquam in vesiculas attolluntur, mox recedentes, tuberculorum more sub cute se condunt cum pruritu mordacissimo & vix tolerando.

#### CURATIO.

Hic ego materiam peccantem sanguini permixtam ritè evacuandam, ejusdemque sanguinis ebullitionem remediis illum contemperantibus sufflammandam censeo; eam denique, quæ jam partibus impacta est, materiam evocandam discutiendamque.

Hæc ut fiant, ubi primùm accedo, satis largam sanguinis quantitatem è brachio extrahi præcipio, qui quidem Pleuriticorum sanguinem ferè semper æmulatur. Die sequente blandam illam Potionem Catharticam mihi in Praxi familiarem exhibeo, & horà somni ( si paulò frequentius dejecerit æger ) haustum aliquem Paregoricum e. gr. *Syr. de Meconio in Aq. fl. Paralyf.* vel alium ejusmodi. Peractâ

actâ Catharfi, partem affectam sequenti Decocto fo-  
veri jubeo.

- ℞. Rad. Alth. & Lil. an. ℥ ij.  
Fol. Malv. Sambuc. Verbas. an. M. ij.  
Flor. Melilot. summit. Hyper. & Centaur. min.  
an. M. j.  
Sem. Lini & Fenugr. an. ℥ ℞.  
Coq. in s. q. aq. ad ℥ ij.

Coletur liquor & tempore usûs adde singulis libris  
Decocti; Spir. Vin. ℥ ij.

Stuphæ è panno lanco levis texturæ hoc decocto  
immersæ ac expressæ, calidè admoveantur parti  
bis in die, quæ post fotum quotidie illinatur seq.  
mixturâ,

- ℞. Spir. Vin. ℥ ℞.  
Theriac. Androm. ℥ ij.  
Pulv. Piperis longi, Caryophyll. an. ℥ ij. M.

Charta Emphoretica hâc mixturâ madefacta parti  
circumvolvatur.

Æger insuper ut jusculis tantum hordeaceis atque  
avenaceis, cum pomis assatis vescatur, volo; tum  
etiam cerevisiâ utatur tenuissimâ, & per horas aliquot  
singulis diebus à lecto sibi temperet. Hâc methodo  
tum Febris, tum alia symptomata citissimè ut pluri-  
mum fugantur. Sin aliter, rursus venam seco; quod  
& tertium nonnunquam fieri debet, interposito sem-  
per die uno, si prava nempe adsit sanguinis diathesis,  
& Febris intensior. Diebus à Venæ-secctione liberis  
Enema è Lacte cum Syr. Violaceo, & Julap refri-  
gerantia ex Aq. Nymph, &c. in Rheumatismi cura-  
tione jam dictis, qualibet horâ dici usurpanda præ-  
scribo. Ut plurimum verò unica Venæ-secctio & sub-  
sequens Catharsis, si tempori adhibeantur, rem  
expediunt.

Quæ urticarum puncturas, cum pruritu, refert species pari modo est amolienda, nisi quod hæc remediis ab extra applicandis minùs egeat.

## C A P. VII.

### *Angina.*

Quolibet anni tempore aggreditur, maximè tamen illo quod Ver atque Æstatem interjacet, juvenes præ cæteris, & temperamento sanguineo præditos; Rufos etiam, quòd non semel obiervavi, præ reliquis omnibus. Rigent horrentque mox à primo morbi insultu, sequitur Febris, & paulò post dolor, & Faucium inflammatio; cui nisi maturè succurratur, æger statim nec deglutire valet amplius, nec spiritum per nares ducere, sed cum sensu quodam strangulationis præcluduntur Fauces ab inflammatione & tumore Uvulæ, tonsillarum, laryngis, ita ut tantum non suffocetur. Ingens ab hoc morbo periculum, utpote qui paucis nonnunquam horis hominem jugulat; quoties scilicet magna vis materiæ Febrilis in prædictas partes conjicitur, neque satis tempestivè convenientium remediorum usu, ingruenti occurritur procellæ.

### C U R A T I O.

Opem laturus, sanguinem cum primis è brachio copiosè detraho, mox ex ranula utraque; dein, ut partes inflamatæ melle Rosaceo spiritu Sulphuris ad summum acorem permixto, tangantur, author sum: mox Gargarisma sequens præscribo, non vulgari modo usurpandum, sed ita ut in ore sine ulla agitatione contineatur, donec incalescat, dein expuatur & repetatur subinde.

℞. Aq.

ct. VI.  
refert  
hæc re-

Cap. VII. A N G I N A. 269

R. Aq. Plantag. Ros. rubr. & Sperm. Ranar.  
an. ꝑ̄ iij.

Album. ovorum in aquam agitando redact.

N. iij.

Sacck. cand. Alb. ꝑ̄ iij.

F. Gagarisma. Jubeo etiam ut de Emulsione in cura Morbi lateralis præscriptâ vel simili, indies sumat.

imè ta-  
erjacet,  
guineo  
ervavi,  
x à pri-  
ost do-  
rè suc-  
ius, nec  
odam  
amma-  
s, ita ut  
o peri-  
homi-  
riæ Fe-  
is tem-  
gruenti

Sequenti mane, nisi Febris & dolor inter degla-  
tiendum perceptus aliquantulum remiserint, venam  
in brachio rursus ferio, Catharsi in diem posterum  
rejectâ. At si utraque hæc minuatur, Catharticum  
Lenitivum statim exhibeo; quod quidem post san-  
guinis missionem præ omnibus aliis perutile, ac ap-  
prime necessarium esse multiplici experientiâ com-  
perii. Si fortean, quod quidem oppidè rarum est,  
Febris, aliæque symptomata, etiam post Catharsin,  
belum minentur, iteratâ, ut prius, Venæ-sectione  
perdomanda sunt. Per integrum hujusce morbi de-  
cursum, Enema Refrigerans Emollientque omni ma-  
ne, dempto illo quo Catharsi vacat, injiciendum,  
atque ægrum hoc pacto reficiendum quotidie præ-  
cipio. Carnes, cujuscunque demum generis, ut &  
juscula ex iis parata, sacra sunt, jusculis verò hor-  
deaceis, avenaceis, pomis coctis ac id genus aliis ve-  
scitor, prifanâ ex hordeo, vel cerevisiâ tenuissimâ  
utor. Lectulo interim per horas aliquot quotidie  
abstet, cum hujus tepor tum Febri, tum reliquis  
symptomatis, quæ hæc methodo expugnare satago,  
vires addat. Animadvertendum est autem, quòd isti-  
usmodi Angina, quæ Febris, mihi Stationariæ dictæ,  
symptoma tantum est, illâ ipsâ methodo curari amat,  
quam Febris ea sibi vendicat, ac proinde vel per Ag-  
pogon, & cutis spiracula exterminanda est, vel per  
aliam qualemcunque medendi methodum, quæ Fe-  
bri Primariæ, cui inhæret, debetur.

Sunt

R. Aq.

Sunt & aliæ Febres *Intercurrentibus* jure merito annumerandæ, quæ, quoniam aliquo modo immediate ab initio sibi parant, & in hoc vel illo symptomate definunt, vulgò Febres non habentur; licet tales ab origine verè fuerint, atque Affectus ille à quo morbus nomen mutuatur, Febris tantùm sit *symptoma*, quæ in illo demum terminatur. Impræsentiarum duas tantùm, *Hæmorrhagiam* scilicet *Narium*, ac *Hæmoptoen*, leviter perstrigam.

#### HÆMORRHAGIA NARIUM.

*Hæmorrhagia Narium* quavis anni tempestate infestat, præcipuè sanguine perfervido, temperamento verò debiliore præditos; idque magis ætate ingravescente, quàm adolescente. Primo ut plurimum appulsu Febris præ se fert indicia, quæ dè repente sibi per nares, quæ data porta, faciente viam, dolor & calor sinciput adhuc torquent. Sanguis ad horas aliquot profluit, dein aliquandiu sistitur, mox denuò erumpit, atque hæc vicissim: donec tandem vel remedium usu, vel sponte sua ob imminutam copiam deperditam cohibitus, omnino cessat; ita tamen ut ægro singulis annis à recidiva metuendum sit, si vel à liquoribus spirituosius, vel aliâ occasione quâlibet æstuarè contingat.

Eum hîc mihi scopum propono, ut sanguinis fervor nimius atque Ebullitio, unde oritur dicta præter naturæ modum extravasatio, frænâ omnibus compescatur, ejusque impetus aliò vertatur. Ea propter frequenter brachii venas tundo, & sanguinem liberaliter extraho, *Pleuriticorum* sanguini colore semper respondentem. Victus rationem refrigerantem atque incrassantem injungo. Ut Aq. fontan. partes tres, Lactis unam simul coctas, & frigide hæuriendas, poma cocta, juscula hordacea, & similia à carnibus abhorrentia. Julapia insuper refrigerantia atque incrassantia, unâ cum Emulsionibus, in morbis Inflammato-

matoris supra descriptis. Lectulo item ut absistat per aliquod spatium cottidie, moneo; tum ut nullo non die injiciatur Enema leniens refrigeransque, nec vel semel quidem omittatur: Haustu quinetiam horâ somni Paregorico è Diacodio, ceu catenâ, constrictus sanguinis furor coërceatur. At verò, quando hujusmodi Hæmorrhagias non rarò comitetur lympha acrior, quæ sanguini permista ejus morum adjuvat, venarum orificia referando, præter revulsionem & refrigerationem, solenne mihi est Catharticum blandius vel in ipsius morbi *â. p. n.* propinare, cujus operatione finitâ, Anodynum exhibeo præter solitum viribus auctum, & ubi symptoma penitus evanuerit, aliud demum Catharticum.

## H Æ M O P T O E.

*Hæmoptoe* etiam, quæ in ætatis ac veris confinio homines calidioris temperamenti, at minùs robusti adoritur, & quorum pulmones minus rectè valent, præ senibus item juniores, ejusdem ferè indolis cum Hæmorrhagia jam tractatâ mihi est; cum & hæc quoque Febris sit, quæ tam nomen, quam essentiam exuit suam illâ quâ soluta est Crisi; hoc ferè tantum discrimine, quòd in morbo *priori* sanguis nimium agitatus in narium venulas, in *hoc* verò in pulmones impetum fecit; utque in illo, durante fluxu dolor & calor sinciput jugiter lancinant, ita in hoc pectus & calor obsidet cum debilitate quadam. Quin & hoc uterque obsidet cum debilitate quadam. Quin & hoc vitium eandem ferè quam Hæmorrhagia methodum medendi sibi vendicat, nisi quòd Catharsim minùs ferat, à quâ, præsertim repetitâ, æger facile in tabem conjicitur. At Phlebotomia crebrò celebrata, Enema quotidie injectum, Diacodium horâ somni propinatum, Diæta insuper, & medicamenta, tam incrassantia, quàm refrigerantia, opus pro voto absolvent.

Atque hæc sunt quæ hæcenus observavi de numero-

merosa ista Morborum Tribu in varias familias differtitâ, qui *Febrium* sub nomine censentur, atque de iis symptomatis quæ ab illa pendent; in quibus id ferid egi, ut nullas Putationes meas, nulla imaginaria Cerebri commenta orbi venderem; animo verò sincero candidoque, nullique adeò Hypothesi adstricto, eorum Historiam & naturalia Phænomena aliis traderem; Curationes etiam pari fide & cautelâ pari subnecterem. Quòd si vehemens desiderium Methodum certiorum minúsque lubricam in utilissimo tuendæ mortalium vitæ negotio expiscandi constabiliendique, me in semitas nullo antea pede calcatas pertraxerit; nemo Eruditorum, uti spero, mihi imputabit, quòd vel spretis aliorum iudiciis meo nimium fidam, vel rebus studeam novis; cum & non spernendus rerum eventus mihi hæc investiganti ingentes hucusque animos addiderit, & posterorum experimenta sine dubio meam fidem sint liberatura. Et profectò haud oscitanter impugnandum est hoc morborum tam pestiferum agmen, quod nullo non die cum genere Humano bellum gerit internecinum atque *ἀσπυδι*; & cujus telis duo ad minimum hominum trientes, si eos demas qui violentâ morte perimuntur, confossi quotannis occumbunt. Indefinites horum morborum imperus, & quotidianæ, quas etiam de viris robustissimis & ætate maximè florentibus reportabant, Victoriæ, (non obstantibus suppitiis iis omnibus, quas nobis hæctenus atculere speciosæ istæ Methodi in speculativorum libris fati fidenter descriptæ) animo meo hæc primùm agitanti minús satisfaciebant; cum reapse cernerem, ludicra ista Cerebroforum commenta ita parùm ad redintegrandam ægrorum sanitatem conferre, ut qui ad Asyla hæc confugerant, quicquid pollicitarentur Thrasones Dogmatici, haud meliori in loco essent, quàm qui æglectâ Arte se totos naturæ permiserant. Si quid

Cap. V  
ego hinc  
tatis, c  
curru  
cundiâ  
pum c  
impro  
colloc  
jam ha  
quam  
quæ a  
diem



ego hîc egero, quo vel periculi, vel etiam difficultatis, quæ in his morbis persanandis plerumque occurrunt, pars aliqua levetur, (quod, salvâ Verecundiâ, me mihi polliceri posse saltem spero) scopum quadantenus assequutus sum, & dulcissimum improbi laboris in bono Proximi quærendo rectè collocati, fructum fero. Hæc præcipua ferè sunt quæ jam habeo comperta, (vel saltem ad methodum aliquam novi reducere,) circa *Febres, & symptomata* quæ ab eisdem pendent, ad hunc usque 30 *Decembris* diem An. 1675. quo hæc conscribo.

**F I N I S.**

Δόξα τῷ κυρίῳ ἐν παντί ὡς ἔσται.

INDEX

# I N D E X

## A C C U R A T I S S I M U S .

### A.



- B Aëris occulto quodam vitio varii nascuntur morbi. 79.
- Aër terrenis effluviis inquinatus Epidemicorum morborum causa. 219.
- Aëris manifestæ qualitates morbos Epidemicos variè moderantur. 6.
- Aëris dispositio sola Pestem vix potest suscitare. 81.
- Aëris mutatio in Febribus chronicis valdè nonnunquam est salutaris. 67.
- Quo morbi tempore fieri debet. 68.
- Affectus quidam Scorbuti nomine perperàm insigniuntur. 263, 264.
- Alexipharmaca pleraque calida sunt. 86.
- Alexipharmaca occultâ quâdam indolè agere necdum constat. 87.
- Alexipharmaca fortasse sudores solùm movendo sua agunt. 87.
- Alvi profluvium & Vomitus à Sudore sedantur. 99, 100.
- Amentia sive Mania post Febres Interim. Autumnales. 74.
- Angina à quo aëris temperamento plerumque oriatur. 6.
- Angina* quando & quos præcipuè infestet. 268.
- Ejusdem Symptomata. 268.
- Prognosticon. 268.
- Curatio, per Venæ-sectionem. 268, 269.
- Mel rosaceum Spiritu Sulphuris impregnatum. 268.
- Gargarisma. 268, 269.
- Emulsionem. 269.
- Enemata. 269.
- Lene Catharticum. 269.
- Dietam. 269.
- Anginæ Symptomata Cura. 269.
- Anginæ Epidemicæ. 243.
- Angicula Medicorum Simiæ stolidæ ac infelices. 129, 132.

# INDEX ACCURATISSIMUS.

Annorum Constitutiones variæ ab occulta aëris alteratio- ne.	6.
Anodynæ post Purgans exhibendi formula.	262.
Aphthæ in Dyſenteria.	158.
Apoſtema quid fit?	141, 142.
Apoſtematis cum Febre analogia.	141, 142.
Apozematis post Febres Autumnales uſurpandi formu- la.	70.
Apozema peſtorale in Pleuritide.	253.
Appetitui ægrorum, licet incongruo, quandoque indul- gere oportet.	212, 213.
Aquæ Cardiacæ temperatæ.	162.
Aquæ Menthæ in Vomitu valdè ſalutaris.	46.
Aquæ Roſarum capiti applicita vigiliis medetur.	39.
Ars Medica valdè adhuc imperfecta.	212.
Arthritis.	259.
Arthritis Naturæ medicatricis inſtrumentum.	2.
Arthritidem præcedentia & conſequentia Symptomata Scorbutum mentiuntur.	264.
In Arthritide materiæ morbiſicæ reſuſcitatio ſummè no- xiuſ.	89, 90.
Aſthma ſiccum.	259.
Autumno humores ſunt viſcidioſiores quàm Vere.	53.
<b>B.</b>	
<b>B</b> otanica ſenſuum teſtimonio debet inniti.	13.
Bubones in Peſte.	85.
Bubonum in Peſte exortus.	84.
Bubo Peſtilentialis interdum ex improviſo diſparet.	89.
<b>C.</b>	
<b>C</b> alculum Renum ſimulans affectus.	196.
Calculum Veſicæ ſimulans affectus.	196.
Ejuſdem memorabile exemplum, Vulgariâ contra Calculum Veſicæ remedia hic noce- bant, proderat verò Narcoticum.	196. ibid.
Cardiacorum virtus.	60.
Cardiaca moderata.	31.
	Eorun-

I N D E X

Eorundem formulæ.	ibid.
Cardiaca generosa.	75.
Cataplasmata in Rheumatismo.	261.
Catarrhi Epidemici Ann. 1675.	201, 202.
Cholera Morbus quo anni tempore invadere solet.	153.
Cholera Morbus vix ultra mensẽm solet extendi.	8.
Cholera Morbus ab ingluvie & crapula.	153.
In Cholera Morbo cave ne Vomitus intempestivè cohibeas.	24.
<i>Cholera Morbus Epidemicus</i> Ann. 1669.	148. 152.
Solo Mense Augusto grassabatur.	148. 155. 156.
Diversum ab alio ingluviẽ sequente genium habebat.	153. 155.
Symptomata ejus.	153.
Prognosticon.	153.
Curatio, per Cathartica, Narcotica & Adstringentia valdè nocebat.	153. 154. 155.
Evacuantia & simul diluentia. 154. ut, Decoctum Pulli tenuis, bibitum & Clystere injectum.	154.
Additis Syrupis refrigerantibus.	ibid.
Paregoricum.	154.
Laudanum subinde mox absque præmissis diluentibus exhibendum.	155.
Cholera sicca.	153.
Clysteres in Soporosis affectibus valdè utiles.	206.
Clysteres in quibusdam Colicis plus nocent quàm profunt.	191. 197.
Clysterum frequens usus in Februm declinatione vitandus.	28. 230.
Clysteres in Senum Febris minus tuti.	27.
Clysterum frequens usus in Hypochondriacis & Hysteriis nocet.	230.
Clyster in Diarrhoea.	43.
<i>Colica, non cruda, sunt medicanda.</i>	144. 209.
<i>Colica Biliofa</i> ab Ann. 1669. ad 1672. grassans.	187.
Cum Dysenteria ejus temporis quandam habebat astringentiam.	188.
Juvenes præsertim invadit.	188.
Ejus symptomata.	188.
Nun-	

ACCURATISSIMUS.

	Nonnunquam gignit Iliacam passionem.	188.
	Causæ.	189.
	Duæ Indicationes Curativæ.	189.
	Curatio, per Venæ-sectionem.	189.
	Anodynum. 189, 190, 291. quod nonnunquam abique præmissis evacuationibus mox ac solum exhibendum.	191, 192. 189, 190.
	Lene Catharticum.	189.
	Interdum Vomitionem:	189.
	Fortius Catharticum.	189.
	Hæc methodus multum præferenda vulgari per Ene- mata.	191.
	Curationis hujus per repetitum Narcoticorum utrum feliciter institutæ exemplum.	192.
	Recidiva hujus mali præcavetur Anodyno aliquoties exhibito, & Equitatione vel Vectione. 192, 193.	192, 193.
	Hujus Curationis per Anodyna & Equitationem fel- citer peractæ exemplum.	193.
	Qualis hic observanda Diætæ. 194. Oportet ut sit ex- acta.	194. Oportet ut sit ex- ibid.
	Quandoque Liquores Spirituosi in usum vocandi. 194.	194.
	<i>Colica Histerica.</i>	195.
	Quales sceminae eidem præ cæteris sint obnoxia.	195.
	Ejus Symptomata.	195.
	Colicam Biliofam ad amussim imitatur.	196.
	Vomitu rejiciuntur viridia.	197.
	Emeticis non emendatur hic vomitus.	197.
	Oritur potiùs à Spirituum <i>âraçia</i> , quàm humorum vitio.	197. 197.
	Causæ antecedentes.	197.
	Prognosticon.	197.
	Curatio Doloris in hoc affectu.	197, 198.
	Evacuaciones hic plerumque nocent. 197. per Ano- dina. 197, 198. Quibus tamen aliquando Ve- næ-sectio & Purgatio præmittendæ.	198.
	Recidiva à levissimâ animi vel corporis commotione infertur.	195.
	Color excretorum sæpè nullam Practico suggerit indica- tionem.	197. Coma

I N D E X

Coma in Febre Epidemicâ ab An. 1673. ad 1675.	203, 204
Coma in Variolis.	116, 130
Constitutio Epidemicâ quælibet suas habet periodos.	152
Constitutiones Epidemicæ quinque ab Authore memoratæ.	236
Contagium quomodo propagetur.	233
Convulsionibus obnoxia est quælibet corporis pars.	196
Convulsiones pro partium, quas invadunt, diversitate varios gignunt vel simulant affectus.	196
Præstant hîc Narcotica præ omnibus aliis.	ibid.
Convulsio Dentitioni Infantum superveniens solâ Venæsectione curatur.	179
Specifica vulgaria hîc minus tuta sunt.	179
<i>Cortex Peruvianus</i> , inter anti-quartanaria hæctenus unicum.	64
Febrem sæpiùs suspendit quàm debellat.	64, 65
Præstat in progressu quam initio morbi eum ingerere.	65
Venæsectio & Purgatio in ejusdem usu omittendæ.	65
Methodus eundem exhibendi.	65, 66
Non unâ sed repetitis vicibus sensim propinandum.	65
Poterit etiam in Tertianis prodesse.	66
Croci metallorum Infusio.	136
Curationis in morbis acutis rectè institutæ character.	174

D.

<b>D</b> ebilibus adolescentulorum accubitus mirè interdum prodest.	36
Decoctum album ex pane & Cornu Cervi.	184
Dentitioni Infantum superveniens Convulsio solâ Venæsectione curatur.	179
Specifica vulgaria hîc minus tuta sunt.	179
Despumatio in Febribus Intermit.	49
Diæta Febrim præcavens.	228, 229
Diarrhææ remedia.	222
<i>Diarrhæa in Febre Contin. Epidem.</i> ab Ann. 1661, ad 1664.	42
Plerumque Symptomata est.	43, 44
	Vomi-

ACCURATISSIMUS.

	Vomitorii indicati omissionem sequitur.	42.
03, 204	Curatio, per Emeticum. 43. à quo exhibitò tamen	
16. 136	interdum oritur.	43.
os. 152	Clysterem.	43.
memoria	Objectio circa curam hujus symptomatis, scilicet an	
236	permittendum vel sistendum.	43, 44.
233	<i>Diarrhœa Epidemica ab Ann. 1667. ad 1669.</i>	105, 146.
196	Causa ejus.	147.
Grate va-	Eandem cum Febre hujus Constitutionis indolem ha-	
196	bebat.	146, 147.
ibid.	Vix tamen sibi junctam habebat Febrim.	147.
à Venæ-	Symptomata simul affligentia.	147.
179.	Curatio, per Remedia in Febre hujus Constitutionis	
179.	adhibita.	147.
us uni-	Methodus in ordinariis Diarrhœis adhiberi solita hinc	
64	infeliciter cessit.	147.
64, 65.	Diarrhœa in Variolis.	126.
n inge-	Diarrhœa Variolarum <i>Confluentium</i> comes.	113.
65.	Diarrhœa in Variolis <i>Distinctis</i> noxia, in <i>Confluentibus</i> sa-	
ndæ. 65.	lutaris.	132.
65, 66.	Diarrhœæ post Morbillos Curatio per Venæ-sectionem.	178.
us. 65.	Diarrhœa symptomata Ann. 1675.	201, 204.
66.	Diarrhœa in Febribus unde oriatur.	140, 141.
136	Diarrhœa Pleuritidi superveniens.	140, 141.
174.	Diascordium.	25, 125.
	Diascordium singultui medetur.	42.
	Digestiva ob materiæ crassitiem evacuationi permittenda.	141.
terdum	Dolores partium à Convulsionibus.	196.
36.	Dysenteria Febris est sui generis.	161.
184.	Dysenteria quo anni tempore invadere solet.	156.
Venæ-	Dysenteria symptomata.	157, 158.
179.	Dysenteria Causa.	161.
179.	In Dysenteria mucosæ dejectiones unde.	161.
49.	Dysenteria periculosus est affectus.	157.
3, 229.	In Dysent. meri sanguinis dejectio interitum minatur.	158.
222.	In Dysent. Intestina quandoque <i>Gangræna</i> afficiuntur.	158.
1, ad	Dysenteria circa Æquinoctium autumnale grassantes.	10.
42.		Dy-
3, 44		
omi-		

I N D E X

Dysenteria Epidemica.	8.
Dysenteria in Variolis.	224.
Dysenteria Epidemica, Ann. 1669.	148. 156.
Dysenteria Epidem. Ann. 1670.	150.
Dysenteria Epidem. Ann. 1671.	150.
Dysenteria Epidem. Ann. 1672.	151, 152.
Dysenteria Epidemica Ann. 1669. & seq. quam cum aliis Dysenteris affinitatem habuerit, non constat.	158, 159.
In initio vehementior at pauciores, in progressu lenior at plures infestans.	160.
In initio subtilioris in progressu crassioris naturæ e- rat.	160.
Causæ.	161.
Curatio, per Venæ-sectionem.	161.
Paregoricum sive Contemperans.	161, 162, 163.
Leue Catharticum.	161.
Rheum solum hic non conveniebat.	161, 162.
Paregoricum mox finitâ Cathartici operatione pro- pinatum.	162.
per Cardiacâ.	162.
Dietam.	162.
Curationis hujus feliciter peractæ exemplum.	163.
Circa Curationem hujus Dysenteriae in Infantibus quænam observanda.	163.
Aliam in initio grassationis quàm in progressu Cura- rationem requirebat.	165.
In initio grassationis instituta Curatio.	165.
per Venæ-sectionem, & Serum Lactis propina- tum, & Clystere injectum.	ibid.
Dietam Lacteam.	ibid.
Curationis hujus feliciter peractæ exempla.	166.
Dysenteria Symptomatica, Ann. 1675.	201. 204.
Dysenteria Hibernorum Endemia.	158.
Dysenteriae sæpiùs se jungunt <i>Aphthæ</i> .	158. 169.
Dysenteriae cum Torminibus siccis Curatio.	165.
Dysenteria diuturna desinit in <i>Tenesmum</i> .	158.
Dysenteria quandoque per annos aliquot affligit.	167, 168.
Ejusdem per repetitam Venæ-sectionem curatæ exem- plum.	168.



ACCURATISSIMUS.

E.

E Bullitio humorum in Febribus Interm.	48, 49.
Electuarium roborans in Tertianâ duplici.	64.
Electuarii anti-quartanarii formula.	66.
Empirici ægro assiduè medicamenta solent ingerere.	241.
Emplastra Epispastica cervici in Febribus Caput perentibus	206.
cum fructu applicantur.	249, 250.
Empyema.	252.
Emulsio in Pleuritide.	
Epileptici insultus in Infantib. Variolarum sæpè sunt præ-	
nuntii.	107.
Equitatio in Colica aliisque morbis Chronicis, utilissimum	
est exercitium.	192, 193.
Equus septem annorum.	50.
Erysipelas quando & quam corporis partem præcipuè infe-	
stet.	265.
In Erysipelate symptomata.	266.
Erysipelas faciei.	265.
In Erysipelate indicata remedia.	266.
Erysipelatis Curatio, per Venæ-sectionem.	266, 267.
Lene Catharticum.	266.
Paregoricum.	266.
Topica.	267.
Diatam.	267.
Enemata & Julapia.	267.
Evacuaciones spontè à Naturâ fieri, solitas imitari velle sæ-	
pè stolidum est.	210.
Exanthemata Pestilentialia post nimios & coactos sudo-	
res.	93, 94.
Exercitio calefacti sollicitè vitare debent frigus.	244.
Expectoratione Pleuritidem curare velle periculosum.	255.

F.

Fœminæ medicamenta egenis distribuentes taxan-	
tur.	259.
Febris	

I N D E X

Febris est Naturæ instrumentum ad impuritatum secretionem.	29. 142.
In Febre sanguis commovetur vel ad heterogenei secretionem, vel ad novam suscipiendam diathesin.	19.
Febris cum Apostemate analogia.	141, 142.
Febris Naturæ primaria.	236, 237.
In Febre <i>Commotionis</i> vocem præstat usurpare quam <i>Fermentationis</i> vel <i>Ebullitionis</i> .	18.
Febre non rarò accenditur purus sanguis.	19.
Febre non rarò corripiuntur sani.	19.
In Febribus etiam sanorum materia vitiosa excernitur.	19.
Febres præter communia symptomata etiam certas peculiaris generis sui notas gerunt.	238, 239, 246.
Febris certam semper speciem è phænomenis elicere difficile est.	171.
Febris species unde possit dignosci.	171, 172.
Febres quædam certi, aliæ incerti generis sunt.	60.
Febres è levi diætæ errore.	60.
Febres adolescentulorum vigentium.	60.
Febres cum notabili symptomate.	242, 243.
Febribus plurimis ansam dat intemptiva vestium mutatio, vel aliàs frigoris admissio.	244.
Febrim præcavens Diætæ.	228, 229.
Febres curandi methodus non per Rationem sed per Experimentiam innotescit.	208.
In Febrium Curatione semper respicienda est Anni constitutio.	232.
In Febrium Curatione viam Evacuationis nosse præcipuum est.	247.
Febres nonnullæ brevi iterum evanescent.	60.
Febres nonnullas sine sensibili evacuatione natura profligat.	208.
Febres nonnullæ in principio solâ Diætâ curantur.	208, 209.
In Febrium principis cur subinde evacuationes instituentur.	209.
In Febribus cum materia crassâ cautè agendum.	141.
Febrilis materiæ concoctio quid sit.	29.
Febrilis materiæ concoctionem promoventia vulgò commendant, at sine ratione.	29, 30.
	Fe-

ACCURATISSIMUS.

- Febrilis materiae concoctio quomodo revera sit promovenda. 30.
- In Febribus ad Coctionem promovendam non opus est regimine calido. 210.
- In Febribus contra Naturæ morem consuetum sudores moliri temerarium est. 209.
- In Febrium principiis sudorifica saepe vel Phrenesin vel Pleuritidem inferunt. 250.
- Ad Febres tollendas provocandi sudores quales esse debeant. 144.
- Febrium quædam species sudore Critico finiuntur. 209.
- In Febribus cum intensiori sanguinis inflammatione æger subinde Lecto abstineat. 207. præsertim in statu, vix autem in declinatione. 207, 208.
- In Febrium declinatione Lecto assiduè se contineat æger. 208.
- In Febrium declinatione Clysterum frequens usus vitandus. 230.
- In Febribus caput petentibus emplastra epispastica cervicium cum fructu applicantur. 206.
- Febrium Intermitterentium nomina unde derivata. 9.
- Febres Intermitterentes Acutis sunt accensendæ. 3.
- Febrium Intermitterentium consueta symptomata. 50.
- In Febribus Intermitterentibus humorum ebullitio. 48, 49.
- In Febribus Intermitterentibus despumatio. 49.
- In Febribus Intermitterentibus natura certo ordine agit. 50.
- Febrium Intermitterentium paroxyfimi certis diebus recurrunt. 49.
- Hujus recursus vera causa necdum innotuit. 50.
- Febrium Intermitterentiũ paroxyfimi tria habent tempora. 48.
- In Febribus Intermitterentibus paroxyfimorum anticipatio vel tardior accessio unde. 51.
- Febrium Intermitterentium duplicatio unde. 51.
- Febres Intermitterentes præ aliis sæpius Epidemicè grassantur. 236.
- In Febrium Intermitterentium Paroxyfimo morientes. 49.
- Febres Intermitterentes vel *Vernales* sunt vel *Autumnales*. 52.
- Febrium Vernalium ac Autumnalium primi menses. 151,

152.

I N D E X

<i>Febres Intermittentes Vernales.</i>	53.
Rarò sunt diurnæ semper verò salutaræ.	54, 56, 57.
Earundem Causæ & generationis modus	53.
Curatio, per Emeticum.	56.
Diaphoretica.	56.
Clysteres.	56.
Quæ per Venæ-sectionem aliaque Evacuantia instituitur, minus tuta est.	56, 57.
Febres Intermittentes Vernales mœx in initio clariùs queunt dignosci.	9.
Febres Vernales rarò sunt Continuæ.	53.
Febres Vernales pauciora post se relinquunt symptomata quàm Autumnales.	70.
Post Febres Vernales Purgatio non tam necessaria est, atque post Autumnales.	33.
Febres Autumnales Continuæ & Intermittentes quâ in re à se invicem differant.	59.
In Febribus Autumnalibus certi fermentationis limites.	59, 60.
Quæ in Continuis & Intermittentibus eodem spatio absolvitur.	59.
Nonnunquam tamen ultra ordinarios limites excurrit.	59, 60.
<i>Febres Intermittentes Autumnales.</i>	57.
Quibus Mensibus invadere soleant.	57.
Earum paroxyfmi eâdem ubique dici horâ solent contingere.	57.
Typus illarum in initio ægrè dignoscitur.	57.
Vel <i>Tertianæ</i> sunt vel <i>Quartanæ</i> .	57.
Quomodo suam nanciscantur originem.	58.
Curatu difficiles sunt.	58, 59.
Eadem quæ Febribus Continuis adhibenda Curatio.	61.
Indicationes unde desumendæ.	61.
Certa medendi methodus nondum innotuit.	61.
Curatio, per Catharsin & Phlebotomiam periculosa est.	62, 69.
Tertianarum.	63.
Quartanarum.	64.
In	In

ACCURATISSIMUS.

53.	In Infantibus & adolescentulis nihil moliendum, sed sibi relinquenda natura.	66.
56, 57.	In Senibus vitanda frequens evacuatio.	66, 67.
53.	Conveniunt his Cardiaca & corroborans diata.	67.
56.	It. Aëris & Loci mutatio.	67.
56.	Curatio, aptioribus remediis inventis, breviori tempore poterit absolvi.	68.
56, 57.	Febre sublatâ, probè purgandus est æger, non autem priùs.	69.
queunt	Finitâ purgatione Paregoricum exhibendum.	70.
9.	Purgatio per longiora intervalla repetatur.	70.
53.	Purgantis hoc in casu convenientis formula.	70.
omata	Symptomata Febres has sequentia.	71. & seq.
70.	Hydrops.	71.
atque	Rachitis.	72.
33.	Mania.	74.
in re	Febres Intermittentes Autumnales in initio videntur Continuæ.	9, 10.
59.	Id quod sedulo animadvertendum.	9, 10.
limi-	Febres Intermittentes Autumnales diurnas gravissimas sequuntur symptomata.	54.
9, 60.	Post Febres Autumnales Tonsillarum inflammatio valde est periculosa.	73.
ipatio	Ejusdem Causæ.	73.
59.	Febres Intermittentes Autumnales quandoque in Continuas mutantur.	27.
occur-	In quibus sæpè Venæ-sectio nocet.	27.
o, 60.	Clysteres.	27.
57.	Post Febres Autumnales omiſſa Purgatio multis morbis an-	33, 69.
57.	sam dat.	33, 69.
57.	Febribus Autumnalibus ob purgationem vel omiſſam vel	74.
58.	perverse institutam varia superveniunt symptomata.	74.
59.	Febres Intermittentes Epidemicæ nonnunquam mature	52.
ura-	grassari incipiunt.	52.
61.	Febres Intermittentes, Ann. 1661, 1662.	48. & seq.
61.	Febres Intermittentes Autumnales Epidemicæ, Ann.	14.
losa	1661.	14.
69.	In Febribus Autumnalibus Infantum regio Lienis intumescens Febris fugam prænuñciat.	73.
63.	Descriptio hujus intumescentiæ.	73.
64.		Fe-
In		

I N D E X

Febres Continuae unde nomina sua fortiantur, & fortiri debeant.	8, 9.
In Febre Continua inordinatam sanguinis commotionem natura concitat.	17, 18.
Febrium Epidemicarum rationes non ab humoribus, sed ab Anni constitutione sunt deducendae.	12.
Febres Epidemicae à manifestis aëris qualitatibus variè mutantur.	171.
Febrium Contin. Epidem. speciem exactè dignoscere arduum est.	239, 240.
Febrium Contin. Epidem. speciem quâ ratione possimus expiscari.	237. & seq.
Febrium Epidem. Symptomata alia <i>propria</i> sunt alia <i>adventitia</i> .	171.
Febrium Epidemicarum symptomata pro varia <i>Constitutionis</i> tempore variant.	172.
Febribus Epidemicis generalis curandi methodus nequit applicari.	12.
Febres Continuae Epidemicae diversam medendi methodum exposcunt.	5.
In Febre quâdam Epidemicâ materiae in sanguine crassities.	141.
Febres Morbis Epidemicis junctae Julio mense praesertim saeviunt.	170.
Febres Morbis Epidemicis junctae haud aequaliter cum ipsis saeviunt.	170.
Inter Febres & Morbos Epidemicos simul grassantes mirâ affinitas.	238.
<i>Febres Continua Epidemica ab Ann. 1661. ad 1665.</i>	15.
Unica ejus species per plures annos.	16.
Eundem cum Intermittentibus ejusdem temporis habebat genium.	15. 237.
Nonnihil tamen à se invicem differebant.	15.
Omnium tum praecipua erat.	16.
Ejus peculiaris symptomata.	17.
Usque ad diem 14. vel ultra quandoque excurrit.	30.
<i>Depuratoria</i> dicta.	236.
Quomodo in eâ se habebant aëri quoad sudores.	239.
Indicationes hîc locum habentes.	2.
Cur -	

ACCURATISSIMUS.

- Curatio. 20, 21. seq.  
 per Venæ-sectionem. 21. 26. Quâ tamen nonnunquam abstinendum. 20.  
 Vomitorium. 21. 23. Hoc temerè omisso sequitur plerumque Diarrhoea valdè noxia. 22. In quâ nil valent Adstringentia. 22, 23. Hoc in initio hujus Febris propinare præstat. 24. Convenit tamen reliquo morbi tempore. 24, 25.  
 Paregoricum horâ somni. 25.  
 Hisce peractis quænam expendenda. 26.  
 Enema. 26, 27. Quod tamen subinde omittere satius est. 27, 28.  
 Cardiaca. 28, 29. & seq. Intempestivè propinata nocent. 28, 29. Nonnunquam *moderatis*, aliàs *fortioribus* utendum. 31.  
 Purgationem. 32, 33. Ejusdem formula. 33.  
 Dietam. 34.  
 Æstuatio in hac Febre quibus mediis regenda. 21.  
 Interdum Medicamentis abstinendum. 32.  
 Curatio in Pauperibus. 32.  
 Febris hujus legitima Curatio pleraque ejus symptomata præcavet. 36.  
 Curationis præpostere effecta. 35.  
 Refrigerantia vel Enemata seriùs adhibita valdè nocuerunt. 35.  
 Symptomatum quorundam in hac Febre Cura peculiaris. 37. scil. *Phrenitidis*. ibid. *Tussis*. 39. *Narium hæmorrhagiæ*. 41. *Singultus*. 42. *Diarrhææ*. ibid. *Ilei*. 44.  
*Debilitas* & *Tussis* Febrem hanc sequentes quomodo tollendæ. 34, 36.  
 Recidivæ à præpostero remediorum usu. 30. Quâ ratione his obviam eundum. ibid.  
 Febris Continua Epidemica Ann. 1665. 77.  
 A præcedentium annorum Febre longè diversa. ibid.  
 Febris Continua Epidemica ab Ann. 1667. ad 1669. 105.  
 138. & seqq.  
 Eundem cum Variolis tum grassantibus habebat genium. 139, 140. Solo eruptionis defectu ab hisce di-

S U M M A R I U M I N D E X

- diversa. 142. Hinc merito *Variolosa* erat dicitur  
 140. Diversam tamen à Variolis Curationem  
 postulabat. 140.  
 Eiusdem Symptomata. 138, 139. *Salvatio*. 139.  
 146. ob Diarrhoeam vel Sudores sæpè intercepta  
 140, 141. *Diarrhœa*. 140. 145. *Sudores*. 143, 144.  
 Alia à sinistro regimine orta. 143, 144, 145.  
 Causa nudus sanguinis æstus. 144.  
 Cum sudore nonnunquam finiebatur, sed per Crisim  
 periculosam. 146.  
 Sæpe per Salvationem solvebatur Crisi certâ & salu-  
 tari. 146. In quâ omni Evacuatione ut & quibusvis  
 calidis abstinendum. 146.  
 Indicatio hic unica locum habens. 142.  
 Curatio, per Venæ-sectionem. 142, 143, 145.  
     Enema. 143.  
     Julapium, aliasque Potiones refrigeran-  
     tes. 143, 145.  
     Diætam. 143.  
     Salvationem promoventia. 146.  
 Febris hujus hæc methodo feliciter sanata exem-  
 plum. 144, 145.  
     Cardiaca & calidum regimen noxia. 145, 146. ut &  
     Digestiva. 142. Nec Methodus Curandi per *Δια-*  
     *φoρησιν* hic conveniebat. 144.  
 Febris *Continua Epidemica* ab Ann. 1669. ad 1672. Dysen-  
 teriæ simillima. 168, 169.  
 Eiusdem Symptomata. 169. 171. Quibus postremo  
 jungebantur *Aphthæ*. 169. In adultis aliquando *De-*  
     *lirium cum stupore*. 174. 211.  
 Quomodo & quamdiu duraverit. 172.  
 Curatio, eadem quæ Dysenteriæ simul grassantis. 172.  
 Exceptis Pægoricis quæ hic purgationibus inter-  
 jecta nocbant. 172.  
     per Diætam. 172, 173.  
     Virium restaurationem Laudano, & Auræ libe-  
     riore usu. 173.  
 Methodi hujus ansa. 173.  
 Eiusdem feliciter adhibite exempla. 173, 174.  
 Febris

Febris

Febris

E

C

E

C

E

C

E

C

E

C

E

C

E

C

E

C

E

C

E

C

E

C

E

C

E

C

E

C

E

C

E

C

E

C

E

C

E



ACCURATISSIMUS.

	Febris Continua Epidemica, Ann. 1673.	199.
	<i>Febris Continua Epid. ab An. 1673. ad 1675.</i>	202. 226, 227.
	Erat Inflammatoria.	205.
	In initio subtilioris naturæ quam in progressu.	202.
	Quamdiu ægrum affligere solebat.	203, 204.
	Ejusdem Symptomata. 202. & seq. <i>Comatosus quidam affectus.</i>	203, 204. 210, 211.
	<i>Dysenteria &amp; Diarrhœa.</i>	213, 214. <i>Phrænesis.</i> 213.
	Curatio, investigatu difficilior.	204, 205.
	A juvantibus & lædenti bus derivanda.	205, 210.
	Cathartica parùm juvant.	204.
	Neque Sudorifica conveniebant.	210, 211.
	Narcotica nocebant, unico casu excepto.	214.
	per Venæ-sectionem. 205, 206. Frequentem	
	minimè ferebat morbus.	205.
	Enemata frequentiora.	205, 206.
	per Medicamenta Refrigerantia.	205.
	Emplastra Epispastica Cervici applicita.	206.
	Remediorum abstinentiam.	207. 211.
	Dietam.	207. 212.
	Aliquam Lecti quotidie devitationem.	207.
	Convalescentiæ instantis signa.	212.
	Objectio contra hanc Curandi methodum.	208.
	<i>Comatosi Affectus</i> Cura, per varia licet remedia, caruit	
	successu.	211.
	Spontè tandem evanuit.	211, 212.
	Febris hujus cum <i>Comatoso affectu</i> methodo isthac curatæ	
	exemplum.	212.
	<i>Dysenteria &amp; Diarrhœa</i> curatæ per Venæ-sectionem &	
	Narcoticum.	213, 214.
	Febris hujus cum <i>Dysenteria</i> methodo hac feliciter curatæ	
	exemplum.	213, 214.
	<i>Phrænesis</i> Curata per Venæ-sectionem, Clysteres &	
	Vitrioli spiritum.	213.
	Febris Continua Epidemica, Ann. 1675.	200, 201.
	Ejusdem Symptomata.	201, 226, 227.
	In Febribus Continuis Julapii convenientis formula.	143.
	Febres <i>Stationariæ</i> quales sint.	6. 242.
	Febres <i>Stationariæ</i> magis minusve sunt Epidemicæ.	243.
	In	

I N D E X

In Febribus Stationariis symptomata per accidens orta.	247
Febres <i>Intercurrentes</i> quales sint.	242, 243
Febres Stationariæ & Intercurrentes partim differunt, partim conveniunt.	243, 244
Febres Intercurrentes nonnunquam Epidemicè grassantur.	243
Febres Intercurrentes ab evidenti aëris temperamento.	6
Febrium Intercurrentium Curatio generalis in sanguinis contemperatione consistit.	246
Febrium quædam symptomata subinde pro Morbis Essentialibus perperam habentur.	270
Febris in Angina.	245
Febris Dysenterica <i>Ann.</i> 1669, 149. <i>Ann.</i> 1670, 150. <i>Ann.</i> 1671, 150. <i>Ann.</i> 1672, 151, 152.	265, 266
Febris Erysipelatosa.	217
Febris Morbillofa <i>Ann.</i> 1674, 216. Curatio.	256
Febris cum Symptomatis Peripneumonicis.	245
Febris in Pleuritide.	247
Febris <i>Scarlatina</i> , quando & quos præcipuè infestet.	247
Ejusdem Symptomata.	247
Causa.	247
Curatio, per solam Diætam, omisis Evacuationibus & Cardiacis.	247, 248
Lene Purgans, morbo fugato, propinandum.	248
Febris cum Scorbuto.	35
Febris cum Tussi.	228
Febris cum Variolis.	113
In Febre cum Variolis, <i>Ann.</i> 1667. quomodo se habebant ægri quoad sudores.	239
In Febribus cum Variolis anomalis atque Dysentericis quomodo se habebant ægri quoad sudores.	239, 240
Febres Malignæ.	35
Febris verè Maligna qualis sit.	78, 79
Febres perverle curatæ nonnunquam Malignæ dicuntur imperitis.	78
In Febribus Malignis expulsio ad cutim.	19
In Febribus Malignis Vomitorii omissio.	22
In Febre Malignâ Vomitorium quandoque Diarrhoeam excitat.	43

ACCURATISSIMUS.

241	In Febribus quibusdam Malignis Sudores nocent.	233.
243	In Febribus quibusdam Malignis alia præter Sudores mo- liendæ sunt evacuationes.	233.
244	Febres Pestilentes à remissione causâ quàm Pestis.	84.
243	Febres Pestilentes graviozem Pestem sequuntur.	80.
6	Febris Pestilentialis cum Vomitu exemplum.	100.
guinis	In Febre Pestilentiali Natura per diaphoresin se librare ni- titur.	88.
246	Febris Pestilentialis Curatio.	86. & seq.
270	In Febris Pestilentialis Curatione Naturæ imitatio.	88.
245	Circa Febrium Pestilentialium Curationem observata Au- thoris.	94. & seq.
150	Febris Pestilent. mox in initio sudoribus potest discuti.	209.
152	Febris Pestilentialis Ann. 1665. paulò antè Pestem grassan- tis historia.	94. & seq.
266	In Febre Pestilentiali Ann. 1665. valdè profuit Venæ-se- ctio.	96, 97.
217	In Febre Pestilentiali Ann. 1665. & 1666. quomodo se habebant ægri quoad Sudores.	239.
256	In Febre Pestilentiali Venæ-sectionis debitam adminis- trationem sæpè non permittunt adstantes.	97.
245	Febris Pestilentialis ob insufficientem sanguinis missionem læthalis exemplum.	97, 98.
247	In Febre Pestilentiali <i>Theriaca</i> feliciter usurpata.	100.
247	Febres Refrigerantium aut Clysterum usu subinde Chro- nica fiunt.	59, 60.
247	In Febribus Chronicis Aëris mutatio valdè nonnunquam est salutaris.	67.
nibus	Quo Morbi tempore fieri debeat.	68.
248	Febris Hæctica.	250.
248	In Febribus Senum Clysteres minus tuti.	27.
35	Febres quædam <i>Novæ</i> vulgò dicuntur, nec tamen sunt.	171.
228	Circa Febrium Novarum Curationem ingens adhibenda cautela.	5. 12.
113	In Febrium Novarum Curatione quomodo se gerere debeat Medicus.	240.
ebant	In Febrium Novarum Curatione lentè procedendum.	240.
239	In Febribus Convalescentes nonnunquam Sudoribus no- cturnis obnoxii sunt.	214.
quo		Curan-
240		
35		
79		
r im-		
78		
19		
22		
n ex-		
43		
In		

I N D E X

Curantur quotidiano Vini generosioris usu.	21
Fermentationis phænomena & effectus.	1
Ad Fermentationem requiritur materia quædam visciditas.	60, 61
Fermentationis Natura simili illustratur.	61
Fermentationes liquorum varix sed certâ periodo absolvuntur.	59
Fomenta in Erysipectate.	267

G.

<b>G</b> Angræna ex Erysipectate.	268
Gangræna Intestinatorum in Dysentericis.	158
Gargarisma in Angina.	268, 269
Gargarisma in Salivæ visciditate.	137

H.

<b>H</b> æmoptoë, quando & quos præcipuè invadat.	271
Ejusdem cum Hæmorrhagiæ Narium indolis est.	271
Curatio.	271
Hæmoptysis in Variolis,	117
Hæmoptysis & Mictus sanguinis in Variolis mortem prænunciant.	136
<b>Hæmorrhagia Narium</b> quando & quos præcipuè infestet.	270
Ejus Symptomata.	270
Causæ.	270, 271
Facilis ejusdem recidiva.	270
Indicationes Curativæ.	270
Curatio, per Venæ-sectionem.	270
Dietam.	270
Julapia & Emulsiones.	ibid.
Lecti abstinenciam.	271
Enemata.	271
Paregoricum.	271
Lene Catharticum & Anodynum.	271
Recidiva leni purgatione præcavetur.	42
<b>Hæmorrhagia Narium in Febre Contin. Epidem.</b> ab Ann.	1661. ad 1665.
Causæ.	41.

# ACCURATISSIMUS.

21	Vix fititur per remedia vulgaria.	41.
1	Curatio, per impetum & ebullitionem sanguinis figentia 41. Potionis figentis formula.	ibid.
60, 61	Non statim in initio est reprimenda.	41, 42.
61	Simulac fuerit sedata, lenè purgans exhibendum.	42.
Hæclicæ	Hæctica Febris.	250.
59	Hippocrates.	225.
267	Hippocratis Aphorismi nequeunt quibusvis Febrium speciebus applicari.	237.
	Homines variis affectibus obnoxii.	1.
	Homo 21. Annorum.	50.
266	Humores nonnunquam pertinaciter partibus inhaerent.	3.
158	Hydrogala.	184.
8, 269	Hydropem præcedentia symptomata Scorbuti faciem præse ferunt.	264.
135	<i>Hydrops ibi incipit ubi desinit Scorbutus.</i>	264.
	<i>Hydrops post Febres Intermitentes.</i>	71.
	Juvenes raro obsidet.	71.
271	Causa.	71.
est. 271	Curatio, per aperientia & Cathartica.	71. Quæ non nisi febre penitus sublata sunt propinanda.
271		ibid.
117	per Infusiones diureticorum in Vino.	71, 72.
em præ	In Hystericis Affectus sæpè perperam dignoscuntur.	196.
136	Hystericus Affectus Colicam biliosam referens.	195.
et. 270	In Hystericis & Hypochondriacis Clysterum frequens usus nocet.	230.
270		
271		
270		
270		
270		
ibid.	Icterus in Colica Hysterica.	195.
271	Icterus post Febres Lectum justo citius deferentibus superveniens.	208.
271	Ignis sacer unde & quomodo oriatur.	84.
271	Pestis quandam gerit imaginem.	ibid.
271	In Igne sacro maligni aliquid metuunt Authores.	84.
271	<i>Ileus</i> in Febre Contin. Epidem. ab Ann. 1661. ad 1665.	44.
42	Vomitus enormes ei ansam dant.	44.
o Ann.	Causa ejus est Intestinorum motus inversus.	44. Unde præ-
41	riter exquisitus ille dolor, terebelli instant infixus.	45.
41		Infesti-

Intestinorum inverſio vel obſtructione vel ab irrita- tione oritur.	45, 46.
Periculofiffimus eſt.	44.
Curatio, per Mercurium vivum vel globulos ingeſtos inutilis eſt, imò noxia.	46.
Stomachica, inprimis Aquam Mentha.	46.
Catuli viventis accubitus.	46.
Purgans.	46, 47.
Dietam.	47.
Recidivam facilè incurrit æger.	47.
Iliaca affectio <i>Notha</i> ab obſtructione.	45.
<i>Vera</i> ab irritatione.	46.
In Iliacâ paſſione omnia medicamenta, etiam enemata evo- muntur.	188.
Iliaca paſſio Colicam biliôſam ſequens.	188.
Imaginationis læſæ per Cardiacâ reſtitutæ exemplum.	75.
Indicatio à Juvantibus & Nocentibus in Febrium Novarum Curatione adhibenda.	240.
In Infantibus Venæ-ſectio æquè tuta & neceſſaria eſt, atque in adultis.	179.
Infantes ſæpè diuturnas Quartanas vincunt.	55.
In Infantibus Ventris tumor & durities.	72, 73.
In Infantum Ventris tumore & duritiæ Linimentum.	72.
Ingrata aſſumpta horrorem gignunt.	48.
Julapium in Febribus Continuis.	143.
in Pleuritide.	252.
in Rheumatifmo.	261.
roborans in Tertiâ duplici.	64.

L.

Laudanum liquidum.	125, 162, 163, 164, 191, 223.
Laudani uſus in Cholera Morbo.	155.
Lepra.	225.
Lienis regio in Febribus Autumnalibus Infantum intume- ſcens febris fugam prænunciat.	73. Descriptio hujus intumeſcentiæ.
Linctus in Pleuritide.	73.
Linimentum in Ventris tumore & duritiæ Infantum.	253.
Luem	72.

ACCURATISSIMUS.

Luem Venerream non sanat Mercurius vel Salsaparilla virtute specificâ.	87.
<i>Lumbago Rheumatica.</i>	260.
Paroxysmum Nephriticum mentitur.	260.
Valdè ægrum excruciat.	261.
Causa.	261.
Curatio.	ibid.

M.

<b>M</b> aculæ purpûræ in Peste, malum signum.	89.
Maculæ purpûræ in Variolis.	116.
Malignitatis vocem temerè usurpant imperiti.	35, 78.
Malignitas assimilandi vim & nisum habet.	233.
Malignitas morborum in particulis calidis ac spirituosissimis consistit.	234.
Objectio.	ibid.
In Malignis morbis sæpè nulla adest febris.	234, 235.
Malignitas non semper Sudore potest eliminari.	233.
Malignitas per Sudorifica aliaque calida medicamenta nonnunquam augetur.	233, 234.
Malignitas nonnunquam contemperantibus potest edomari.	234.
Malignitatem in Morbis Epidemicis esse non potest negari.	232.
Malignitas Morborum Epidemicorum in quo consistat	233.
Malignitas in Morbis Epidemicis iisdem, quibus hi, curatur remediis.	235.
Malignitas Februm quomodo tollatur.	235.
Malignitas Variolarum quomodo curetur.	235.
Mania ex debilitate.	54.
<i>Mania sive Amentia post Febres Intermit. Autumnales.</i>	74.
Nulla ejus apud Authores fit mentio.	74.
Causa, Spirituum in sanguine defectus.	74.
Non patitur Evacuaciones.	74.
Curatio, per Cardiacæ generosiora.	75.
Dietam.	ibid.
A Calidiorum usu non est metuenda Recidiva febrilis.	ibid.

INDEX.

Medici peritiores subinde nihil in ægri visitatione præsci- bunt.	240, 241.
Medicorum quorundam speculationes inutiles.	272.
Mellis rosæci usus in Angina.	268.
Mensium Fluxus intempestivus in Variolis fœminarum.	185.
Mercurius non sanat Luem Veneream virtute specificâ.	87.
<i>Μίασμα</i> pestiferum vel immediatè vel mediatè suscipitur.	80.
Mictus sanguineus in Variolis.	116, 117.
Mictus sanguineus & Hæmoptysis in Variolis mortem præ- nunciant.	136.
Morbus naturæ conamen in salutem ægri.	1.
In Morbis producendis naturæ methodus nondum hæcenus detecta.	11.
Morborum certæ periodi sive ætates.	225.
Morborum tempora.	152.
Morborum ortus à qualitarum vitio deducuntur.	83.
Morbi partim ab aëre, partim à fermentatione vel putrefa- ctione humorum.	1.
Morbi certis quibusdam annorum constitutionibus proprii.	6.
Morborum species unde desumendæ.	13.
Morborum quælibet species peculiarem obtinet genium.	82, 83.
Morborum species exactè sunt discernendæ.	264.
Morbi vel ex se vel Medicastrî culpâ fiunt lethales.	2.
Morbi quidam antiqui ævi jam non comparent.	225.
Morbi moderni poterunt suo tempore intercidere.	225, 226.
Morbis Antiquitati incognitis novam methodum accom- modare non est absolum.	225.
Morborum historiam verè practicam tradidit Author.	272.
Morbi plurimi sine causarum cognitione curantur.	83.
In Morborum Curatione plus Naturæ committendum, at- que vulgò fit.	211, 212.
Morborum, præsertim Epidemicorum, Remedia celare haud debet Medicum probum.	62.
Morbi alii Acuti, alii Chronici.	3.
Morbi Acuti quinam sint.	3.
Morborum Acutorum ratio & genium.	2.
Morbi Acuti vel ab Aëris inquinamento, vel à particulari corporum <i>ἀνεργαλίᾳ</i> gignuntur.	324.



ACCURATISSIMUS.

	In Morbis Acutis Curationis rectè institutz character.	174.
	Morborum Chronicorum ratio & genius.	3.
	Morbi Chronici plures Scorbuti larvam gerunt.	264.
	In Morbis Chronicis exercitium Equitationis valdè est salutare.	193.
	Morborum Epidemicorum ratio & genius.	3, 4.
	Morbi Epidemici mirè ab invicem differunt.	4.
	Morborum Epidemicorum differentiaz pro Annorum constitutione variaz sunt.	12, 159.
	Morbi Epidemici ab Anni constitutione, quâ grassantur, peculiarem mutantur indolem.	11.
	Morbi Epidemici varii ejusdem Constitutionis genium quandam sibi omnibus communem obtinent.	11.
	Morbis Epidemicis ejusdem Anni Constitutionis sæpè notabili varietate grassatur.	7.
	Inter Morbos Epidemicos & Febres simul grassantes miræ affinitas.	238.
	Morbi Epidemici vel regulares vel anomali.	7.
	Hæc disparitas unde.	ibid.
	Morbi Epidemici vel <i>Verni</i> sunt vel <i>Autumnales</i> .	7.
	Morbi Epidemici <i>Verni</i> modò per pauciores, modò per plures menses se extendunt.	8.
	Morbi Epidemici <i>Autumnales</i> modò breviori modò longiori tempore grassantur.	8.
	Morbi Epidemici ab aëris occulta crasi oriuntur.	79. 170.
	Morborum Epidemicorum diversitas à manifestis aëris qualitatibus nequit deduci.	5.
	Morbi Epidemici à manifestis aëris qualitatibus variè reguntur.	170.
	Morbi Epidemici diversi in locis vicinis, ab aëris diathesti nequeunt orti. 219. potius à terræ effluviis.	ibid.
	In Morborum Epidemicorum ortu Naturæ artificium.	155.
	Morbi Epidemici in initio vehementiores sunt, in progressu leniores fiunt.	152. 159.
	Morbi Epidemici in initio naturæ subtilioris sunt, in progressu crassioris.	159.
	Morborum Epidemicorum alter ab altero pellitur.	151.
	Morborum Epidemicorum simul sævientium unus vel plures prædominio pollent.	10, 11.

I N D E X

Morbus Epidemicus circa Æquinoctium autumnale præ aliis grassans, inter omnes ejus anni censetur primarius.	10.
Morborum Epidemicorum primarius circa Æquinoctium autumnale furens, adventante hyeme fugatur.	11.
Morborum Epidemicorum species omnes & singulas ritè dignoscere & propriâ cuique methodo curare arduum est ac difficilimum.	12.
Id quod tamen fieri oportet.	ibid.
Morborum Epidemicorum Curatio sollicitè peragenda.	272.
Morborum Epidemic. enarratio historica Authoris.	14. 241.
Morborum Epidemicorum distinctæ species quâ methodo commemorandæ.	12, 13.
Morborum Epidemicorum historia quindecim annorum.	13.
<i>Morbi Epidemici ab Ann. 1661. ad 1665.</i>	75.
Quo ordine se invicem sequebantur.	16.
Ann. 1665.	77.
Ab Ann. 1667. ad 1669.	104. & seq.
Ann. 1669.	148.
Ann. 1670.	149.
Ann. 1671.	150.
Ann. 1672.	150.
Ann. 1673.	199.
Ann. 1674.	200.
Ann. 1675.	200. 201.
Morborum Epidemicorum ab Ann. 1669. ad 2672. particularis historia.	152. & seq.
Morborum Epidemicorum historia terminus.	273.
Contra Auctoris de Morbis Epidemicis disserta Objectio.	232.
Morborum Sporadicorum ratio & genius.	4.
Morbi Essentiales & iidem symptomatici quomodo discernendi.	245. 246.
Morbi Essentiales aliter sunt tractandi quàm iidem symptomatici.	245.
Morbi Inflammatorii quando grassari soleant.	85.
In Morbis Inflammatoriis primaria remedia.	143.
In Morbis Inflammatoriis assiduus in Lecto decubitus valdè nocet.	143.
Morbilli Vernales.	8.
<i>Morbilli Epidemici Ann. 1670.</i>	149.
	Quo

ACCURATISSIMUS.

Quo potissimum anni tempore grassabantur.	174. 175. 179. 180.
Infantes plerumque invadunt.	175.
Eorum symptomata.	175. 176.
Macularum exacta descriptio.	175. 176. Quando- que nigrescunt. 177.
Die octavo evanescere solent, & periculosa post se relin- quere symptomata.	176.
Post Morbillos <i>Peripneumonia</i> .	176.
<i>Diarrhœa</i> .	177.
In se minus sunt periculosi.	177.
Regiminis calidioris noxæ.	176. 177.
Curatio, à Variolarum curâ non multum differt.	177.
Per Regimen moderatum.	177.
Diatam.	177.
<i>Tussis</i> simul junctæ.	177. 178.
Symptomatum à Regimine vel Cardiacis calidioribus, ut & <i>Diarrhœa</i> , per Venæ sect. 178. 179.	
Hujus Symptomatum Curæ exemplum.	179.
Morbilli Epidemici Ann. 1674.	200.
<i>Morbilli Epidemici Ann. 1674.</i> quomodo ab aliis Ann. 1670.	
grassantibus differebant.	215.
Erant anomali sive irregulares.	215.
Quo anni tempore infestabant.	216.
Curatio, eadem cum illa Morbillorum Ann. 1670.	216.
Ejusdem exemplum.	216.
Pro Mortuo habitus casu ad se rediit.	135.
Mucosæ dejectiones in Dyfenteria unde.	161.
Mundi Anima.	103.

N.

<b>N</b> arcotica post factas Evacuaciones quandoque feliciter operantur.	198.
Narcoticorum noxæ quandoque Venæ-sectionibus emendantur.	262.
Narcoticorum frequens usus sæpè innoxius.	163.
Narcotica urgente dolore tutò reperuntur.	191.
Narcoticorum dosis magnitudini doloris respondeat.	191.
Narcotica turbas à purgante excitatas compefcunt.	39.
Narcoticorum in Variolis Constituentibus insignis utilitas.	131.

INDEX

Narcoticorum formulæ.	131
Naturæ vox quo sensu ab Authore usurpata.	103
Naturæ operationes parum intelligimus.	81
Naturæ opera incomprehensibilia	50. 159
Naturæ operum indagatores aliorum invidiam sibi arcessunt.	159
Naturales causæ quomodo à Deo regantur.	103
Natura morborum optima medicatrix.	212
Nephriticum paroxysmum mentiens Lumbago Rheumatica.	260

O.

<b>O</b> leum Amygdalarum dulcium aliis bechicis præferendum.	40.
In Febris sine noxâ potest usurpari.	40.
Non oportet affatim sed parcè exhibere.	40.
Ægri viribus attritis subvenit.	41.
Ejusdem usus in Pleuritide.	257.
Variolarum aridarum crustis illinitur.	232.
<i>Olei sem. Lini</i> in Pleuritide usus.	257.
<i>Opium</i> pluribus medetur affectibus.	164.
Insigne est Cardiacum.	164.
Opiata præ aliis remedia sunt excellentissima.	164.
Inter Opiata quoad vim ipsam nullum ferè est discrimen.	164.
Opii virtus non præparationi, sed nativæ Papaveris bonitati debetur.	164.

P.

<b>P</b> apaver.	164.
Paregorici formula.	25. 154.
Peripneumonia quid sit, & quomodo à Pleuritide differat.	252.
<i>Peripneumonia Notha</i> , quando & quos præcipuè infestet.	258.
Quomodo differat ab <i>Asthmate sicco</i> .	256.
Nulla sæpè Febris indicia adsunt.	259.
Ejus Symptomata.	257.
Causæ.	256. 257.
Curatio, in quibus generaliter consistat.	256. 258.
	257.
	per

ACCURATISSIMUS.

	per Venæ-sectionem & Catharsin 257. 258.	Hu-
	jus formula.	ibid.
	Pectoralia.	258.
	Dixtam.	258.
136	Peripneumonia Epidemica Ann. 1675.	201. 205.
104	Peripneumonia symptomata Tussi Epid. Ann. 1675. su-	
81	perueniens.	227
50. 159	Peripneumonia post Morbillos.	176.
arcessunt	Ejusdem Curatio per Venæ-sectionem.	178.
159	Pestis Naturæ medicatricis instrumentum.	2.
103	Pestis essentia valdè est abstrusa.	82.
212	Pestis est Febris sui generis.	83.
heumatia	Pestis essentia in humorum <i>φλωσος</i> .	80. 83.
260	In Peste Venenum est subtilissimum.	83. 85. 141. 234.
	Pestiferi Veneni subtilitas simili illustrata.	83.
	Pestis in initio atrocior, in progressu benignior esse solet.	159. 160.
	Pestis quandoque subito, nullâ etiâ exortâ Febre jugular.	82. 83. 85. 234.
	Pestis sua habet incrementi ac declinationis tempora.	80. 81.
	Pestis præ aliis morbis Epidemicis rarius evenit.	79.
	Pestis quibus anni tempestatibus oriri subinde potest.	81.
	Pestis circa finem Veris, aut Æstatis initium grassari ple-	
	rumque incipit.	80.
	Pestis quanto tempore soleat grassari.	8.
	Pestis semper manet superstes.	81.
	Pestis per <i>μίσμυα</i> propagatur, idque duplici modo.	81.
	Pestis sporadica.	80.
	Pestis symptomata.	81. 82.
	Pestis ab Inflammatione oritur.	85.
	Objectio.	86.
	Pestis aëris occultâ crasi.	79.
	Pestem Aëris dispositio sola vix potest suscitare.	81.
	Pestis ab Aëris diathesi fit Epidemica.	81.
	Pestis augmentum & <i>ἀκμή</i> ab universi aëris vitio.	80.
	Pestis Causâ procat arctica <i>μίσμυα</i> , susceptio.	80.
	Pestis à tempestat um anni vicissitudinibus regitur.	81.
	Pestilens Aëris dispositio paulatim immutatur.	79.
	Pestem in signiorem subsequuntur pestiferi morbi.	79.
		Pestem

I N D E X

Pestem commercii cum locis contagiosis inhibito potest vert ere.	81.
Ad Pestis Prophylaxin vix conducunt calida.	86.
De Pestis Curatione suam Auctor sententiam merito expo- mit.	86, 87.
Pestis Curatio.	86. & seq.
Pestis Curatio valde incerta est ac lubrica.	89.
Pestis proprium Alexiterium necdum innotuit.	87.
Pestis ratione solùm mechanica tolli potest.	87.
In Pestis Curatione quænam observanda.	147.
In Pestis Curatione Naturæ imitatio.	88.
In Peste Naturæ operantis motum sequi, minus tutum est.	90.
Pestem Curandi modus à Naturæ molimine sit diversus.	90.
Pestis Curationem duplici viâ moliri quis possit.	87.
Pestis Curatio per duplex Remedium.	90.
Sanguinis missionem.	ibid. & seq.
Diaphoresin 93. Hæc præ illâ est eligenda. ibid.	
Quamvis sua quoque habeat incommoda. 93.	94.
Pestis Curatio juxta experientiam Auctoris.	98. & seq.
per Venæ-sectionem & huic mox succedentem Dia- phoresin.	98. 103.
Dietam.	101.
Catharticum.	101.
Pestis quomodo calida alexipharmaca profint.	86.
In Peste calida Alexipharmaca quandoque nocent.	86.
In Peste Sudores interrupti profunt.	233.
In Peste prolixus & continuus Sudor requiritur, non inter- polatus.	100, 101.
In Peste Diaphoresin interpolandam suadet Diemerbroekius.	100. Refellit.
100. Refellit.	100, 101.
Peste affecti à continuatâ Diaphoresi recreantur.	100, 101.
In Peste Sudor spontaneus valdè salutaris.	101.
In Peste Sudantes quando indusium mutare debeant.	100.
	101.
In Peste Sudores subinde valdè noxii.	89, 93, 94.
In peste Sudoriferorum formulæ.	99.
In Peste abscessuum fit eruptio.	141.
In Peste Natura per abscessus se liberare nititur.	88.
	In

ACCURATISSIMUS.

0 test.	In Peste Sudores non faciunt salutarem abscessuum eruptio-	
81.	nem.	88. 89.
86.	In Peste post Sudores abscessus subinde erumpunt.	88.
exprio.	In Peste abscessuum sine sudore eruptio magis fuit salutaris.	89.
86, 87.		
& seq.	In Peste ob magnos Sudores Bubo nonnunquam disparet.	89. 94.
89.		82.
87.	In Peste Tumores prorumpere, bonum.	
87.	In Peste abscessuum eruptio incerta crisis est.	89. 102.
147.	In Peste abscessuum eruptio quomodo promoveri possit,	88.
88.	nondum constat.	
est. 90.	In Peste post abscessus eruptionem sanguinem mittere mi-	102.
s. 90.	nus est tutum.	
87.	In Peste Maculae purpureae, malum signum.	89.
90.	Pestis Ann. 1665.	78.
& seq.	Pestis Britanniam raro invadit.	79.
ibid.	Pestis in Britannia inter Milites grassantis & Venae-sectione	
1. 93.	curatae historia.	92. 93.
94.	Pestis Londinensis.	236.
z seq.	Pestis Londinensis Anno alioquin salubri grassans.	85. 86.
Dia-	In Peste Londinensi eruptiones non admodum malignae.	86.
103	Pestis Italiam occupans, excepta Hetruriâ.	81.
101.	<i>Phrenitis</i> in Febre Contin. Epidem. ab A. 1661. ad 1665. 37.	
101.	Ejusdem Causae remotae.	37.
86.	Signa & effectus	ibid.
86.	Curatio.	37. & seq.
33.	Narcotica praemisso purgante feliciter operan-	
ter-	tur. 39. Hujus formulae.	ibid.
01.	Narcotica in declinatione solum morbi, non	
ius.	ante sunt exhibenda.	38.
01.	Horum formulae.	39.
01.	Cardiaca, aliaque calida medicamenta vi-	
01.	tanda.	38.
00.	Vigiliae remanentes Aquâ Rosarum Capiti	
01.	applicata tolluntur.	39.
94.	Phrenesis in Febre Epidem. ab Ann. 1673. ad 1675.	213.
9.	Phrenitis in Variolis.	116.
1.	In Phrenitide Variolis superveniente refrigerium aegro con-	
8.	cedendum.	134. 135.
n)		Pilulae

INDEX.

Pilulæ Cochix.	190.
Pilulæ Cochix maj. in Ileo usurpandæ.	46.
Plantæ variis mensibus florent.	50.
<i>Pleuritis</i> qualis morbus sit.	252.
<i>Pleuritis</i> quando & quos præcipuè infestet.	248, 250.
<i>Pleuritis</i> vel essentialis est vel symptomatica, hæc sæpè à calidorum intempestivo usu.	250.
<i>Pleuritidis</i> signa & symptomata.	227, 248, 249.
<i>Pleuritis</i> quo anni tempore plerumque solet invadere.	227.
<i>Pleuritis</i> à quonam aëris temperamento plerumque oritur.	6.
<i>Pleuritidis</i> Causæ.	250, 251.
<i>Pleuritides</i> Epidemicæ.	243.
<i>Pleuritis</i> Epidemica Ann. 1675.	201, 205.
<i>Pleuritis</i> Symptomatica in Febre Ann. 1675.	245, 246.
<i>Pleuritis</i> Symptomatica Tussi Epidem. Ann. 1675. superveniens.	227, 232.
<i>Pleuritis</i> Maligna vulgò dicta quænam sit.	231.
In <i>Pleuritide</i> Prognosticon.	251, 255.
In <i>Pleuritide</i> primaria remedia.	143.
<i>Pleuritidis</i> Curatio, per Contemperationem & revulsionem.	252.
per <i>Venæ-sectionem</i> .	252, 253, 254.
<i>Pleuritis</i> sæpius repetitam postulat <i>Venæ-sectionem</i> .	253.
	254, 255.
In <i>Pleuritide</i> <i>Venæ-sectio</i> primarium & solum remedium.	231.
In <i>Pleuritide</i> <i>Symptomaticâ</i> oportet <i>Venæ-sectionem</i> moderari pro ratione Febris Essentialis.	231.
<i>Pleuritides</i> nonnullæ haud ferunt iteratas <i>Venæ-sectiones</i> .	231.
In <i>Pleuritide</i> scētâ Venâ sanguis duplici modo effluit.	251.
In <i>Pleuritide</i> per <i>Venæ-sectionem</i> eductus sanguis qualis esse solet.	251.
Curatio per Potiones Refrigerantes.	252.
Pectoralia.	253.
Dietam.	253, 254.
Unguentum.	253.
	Enc-



ACCURATISSIMUS.

190.	Enemata.	254.
46.	Lecti abſtinentiam.	254.
50.	Demum, morbo fugato, Lene Catharticum.	254.
252.		
250.	Methodo hâc non datur alia convenientior.	255, 256.
Læcfa-	Per <i>Expectorationem</i> promoventia cum periculofa fit	
250.	Curatio, merito rejicitur.	255.
240.	Pleuritidi ſuperveniens <i>Diarrhœa</i> .	140, 141.
adere.	Podagrici antè & poſt paroxyſmum variis ſæpè vexantur	
227.	ſymptomatis Scorbuti æmulis.	264.
e oria-	In Practicis experimentis commemorandis Fidelitas Au-	
6.	ctoris.	102.
251.	Praxis Medica Theoriæ multum præferenda.	102, 103.
243.	Pulli Decoctum in Cholera Morbo probatum remedium.	
205.		154.
246.	Purgationis noxæ & incommoda.	162.
ſuper-	A purgantibus dolores ventris intenduntur.	190.
232.	Purgantis leniſſimi formula.	161.
231.	Puſtularum Urticæ puncturas referentium per totum cor-	
255.	pus eruptio. 266. Curatio.	268.
143.		
allio-		
252.		
254.		
253.		
255.		
ium.		
231.		
ode-		
31.		
nes.		
31.		
51.		
alis		
51.		
52.		
53.		
54.		
3.		
ne-		

Q.

	Quartana.	51.
	Quartana ſecundâ vice infeſtans brevi finitur.	55.
	Quartanæ lethales in rigore paroxyſmi ægrum jugulant.	55.
	Quartanæ Autumnales.	55.
	Quartanæ Autumnales quibus temporibus ſiniantur.	55.
	Quartanæ Autumnales alios quosdam chronicos gignunt	
	affectus.	55.
	Quartanæ Infantum.	55.
	Infantes ſæpè diuturnas Quartanas vincunt.	55.
	Quartanæ Epidemicæ.	8.
	Quartanæ Anno 1661. & ſeq.	15.
	Quartanæ Epidemicæ Ann. 1661. maturè invadentis	
	exemplum.	52.
	Quartanarum Curatio.	64.
	Parum hæctenus votis reſpondet.	64.
	Per <i>Corticem Peruvianum</i> .	64, 65.
	Aëris mutationem.	68.
		PO.

Potentiora Cardiaca in declinatione propinenda. 68.  
 Quartanariis obest Phlebotomia, ut & Frequens catharsis. 62, 63.  
 In Quartanis infantum & puerorum Fortioribus Cardiacis abstinendum. 68.  
 Quotidiana, 51. Rarius observatur. 58.

R.

**R**achitis Infantum post Febres Autumnales. 72.  
 Vix nisi Febribus Autumnalibus grassantibus occurrat. 73.  
 Curatio, per Catharsin. 72. Quæ tamen non nisi Febre penitus fugatâ, instituat. ibid.  
 Linimentum aperitivum. ibid.  
 Remedia morborum, præsertim Epidemicorum, celare hæud decet Medicum probum. 62.  
*Rhabarbarum* in Alvi fluxu sine additis aliis vix conducit. 161, 162.  
 In Diarrhæâ Epidemicâ nocuit. 147.  
*Rheumatismus* quando & quos præcipuè infestet. 259.  
 Vix ab Authoribus describitur. 260.  
 Eiusdem Symptomata. 259, 260.  
 Differt ab Arthritide. 259.  
 Eiusdem Causa. 259, 261.  
 Interdum post Febres Lectum justo citius deserentibus supervenit. 207, 208.  
 Prognostica. 260.  
 Remedia in hoc Affectu primaria. 143.  
 Curatio, per Venæ-sectionem & Contemperantia. 261, 262, 263.  
 Cataplasma. 261.  
 Diætam. 261, 262, 263.  
 Anodyna vix locum habent. 262.  
 Enemata. 262.  
 Lene Catharticum & Paregoricum in fine morbi. 262.  
 Methodi hujus præstantia. 263.

Aff  
 Rheuma  
 Q  
 Rheuma  
 Rigor v  
 Rosa.  
 S  
 Salis  
 Sali  
 166  
 Saliva  
 Salsap  
 Sangu  
 Sang  
 Circa  
 ed  
 Sani  
 Scor  
 Scor  
 Ubi  
 Scor  
 Cu  
 Sec  
 Sen  
 Sen  
 Sin  
 I  
 S

ACCURATISSIMUS.

Affectus hujusce contrariâ methodo tractati sympto-  
mata. 263.  
Rheumatismi inveterati Cura. 265.  
Quâ ratione hic administranda Venæ-sectio. ibid.  
Rhetmatica *Lumbago*. 260.  
Rigor vel Horror in Febribus Intermittentibus unde. 48.  
Rosâ. 84.

S.

*Salis Absinthii* usus in vomitu. 46.  
Salivatio in Febre Continuâ Epid. ab Ann. 1667. ad  
1669. 139.  
Salivatio Variolarum *Confluentium* comes. 113, 129, 130.  
132.  
*Salsaparilla* non sanat Luem Veneream virtute specificâ.  
1.  
Sanguinis depuratio fit per duplicem partium secretionem.  
44.  
Sanguis purus non rarò Febre accenditur. 19.  
Circa Sanguinem in Pleuritide per Venæ-sectionem  
eductam variâ observationes. 251.  
Sani non rarò Febre corripuntur. 19.  
Scorbuti vocabulum perperam & temerè usurpant imperiti.  
35, 263, 264.  
Scorbuti nomen nimis latè vulgò extenditur. 264.  
*Ubi desinit Scorbutus, ibi incipit Hydrops*. 264.  
Scorbuti latram gerunt plures morbi chronici. 264.  
Cum Scorbuto Febris. 35.  
Secretio impuritarum sanguinis fit per *feces, & flores*. 44.  
49.  
*Semen anethi* in Singultu nil profuit. 42.  
Seri Lactis in Dysenteria usus. 165.  
*Singultus* in Febre Contin. Epid. ab Ann. 1661. ad 1665.  
42.  
Causæ remotiores. 42. Proxima nondum innotuit.  
ibid.  
Curatio, per *Diascordium*. 42.  
In Soporosis Affectibus Clysteres valdè utiles. 206.  
Spiritus Vini ustulatus in Tussi sæpe nocet. 229.  
*Spi-*

*Spiritus Vitrioli Phrenesin in Febre Epidemicâ domabat*

In Variolis insigniter profuit.	221, 222
Sudores vel <i>Critici</i> sunt vel <i>Symptomatici</i> .	207
Sudores symptomatici.	240
Sudores in omni Febre convenire nequitquam patet.	208
Sudores ad Febres tollendas provocandi quales esse debeant.	144
Sudores in Febrium declinatione spontanei valdè sunt salutaris.	210
Sudoris in Febribus observatio multum facit ad earum declinationem.	239
In Sudore iusculis ægrum reficere admodum salutare est.	101
Sudores Nocturni in Convalescentibus.	214
Curantur moderato Vini generosioris usu.	215
Sudoriferorum formulæ in peste.	99
Syderatio.	265

T.

<b>T</b> enesmus post Dysenteriam.	158, 167
Adultis exitialis, Infantibus benignus.	158
Dejectiones stercorosæ hic dolorificæ.	158
Methodo vulgari non sanatur.	167
Causa.	167
Curatio.	167
per Roborantia varia.	167
Topica nequit succedere.	ibid.
Terræ effluvia morbos Epid. varios gignere possunt.	219
<i>Tertianæ</i> .	51
<i>Tertianæ Vernales</i> .	8
<i>Tertianæ Vernales</i> ob perversam Curationem diu durantes.	54
<i>Tertianæ Vernales</i> diuturnæ ab Autumnali tempestate fugantur.	54
<i>Tertianæ Autumnales</i> .	8, 54, 55
<i>Tertianæ Autumnales</i> Quartanis magis sunt affines, quam Vernales.	57, 58
<i>Tertianarum Autumnalium</i> Curatio.	63

ACCURATISSIMUS.

Per Sudores & Dejectiones eodem tempore excitatos. 63.

Tertianæ Duplicis Autumnalis Curatio. 63, 64.

Per Sudorem. 64.

Cardiaca. 64.

Dietam. ibid.

In Tertianâ Duplici *Electuarium* roborans. 64. it. *Jule-*

*pus.* ibid.

Tertianæ Epidemicæ Ann. 1661. & seq. peculiaris symp-  
tomata. 15.

Tertianæ Ann 1671. 150.

*Theriaca* in Febre Pestilentiali feliciter usurpata. 100.

Tumor Crurum post Variolas quibus remediis curandus. 138.

*Tussis* Causa. 228.

In *Tussi* spiritus Vini ustulatus aliaque similia valdè inter-

dum noxia. 229.

In *Tussi* quandoque valdè salutare est corporis exercitium. 229.

*Tussis* cum Febre. 228.

*Tussis* in Febre *Contin.* Epidem. ab Ann. 1661, ad 1665. 39.

Causa ejus. 39.

Primò sicca est, mox è crassiori materiâ difficilis. ibid.

Curatio, per Oleum Amygd. d. 40.

*Tusses* Epidem. Ann. 1675. 201, 202.

Circa finem Octobris grassari incipiebant 226.

*Pleuritidem* & *Peripneumoniam* symptomaticas sibi 227.

jungebant. 228.

Causa. 226.

Non carebant periculo. 227. & seq.

Curatio. 230.

Lenis ac blanda requirebatur. 231.

Venæ-sectio parcè hîc debebat institui. 228.

Dietâ. 229.

Anodyna, Spirituosa calidaque medicamenta hîc 229.

sumè nocebant. 219.

Quemadmodum & Sudorifica. 219.

Symp-

I N D E X.

Symptomata quædam Tussi huic supervenientia.	229
Curatio per Venæ-sectionem, Epispasticum ad No-	230
cham & Clysteres, it. Diætam.	230
Curationis hujus feliciter peractæ exemplum.	232
In Tussi Infantum Venæ-sectio summè prodest.	179

V.

<b>V</b> ariolarum apud Antiquos Authores nulla fit mentio.	225
1 Variolæ novum sunt morbi genus.	225
Variolarum essentia vix potest comprehendi.	117
Variolarum morbus est quædam sui generis Inflammatio.	118
Variolæ revera parvi sunt abscessus.	118
In Variolis duo morbi tempora, <i>Separationis &amp; Expulsio-</i>	118
<i>nis.</i>	118
In Variolis Separationem paulatim fieri satius est.	119, 124
In Variolis Expulsio plus temporis requirit quàm Separatio.	118
Variolæ quandoque sine insigni ægritudine erumpunt.	107
Variolarum in Infantibus sæpè sunt prænuncii Epileptici insultus.	107
Variolæ quo anni tempore invadere soleant.	106
Variolæ quanto tempore soleant grassari.	8
Variolæ vehementiores insignem sanguini imprimunt fervorem.	138
Variolis supervenientia symptomata.	125, 126
Variolarum Pustulæ.	142
In Variolarum summitate maculæ nigræ à nimio fervore.	116
Variolæ in crustas resiccatae.	127
Variolæ ab Aëris oculi crasi.	79
Variolæ pro varietate Constitutionis Epidemicæ, quæ grassantur, variè se habent.	105, 106
In Variolis diversarum Constitutionum diversus periculi terminus.	218
Variolæ mitiores citius finiuntur.	218
In Variolis mox impensè sudare noxium.	94
In Variolis symptomatum circa vesperam exacerbatio.	113
	132
Variolæ	

ACCURATISSIMUS.

- Variolarum retrocessio sæpè temerè culpatur. 136.  
 Variolarum perversè curatarum symptomata. 111. & seq.  
 In Variolis Mictus sanguinis & hæmoptysis mortem præ-  
 nunciant. 136.  
 Variolarum cum phrenitide casu sanatarum historia. 135.  
 Variolæ vehementiores sæpè chronicos quosdam affectus  
 post se relinquunt. 138.  
 Variolarum Epidemicarum specie benè cognitâ, etiam Fe-  
 bris simul grassantis natura cognoscitur. 238.  
 Post Variolas relictæ focvæ unde & quomodo oriuntur.  
 109, 111, 133.  
 In Variolis Prognostica. 128, 129, 130, 136.  
 In Variolis præcox eruptio periculosior est tardiore. 120.  
 124.  
 In Variolis faciei manuumque tumor magni est momenti.  
 117, 130.  
 In Variolis, præsertim adulatorum Diarrhœa periculum  
 minatur. 117.  
 Variolis plures è divitibus percutunt quàm è plebe. 128, 129.  
 Variolarum eruptione finitâ, quænam peragenda. 220,  
 221.  
 In Variolis duæ primariæ Indicationes. 118, 119, 121.  
 Variolarum Curatio tam quoad famam Medici quàm sa-  
 lutem ægri ardua est atque difficilis. 122, 123.  
 In Variolarum Curatione quænam observanda. 142.  
 In Variolis Regiminis calidioris noxæ. 114, 115, 120,  
 121, 124, 125, 128, 234.  
 Variolarum eruptio à Regimine calidiori & Cardiacis sæpè  
 in hiberet. 125.  
 In Variolis subinde Lecto abstinere satius est. 127.  
 In Variolis à Regimine calidiori & Evacuatione tanquam  
 duobus extremis abstinendum. 120.  
 In Variolis cur noceant Evacuationes. 120, 121.  
 In Variolis plus peccatur in calidiori quàm frigidiori Re-  
 gimine. 117.  
 In Variolis Regiminis frigidioris noxæ. 117.  
 In Variolis Naturam sibi relinquere plerumque satius est.  
 120.  
 In Variolis Expulsio leniter promovenda. 121, 122.  
 In

I N D E X

- In Variolis Expulsio mediocri calore omnium optimè per-  
ficitur. 122.
- In Variolis noxii sunt ingentes sudores. 120, 127, 129.
- Variolarum Curatio. 119. & seq.
- Per Regimen moderatum. 119, 120, 122, 127, 129.
- Cardiaca. 123, 125, 127, 128.
- Dietam. 123, 124, 127, 128, 132.
- Venæ-sectionem. 126, 128, 133, 134.
- Salivationis in Adultis justum Regimen. 130.
- Narcotica. 130.
- Diarrhœæ in Infantib. Conservationem 132.
- Oleum Amygd. d. pustularum crustis illitum  
132.
- Symptomatum Curatio. 133. & seq.
- Faciei Flaccida & Phrenitidis.* 133, 134, 136.
- Suffocationis à saliva viscidâ imminuentis.* 135, 136.
- Comatis.* 136.
- Macularum Purpurearum.* 136.
- Mictus sanguinis & Hemoptysis* curationem re-  
spuunt. 136.
- Urinæ suppressionis.* 136.
- Crurum tumoris* post Variolas. 138.
- Symptomatum à frigore externo vel intempertivâ eva-  
cuatione ortorum Curatio. 137.
- Post Variolas curatas Venæ-sectio & Purgatio insti-  
tuendâ. 137, 138.
- In Variolis Venæ-sectio per se noxia, per accidens quando-  
que prodest. 128.
- In Variolis Cardiaca cautè propinanda. 123, 124, 129.
- Variolarum Expulsio per Paregorica. 125.
- In Variolis Infantum Narcoticis abstinendum. 131.
- Variolæ retrocedentes quomodo iterum evocandâ. 123.
- Variolis arefactis, Vini Canarini usus salutatis. 186.
- Variolarum Cicatrices præcavendi ratio. 223.
- Variolarum cicatrices Regimine moderato præcaventur.  
133.
- Variolarum cicatrices illitionibus nequesunt præcaveri. 132.
- Variolis medendi methodus ab Authore tradita minimè  
debet contemni. 224, 225.
- Vario-



ACCURATISSIMUS.

Variolæ sunt vel <i>Distinctæ</i> vel <i>Confluentes</i> .	106, 126.
Variolæ <i>Distinctæ</i> .	126, 127.
Variolarum <i>Distinctarum</i> symptomata antè, in, & post eruptionem.	106. & seq.
Variolæ <i>Distinctæ</i> quo die soleant erumpere.	107.
Variolarum <i>Distinctarum</i> eruptio exactè descripta.	108.
In Variolis <i>Distinctis</i> ægri ad sudorem valdè propensii.	107.
In Variolis <i>Distinctis</i> dies octavus valdè est notabilis.	113, 114.
Variolæ <i>Distinctæ</i> vix post se vestigia relinquunt.	109.
Variolarum <i>Distinctarum</i> Curatio.	127, 128.
Variolæ <i>Confluentes</i> atrociores sunt quàm <i>Distinctæ</i> .	109.
Variolæ <i>Confluentes</i> quo die soleant erumpere.	110.
Variolæ <i>Confluentes</i> ob insignem quandam dolorem ferius interdum erumpunt.	110.
Variolarum <i>Confluentium</i> symptomata antè, in, & post eruptionem.	109. & seq.
Variolarum <i>Confluentium</i> eruptio exactè descripta.	111, 112.
Variolæ <i>Confluentes</i> ab Erysipelate & Morbillis difficulter distinguuntur.	111.
Variolas <i>Confluentes</i> comitantur <i>Salivatio</i> & <i>Diarrhœa</i> .	112, 113.
Variolarum <i>Confluentium</i> comes <i>Salivatio</i> .	113, 129, 130, 132.
Variolas <i>Confluentes</i> in Infantibus comitatur <i>Diarrhœa</i> .	131, 132.
In Variolis <i>Confluentibus</i> <i>Diarrhœa</i> minus periculosa est quàm <i>Salivatio</i> .	222.
Variolæ ob intempestivum Cardiacorum usum sæpè confluunt.	124.
In Variolis <i>Confluentibus</i> dies undecimus valdè est notabilis.	113, 115.
In Variolis <i>Confluentibus</i> Prognostica.	112.
Variolarum <i>Confluentium</i> Curatio.	129. & seq.
In Variolis <i>Confluentibus</i> Corpus in Lecto transponere juvat.	222.
Variolæ circa Æquinoctium autumnale sævientes.	10.

I N D E X

Variolæ Epidemicæ vix ulli parcunt.	106.
Variolæ Epidemicæ ab Ann. 1661. ad 1664.	76.
<i>Variolæ Epidemicæ ab Ann. 1667. ad 1669.</i>	104.
Erant <i>Regulares</i> .	105, 106.
Quo Anni tempore invadebant.	106.
Variolæ Ann. 1669.	149.
Variolæ Epidemicæ Ann. 1670.	149, 150.
Ann. 1671.	150.
Ann. 1672.	151, 152.
Variolæ Epidemicæ <i>Anomale</i> ab Ann. 1669. ad 1672. quibus potissimum Anni temporibus grassabantur.	180.
Earum tempora sive Periodus.	181.
Rationem formalem non comprehendimus.	184.
Hæ, quàm in præcedente Constitutione erant graviores.	183, 187.
Earum Symptomata, quæ à Variolis præcedentis Constitutionis differebant. 181. & seq. In initio grassationis erant atrociora. 181, 182. in progressu benigniora.	183.
<i>Vesicula in Femoribus</i> hic præ ceteris pessimum Symptoma. 182, 183. Ejusdem exemplum.	182.
<i>Dysenteria</i> .	183.
<i>Mensium fluxus intempestivus</i> in feminis.	185.
Quinam dies in Variolis his <i>Confluentibus</i> periculosiores.	182, 183.
Ingens in his Variolis erat Inflammatio.	184, 187.
Regimini hic calidioris noxæ.	182, 183, 185.
Curatio, per Sanguinis ebullitionem compescencia.	184. Quò pertinet imprimis <i>Decoctum album</i> , it. <i>Hydrogala</i> . 184. Quorum usum minimè prohiber imò suadet <i>Fluxus Mensium</i> in feminis.
Variolarum cum <i>Mensium Fluxu</i> prædictâ methodo curatarum exemplum.	185, 186.
In <i>Discreto</i> harum Variolarum genere Curatio per Dietam refrigerantem & Paregonicum sufficiebat.	187.
Talis Curationis feliciter peractæ exemplum.	187.
Mu-	

ACCURATISSIMUS.

	Muliercularum in hoc Affectu perversa curæ.	185.
	Variolæ Epidemicæ Ann. 1673.	199
	Variolæ Epidemicæ Ann. 1674.	200
	A Morbillis relicta.	217.
	Aliis Ann. 1670. grassantibus perquam similes.	217.
	219. Nisi quod major putredo, materiaque cras-	
	sities hinc subesser.	218, 219.
	Nonnunquam variarum partium tumores & aposte-	
	mata oriebantur.	218.
	Præ aliis erant periculosa & mali moris.	220. Nisi
	<i>discreta</i> invaderent.	ibid.
	Indicationes planè contrarias videbantur suggerere.	
		220.
	Curatio.	220.
	Per Liqueores contemperantes & assiduum in	
	Lecto decubitu. 220. <i>Spiritus Vitrio-</i>	
	<i>li.</i>	221, 222.
	Corporis in Lecto transpositionem.	222.
	Diætam.	222.
	Paregoricum.	223.
	Lectionis abstinentiam.	223.
	Vena-sectionem.	223.
	Catharticum.	223.
	Methodi hujus præstantia.	223.
	Ejusdem exempla.	223, 224.
	Curatio <i>Discretarum</i> hujus Constitutionis.	224.
	Variolæ Anni 1675.	202.
	Vectio in Colicâ utilissimum exercitium.	192.
	<i>Vena-sectionis</i> in Peste salutare & optimum est remedium. 90.	
	& seq. Imò etiam unicum, juxta Botallum. 91, 92.	
	<i>Vena-sectionis</i> in Peste parca & abscessu jam erumpente ad-	
	ministrata valde noxia est. 90. Unde eam in totum hic	
	improbandi ansam vulgò arripiunt.	91.
	<i>Vena-sectionem</i> in Peste commendant primarii quidam	
	Scriptores.	91.
	<i>Vena-sectionis</i> in Peste utilissimè plurimis agris ad-	
	ministrata historia.	92, 93.
	<i>Vena-sectionis</i> in debilibus nocet.	20.
		Vc.

## INDEX ACCURATISSIMUS.

Venæ-sectionis in debilibus administratæ damnum Cardiacis subinde emendatur.	20, 21
Venæ-sectio ægro in Lecto cubanti administrata meliùs toleratur.	257, 258.
Venæ-sectio in Infantibus æquè tuta ac necessaria est, ac in adultis.	178, 179.
Ventris Tormina Epidemica Ann. 1669.	148, 156.
Curatio.	165.
Ventris Tumor & Durities in Infantibus.	73.
Curatio per Linimentum.	72.
Vere Morbi quidam Inflammatorii gignuntur.	54.
Vestium mutatio quo anni tempore omnium tutissimè fiat.	244.
Vini cujusdam generosi usus in Senibus tussientibus.	34.
Vinum Absinthites.	67.
Vinum Canarinum.	127, 186.
Vinum Malacense.	215.
Unguentum in Pleuritide.	253.
Vomitiones virides non semper cacochymiam indicant.	197.
Vomitus & Alvi profluvium à Sudore sedantur.	99, 100.
Vomitoriis quandoque emendari nequit materiæ vitiosæ vomitus.	197, 198.
Vomitorium in Febre Maligna quandoque Diarrhœam excitat.	43.
Vomitoria in Suffocationis quodam periculo majori dosi propinanda.	36.
Vomitorii exhibitionem præcedat Venæ-sectio.	23.
Vomitorii præscriptio & usus.	23.
Vomitoria ex <i>Infusione Croci metallorum</i> minus sunt tuta, præsertim pro puerulis.	25, 26.
Urinæ suppressio in Variolis.	117, 136.

FINIS INDICIS.

ardia.  
o, 21  
us to-  
258.  
acin  
179.  
156.  
165.  
73.  
72.  
54.  
fime  
244.  
34.  
67.  
186.  
215.  
253.  
197.  
100.  
iofe  
198.  
eam  
43.  
doli  
36.  
23.  
23.  
uta,  
26,  
36.

EPISTOLÆ

RESPONSORIE SUE

FR. MORIS EPISCOPI  
1675. ad annum 1680. ad 1685.  
M.D.C.LXXV.

VENETIÆ, Apud Vener. Librarij & Cœnobij,  
D. Hieronij Passari, M.D.C.LXXV.

INDEX ALPHABETICUS

Faint, illegible text, likely an index or list of entries, possibly containing names and dates.

T  
E  
R  
De  
16  
De

T H. S Y D E N H A M  
E P I S T O L Æ  
R E S P O N S O R I Æ D U Æ.

P R I M A

De Morbis Epidemicis ab anno  
1675. ad annum 1680. ad D. *Ro-*  
*bertum Brady*, M. D. &c.

S E C U N D A

De Luis Venereæ Historia & Curatione,  
ad D. *Henricum Paman*, M. D. &c.

T. H. SYDENHAM  
EPISTOLÆ  
RESPONSORIÆ DUE.

PRIMA

De Morbis Epidemicis ab anno  
1679. ad annum 1680. ad D. R.  
Petrum Barthe, M.D. &c.

SECUNDA

De Luis Venereæ Historia & Curatione,  
ad D. Henricum Pannu, M.D. &c.

R O

THO

N

fermen

aut in

jus fit

neque

tiplice

ram i

storia

persec

corpo

quin

impr

impr

const

nis l

dica

jux

nes

nem

tuu

Feb

ban



EPISTOLA I.  
ROB. BRADY. M. D.

*Clarissimo Viro*

THOMÆ SYDENHAM, M. D.

**N**emo usquam Medicorum, Vir eruditissime, adhuc vim aeris & influentiam in humana corpora attentè perpendit, nec in vita nostrâ perennanda quas agit partes eorum quispiam consideravit satis, viresque quas exerit in fermentando, alterando, & circumducendo sanguinem, aut in motibus animalibus quibuscunque peragendis cujus sit energia, & efficacie horum non aliquis notavit; neque ejusdem temperiem naturalem, alterationes multiplices, & mutationes, quas Constitutiones haud perpetuam indigitas, ne leviter quidem, vel Medici, vel Historie Naturalis Scriptores attigerunt, multo minus perscrutari sategerunt. Fieri sanè nequit, cum in omnes corporis partes, etiam reconditissimas, aer sese insinuet, quin quas subit alterationes & mutationes à rebus quibus impregnatur easdem sanguini & succis communicet, & imprimat; unde ut plurimum ab hac vel illa prava aeris constitutione oritur hujus vel illius indolis prava sanguinis Diathesis. Optimo itaque consilio Observaciones Medicas circa morborum acutorum historiam & curationem juxta varias annorum & eorundem partium constitutiones instituisti, cum in iisdem, aeris actiones in sanguinem, succos, & spiritus praesertim (si ipse non sit spirituum materia) conspiciantur. Et nullus dubito quin Febrium indoles ab annorum temperie in quibus grassabantur observata utilissimam, si non unicam, methodum

constituit ad praxim stabilendam. Perge itaque, & si-  
quæ adhuc restant Observationes Februum annorum nu-  
perrimè elapsorum, fac ut palàm fiant, quâ in re quàm  
maximè humani generis saluti prospicies.

In Sectione prima, Cap. quinto, libri tui, paucis  
egisti de usu Corticis Indici, & ejusdem exhibendi metho-  
do. Equidem scio quosdam haud infimi subsellii Medicos,  
qui in magnâ quantitate & dosi sæpius repetitâ cum exhibent;  
alios item qui ex eodem extracta, infusiones, &  
ex infusionibus Julapia, & emulsiones conficiunt,  
quibus modis se non tantum Intermitentes, sed & conti-  
nuas quâsdam cerèdè curare affirmant: Magnum procul  
omni dubio in curandis Intermitentibus est remedium.  
Ego quidem per 20 plus minus annos dictum Corticem  
variâ forma & multiplici præparatione maximo cum suc-  
cessu exhibendum curavi. Si verò peculiare quippiam de  
usu hujusc Corticis nosti, vel quid melius progrediente ex-  
perientia fueris edoctus, id ne graveris precor in lucem  
proferre.

In curatione Rheumatismi frequentem Phlebotomiam  
& larga manu celebratam tanquam necessariam propo-  
sisti. Quærerem Ego annon rejectâ tam severâ & crudeli  
methodo, alia non humani sanguinis ad eò prodiga, nec  
minus certa inveniri possit. Dùm hæc agis, Dignissime  
Vir, malevolorum jurgia, & invidorum stigmata atque  
calumnias sat superque persenties; neque nunc minus  
quàm olim nomini tuo aut famæ parent, licet ingenuis  
ferè omnibus displiceant, & candidioribus, apud quos  
solenne est istiusmodi detractores despiciere. Isti verò, si  
Februum historiam longo usu comprobatam, vel eandem  
essentias, causas, & differentias, vel veram tandem  
Medendi Methodum expiscari volunt, Te Ducem & riam  
præmonstrantem sequi necesse habent; cum vix, aut ne  
vix quidem, alia, vel earum naturam investigandi, vel  
curandi ratio possit assignari. Multè itaque isto, & sper-  
ne sciolorum dîcteria; sincerorum hominum ingenia excita;  
tu methodum monstrasti; & si tua non placet, qui car-

punt dent politioem & magis firmam. Vale, Vir Integerrime, qui hisce peragendis totam medicorum turbam merito devincias, inter reliquos verò,

Tibi jure meritoque amicissimum,

Cantabrigiæ, Decemb. 30. 1679.

R. B R A D Y.

## R E S P O N S I O.

*Amplissimo Doctissimoque Viro*

R O B E R T O B R A D Y, M. D.

*Collegii Cajo-Gonevillensis Custodi, nec non Regio in Medicinâ apud Cantabrigienses Professori longè celeberrimo.*

**M**E certè, Vir Humanissime, si quid in morborum curatione profecero, ad omne id cuius efflagitanti impertiendum præ cæteris qui nunc sunt homines facillimum esse omnino par est: si enim ea tantùm mihi innotescant quæ & reliquis mortalibus, (quod mihi plus satis constat) nullo pacto mihi obfuerit levidensia ista & è triviis desumpta evulgare; sin autem affecutus sim aliquid quod è re Medica sit, & ad certioem morborum Therapeian faciat, non tam mihi laudi dabitur, quàm aliis daretur quibuslibet, ea in lucem expromere; Qui & à Podagra jam ab annis plus minus triginta, & Calculo diu malè multatus, facilè mecum reputo quàm serió gauderem si quod meis malis levamen aliorum indicio possit afferri. Cùm autem paucissimis ingens illud privilegium à Deo Opt. Max. concedatur ut publico commodo

hâc in re inservire queant, iisque tantum quibus *è meliore luto* quam mihi *finxit præcordia Titan*, votis agendum est, quod reapse effectum dare non satis est virium: Semper enim existimavi, neque id sine ratione, majoris esse felicitatis certam vel levissimi alicujus morbi debellandi methodum ægris mortalibus prodidisse, quam vel *Tantali*, quod ajunt, vel *Cræsi* thesauros accumulasse. Feliciorem hoc illum dixi; dicam & meliorem, sapientioremq;: quod enim uberius & sapientiæ & bonitatis suæ specimen quis potest edere, quam cum se è communi generis humani naturâ decisum animadvertat, ea quæ molitur omnia ad publicam magis omnium utilitatem, quam ad suam ipsius, qui tam exilis totius particula & contempta res est, jugiter referre? *Ut enim* (loquor cum meo, sui sæculi, ne dicam universæ hominum naturæ Genio) *leges omnium salutem singulorum saluti anteponunt, sic Vir bonus & sapiens & legibus parens & civilis officii non ignarus utilitati hominum, plusquam unius alicujus, aut suæ consulit.* Cicero de fin. bon. & mal. Quinimo satis liquet quod cum facinorosi sit hominem jugulare, boni viri erit eundem vel conservare, vel alios iis instruere præfidiis quibus adjuti eum ab interitu vindicent, etiam authore vitâ jam functo. Et vox illa planè inhumana & scelerata audit eorum qui negant se recusare quod minus ipsis mortuis terrarum omnium desflagratio consequatur.

His autem impræsentiarum millis factis, fatendum est debere me ea quæ de his morbis, de quibus percontari libuit, animo volutavi, ut ut exilia, tibi planè aperire, Tibi inquam Eximio Viro, & Sparta quam ornas dignissimo; cujus ego & eruditioni & probitati, animique candori ea tribuo encomia quæ reliqua Togatorum Gens, inter quos nites. Præterea etiam quantum tibi debeo gratiarum, quod te tam male habeant immerita illa quibus à non nullis proscindor

convitia ; de quibus hoc habeo dicendum , quòd si vita innocua hominis , qui neminem neque facto neque dicto læserat , me ab illis sartum tectum reddere valuisset , nunquam in me detonuerant . Cùm autem nullo id meo crimine evenerit , neque , ut spero , eveniet unquam , stat sententia non me idèò plectere quòd alii deliquerint ; id tantùm ratus ad me attinere ut viri probi scilicet officio defungar , & boni Medici , quantum patitur tenuitas nostra .

Morem itaque geram in tradendis observationibus quæ mihi in morbis , de quibus sciscitabaris , occurrebant . Primùm autem agam de *Febribus Intermittentibus* nunc apud nostros Epidemicis . Quo nomine non abs re fore arbitror annos istos ordine sed breviter percurrere , qui illum excipiebant quo claudubatur *Historia Acutorum Morborum* (qualis qualis illa demum fuerit) qui per præterlapsos annos 15 grassabantur , & quædam obiter perstringere in eorundem curatione à me pridem notata . Quo facto melius innotescet quo tempore & quibus gradibus quæ jam obtinet Febrium *constitutio* nobis obrepserit .

## ANNUS 1676.

Annus 1676. eosdem peperit morbos quos genuerat *Constitutio* postremo loco commemorata in dictis Observationibus , viz. Annor. 1673. (in cujus Autumno ea se primùm exeruit) 1674. & 1675. At verò exolescentè fermè hâc crasi , mitiores erant quàm pro suo genio qui subpullulabant morbi , & minùs insuper Epidemici ; non obstante peculiari ejus anni indole , quantum ad manifestas aeris qualitates , quibus ab annis præcedentibus perquam abludebat ; cùm & æstatis fervor , & frigus hyemis omnes fermè annos quorum memoriam habemus longo intervallo superaverint . Et cùm tam ingens tempestatum discrepantia similes tamen morbos produceret , satis hinc liquet non tam manifestam quàm occultam aeris temperiem Epidemicis morbis favere . At verò fatendum est mor-

qos eisdem quoad symptomata quædam aliquando à manifestâ aeris diathesi pendere, quod & *Morbilli* & *Cholera Morbus* hoc anno invadentes testatum faciunt; de quibus breviter agam.

*Morbilli* enim nascenti anno coorti, licet non admodum Epidemici, id tamen eximii habebant quòd solito longius procurrerent: nam cum pro more suo mense primùm Januario comparentes, ad Æquinoxium usque vernum ingravescerent, dein paulatim imminuti cum Solstitio æstivo ferè expirarent, hoc anno ad Æquinoxium fermè Autumnale pertingebant, ab æstatis calore, nisi fallor, aucti viribus quò diutius obisterent. Neque tamen Methodum Medendi ab usitatâ illâ diversam postulabant.

Exeunte æstate *Cholera Morbus* epidemicè jam sæviebat, & insueto tempestatis calore evectus, atrociora Convulsionum symptomata eaque diuturniora secum trahebat quàm mihi priùs unquam videre contigerat. Neque enim solum abdomen, uti aliàs in hoc malo, sed universi jam corporis musculi, brachiorum crurumque præ reliquis, spasms tentabantur dirillimis, ita ut æger è lecto subindè exiliret, si forte extenso quaquaversum corpore eorum vim posset eludere.

Quamlibet autem hic morbus non aliam à jam receptâ medendi rationem sibi vendicabat, Anodyna tamen fortiora, eaque sæpius ingerenda quàm alias solebam, omnino indicabantur. Ex. gr. Ad quendam vocatus per id temporis truculentissimo illo, quod modò descripsi, symptomate tantùm non enectum (me autem comitabatur *Carolus Goodall* M.D. cujus animi Candor, Probitas illibata, summus in me amor, labor improbus in morbis dignoscendis curandisque unà cum nomine mihi semper occurrunt) & enormi vomitione, spasmorumque violentiâ, animum agentem, cum sudore frigido, & pulsu vix micante, 30. guttas *Laudani Liquidi*, à me jam olim publicati,

cati,  
curavi  
medic  
penfo  
allide  
vires  
dis C  
plum  
terpo  
foret  
ferre  
sym  
tam  
cute  
por  
dies  
dof  
lue  
ani  
  
nu  
di  
ex  
bu  
m  
g  
P  
n  
fi  
t  
v

cati, in cochl. i. *Aq. Cinamomi* fortis exhibendas curavi, veritus sc. ne vehiculum paulò copiosius medicamento rejiciendo (quod in vomendi tam impenso conamine persæpè fit) ansam daret? dein lecto allidens quasi ad semihoram, & expertus Remedii vires nec Vomituritioni compescenda, nec sedandis Convulsionibus adhuc pares esse, toties illud ipsium repetere, & dosin in tantum augere cogebar (interposito tamen spatio, ut quid à jam ingesto mihi foret sperandum priùs ediscerem, quàm novas adferrem suppetias) donec tandem pervicacissima illa symptomata sub jugum victoris mitterentur, quod tamen vel minimo corporis motu excitata denud excutere satagebant. Serio itaque imperavi, ut & corporis quieti modis omnibus indulgeret ad paucos dies, & Medicamentum jam dictum, sed in minori dosi, subinde assumeret, etiam postquam convalesceret, ad *cura* sc. confirmandam; quod nobis ex animo cessit.

Neque est cur me quispiam justo audaciorem pronunciet, eo sc. nomine quòd tantam Laudani Liquidi vim agro infundere non dubitaverim; cùm judice experienciâ certò constabit, quod in quibus affectibus ex Opio parata indicantur (sunt autem tres *Vehe- mens Dolor, Vomitus vel Dejectio enormior, & insigniores spirituum animalium à Cerebris*) in iis & Remedii Dosis & repetendi vices cum symptomatis magnitudine omnino sunt conferendæ. Quæ enim dosis remissiori symptomati coercendo par est, ea ab alio fortiore superabitur; & quæ aliàs agrum in manifestum vitæ discrimen conjiciet, eundem impræsentiarum ab orci faucibus liberabit.

ANNUS 1677.

Atque hi sunt morbi isti qui hoc anno populabantur, iidem sc. ut jam innui, cum morbis trium annorum præcedentium. Quales autem fuerint qui annum sequentem viz. 1677. funestaverint, non habeo dicere.

cere. Cùm enim molestissimo sanguinis mictu, à motu vel levissimo, sub anni initio malè multaret, neque ità diu postea Podagrà etiam, quæ non jam tam artus quàm viscera sævillimo dolore excruciat, accedentibus insuper virium & appetitùs prostratione, crurum tumore, aliisque symptomatis non minus periculosis (quem, si tùm fuerim extinctus, mors certè non tam à bonis quàm à malis abstraxisset, haud equidem repugnantem) me domi meæ ad menses tres continere, deindè redintegrandæ sanitatis causà per idem ferè spatium rusticari cogebat: Autumnino reversus ad meos, Febres Intermittentes hinc inde sparsas esse (quarum tamen pars maxima ægros non in urbe [primùm invaserat] ab amicis didici; cùm autem mihi per valetudinem non liceret ægros invisere, de hoc anno nihil melius silentio possum adferre.

ANNUS 1678.

Proximi anni (viz. 1678.) *Constitutio* prorsus immutata *Febribus Intermittentibus* (quæ jam ab anno 1664. ad tredecim sc. annos, urbe ferè exulaverant, nisi quod nonnullos sporadicè occuparent, vel ex agris fortè comitarentur) usque adèd favebat, ut Epidemicæ rursus audirent; neque eum tantum gradum hodiè tuentur, quin & fines latius proferent, donec hæc, à quâ pendent, aeris *Ἀέρας* suam *ἀρξὺν* attigerit. Quantumlibet autem dictæ Intermittentes pauciores aliquot etiam tempore Verno fuerint adortæ, eò usque tamen exeunte Æstate & Autumnò subeunte præ cæteris sæviebant, ut nulli amplius morbo Epidemici nomen relinquerent. Hyeme verò paululum fatiscentes *Variolis* locum cedebant atque aliis insuper Epidemicis, qui per omnia dominabantur, donec Intermittentibus apta tempestas in orbem rediret.

Sed ut jam edisseram quæ de harum Febrium & naturâ & causis sedulâ observatione affectus sum: imprimis notandum est, quòd licèt olim *Quartanæ* frequen-



frequentius occurrerent, nunc dierum aut *Tertianæ* erant aut *Quotidianæ* (nisi quis postremas has *Duplices Tertianas* malit appellare) & pariter quòd licet *Tertianæ* *Quotidianæ*que aliquando cum rigore atque horrore invadentes, subsequente primùm calore, mox etiam sudore, tandem in omnimoda ἀπερξία delinerent, atque post statam periodum ægros de novo lacefferent; ne hunc quidem jam morem servabant ultra tertium quartumve Paroxysmum; maxime si æger lecto addiceretur, & assumptis Cardiacis calidioribus oleum camino, quod ajunt, addiderit. Postea verò Febris hæc eò usque etiam præter indolem suam incrudescibat ut *Intermissionis* loco *Remissionem* tantùm ægro concederet; & magis indies ad *Continuarum* speciem accedens, tacto Cerebro, tandem haud paucos extingueret.

Hic autem loci affirmare libet, me ne unicum quidem Febrem per hos dies verè Continuum vidissè unquam, nisi fortè re malè gestà in earum classè fuerit evecta; vel una esset *Intercurrentium* mihi dictarum, quòd sc. omni ferè anno invaderent. Ita pertinaciter hæc Constitutio hujusmodi Intermittentibus favebat; cujus certè acies priùs est retundenda quàm Continuæ epidemicè grassari fuerit integrum. Etenim in hæc Februm specie Natura plùs satis festinare videtur, & agendi vehementià justo citiùs tempora materiæ morbificæ subigendæ, mox etiam despumandæ debita percurrere: Quod in *Depuratoria* fecus accidit, in quâ non nisi post dies 13. vel 14. apparent signa Materiæ Febrilis tandem concoctæ, per sudores subinde, vel potius per *Agrovolà* paulò pleniores eliminandæ.

Curationem quod spectat, jam à multis annis mihi innotuit quàm sit periculosum eam in *Tertianis* & *Quotidianis* (quæ cum recentes sint nullumque typum induta: in continuitatis vicinia adhuc hærent) per sudorifica moliri: quamvis enim notillimum sit simul

cum

cum sudore prorumpente inquietudinem atque alia symptomata statim evanescere, & *irruet* succedere, & ex consequenti huic paululum esse indulgendum, saltem non esse oblitendum Paroxysmo fatifcente, tamen est compertissimum quod si justo copiosius eliciatur sudor, quæ intermittebat Febris jam fit Continua, ægerque tanquam incerto aleæ casu in vitæ discrimine versatur, hic servatur, perit ille. Ratio est hæc, nisi mea me fallit conjectura, quod se istiusmodi profusus sudor, cum materiæ febrilis, paroxysmi calore eo usque evecatæ ut jam per despumationem ejici possit, modum exuperet, exterminatâ eâ parte quæ unico Paroxysmo respondet, de reliquo sanguini incendendo impenditur. Hujus itaque methodi inefficaciam, & aliarum evacuationum, Venæ sectionis v. gr. & Catharsis, incommoda (quarum utraq; relaxando tonum sanguinis morbum protrahunt) dum mecum perpenderem, Peruvianus Cortex certissimam mihi spem fecit; de quo verè affirmare possim, non obstante tam vulgi quàm perpaucorum & doctis præjudicio, me nihil mali ægris accidisse ab ejus usu vidisse unquam, vel cum ratione suspicari potuisse. Et profectò si tam effectorum durationem quàm ipsius innocentiam exploratam haberem, principem illi locum inter omnia quotquot sunt remedia deferre nullus dubitarem; cum non tantum in hoc morbo insignium esse virium deprehendatur, sed & in Uteri & Ventriculi etiam affectibus: Tantum abest ut de ejus insalubritate meritò quis conqueratur.

His autem potissimum de causis, nisi fallor, dictus Cortex malè audit. Primò quia plurima illa horrendaque symptomata quæ Febres Intermittentes jam diutius ægrum cruciantes comitantur, etiam ubi ne minimum quidem Corticis degustaverit, Cortici, vel semel assumpto, imputantur. Secundò quia cum occultâ vi & non per sensibilem aliquam evacuationem morbum averruncet, statuunt plerique materiam

morbum committentem quæ propelli debuerat, tanquam hostem intra moenia vi Corticis astringente inclusam latere, novos daturam tumultus, atque ægrum non penitus evasisse cum adhuc catenam trahat. Ast hi non satis attendunt Sudores paroxysmum finientes id omne quod in lucido sanitatis intervallo accumulabatur prius eliminasse, manere tantum morbi seminium tempore maturandum; quodque Cortex fugientem paroxysmum à tergo urgens, & intercepto qui debuerat subministrari morbi comœatu sive fomite, non potest in sanguine retinere quod jam in illo non nisi tanquam in embryo reperitur; ac proinde neque strangulationum neque obstructionum quæ vulgò objiciuntur, reus est peragendus.

Quo autem pacto deprehendemus Corticem vi suâ altrictoriâ Febres fugare? Qui id probare velit necesse erit ut prius alia Astringentia pari virtute prædita in medium afferat; mibi certè vel eorum fortissima adhibenti in experimentum nondum è voto cessit. Quid quod illos etiam sanat qui ab ejus usu tanquam à Cathartico assumpto (quod nonnullis accidit) frequenter alvum deponunt? Id verò demum est rectè sapere suo se quemque pede ac modulo metiri. At si quis fucum sibi faciens, aliis se præditum esse facultatibus existimaverit, quàm quæ inserviunt percipiendæ vel *Naturali Theologiae*, (ut Deo sc. rerum omnium Architecto & Moderatori debita veneratio cum profundissimâ animi prostratione jure merito exhibeatur) vel *Philosophiæ Morali* (ut virtutem exerceat, & mores tam ad privatam quàm publicam Societatis Humanæ bonum accommodet) vel denique *Arti Medicæ, Mathematicæ, vel Mechanicæ*, (quibus vita communis adjuvatur.) Hic primùm Hypothesin aliquam è schola *Naturalis Philosophiæ* deprobat, quâ vel unicam differentiam specificam rerum in naturâ possit enodare; ex. gr. rationem reddat quare *Gramen* omne viridi ubicunque colore, nusquam

alio

alio cernitur infectum, &c. Hoc si effecerit in ejus castra haud invitus transeam; sin aliter, non verebor dicere quòd Medici cura omnis atque industria in expiscandâ Morborum Historiâ, inque remediis adhibendis, quæ, Experienciâ Indice ac Magistrâ, eisdem valent depellere, debent collocari, observatâ tamen istâ Medendi Methodo quam recta ratio (non speculationum commentis, sed trito & naturali Cogitandi modo innixa) ei dictaverit. Dicam itaque paucis quod usu didici de Methodo quâ Cortex nobis usurpandus venit.

*Cortex Peruvianus*, cujus *Pulvis Patrum* vulgò nomine insignitur, annis abhinc quinque & viginti (si bene memini) apud Londinenses nostros in exterminandis Febribus Intermittentibus, maximè Quartanis, primùm cœpit inclarescere. Idque optimo sanè jure, cum hujuscemodi morbi rarissimè ab ullo alio sive Remedio sive Methodo Medendi antea expugnarentur, unde etiam opprobria Medicorum & erant & audiebant. At verò non ita multo tempore elapso, duabus de causis, non quidem levibus, damnatus in desuetudinem prorsus abiit. Primò quia paucis horis antè adventum Paroxyfmi, pro recepto id temporis more, exhibitus ægrum nonnunquam è medio tolleret; quòd & civi cuidam Londinensi eidemque Senatori Urbano, *Underwood* nomine, & Capitaneò nomine *Potter* in vico vulgò dicto *Black Fryars* Pharmacopolæ meminè accidisse. Funestior hic pulveris exitus, quamvis oppidò rarus, medicos tamen paulò cordatiores ab ejus usu meritò retraxit. Secundò quia æger ope pulveris à Paroxyfmo alias in vasulo liberatus, quòd plurimum pateretur, tamen intra dies 14. recidivam ut plurimum pateretur, in morbo scilicet recenti, necdum temporis cursu suoque Marte committigato. Maxima pars hominum his permota rationibus spem de hoc pulvere jam pridem conceptam protinus abjiciebat: Neque enim tanti æstimabant Paroxyfimum ad

ad paucos dies protelare, ut se eo nomine in vitæ discrimen à pulvere intentatum induci paterentur. Ego verò jam ab aliquot retro annis haud vulgarem hujus Corticis vim seriò perpensens, animoque revolvens, non alio magis quàm hoc Herculeo medicamento Febres Intermittentes debellatas iri confidebam, si qua par erat cura accederet, & diligentia. Diu itaque multumque apud me agebam, ut & Periculo à pulveris usu impendenti, & Recidiva intra paucos dies subsecuturæ (quæ duo erant amolienda incommoda) possem occurrere, atque ægrum hujus ope ad perfectæ sanitatis gradum promovere.

Primò Periculum quòd minitabatur non tam ex ipsò Cortice natum arbitrabar, quam ex eo quòd minùs opportunè ægro ingereretur: cùm enim vis ingens materiæ febrilis diebus à Paroxyfmo vacuis in corpore fuerit aggesta, pulvis prædictus, si immediatè ante Paroxyfsum deglutiatur, facit quo minùs materia morbifica ipsà naturæ methodo, Paroxyfmi scilicet impetu, possit eliminari, quæ proinde præter fas inclusa ægrum in vitæ discrimen solet conjicere. Hoc ego me malum propulsare posse existimabam, materiæque pariter febrili de novo generandæ obicem ponere, si ubi primùm Paroxyfmorum unus affligere desierit confestim pulverem exhiberem quo infecutus sufflaminaretur, & diebus Intermiffionis statis subinde vicibus eundem repeterem usque dum novus invaderet Paroxyfmus, atque ita paulatim tutòque proindè sanguinis massam salutiferà Corticis virtute penitus inficerem.

Secundò cùm Recidiva, (quæ intra dies 14. plerumque accidebat) ex eo mihi videbatur nasci, quod sanguis non satis exaturaretur virtute Febrifugi, quod utut efficax, unà tamen vice morbo penitus exterminando par non fuit, idcirco autumabam nihil ad eam præcavendam æquè posse conducere atque methodum repetendi pulveris, etiam devicto ad præsens morbo,

ho, justis semper intervallis, antequam scilicet vires  
præcedentis dosi prorsus elanguescerent.

His itaque rationum momentis innixa mens eam  
quâ jam utor, mihi methodum dictabat. Ad ægram  
*Quartanâ* Febre laborantem accersitus (die Lunæ v.  
gr.) si Paroxysmus eodem die sit invasurus, nihil pro-  
fus moveo, sed id tantum ago ut spem faciam eum à  
proximè venturo liberatum iri. Ac proinde binis die-  
bus Intermisionis (Martis sc. & Mercurii) exhibeo  
mane, & serò Corticis subtilissimè triti ʒ ii. vel in Vi-  
no hauriendas, vel in formâ Electuarii cum Syr. e Ro-  
sis ficcis q. s. superbibendo Vini haustum. Die Jovis,  
quo metuitur Paroxysmus, nihil impero, cum ut  
plurimum nullus accedat, reliquis materiæ febrilis  
per solitos sudores præcedentem paroxysmum absol-  
ventes despumatis, ejectisque è sanguine, atque in-  
tercissâ novæ mineræ vel fomitis accumulatione repe-  
tito pulveris usu diebus Paroxysmos determinantibus  
adhibiti.

Verum enimverò ne morbus denuò recrudescat  
(quod è prædictis incommodis erat alterum) die Septi-  
mo à quo postremam dosin æger assumpsit eandem  
præfati pulveris quantitatem (ʒi sc. in partes qua-  
tuor divilam) eadem quâ prius methodo, certo cer-  
tius exhibeo. Quamvis autem repetita hoc modo semel  
Medicatio perlapè morbum conficit, non tamen  
prorsus in tuto collocatur æger, nisi Medico tertio  
quartove eandem methodum eodem temporis inter-  
vallo iteranti parere non gravetur; maximè ubi san-  
guis à prægressâ aliqua evacuatione fuerit debilitatus,  
aut se æger incautiùs auræ frigidiori ferendum expo-  
suerit.

Verùm etsi hoc remedium nullâ purgandi vi pol-  
leat, tamen ob peculiarem quorundam eorporum  
temperiem atque idiosyncrasiam quandoqua accidit  
ut ab ejus usu tanquam à Cathartico fortiori assum-  
pto æger violenter expurgetur: In hoc casu omnino  
opor-

oportet  
han  
ne con  
Die  
tentib  
nim fl  
per  
medic  
urgeo  
ne qu  
doses  
pugna  
At  
alter  
mitte  
notat  
gunt  
Inter  
ubi a  
med  
rit n  
bet  
ripi  
tum  
dra  
qua  
cun  
tia  
C  
etfi  
se i  
mi  
tic  
du  
an  
ca  
te

opor-

oportet ut *Laudanum* cum eo exhibeatur, quo minus hanc operationem, tam suæ naturæ quàm morbo planè contrariam ciere valeat.

Dicta Methodus usu mihi venit in cæteris Intermit- tentibus sive *Tertianis*, sive *Quotidianis*; utraque enim statim à finito Paroxysmo aggredior, & repetito per jam commemorata Paroxysmorum interstitia medicamine (quantum scilicet earum fert indoles) urgeo atque à tergo premo; hoc tamen discrimine quòd cum *Quartana* rarissimè nisi *Unciâ* unâ in doses dispersita, reliquæ sex *Drachmis* possint ita expugnari, ut inducias saltem concedant.

At verò *Tertianæ Quotidianæ*que, etsi post unum alterumve Paroxysmum omnino videantur intermittere, tamen non ita rarè (quod & à me antè est notatum) postea ad *Continuarum* fere speciem vergunt, & ad *Remissionem* tantùm, etiam diebus quæ *Intermissionem* pollicebantur, accedunt: præsertim ubi æger lecto defixus regimine justo calidiore, aut medicamentis *Febri* per sudores ejiciendæ dicatis fuerit multatus. Hoc in casu à remissione quantumlibet exiguâ (id enim mihi unum superest) ansam arripens, pulverem quam proximè à Paroxysmo (quantum conjecturâ valeo) ingerendum propino, sesqui drachmam sc. exhibens sextâ quâque horâ ad vices quatuor; ne quidem ipsum morans Paroxysmum, cum aliter in spatio interjecto plus satis brevè alexetertia *Corticis* vis sanguini impertiri nequeat.

Cum autem *Febres* quæ jam apud nos grassantur, etsi post secundum tertiumve paroxysmum reponere se in classem *Continuarum* nitantur, tamen ad *Intermittentes* debeant referri, nulla mihi est religio *Corticem* vel in maximè *Continuis* hujus speciei sumentium proponere, qui dicto more iteratus ad *aprexiam* certò agrum perducet, modò assiduus *Lectuli* calor, & intempestivus *Cardiacorum* usus *continuitatem Febri* non conciliaverint; quo in casu *Peruvia-*

num corticem nihil quicquam profecisse plus semel observavi. Neque mihi unquam contigit ut viderem Vinum in quo propinatur Cortex (quod jure quis possit suspicari) febricitanti obfuisse; è contrà verò calor, sitis, cæteraque Febris Symptomata post assumptas Drachmas sex, vel quod earum exæquat virtutem in aliâ quâlibet formâ, mox evanescent, vino haud obstanti.

Cùm verò sint aliqui qui Corticem hunc nec in Pulveris formâ, nec Electuarii, nec tandem Pilularum ferre queant, his ejusdem infusum in frigido factum propino;  $\mathfrak{z}$ ij sc. Corticis grossè pulverati in Vini Rhenani  $\mathfrak{lb}$  ij aliquandiu macero. Liquor hic perennicam Hippocratis sapiusculè trajectus, colore limpidus adeò non officit, ut vel delicatulorum palato arideat,  $\mathfrak{z}$  iiii dictæ Infusionis ad dies aliquot factæ virtutem  $\mathfrak{z}$  i Corticis in pulvere exhibiti videntur continere. Quæ cùm nec ingrata sit, nec ventriculorum premat, duplo frequentius usurpari poterit, quàm reliquæ ejusdem remedii formulæ, nempe donec Paroxysmi terga dederint.

Pro Infantibus quorum ætas tenella vel à Pulveris, vel Infusi in frigido facti eâ quantitate quâ devincatur morbus, pericilitari possit,  $\mathfrak{z}$  ij vel iij Corticis in vini Gallici Rubri  $\mathfrak{lb}$  j decoquendas præcipio ad caesum tertiæ partis, ac colaturæ cochleare unum altumve bis terve de die pro ratione ætatis exhibendum curo, donec Paroxysmi non ampliùs discurrant.

Observandum est insuper, quod cùm breviora Paroxysmorum interstitia in Tertianis & Quotidianis intermittentibus non satis temporis concedant ad sanguinem febrifugâ Corticis virtute plenè exaturandum, fieri non potest ut æger proximum à prima medicatione Proxysmum, uti in Quartana solet evenire, certò effugere valeat, sed in his medicamentum sæpe non nisi post biduum promissam curationem absolvet.

Animadvertendum autem quòd si æger, non obstant-



te abundanti cautelâ superius tradita, nihilominus recidivam patiat (quæ in Quartana ipsâ rariùs accidit, quàm in Tertianis vel Quotidianis) tamen prudentis Medici erit non nimium pertinaciter insistere methodo Corticis per dicta intervalla exhibendi, sed pro suo iudicio aliis modis curationem aggredi; cui præ cæteris *Decoctum amarum*, quod appellant, magno-  
pere conducere vulgò creditur.

Diatam quod spectat cæterumque regimen, nec à cibo nec à potu arcendus est æger, qualis qualis is demum fuerit qui ad stomachum facit; Fructibus tamen horariis, & Liquoribus frigidis (utpote & infirmandæ sanguinis massæ & Febri postliminiò reducendæ admodum conferentibus) semper exceptis. Vescatur itaque carnibus eupeptis & euchymis, & vino modicè utatur pro potu ordinario; quâ re solâ ægros nonnquam restitui, etiam eos quorum corpora frequenti febris recursu communita salutiferam aliis corticis vim eludebant. Neque verò se temerè auræ frigidiori committere debet æger, donec sanguis pristinum vigorem de novo obtinuerit. Vitandæ autem ante omnia *Evacuationes* qualescunque, cum vel blandissima Catharsis, quinimò Evema è lacte Saccharato in morbi discrimen certissimè, fortè in morbum ipsum denuò ægrum conjiciet. Hæc habui de Peruviani Corticis usu summatim dicenda: Neque enim Remediorum pompæ libuit indulgere: Cùm sanè qui aliquid Cortici adjiciunt præter vehiculum eidem in ventriculum transmittendo necessarium, aut ex ignorantia peccant, ut mihi videtur, aut dolo malo, à quo Vir Probus ex animo abhorrebit; qui cum pars sit ejusdem communis naturæ, ut ὁμοφύλοις fraudem faciat nullo unquam privato suo commodo poterit adduci.

Quod superest, si ætati placuisset ad ea animum advertere quæ annis abhinc quatuor in Historia Acutorum Morborum tradideram (quæ & ante illud tempus mihi innotuisse omninò est credibile) quo pacto f.

Cortex in interjectis paroxysmorum spatiis debuerit ministrari, tum postea repeti ægro jam convalescente, viverent fortassis haud pauci eorum quos jam terra tegit; ut ut homines vilipendant tenues sanè illos conatus nostros communi omnium bono dicatos, & monita spreverint ibidem dictata verbis infrequentibus, quibus ea breviter continentur quæ hic fusius explicare visum est, viz.

Curandum est ante omnia ne pramaturè nimis hic Cortex ingeratur, ante sc. quàm morbus suo se Marte aliquantisper protriverit (nisi collabescentes & jam fracta ægri vires eundem temporius sumendum esse dictaverint) neque enim illud solum est metuendum ne à præpopere ejus usu inefficax iste reddatur & spem ægri fallat, sed etiam ne de ægri vita agatur, si sanguini omni fermentationis nisu se despumanti derepente injiciamus remoram. Proximo Loco, neque Catharsi, multò minùs Venesectione, subducenda est materia Febrilis pars aliqua, quò liberius cortex suo fungatur munere: cum enim ab uraque labefactetur quadantenus œconomia corporis, promptius certiusque recrudescunt Paroxysmi, evanescente semel pulveris vi. Mihi etiam magis è re fore videtur ut sanguinem dicto medicamine sensim longioreque à Paroxysmis intervallo leviter inficiamus, quàm ut omnino icu Paroxysmum jam instantem tentemus confodere; hoc enim pacto & plus temporis remedio conceditur quo suum opus plenius absolvat, & evitatur quicquid id est periculi quod ægro poterit oriri ex subitâ isto atque intempestivo nimis sufflamine, quo Paroxysmum jam invalescentem atque omni se ope exerentem contumur opprimere. Postremò hæc vires istis temporis intervallis repetendus est Pulvis, ut non protinus evanescat prioris dosis virtus antequam altera exhibeatur: crebra enim repetitione istâ crebra tandem recuperabitur, præfligato in solidum morbo. His adductus rationibus hæc ego methodum cæteris antepono, Peruvianæ corticis ℥i. cum Syrup. Rosar. rub. ℥ij. miscetur; æger verò quantitatè

Nucis  
dick  
omnem  
interje  
Histor

Seq  
dem F  
diè inc  
me del  
autem  
nisi qu  
denti  
Ete  
ses cæ  
xdræ  
rent.  
sidera  
tabat  
inde  
viole  
cam  
lavit  
pedi  
tum  
ratio  
acco  
ret.  
bre  
ret.  
S  
gen  
pra  
po  
cre  
du  
fer

Nucis

*Nucis moschatae majoris mane & serò quotidie devoret diebus à genuino Paroxysmo vacuis, donec confectioem omnem absumpserit. Repetatur porrò ad tres alias vices interjectis semper diebus quatuordecim.* Morb. Acu. Histor. Sect. i. Cap. V.

ANNUS 1679.

Sequenti anno (nempè 1679.) sub initio Julii eadem Febres de novo vires redintegrabant; & quotidie increbrescentes mense Augusto quàm immanissime debacchabantur, ac magnam stragem edebant. Cùm autem de his jam fufius egi, nihil ampliùs adjiciam, nisi quòd Novo Epidemico à manifestâ aeris crasi pendenti sub mense Novembris prorsus locum cedebant.

Etenim unà cum Novembri subingrediebantur Tussis cæteris quos mihi contigit observare annis ἐπιδημίας, cùm in singulis ferè familiis universi laborarent. Harum aliæ opem medicam non magnoperè desiderabant; aliæ verò pulmones ità vehementer agitabant, ut æger ventriculi contenta per os ejicere subinde cogeretur, vertigine insuper correptus, à nilu violentiori & laborioso. Primis ferè diebus Tussis, siccam æmulans, nullam materiam spectabilem exantlavit, mox ætate auctior nonnihil; atque ut verbo expediam, tum in eo quòd parcius expectorarent ægri, tum etiam conatu vehementiori, & paroxysmorum duratione ad Tussim puerorum Convulsivam mihi propiùs accedere videbatur, nisi quod mitiùs aliquantum saivret. In hoc saltem Convulsivam superabat, quòd & Febre, & solitis ejus symptomatis stipata ægrum invade-ret, quæ in Tussi puerorum nondum me vidisse memini.

Solenne sit licèt Tussis sub Hyemis adventum affigere, mirabantur tamen omnes eas hoc anno ita præter solitum increbrescere: quod quidem hæc præcipuè de causâ arbitror contigisse. Quùm mensis Octobris crebrioribus quàm solebat, & fermè continuis perma-duisset imbribus, & sanguis hominum tempestati consentiens particulas crudas atque aquosas affatim im-

bibisset, transpiratione per cutis spiracula à primo frigoris insultu prohibita, Natura colluviem hanc ferosam vel per ramos Venæ Arteriosæ, vel, quod alii volunt, Asperæ Arteriæ glandulas eliminare fategit, & tussis ope explodere.

Curatio ritè ut institueretur, quoties sc. Medico fuit opus, tam per Venæsectionem, quàm Catharticam evacuandum esse nullos dubitavi: Neque enim alià aliquà methodo æquè commodè ejiciuntur redundantes feri particulæ ac per Phlebotomiam & Cathartica, quæ tam insigniter vasa emulgent. Remedia *Pectoralia* quod attinet, (præterquam quòd eorum usu gratificamur ægris) non intelligo quo pacto amolendæ Tussis causæ queant conferre; cum omnis eorum actio vel in incrassandâ materia, quoties iusto tenuior vim expultricis facultatis eludit, vel in eadem attenuanda, quoties ob visciditatem ægrius expuitur, poni videatur. Id certò scio inutiliter in his tantum temporis impendi; nonnunquam etiam sanguinis malfam eò usque debilitari à retentis particulis feri naturæ inimicis, pulmonesque insuper Tussi irritatos ita conquassari motu violento ac ferè continuo, ut non raro via sternatur ad Tabem; à cujus insidiis celeritate Curationis æger vindicari debuerat. Neque multo tutius adhibentur Sudorifica, à quorum usu æger nonnunquam in Febrem incidit; nonnunquam etiam particulæ sanguinis facillè inflammabiles ita Pleuræ impinguntur ut accendatur Pleuresis, quod per decursum dictæ Tussis Epidemicæ ingenti vi hominum cum suo magno periculo contigit.

Sanguinis itaque è brachio eduxi quantitatem moderatam; Epispasticum satis amplum ac forte posteriori cervici applicandum curavi, quo materiæ peccantis pars aliqua aliò derivari possit. Posthæc Catharticum è Lenoribus, Infusionem sc. *Sennæ*, *Rhei*, cum *Manna*, & *Syrup. Ros. Sol.* quotidie exhibui, donec vel profus convalesceret æger, vel admodum im-

imminuerentur Symptomata. Vel, si Potio minis aegro arrideret, *Pil. Coch. major* ʒ ij. quotidie devorandos imperavi, horâ scilicet quintâ matutinâ superdormiendo.

Hâc etiam Methodo, Phlebotomiâ scilicet & repetitâ Catharsi, eâque solâ expugnatur *Tussis Puerorum Convulsiva*; malum aliâs pertinacissimum & penè insuperabile. Alii quid valeant hîc præstare planè nescio, me in variis atque omnis ferè generis remediis operam non semel perdidisse satis scio. Sed leniora tantùm Cathartica hîc conveniunt, eaque cochlearum sunt ingerenda pro ratione ætatis. Quæ quidem <sup>est</sup> evacuatio eo nomine, ut arbitror, dicta Tussi medetur, quòd scilicet, licet non multum humoris serosi in Pulmonibus inveniatur, fervidiores tamen & spirituosus Halitus è massa sanguinis in pulmone stans temporibus transmissi atrociores illos tussendi Paroxyfmos in tenellis excitent. Horum autem in pulmone impetus haud aliâ methodo æquè listi posse videtur & præcaveri, atque hâc quâ motus priori contrarius (per viscera scilicet) morbi causâ conciliatur.

Verùm in Morbis *Epidemicis* cujuscunque demùm generis sint, (si modò recens adhuc ægrum corripuerint) summopere cavendum ne alvus ei ducatur nisi missò priùs sanguine. Qui enim Morbi à Constitutione aeris Epidemicâ pendent, aut jam Febres sunt, aut in earum classem levissimâ de causâ transfereunt; cum ex tumultu in sanguine & humoribus à Catharsi vel lenissimâ excitato, & subsequente calore facile accendatur Febris, quam aliâs Naturæ propulsasset consueta materia morbificâ evacuationibus; *Gravidine* ex. gr. aut *Tussi* in hoc de quo jam agimus Epidemico; aut *Diarrhœâ* quoties Febris cum illa faciens epidemicè grassatur. Idem potest dici de quacunque alia aeris Constitutione quâ corpus ad certum aliquod Febris genus determinatur; quæ quidem non

semper actu invadit, sed benignioris naturæ ductu, morbi fomes è sanguine, mediante evacuatione aliquâ ejus Genio accommodâ, exturbatur. Hoc constanter assero, quantumlibet mos jam obtineat exhibendi Cathartica ante celebratam Venæ-sectionem, vel quod adhuc est periculosius, eâ penitus ommissâ. Licet enim objiciatur sæculentias in primis viis itabulantes toties in vacuas venas propelli, quoties detrahitur sanguis, alvo non prius subductâ, certissimum tamen est evacuationem quam isti præmitti volunt nullo modo refarcire posse injuriam sanguini illatam à tumultuante Cathartico Phlebotomiæ præmissio. Atque negari non potest Catharticum mox à dempto sanguine assumptum longè mitius vini suam exerere, neque perinde sanguinem vel calefacere vel exagitare, atque idem solet si Phlebotomiam præcedat. Neque paucos, ex Infantibus maximè, vel ob ignoratam hanc rem, vel neglectam periisse existimo.

Atque hoc mihi suffragante experientiâ multiplici compertissimum est. Experientiâ inquam, optimâ duce & magistrâ: ad cujus leges & normam nisi exerceatur Medicina, eam prorsus exulare satius esset. Luditur enim, quod ajunt, de corio Humano plus satis, cum hinc Empirici, neque Morborum historiam, nec Methodum medendi callentes, & Receptis tantùm freti; isthinc Sciorum vanissimi spem omnem in affectato Artis ambitu, & speculationibus utrinque pari ferè momento disceptatis ponentes, quasi junctis viribus majorem edunt stragem, quam edèrent morbi eorum destituti auxilio. Ea demum Praxis, eaque sola ægris mortalibus opem feret, quæ Indicationes curativas ex ipsis morborum Phænomenis elicit, dein firmat experientia: Quibus gradibus magnus *Hippocrates* ad cœlum ascendit. Et si dictâ Methodo Ars Medica à quoquam traderetur, licet morbi unius aut alterius Curatio cuilibet è vulgo possit intelcere, integrâ tamen Ars quaqua patet homines prudentes

dentes & peritos etiam magis exquireret quàm in sta-  
 tu hodierno, neque vel minimum Artis honori exin-  
 de decederet: Cùm enim subtilitas longè accuratior in  
 Naturæ operationibus (in quarum observatione ve-  
 rà Praxis Medica fundatur) quàm in Arte aliquà,  
 Hypothesibus etiam luculentissimis suffultâ, inveni-  
 tur, medendi Ars quam præcipit Natura rude Vulgi  
 ingenium longiori intervallo superabit, quàm ista  
 quæ à Philosophia docetur. Fidem hic mihi facient  
*Febres*, quæ duas è tribus in Medicina facienda par-  
 tes occupant, & quemvis mihi arbitrum constituo,  
 vel mediocriter cogitationibus indulgere solitum,  
 vera dicam necne. Quis enim vel ex infullissimis Em-  
 piricis est qui se huic morbo curando imparem fa-  
 tebitur, si id tantum agendum est ut duabus istis Indi-  
 cationibus Curativis quæ vulgò obtinent fiat satis?  
 Nempè ut Sudorificorum ope exterminetur materia  
 morbum committens, & symptomatis eatur obviam  
 quæ ejusmodi evacuationibus superveniunt. Cer-  
 tissimus enim est, *Theriaca Andromachi*, *Pulv. è che-  
 lis Cancr. comp.* *Aq. Epidem.* &c. intrò assumptis,  
 unâ cum regimine calidiori sudores posse propelli;  
 quem sibi scopum unicè proposuit in hujus morbi  
 curatione, maximè si fortè *Malignitatis* nomen au-  
 ribus usurpaverit. Et ad mitiganda quod attinet sym-  
 ptomata, *Diacodium* in promptu est quo somnus invi-  
 tetur, quoties urgeant Vigiliæ; *Enema* quoties alvus  
 non respondeat, & sic de cæteris. At nec ipse valet  
 comprehendere suo Marte, nec è Medicorum præ-  
 scriptis ediscere, quæ demum illa sit Febris species quam  
 debellare satagit; si modò credamus (credent saltem  
 fortè Posteris) varias dari Februm species, quarum  
 singulæ suam sibi methodum medendi à reliquis di-  
 versam ferè postulant; Unam insuper eandemque Fe-  
 brem, cujuscunque sit generis, uno modo ubi pri-  
 mùm aggreditur, atque alio paululùm diverso per  
 singulos gradus quousque grassabitur tractandam esse.

Quo pacto Indicationes Curativas ab hoc vel illo Phænomeno minùs insigni mutabitur naturalem morbi Historiam ignorans (quæ sola veram medendi rationem indigitare poterit) cùm nequeat dijudicare an hoc vel aliud Phænomenon à Curandi quam adhibet Methodo, an ab ipso nascatur morbo? Dies deficeret enumerantem varia & subtiliora illa minutioraque quæ in hoc atque in aliis morbis curandis observanda occurrunt: quæ cùm tot sint & tanti momenti ad liberandos à morte homines, semper licebit Posteris & feris Nepotibus aliquid adjicere iis Observationibus, quibus traditur varietas penè infinita operationum naturæ in Morborum productione, & Curativæ Indicationes ex eo fonte depromendæ enumerantur. Non itaque vilescet Ars si quid hujusmodi lucem aspiciat, quin potiùs illustrabitur, & difficilior reddita non nisi sapientes & subacti iudicii viros in filiorum numerum cooptari sinet. Sed hæc obiter.

Tusses modò dictæ, si imperitè tractarentur, *Febrem* accendere solebant ei haud absimilem quæ Hyceme Anni 1675. adedè epidemicè grassabatur, & cuius historiam tradidi Sect. quintà Cap. quinto libri nostri de *Morbis Acutis*. Sed cùm Febri hæc soboles tantùm esset ac effectus Tullis Epidemicæ, eadem ipsà methodo Febrem, felici semper cum successu, aggressus sum quam in Tullis curatione suprâ descripsi; nempè Venæ-sectione, Epispastico cervici apposito, & Cathartico deindè tribus auroris exhibitio. Quamlibet enim in Tulli sine Febre nullum præfiniebatur tempus quamdiu æger purgandus esset (utpote quæ continuari deberet, ut suprâ notavi, donec vel prorsus convalesceret, vel admodum imminerentur symptomata) in Febre tamen quæ à Tulli pendebat, purgatio per tres dies instituta ei prorsus debellandæ par erat; quod in Constitutione de quâ jam agimus sapiusculè observavi.

Hic autem notatu occurrit; licèt hanc Febrem, quan-



quando se primùm exerebat, comitarentur defluxiones in Pulmones molestissimæ, post mensem tamen unum vel alterum, cùm colluvies ista feri sensum è sanguine eliminaretur, Febris ejusdem planè indolis hinc indè sine Tussi aliquà infestabat (non penitus deletà, sed manente adhuc in sanguine malæ Crasis impressione) ac proinde haud diversam Curationem ab ea quam Tussis comitabatur sibi vendicabat. Verùm eodem quem dixi modo hæc Febris se extendebat usque ad initium Anni 1680. quo hæc conscribo; quo tempore etiam cum anno surgente Febres Intermitentes modò dictæ apparere incipiunt.

Atque hæc fere sunt omnia, Vir plurimùm Honorande, quæ de morbis Epidemicis Annorum nuperimè elapsorum observavi. In *Rheumatismi* verò curatione (nam & de illo etiam morbo quærebas) saepenumero mihi subiit tecum dolere, quòd non nisi ingenti sanguinis vi repetitis venæ-sectionibus eductà, ea possit perfici; unde non tantùm ægri vires pro tempore franguntur, sed si paulò fuerit naturà debilior, aliis etiam morbis ad annos aliquot obnoxior ferè redditur; cùm post illos elapsos materia Rheumatismum priùs committens jam in Pulmones depluat, ægro scilicet frigore percusso, vel alià aliquà *εὐφροδ* leviori diathesis latens in sanguine jam foràs in actum protruditur. His de causis experiri statui an ulla alia methodus daretur à reiteratà toties Phlebotomià diversa, quà hic morbus possit debellari. Serid itaque perpendens quòd affectus iste (uti jam pridem in *Acutorum Historia* subinnui) ab inflammatione videatur oriri, quod tum cætera arguunt Phænomena, tum præsertim sanguinis è pertusà venà color, utpote qui Pleuriticorum sanguini per omnia similis est, tandem vero simile esse judicabam morbum hunc Dietà simplici, admodum refrigerante, & mediocriter nutriente ægro imperatà, æquè feliciter atque repetitis Venæ-sectionibus profigari posse; etiam evitatis quæ alteri methodo

do adjugebantur incommodis : neque me fefellit  
Diatâ è sero lactis Phlebotomiâ loco substituta.

Prægressâ æstate Pharmacopola mihi in viciniâ  
nomine *Malthus* (Vir probus & ingenio non vulgari)  
me accersebat. Rheumatismo autem miserè crucia-  
batur his symptomatis stipato. Coxendice; primò ad  
biduum claudicabat, exinde Pulmones dolore ten-  
tabantur gravativo cum dyspnœa, quæ post aliud  
fermè biduum evanescebat : dein caput vehemen-  
ter cœpit dolere, mox etiam coxendix dextri lateris,  
quæ omnium prima laborabat; posteaque, pro mor-  
bi indole, omnes ferè tam brachiorum quàm cru-  
rum articuli per vices molestabantur. Cum debilio-  
ri esset & sicco corporis habitu, veritus ne minus  
firmas jamdiu vires & labascentes dempto copiosius  
sanguine profus exolverem (maximè cum Æstas  
eo usque adoleverit ut jam metus esset ne superveniens  
Hyems redintegrandis viribus frequenti venæsecti-  
one attritis intercederet) imperavi ut solo lactis sero  
ad dies quatuor vesceretur æger, quibus elapsis præ-  
ter serum lactis pro victu ordinario panem similagi-  
neum concessi loco prandii, semel nempe in die donec  
penitus convalesceret. Tenui hâc Diatâ contentus,  
ad dies octodecim perseverabat, nisi quod postre-  
mis eorum alium insuper panem pro cœnâ indulge-  
rem. Serum autem è Lactis libris octo domi pa-  
ratum quotidie infumebat, quo satis bene nutrie-  
batur. Post hos dies cum non amplius urgerent  
symptomata, & jam sub dio versaretur, carnes  
etiam permisi, Pullorum scilicet elixorum, cæte-  
raque *ὀλιγα*. Tertio autem quoque die solo lactis  
sero victitabat, donec tandem pancreaticè valeret; in-  
commodis quæ supra memoravi hac methodo elusis,  
quibus decimo abhinc anno pessimè excipiebatur,  
Venæsectione ex meo præscripto in curationis subsi-  
dium tunc adhibitâ, ac sæpe repetitâ.

Siquis hanc Methodum tanquam rudiorem & Artis  
laude

laude carentem contempserit, sciat is velim, primò leviora tantùm ingenia res quaslibet vilipendere quòd simplices fuerint & apertæ; dein me, vel imminutæ exitimationis pretio, publico hominum bono infervere paratissimum. Quibus edico quòd nisi obflarent præjudicia vulgi nullus dubitarem methodum jam dictam aliis etiam morbis, quorum impræsentiæ nomen reticere libet accommodare. Quod sanè magis ægris prodesset, quàm solennior illa remediorum pompa, quæ in jam moribundis, tanquam Bestiis ut mox immolentur coronatis, malè collocatur.

Quod verò etiam ista quæ pro vilissimis habentur & nullius sunt pretii, accedente eâ quæ in Medico quaritur solertia & ἀγχινοια, hominibus ab orci faucibus liberandis queant infervere, exemplo docebo: quod licet ad morbum de quo jam agimus nihil pertineat, non tamen prorsus est ἀπεσοδιουσον, nec ab eo quem mihi proposui scopo alienum. Duobus abhinc mensibus quidam in vicinia me rogabat ut servum inviferem qui haud modicam Mercurii Sublimati Corrosivi quantitatem deglutiverat, sive ignorans, sive, ut postea audivi, ex amore μελαγχρῶν. Hora ferè elapsa erat à qua venenum hauserat cum ad eum accederem, jamque os & labia valde intumescabant, vehementer ægrotabat, ardente ventriculi dolore, caloreque tantùm non confectus. Ego tres Aquæ tepidæ Congios repetitis haustibus summâ quâ potuit celeritate & diligentia ebibendos imperavi, atque ut toties nova ingeretur copia, quoties ventriculus jam ingestam per vomitum ejecerat; volui etiam ut eluerentur intestina aquâ tepidâ sine ullo additamento copiosè per sedem injectâ, ubi primùm ventris tormenta admonerent venenum jam per inferiora exitum quærere. Paruit miser, jam vitæ avidus, & plures etiam aquæ libras quàm præscripseram absorpsit. Amici qui ægro, utpote in casu insolito, assiderent ab eodidice-

didicerunt, quas primum evomuit aquas gustu perquam acres fuisse, sale scilicet venenato plenius exaturatas; singulis autem vicibus rejectas aliquam semper acedinis partem amittere, donec tandem nihil profus saperent. Quæ mox urgebant tormina, solâ aquâ injectâ ad modum Enematis leniebantur. Hoc tam nullo rerum apparatu, Benedicente Numine, intra paucas horas convaluit æger, nisi quòd labia non statim detumescerent; ore etiam à veneni particulis quæ aquam quam evomuerat penitus infece- rant, adhuc exulcerato. Quæ symptomata Diætâ è lacte solo ad quatrimum adhibitâ mox evanuerunt. Aquam Oleo (quod hîc unâ cum opere ignari solent perdere) atque aliis omnibus liquoribus ideo prætuli, quòd cum ea magis esuriret, exindè magis idonea mihi videretur devorandis salinis hujus veneni particulis, quàm alius quilibet liquor, qui vel crassior esset, vel particulis alieni corporis jamdiu prægnantior.

Sed ut ad *Rheumatismum* revertar. Utut è sero lactis Diætâ conveniat Juvenibus, atque iis qui temperatè & cum consilio vixerunt, tamen inconsultum fuerit virilem ætatem prætergressos, vel vino ac aliis liquoribus spirituosus jam à longo tempore plus æquo addictos hâc methodo tractare; utpote quæ in hujusmodi hominibus ventriculum labefactet, & pariter præ inusitato frigore sanguini inducto viam sternat ad Hydropem. In hoc igitur casu omnino par est ut eo ferè modo quem Libri nostri *De morb. Acut.* Sect. vi. Cap. v. tradidi, curetur æger: Tametii ex quo eum scripsi, experientiâ didicim satius esse post secundam vel ad plurimum post tertiam Venæsectionem Cathartica sæpè sæpius exhibere atque repetere, donec symptomata omnia penitus cessaverint, quàm Phlebotomiæ rem totam committere. Etenim ob Catharfin suppetias ad everruncandum morbum Phlebotomiæ ferentem, citra ingentem istam sanguinis jacturam subsistere fas erit: atque porro

locus relinquetur *Paragoricis*, à quibus aliàs, ut ut sciret dolor, agro temperandum esset, cum illorum usu figatur morbus, neque tam facile Venæsectioni cedat. Purgativa verò ista è *Leuitivis* solum constent, ut *Thamarindis*, *Sennâ*, *Rheo*, *Mannâ* & *Syr. Ros. Sol.* cum alia quæ ex *Scammonio*, *Zalapio*, &c. parantur tumultu cieant & dolorem exasperent. At singulis vespertinis post peractam Catharsin *Syr. de meconio*  $\frac{3}{j}$  aliquantulum temporius quam id fieri solet, propinetur.

Hic autem commemorare libet, me per constitutionem instantem observasse affectum quendam modò *Rheumatismum* æmulantem, modò etiam à *Nephritico dolore*, quoad scævissimum lumborum cruciatum, non multum abludentem, qui cum Febres Intermittentes excipere soleret, translationi materiæ febrilis in musculosas corporis partes originem suam debebat. Hoc symptoma haud diversam medendi methodum postulabat ab illa quam morbus ipse cui adhæreret, Febris nempe Intermittens, sibi vendicabat; cum à frequenti Phlebotomia & quibuscunque aliis evacuationibus exasperaretur illud, atque ager in vitæ discrimen conjiceretur. Quod ut nemini imponat, id attingere volui.

Atque hæc sunt, Spectatissime Vir, quæ in his Affectibus de quibus sciscitari libuit, sedulâ observatione habeo comperta: quæ si aut tibi placuerint, aut profuerint aliis, mihi cedent ex animi sententiâ; me saltem pro tenuitate meâ debitum tuæ Claritati observantiæ specimen exhibere conatum mihi seriò gratulabor.

Tibi semper Addictissimus,

THO. SYDENHAM.

Londini, Febr.

7. 1672.

EPISTOLA II.  
HENRICI PAMAN.

Doctissimo Amicissimoque Viro  
THOMÆ SYDENHAM, M. D.

**M** Agnum rei medicæ exortum est, & lumen, & commodum, Vir Clarissime, ex consummatâ tuâ de Morbis Acutis historiâ, eâque sedulâ observatione, & fidâ experientiâ stabilitâ, non lucri aut famæ aucupio scriptâ, sed sincerâ fide, & mente honestâ; Cùm tibi amplum satis theaurum sit officium fecisse, & præsentî seculo quovis modo profuisse. Ipse hætenus celavi penitus quod volui, at fortasse quid jam parem tibi è longinquo subolet. Qui laudet quod facis, urget ut facias quod adhuc laudetur. De morbis Acutis scribere summa difficultas est, utpote quos tam rapida volvit rota, ut nisi opportuno fistatur sufflamine, in præceps ruat vita, nullis in posterum auxiliis, nullis suppitiis redimenda. Tu singula eorum momenta notas, & quid quovis temporis articulo fieri necesse sit. Opus quidem perfectum, & absolutum, cui nihil addi poterat, nisi majus promisseras, De Morbis scilicet Chronicis. Hi inducias ferent, & tutiores examinandi, & judicandi moras.

Sape nobis incidit sermo de propudio illo Morbi Veneri, cujus ignominiosam originem Gentes Europæ à se invicem sedulo satagunt propellere, & ut ejus magis adhuc occultentur vestigia ad ipsos Indos remotissimos amandant. Scortatorum audit flagellum, furiosa, & indomitæ libidini aptissimè respondens pœna, eo fortassis sine tardius remota, ut tanti constet pœnitere. Et humanitatis, & peccati simul sensu tactus videbatur, qui

palam op  
rari posse  
simos qu  
aut frau  
iam mole  
planè ta  
Medicin  
quàm sa  
premitt  
hæc in re  
metbodo  
quàm qu  
petus su  
& ad m  
jus pre  
ris.

Ex  
F

E

H  
Div  
m  
m  
so

C

palam

palam optavit impurissimam hanc luem semel tantum curari posse. Cum jam autem ad agyratas, tonsores, & infimos quoque sciolos ejus sæpè devoluta sit curatio, illi aut fraude, aut imperitiâ magno eam sumptu, majori etiam molestiâ tam diu differunt, & protollunt, ut vitæ planè tædeat inter carnificum tormenta, & longissimas Medicinæ moras protrahæ, & ferè levius sit ægrotasse, quàm sanari. Fus igitur promissi, amicè tamen, exigo; præmittas oro, in arrhabonem reliquorum, si quid habes hæc in re confectum. Humaniter, & sincerè explices quâ methodo, quibus auxiliis hoc morbo captus se redimat quàm queat minimo. Satis est ut æger sub Deo, non etiam pæjus sub Medico vapulet. Hoc gratum pluribus fiet, & ad me aliqualis saltem pars gloriæ redibit, utpote cujus precibus desideratissimum hoc opus in lucem dederris.

Tibi omni officio addictissimus,

H. PAMAN.

Ex Ædib. Lambeth.

Febr. 12. 1673.

---

EPISTOLA RESP. II.

---

Ornatissimo Eruditissimoque Viro

HENRICO PAMAN M. D.

Divi Johannis Cantabrigiæ Socio, Academiæ Oratori Publico, & in Collegio Greshamensi apud Londinenses in Medicina Professori.

**Q**uanquam eum quem de Acutis Morbis, Vir Spectatissime, nuper edidi tractatum, quæ est tua tam humanitas, quàm animi in me propensio, ceu opus undique consummatum de-

Cc

præ-

prædicare digneris; usque ad eò tamen tenuitatis tùm meæ, tùm istius opellæ mihi sum conscius, ut me nihil aliud egisse existimem, quàm viam præmonstrasse, quâ qui ingenio magis valent, dictorum Morborum & Historiam & Curationem queant investigare.

————— *Fungor vice Cotis, acutum*

*Reddere quæ ferrum valet, exors ipsa secandi.*

Et profectò ita multiplex, incerta, & delicata, ut ita dicam, est natura, atque ita ludit in his morbis producendis, ut unius non sit hominis, ut ut vivacis, varia eorum *φαινομενα* & curationes iisdem accommodatas graphicè depingere. Unum hominem dixi? quid quod vel decem quidem homines per tot sæcula sibi invicem succenturiati, atque iidem tum maximâ ingenii vi, tum indefessâ industriâ præditi, tum etiam in Praxi, quæ numerosas observationes suppeditaret versatissimi, perpulchre hîc operam suam collocare possint! Tantum abest ut ad Artem Medicam vel pervenerim ipse, vel me putem pervenisse.

*Mecum habito, & novi quàm sit mihi curta suppellex.*

Morbos istos Chronicos quod attinet, quorum Historia perscribendæ spem tibi feceram, ita penitus animo meo insedit ejus rei studium, ut non tam aliâ de causâ, si bene me novi, vitam mihi prorogari exoptem, quàm ut istiusmodi aliquo conamine communi hominum utilitati inserviam: At verò singuli me dies doceant quàm sit arduum cœptum id, & quàm periculosa plenum aleæ (mihi præ cæteris qui isto ingenii acumine atque solertia, quibus hîc est opus, non satis valeo) cùm apud Scriptores rei Medicæ (Divinum Hippocratem si demas, atque alios paucissimos numero) vix ulla deprehendi queant vestigia, quibus adjutus per rerum avia spinis & sentibus impedita iter faciam; cùm quæ promittunt subsidia Authores & lumina ostentant, magis Ignes Fatui sint, quàm veræ facès, & in salebras potiùs ac præcipitia sequentem agant, quàm mentem fideliter & rectâ dirigant in genuina



nuinâ naturâ Methodo indagandâ atque inveniendâ : utpote quorum scripta ferè omnia Hypothesibus innituntur, quas peperit lascivientis ingenii & Phantasiæ luxuria ; ipsaque aded Morborum Phænomena (in quibus eorundem Historia vertitur) prout ab iis describuntur, ex eâdem Hypothese officinâ procedunt ; quin & ipsa Praxis quâ Morbos aggrediuntur (quod humani generis Pestis est certissima & perniciosissima) ad hujusmodi Postulata componitur, non ad rei veritatem. Usque aded grassantur, & regnant ferè in singulis paginis Cerebroforum hominum commenta, jacent interim naturæ judicia. Quibus non obstantibus, si vitam Deus atque otium concesserit, experiar fortassis aliquando quid valeant humeri. Impresensiarum, ut animum agnoscas in tui obsequia paratissimum, en tibi offero, ceu ejus quod molior operis specimen, dissertationem hanc, brevem illam quidem de Lue Venereâ, & quam solam adhuc prælo adornavi.

Primum autem id attingere volo, me haud paucos convenisse, qui sive præ studio, honesto quidem eo, incontinentiores à peccato coercendi metu insecuturæ poenæ, sive ut Castimoniam laudem sibi arrogarent, non dubitabant asserere *Luis Venereæ* Curationem docendam non esse. His ego non assentior ; utpote qui existimem nullum ferè locum Charitati atque operæ mutuae relictum iri, nisi ea quæ sibi suâ ipsorum culpâ improvidi accersunt mala, humaniorum officii sarciantur. Omnipotentis Dei est fontes castigare, nostrum verò miseris pro virili succurrere, atque ægris opem ferre ; non autem curiosâ causarum indagatione illos acrius urgere, aut censorio vexare fastu. Tradam itaque quæ in hoc morbo observavi atque expertus sum ; non quò hominum animos deteriores efficiam, sed ut corpora (quod mihi negotii datum est) reddam saniora.

LUIS VENEREÆ HISTORIA.

*Luis Venereæ* ex India primùm Occidentali An. Dom.

1493. *Europam* appulit; cùm ante id tempus ne quidem nomine tenus, quantum scire licet, nostro orbi innotuerit: Undè etiam Morbus vulgò censetur iis tractibus *Americæ* Endemius in quos nos primi Colonias deduximus. Mihi verò potius è regione aliquà *Nigritarum Guineæ* conterminorum originem traxisse videtur; cùm à plurimis nostratium, iisque fide dignis, qui *Insulas Caribes* dictas incolunt, didicerim, mancipia recens à *Guineâ* allata, etiam antequam in terram descenderint, tum alia ibidem degentia hoc morbo tentari, nullà copulà impurà prægressâ; ita ut non rarò univèrsam aliquam eorum familiam, viros scilicet, mulieres, liberosque malè mulctet. Neque ista Lues quæ afflictissimos hosce sæpe sapius invadit, vel hilum à *Venerèâ* nobis dictâ, quantum ego quidem intelligo, quoad symptomata, Dolores scilicet, Ulcera, &c. habitâ nempè diversorum Climatorum ratione, videtur discrepare, licèt nomine profus abludat, cùm *The Yaws* ab illis dicatur. At nec medendi methodus quâ utuntur illi, à nostrâ abhorret, utrobique enim *Salivatio* ex *Hydrargyro* utramque facit paginam: non obstante eo quod hic apud nos dicitur de eximiâ *Guajaci & Sarsaparillæ* vi quam in natali solo exerant, quæ ex longo ad nos itinere tantùm non exhausta putatur. Probabile itaque mihi videtur *Hispanos* qui in *Europam* primi hunc morbum traduxere, eodem infectos fuisse ex contagio *Nigrorum* emptorum in *Africa*, quorum genti alicui (multi enim sunt populi *Guineæ* confines apud quos invaluit mos ille barbarus homines *Europæis* mercibus permutandi) *Endemius* esse potest. Ut ut sit, contagiosa ista Lues paulatim serpens, has orbis terrarum partes eo usque inquinavit, ut si eâ celeritate grassaretur adhuc quâ primum invalit, intra sæcula aliquot actum esset de genere humano, vel saltem *Nosocomiis* de cætero addictum, profus impar esset iis rebus gerendis quibus continetur hominum societas: nisi quòd, Vegetabilium

lium instar, in alienum à patrio solum quasi transplantata, Europæo nostro non perinde lætatur, sed languet indies, & mitioribus Phænomenis fatiscit. Novus apud nos hospes cùm esset, si quem arripuerat, mox omnem sanguinis massam contaminabat, & diris capitis atque artuum doloribus, tum etiam ulceribus variis in partibus se prodebat. At verò Centum retrò annis *Gonorrhæa Virulentæ* specie se primum ostendebat, ostenditque adhuc, hæc sibi portâ exitum quærens; nullo alio manifesto symptomate, nisi quòd in perpaucis ulcusculum in pudendo (vulgò à *Shanker*) primum morbi est indicium; cujus virus cùm per Gonorrhæam non ejiciatur, sanguinis massam dicto citius pervadit inficitque.

Propagatur autem Venerea hæc Lues vel per *generationem*, undè misellus Infans ab inquinato parentum altero mala ducit stamina vitæ, vel per *contractum mollioris alicujus partis*, quo virulentia atque inflammatio corpori insinuantur ex occasionibus hoc in loco dicendis. Primò in lactatione v. gr. vel Infans Nutricem per rariores mamillarum poros, vel Nutrix Infantem per os tenerum inficere potest. Secundò Infantes si nudi cum inquinatis in eodem lecto dormiant. Licet enim Adulti quorum caro jam firmior ætate obduruit, vix nisi intercedente impuro coitu, quamvis simul dormiant, possint infici, Infantium tamen laxior caro & texturæ rarioris venenum faciliè excipit, quod non semel observavi Infantibus à genitoribus, quibuscum dormiebant, infectis contigisse. Tertio autem, partis mollioris contactus maximè in Coitu impuro fit, ac proinde eo præ cæteris modo serpit Lues: cùm scilicet penis Spiritibus Generationi ductatis turgidus, à Venereo sive ulcere, sive etiam pustulâ in uteri vagina stabulante noxam de facili haurit; quorum alterutro intus latente Mulier nihilominus sana videri potest; veneno nempe vel istarum partium iluvie ita detento ut segniùs invadat sanguinem, vel per

menstruas purgationes diluto sapius, & quadante-  
nus exterminato. Contagio hæc carnosam virgæ sub-  
stantiam, quantum ego judico, primum adurit,  
quam quidem corrupens, eidemque primò inflam-  
mationem, mox ulcerosam *αἰσθησι*, sensim inducens,  
efficit ut sanies, qualem in Gonorrhæâ cernimus, in  
urethram lentè extillet; quod ut credam hæc ratio-  
ne promoveor; ipsè scilicet vidi virulentam hujus-  
modi materiam per substantiam glandis porosam ex-  
udare, non per urethram ejectam, nulloque ulce-  
re vel glandem occupante, vel præputium. Tandem  
verò altius penetrans, glandulas *Prostratas* efferato  
ulcere solet depascere; quod haud rarò cernitur in eo-  
rum cadaveribus quos hic morbus è medio sustulit.

Gradibus mox dicendis procedit hic morbus. *Æger*,  
(ocytus aut ferius, prout mulier quacum consuevit  
magis minùse fuerit inquinata, pro ratione etiam  
temperaturæ *μειομυα* excipiendo magis minùse  
idoneæ) primùm dolore genitalium insolito crucia-  
tur cum quâdam rotatione quasi testiculorum; postea,  
si recutitus non sit, macula primò Morbillum jam  
erumpentem magnitudine & colore æmulans glandis  
partem aliquam invadit. Statim ab hujus maculæ ex-  
ortu, liquor quidam lentè extillat, seminis instar,  
qui quotidie à seminis tàm colore, quàm consisten-  
tiâ recedens, flavescit tandem aliquanto dilutis-  
simo ovi vitello; & in Lue Virulentiore intensioremque  
non modò virescit, sed & aqueo humori permis-  
cetetur sanguine affatim tincto. Pustula jam dicta ul-  
cus tandem fit, primò haud abimile Aphthis Infantium  
ora obsidentibus, quod indies latius & profundius de-  
pascitur, supervenientibus orificii callo & duricie.  
Animadvertendum est autem quod memorata pustula  
rarò Gonorrhæam comitem habet in iis qui aut  
jam pridem Gonorrhæa laborarunt, aut recutiti sunt;  
utpote quorum Glans tum ab aere cui exposita est,  
tam à frequenti linteorum attritu indurefcens, noxam  
non

non ita facilè suscipit. Hujusmodi verpi igitur glandis ulcere ferè non tentantur, sola Gonorrhæa dicto modo nascitur atque augetur. Hanc alia mox symptomata excipiunt, ut primò magnus doloris sensus in pene quoties erigitur, perinde ac si validâ manu transuersus fortiter constringeretur, qui noctu præcipue urget, quoties in lecto æger coepit incalescere: quam quidem constrictionem penis dolorificam morbi hujus in hoc statu existentis signum *πυρρὸς οὐρικός ἄρδωρ* existimo. Incurvatur etiam veretrum à fræno jam contractiore, quod cum in erectione extenditur pro natura sua, acutissimum dolorem adfert. Accedit etiam ardor urinæ, qui plerumque inter mingendum vix percipitur, at vero æger jam à mictu cessans per omnem urethræ ductum acriter admodum uritur, maxime quâ in glandem desinit. Nonnunquam etiam erosâ atque excoriatâ urethrâ jugi puris acrioris fluxu, natura in carne novâ vice jam perditâ justo occupatior laxam quandam & spongiosam substituit, quæ mole quotidie aucta & sensim indurata, *Caruncularum* excrescentiis ita meatum urinarium infercit, ut tandem lotio non detur exitus; quæ quidem carunculæ nihilominus ex ulceribus sibi adnatis ichorem quandam evomunt, & tum Medico crucem figunt inter curandum, tum ægro magis ipsâ morte timendum malum. Quinimò sæpe accedit ut sanies quæ per Gonorrhæam deplenda erat, vel à motu violentiori, vel Astringentium usu in scrotum deposita, atrocissimum dolorem & Scroti inflammationem accersat, nunc alterutro, nunc utroque ejus latere in molem ingentem elato; Gonorrhæa interim progreditur tardius, at verò urinæ ardor non mictibus urget. Atque hæc sunt communiora morbi hujus symptomata, manente hoc ejus statu.

At verò quoties sive Morbi diurnitate & in dictis partibus morâ contagio sursum fertur & sensim sanguini labem imprimit, aut materiâ virulentâ inde-

bito Adstringentium usu in corpore retentâ humores putrescunt, vera Lues exoritur, in quâ Tumores siue Bubones sæpe in inguine comparentes primum ejus gradum constituunt. Dolores tum caput, tum artus in articularum interstitiis, humeros scilicet, brachia, & talos crudeliter laniunt, nullo ordine invadentes, & per intervalla, licet noctu ægrum lectuli calore perfusum rarissimè destituant, nec nisi sub auroram libenter evanescent. Crustulæ etiam & porrigines varias corporis partes deturpant. Flavescent hæc fermè ad instar favi, quo signo à cæteris omnibus queant internosci. Quandoque superficie latiore varia occupant corporis spatia ad eum modum quo Lepra in Medicorum scriptis depingitur. Quanto autem magis scabies hæc diffunditur, tanto minùs æger discruciat. Universa symptomata pedetentim in crudefcunt, dolor præ reliquis, qui tandem eo usque exacerbatur ut se nequeat miser diutiùs in lecto continere, sed protinus exiliens, huc illuc in cubiculo cursitet irrequietus fermè donec illucescat. Adde quod præ doloris vehementiâ Cranium atque ossa tiliarum brachiorumque hinc inde attolluntur in perdura tubera, Exostoses dicta, excrefcentiæ ossæ in equorum tibiis (vulgo à Spavin) haud absimilia: quæ quidem ossa tuberculis obfessa jugi dolore ac inflammatione tandem cariola redduntur & putrescunt. Ulcerata etiam Phagedænica varias corporis partes depopulantur, quæ fauces ut plurimum primò aggredientia, sensim per palatum in nasi cartilaginem propagantur, quam mox absumunt, ita ut is jam fulcro destitutus planè concidat. Crescentibus indies ulceribus & dolore aucto, æger partim indefinenti carnificinâ enectus, partim ulceribus confectus & putredine, vitam trahit cruciatus, fætoe, carie, opprobrio molestissimam, & quavis morte longo intervallo miserioe, donec tandem, pereuntibus per vices membris, lacerum cadaver, & jam superis grave, humo condatur.

Intrinsicam hujus morbi naturam, Essentialem quam vocant, nisi quatenus ea ex istis quæ jam depin-  
 ximus symptomatis elucescit, non mihi magis per-  
 spectam esse arbitror, quàm est Essentia sive Plantæ  
 cujuslibet, sive Animalis: Quicquid verò de eâ sit,  
 certò mihi constat humorem hunc committentem in-  
 flammationis haud mediocris participem esse, undè  
 hæc tot malorum Ilias: constat etiam dictum hu-  
 morem evacuandum esse, idque iis mediis quorum  
 efficaciam Experientia, medicorum Magistra, suf-  
 fragatur. Cùm nondum invenitur immediatum ali-  
 quod *Specificum* cujus ope sine evacuatione præ-  
 gressâ Lues debellari queat. Neque enim vel *Mer-  
 curius*, vel *Ligna Exsiccantia* dicta, Specificorum  
 titulo sunt donanda, nisi exemplis in medium al-  
 latis probare quis possit, vel Mercurium absque Sali-  
 vatione, vel Lignorum Decoctum nullo subsequente  
 sudore Luis Venereæ curationem quandoque absol-  
 visse. Utque experientiâ didici sudorifica vulgaria  
haud minùs profecisse in hoc morbo quàm Lignorum  
decoctum, ita nullus dubito quin si reperiri possit aliud  
 quid, sive in Regno Vegetabili, sive Animali, quod  
 in excitandâ salivatione pares cum Mercurio vires ha-  
 beret, pariter etiam ad sanandam Luem valeret.  
 Quandoquidem autem hic morbus adhuc intra Go-  
 norrhææ limites subsistens longè ab eodem distat cùm  
 jam omnem sanguinis massam contaminaverit, & Ve-  
 nereæ Luis nomen præcisè mereatur, ita etiam Eva-  
 cuatio quâ Gonorrhææ materia ejicitur, alia profus  
 est atque illa, quâ Lues jam formata eliminanda est.

GONORRHÆÆ VIRULENTÆ CURATIO.

*Gonorrhæam* itaque quod attinet, de quâ primò  
 agemus, in remediis Catharticis, quantum huc us-  
 que usu comperimus, Curationis omnis cardo vertitur;  
 quorum auxilio vel educitur humor peccans, vel pro-  
 curatur diversio succorum corporis naturalium qui ali-  
 ter hosti in pabulum cederent. Quamvis autem tum ra-  
 tio,

tio, tum experientia mihi dictant hunc morbum à quolibet demum Cathartico sæpe diuque exhibitò sanatum iri, ea tamen cæteris *ἰσχυρὰ ἔργα* mihi videntur quæ bilem, maximè verò quæ ichorem serofum fortiter è sanguine expurgant & subducunt. Ac proinde solâ *Jalapii radice* pauperibus aliquoties subveni, quorum tenuitati & rebus domi angustis consulendum erat. Cùm verò & morbus conspicuam secum trahat inflammationem, & medicamenta purgantia quibus expugnandus is est, calida etiam sint, Diæta refrigerans omnino est imperanda à carceribus, quod dicitur, ad metas. Sic itaque soleo præscribere.

*R. Mass. Pilul. cochiar. maj. ℥iij*

*Extract. Rudii ℥i*

*Resin. Jalap. diagryd. an. ℥β*

*Cum s. q. Opobalsami f. Pil. è singulis Drachm. vi.*

Quatuor ex his singulis auroris deglutiendæ sunt horâ quartâ vel quintâ (ita ut æger superdormiat) ad dies 12. vel 14. vel etiam plures, donec sc. urinæ ardor & materiæ seminiformis color flavus admodum immi-  
nuantur; quæ cùm pro voto successerint, satis esse autumo, si æger interjecto semper die uno, easdem repetat ad septimanas adhuc duas; quo tempore elapso, sufficit ut bis in septimana sumantur Pilulæ, donec humor ex urethrâ stillare solitus prorsus evanescat, quod ut plurimum non nisi post multos dies contingit. Quamvis enim vulgò affirmetur, quòd ejusmodi ichor, qui ardore urinæ & flavo materiæ extillantis colore dispa-  
rentibus manè præsertim in summitate colis digitis compressi ad guttulam unam alteramve cernitur, à debilitate tantùm & à laxitate partium ob diutinam virosi fomitis in eis moram oriatur, miseri tamen experiuntur magno suo malo reliquias has esse contagii non penitus deleti; quod licet quadantenus subactum, ex levissimâ quâque occasione (à potu scilicet nimio, aut exercitio quolibet vehementiori, aut simili aliâ)  
novas



novas excitat tragœdias, Gonorrhœâ postliminiò re-  
crudescente, si nempè æger catharsis molestiam  
defugerit, nondum extirpato radicitus morbo.

Si post hujusmodi purgationem Gonorrhœa nondum  
cedat, ex usu erit loco Pilularum, maxime in iis  
qui difficilius purgantur, potentius aliquod medica-  
mentum subinde intercalare, cujusmodi est Potio fe-  
quens, quæ semel tantum hausta magis aliquando fe-  
cit ad sistendam Gonorrhœam, quàm leniora Ca-  
thartica sæpenumerò ingesta.

R̄. *Thamarind.* ℥ ss.

*Fol. sen.* ℥ ij.

*Rhei* ℥ i ℥ *Coq. s. q. aq.*

*Colatura* ℥ iij *dissolv. Mannæ, syr. Rosar.*

*solut. an.* ℥ i.

*Syr. de spinâ cervin. & Electuar. è succo*

*Rosar. an.* ℥ ij.

Vel detur *Turbith minerale ad gr. viij.* tantum bis vel  
ter, (idque interposito debito temporis spatio, ne fortè  
oboriatur Ptyalismus) quod quidem remedium in era-  
dicandâ Gonorrhœâ pervicaciori facile primas fert.

Est autem ubi æger à Catharsi dicto modo re-  
petitâ usque aded abhorret, ut ne conspectum qui-  
dem, vel odorem solum remediorum ferre queat;  
est etiam ubi corpus ex ἰδιοσυγκροσις quadam ita per-  
tinaciter purgantibus refragatur, ut debita pec-  
cantis humoris quantitas nequeat educi, atque ita  
dum impensius in hoc laboratur nullo cum fructu,  
Lues tandem obrepit, quæ eos sapissimè ægros ado-  
ratur, quorum corpora cathartici fortius obsistunt;  
cùm ita se res habeat, *Enematis* agendum est, qui-  
bus injectis utrique indicationi, humoris scilicet tum  
expurgandi, tum ab affectâ parte derivandi satisfieri  
potest. Quinetiam hæc Methodus expeditior est non-  
nunquam præmemorata istâ, at non æque tuta, me-  
judice; cùm prior illa licèt diuturnitate molestior,  
minùs tamen habeat periculi ne qua contagiosi fomi-  
tis

tis particula in visceribus hæreat novos datura tumulus; Hoc verò incommodum facillimè evitatur, si Cathartica per os assumpta diebus ab usu Clysterum liberis, mutuariiis operam commodent.

Hæc itaque viâ incedo, Pilulas jam prædictas, aut alias ejulmodi duabus tribusve auroris continuis exhibendas curo; postea Enema sequens manè, & horâ quintâ pomeridianâ quotidie injiciendum, donec penitus cessaverint symptomata; nisi quod semel aut bis in hebdomade Catharticum impero, missio die isto Clystere.

R. *Electuar. è succo Rosar.* ℥vi.

*Terebint. Venet. vitello ovi solut.* ℥ß.

*Dissolvantur in aq. Hordei* ℞i.

*Colaturæ adde Syr. Violac.* ℥ij

*m. f. Enema:*

Singulis etiam noctibus *Opobalsami* vel *Balsami è Mezchagut* xxv. sacchari frustulo exceptas concedo, sub lecti ingressu; quod quidem medicamentum, cum *Terebinthina* quoddam genus sit liquidum ac purum, iisdem quibus illa facultatibus pollet, & ulcerosæ genitalium diathesi apprimè succurrit; hujus itaque defectu *Terebinthina Cypria* ad quantitatem avellanæ dictis temporibus devoranda substitui possit.

Procedente Curatione, quâcunque ea demum methodo tentetur, ægro cibis omnibus sale conditis, vel aliâs dyspeptis (quales sunt carnes Bovinæ, Porcinæ, Pisces, Caseus, Radices, Olera) & fructibus horariis quibuscunque interdico; quibus substituo carnem Vervecinam, Vitulinam, Pullorum, Cuniculorum, & cætera *εὐπεπτα*. Volo etiam ut vel his parcissimè utatur, tantum ut ægri vires non labascant. Potus, vino in genere abdicato, ut & liquore omni sive spirituoso, sive acefcente, *Hydrogala* esto, ex tribus aquæ coctæ partibus & lactis unâ: nisi quod in prandio & cenâ Cerevisia tenuis in parva quantitate possit indulgeri. Ad contemperandam insuper inflammatio-

mationem, & mitigandum ardorem urinæ, refrigerantem aliquam Emulsionem ad sequentis normam compono, in Purgationum interstitio frequenter potandam.

R. Sem. Melon. Pepon. an. ℥℞.

Sem. Papav. albi ℥ij.

Amygdal. dulc. excorticat. n. viij.

Contund. simul in mortario marmoreo, sensus affundendo aq. Horã. ℔i ℞.

Colaturæ adde sacchari Crystallini q. s. m. f. s. a. Emulso.

In temperamento admodum sanguineo, & affectu pertinaciore, post mensẽ catharsi datum, aut circiter, ut plurimum sanguinis Uncias octo vel novem è brachio dextro detrahendas suadeo; ut maturius celebretur venæsectio author non sum, ne hæc ~~æspiciat~~ contagium penitiùs inferatur. Injectiones in urethram non magni facio, utpote quæ sive acrimoniã suã mordaci, sive stipticitate non raro magis officere soleant, quàm prodesse: veruntamen sub morbi exitu Aqua Rosacea in pauca quantitate potest injici.

Hæc methodo, quæ mihi semper pro voto cessit in Gonorrhæã sanandã, meliorem nondum comperi; maximè in iis qui facilè purgantur. In iis enim qui purgantur ægriùs, curatio, licèt nunquam fallax, tamen non nisi post longum temporis spatium perficitur. In his itaque acuenda sunt Cathartica, tum etiam repetenda sæpiùs, atque in eorum usu diutiùs est perseverandum, aut Clysteres modo jam signato usurpandi. Etenim Catharsis hæc ad instar omnium est. Atque in hoc affectu, si in alio quopiam, verè asseritur, quòd qui mundificat bene, bene sanat: modò ab Aquis Mineralibus sibi temperet, quas certò mihi constat morbi reliquias è corpore eliminandas vi astringente & plus satis sanativã arctiùs constringere, & quasi clavo figere trabali; unde quòd sæpius observavi, Scroti tumores enascebantur quoties in mor-  
bi

bi principio, vel statu, pejoraque adhuc symptoma-  
ta ut Carunculæ, &c. si quando sub ejus exitu pota-  
rentur. Quod quidem ego fidenter assero, quantum-  
libet ex more hodiè recepto Aquæ Minerales in di-  
cto casu haud rarò præscribantur.

Neque sum nescius quantum se venditent Practico-  
rum nonnulli in hujus symptomatis curatione, quâ  
breviore temporis spatio, quâ remediis magni nomi-  
nis & tituli absolvendâ; interim observatione plus  
fatis frequenti certò deprehendi, materiam, quæ eli-  
minanda fuit, astringentium vi in corpore detentam  
maximum ægris dedisse malum: ex quo persæpe  
sanguinis massam de novo subiens, ipsam demum  
Luem parit. Nec majore cum fructu, licet periculo  
minore, decoctum *Lignorum exiccantium* usurpatum  
comperi; quo scilicet sub prætextu *Specificorum*, tum  
universum ægri corpus, tum præ cæteris affecta pars  
jampridem nimis incalescentia, ulteriùs adhuc inflam-  
mabantur; nonnunquam etiam Gonorrhæa quæ paul-  
d antè evanuerat, quod me observasse memini, de-  
nuò in conspectum prodiiit.

Animadvertendum est autem quòd si ægri glans  
Præputio undiquaque contegatur, atque ejusdem  
ora præ inflammatione usque adeò tumida, dura, ac  
callosa reddantur ut nullo modo queat reduci, late-  
rem lavat quisquis Gonorrhæam remediis purganti-  
bus, fortissimis licet, & quotidie ad nauseam repetitis,  
aggreditur, nisi eodem tempore id agatur ut pars ita  
affecta ad statum sibi naturalem redeat, sublatis & du-  
ritie & tumore, undè Gonorrhææ novus utique fomes  
ministratur. Quod quidem ego admolior Fo-  
tu sequente.

℞. Rad. *Althææ*, & *Siliorum an.* ʒi ʒ.

fol. *Malv. Verbasc. Sambuc. & Hyoscyam.*

flor. *Chamaemel. & Melilot. an.* M. i.

Sem. *lini*, & *Fænugræci an.* ʒʒ.

Cog. s. q. aq. font. ut. f. Forus parti affectæ admoventus

dus per horæ unius spatium bis vel ter in die. Pera-  
 ctâ fomentatione partem affectam Oleo è semine lini  
 recenter extracto perungendam curo, deinde Em-  
 plastrum è Mucilaginis alutæ agninaë inductum labiis  
 præputii tumidis circumponendum. Quòd si Ulcus  
 vel in ipsius præputii labiis, vel in subjectâ glande hæ-  
 rens suâ callositate facit ut illud non nisi ægrè possit  
 retrahi, præter fotum jam dictum sequens etiam Li-  
 nimentum præscribo.

℞ Unguent. Basilici ℥ vi.

Unguent. è Nicotiana ℥ ii.

Præcipitat. aq. Ros. lot. & optimè lævigat. ℥ ℥.

m. f. Linimentum, quo lintei rasura imbuatur, & ulcu-  
 sculo admoveatur semper post Fotus præscripti usum.

Ubi verò sive quòd justò maturius Gonorrhæa si-  
 statur, sive ab exercitio vehementiori, aut aliâ qua-  
 cunque de causâ, Scrotum jam morbi sedes ab eadem  
 in tumorem insigniorem attollitur, prædictum Fotum  
 bis in die parti affectæ admoveo, modò non immi-  
 nuantur & dolor & tumor Cataplasmate vulgò noto ex  
 Oxycrato & farinâ Fabarum. Hæc dum foràs pera-  
 guntur, non desino remediis & Catharticis, & Refri-  
 gerantibus introsumptis, tum etiam Dietâ supradictâ  
 hostem urgere; neque mihi religio est quovis mor-  
 bi tempore sanguinis ℥ ix vel x è brachio isto detra-  
 here quod testiculo tumefacto respondet, si tumoris  
 magnitudo & vehementia doloris id mihi suadeant.  
 Atque hæc hæctenus de Gonorrhæâ.

#### LUS CONFIRMATE CURATIO.

Cùm verò eousque invaluerit morbus, ut jam Vene-  
 rea Lues, vel Lues confirmata præcisè dici merea-  
 tur, alia omnino porta quærenda est, & duriori huic  
 nodo cuneus itidem durior est adhibendus: quan-  
 doquidem nullum adhuc experimentum, quod sciam,  
 adferri possit extirpati hujusce morbi, nisi per  
 Salivationem ab Hydrargyro excitatam: quicquid tam  
 doctorum nonnulli, quam indoctorum de aliis fa-  
 nandi

nandi modis satis temerè & audacter effutiverint. Cum itaque *Salivatio* omnem hinc numerum absolvat, id tantum mihi incumbit ut quæ in eâ tum excitandâ, tum etiam regendâ, & ratio (qualis qualis ea demum fuerit) & observatio rationi suffragata mihi dictaverint, edifferam.

In principio autem ne conjecturâ quidem assequi possum quid sibi velint crebra ista monita quibus de corpore remediis Catharticis, & Digerentibus, Balneo puta & cæteris id genus, ritè præparando, ita seriò cavetur: Ut de Venæsectione jam taceam, cui nonnulli hic loci primas deferunt. Quum enim si veritati sit litandum, eo res redigatur ut *Veneno Salivatio* procuranda sit (neque enim adhuc innotescit salubre aliquod medicamentum quo possit excitari, neque æger sine ejus ope in tuto collocari potest) quaeritur utrùm corpori constantibus adhuc viribus vegeto & valenti, ac proindè frangendis inimici conatibus haud impari; an eidem missione sanguinis & tenui diætâ jam debilitato rectius committatur *Venenum*. Haud dubiè satius esse duxerit æquus rerum aestimator nihil agere, quàm ita importunè satagendo nocere. Quid quod experientia testatur, nullis evacuationibus, aut alio modo infirmatos salivationis imperum multò melius sustinere, quàm eos quorum quasi ante prælium incisi sunt nervi?

Misso itaque damnofo omni hujusmodi præludio, statim atque accersor *Unguentum* præscribo ex *Axungia Porcinæ* ℥ij, & *Mercurii crudi* ℥i. Neque oleum aliquod è calidioribus, neque aliud quid admisceo; cum deterius fiat *Unguentum*, si quod adjecta ista frænum injiciant, & nihilo efficacius, si nihil prorsus agant: Et fortassè additamenta ejusmodi sub nomine *Correctivorum*, idem hic præstant, si quid tamen præstant, quod Catharticis adjuncta, judice experientia, solent præstare; tormina nempe excitant, & catharsin reddunt laboriosiorum, à luctâ scilicet inter Antidotum

dotum & Catharticum, cujus vis omnis purgans in eo posita est quod naturæ hominis inimicetur. Verum ut tertiâ parte dicti Unguenti brachia crura & tibiae ad tres noctes continuas (primam quâ accersor includendo) manibus suis æger perungat injungo; ita tamen ut neque axillas, neque inguina attingat uspiam, & abdomen panno laneo tenuiore circumposito & posterius confuto, à linimenti contactu diligenter muniat. Aurorâ illâ quæ postremam inunctionem proximè insequitur exhibeo gr. viij. *Turbith. mineralis in conservâ Rosarum rubrarum.* Post tertiam inunctionem, vel saltem post assumptum Turbith Minerale, gingivæ ut plurimum intumescunt, & Ptyalismus suboritur: id jam medico negotii tantum est ut gradum salivationis scrupulosè expendat, ne invocatis temerè suppetiis, salivationem eo usque evehat ut æger de vita periclitetur. Ubi jam Ptyalismus statum debitum fuerit adeptus (in quo expuuntur ut plurimum libræ quatuor spatio Nyctemeri) vel symptomata, etiam si parcius expuat æger, evanuerint (quod plerumque contingit post quartam diem à statu salivationis) & indusium & tori lintea aliis, quæ à quo ultimo lavabantur usurpata aliquandiu fuere, sunt permutanda: cum priora ista unguento infecta salivationem & magis quàm erat opus intendere, & longius protrahere quàm ægro expediat, apta nata sint. Quod si fortè prius elanguescat salivatio quàm symptomata penitus disparuerint, excitulanda subinde est *Mercurio dulci ad ʒi* pro dosi exhibitio.

Nonnunquam accidit, præsertim in corporibus *immis & senibus*, quod post unam vel alteram inunctionem (nempe simul ac Hydrargyro sanguis affici inceperit) natura illicò per intestina hunc hostem expellere satagat, undè non solum dejectiones mucosæ & tormina ventris, ut in iis qui dysenteria laborant, eveniunt, verum etiam curatio morbi impeditur, utpote qui salivationi tantummodò cedere solet. In hoc

casu à Mercurio sive extrà applicito, sive intrà assumpto, prorsus abstinentum, donec hæc Symptomata penitus evanuerint; quæ ut facilius amoveantur utile erit ut *Diascordii* sesqui-drachmam æger aliquoties devoret, atque porrò ut *Corroborantium ex Cephalicis* & id genus aliis, vino Hispanico coctorum vaporem recipiat in sellâ perforatâ.

Convalescente de cæteris ægro, nisi quod os adhuc exulceretur (qui genuinus est ptyalismi fructus) salivatio quæ jam indies imminuitur, nec pürgatione, nec alio modo quocunque sistenda est: fieri enim potest ut etiam post consopitum dolorem, atque exicata ulcera aliquid de morbi fomite adhuc in corpore delitescat, bella denù moturum, nisi sibi permittatur sputatio illa moderata, quæ postquam redintegratâ sanitate homo se auræ liberiori aliquandiu exposuerit, desitura est. Periculosum itaque esse arbitror Ptyalismi jam abiturientis & mox evanituri reliquias vel *Catharsi* deducere, vel *Lignorum decocto* exicare velle; à quâ Praxi, quæ vulgò obtinet specie vel Mercurii è corpore eliminandi, vel corrigendæ ejus malignitatis, nascuntur sine dubio frequentes istæ *Recidivæ* quæ miseris accidunt, sanitatem tandem aliquando post tantum impensarum, tot exantlatos labores, tantum tædii devoratum anhelantibus; ad quam etiam certò pervenissent, si salivatio non nisi suo tempore determinaretur. Longiùs itaque consultius esset, ptyalimum promoveri *Mercurio dulci* semel in hebdomade exhibitò, etiam postquam omninò convalesceret & jam sub dio versetur, quàm eundem præmaturius inhibere.

Quantumlibet autem à catharsi in salivationis declinatione ob jam dictas causas abhorream, fieri tamen potest ut in ejusdem statu ea nec prætermitti possit, nec debeat, quoties scilicet re malè gestâ, eoque fuerit everta salivatio ut jam ægri vitæ metuatur: quo in casu non tutummodò est, sed & necessarium



farium etiam Cathartico ingesto ptyalismum ad eum gradum deprimere, ut cum ægri *εὐφορία* procedat, qui deinde suo juri relinquendus.

Si quis jam quærat an nudâ Salvatione contenti esse debeamus, nec Cathartici, nec aliis remediis solentibus in usum, post eam peractam, revocatis? Respondedo, præter jam dicta, quibus & ratio astipulatur, & experientia, me velle doceri quam ob causam magis sit necessarium purgare post Salvationem, quam Salvationem excitare post Catharfin, cum remedia purgantia (*Scammoniata* maximè & id genus acria) malignitatis quidpiam in corpore relinquunt, quod naturæ tamen committimus, cujus vi tandem subjungatur istud quicquid est veneni, eo scilicet qui purgatus fuit ad regimen consuetum, exercitium, & liberiores aeris usum se recipiente. Atque id porro libenter scire velim, quâ demum arte freti Mercurii reliquias per Catharfin expellere conamur, cum genuinam illam ac propè unicam methodum (per salivationem scilicet) quâ natura id efficere solet ac debet, non solum negligamus, sed etiam impediamus? Hujusmodi autem hallucinationes minimis istis rationis scintillis imputandæ sunt, quibus nos miseri mortales tantum præditi, ad veritatem in profundo demersam non penetrantes, quamlibet ejus umbram & speciem amplectimur, pro Junone, quod ajunt, captantes nubem; mox colloquia miscentes, præjudicia malè fundata ita penitus nobis invicem infigimus, ut tandem phantasmata nostra & delirantium insomnia pro principiis Apodicticis haberi velimus; cujus specimen, ni fallor, præ manibus nobis est.

Quamvis autem in plerisque Curatio modo jam dicto absolvatur, *viz.* Inunctione per tres noctes continuas, & exhibitio *Turbith Minerali* aurorâ istâ quæ postremam excipit, *Mercurio* item *dulci* ad vices aliquot, Ptyalismo fatiscente; seriò tamen animadvertendum est in quibusdam reperiri idiosyncrasiam

five temperamentum quoddam peculiare tam salivationis respectu, quàm purgationis (atque eadem plerumque in iisdem, ut qui ægre purgantur, ægre etiam ad ptyalismum perducuntur) ita ut in nonnullis Methodus laudata vix gingivarum exulcerationem queat efficere, multò minùs salivationem eam procurare que malo eradicando par sit. In huiusmodi ægris Medico summopere cavendum est ne animò nimium obstinato salivationem importuniùs urgeat, recalcitrante naturâ, atque ab isto evacuationis genere prorsus abhorrente; quod qui minùs intellexere ægros haud paucos letho dederunt: Etenim in corporibus ita factis, quotiescunque medicamenta live externa illa fuerint, live interna pertinaciter ingeminaveris, loco salivationis perfecta nil præter ventris tormina, & dejectiones dysentericas obtinebis, naturâ per hanc portam Hydrargyri virus amoliente; vel dolores ventriculi & ægritudines, sudores frigidos, horrendaque alia symptomata accerces, ita ut æger tantùm non agat animam, fortè etiam mox eam evomat. In his licet medico concedi possit, ut postquam ad dies quatuor vel quinque à postremâ inunctione salivationem frustra præstolatus fuerit, inunctionem jam sæpè dictam, & Turbith Minerale denuò repetat (interjectis inter singulas inunctionum vices diebus aliquot) religiosè tamen cavere debet, nè cùm tanto conamine salivationem inefficacem sollicitaverit, eam per vim invitæ naturæ extorquere pergat. Hic itaque modus, quantum ego iudicio valeo, Medico tenendus est, ut ubi primùm vel ægritudo ventriculi, vel ventris tormina succedant, statim sibi temperet à remediis adhibendis donec ea penitus evanuerint symptomata; pluribus enim & fortioribus remediis ad cogendam *φύσιον ἀναπαύσειν* salivationem accumulatis, Dysenteria certò certius tormina ventris, & ventriculi ægritudinem Mors excipiet. Cùm ex adverso si lentè festinet, & moras trahat, Mercurii dulcis ꝑ i semel aut bis in septi-

timanâ exhibendo, vel per se, vel cum *3i Diascordii*, si æger in Diarrhœam propensior sit, tandem aliquando cum bonis ægri rebus optatâ potietur arenâ. Quantumvis enim ptyalismus ad plenum nunquam affurget, æger tamen copiosius quàm pro more solito expuet, & fœtor justæ salivationis comes neque imminutiorem hanc destituet: unde evincitur sanguinem & humores eam sive putrefactionem, sive alterationem, quæcunque ea demum sit, attigisse, quæ vel parit salivationem, vel cum ea nascitur. Atque hæc Methodo universa hujus morbi symptomata tandem expugnabis, concessio utique debito temporis spatio.

Observandum est autem, quod licet salivatio remedia alia, qualiacunque ea fuerint, in extirpandâ *Lue confirmatâ* longè exuperet, *Gonorrhœam* tamen cum *Lue* concurrentem neutiquam valet sanare; nec sistetur illa, hæc jam penitus devictâ: unde rectè colligitur nullam vim specificam Mercurio inesse quâ *Veneræ* Lues immediatè debellari possit: quamlibet *Specificum mediatum* fortè dici mereatur, in quantum mediante ptyalismo morbum expellat: pari fermè *25 1/2* (quod alias subinnui) atque Scalpellum Chirurgicum Laterali morbo Specificum queat appellari. Sed ut ad rem redeam. Quoties Lues & Gonorrhœa unâ stabulantur, vel ante Salivationem, vel eâ jam peractâ, Gonorrhœæ curatio tentanda est; quod & tutius sit, me iudice, & facilius etiam post finitam salivationem, cum Luem habens comitem Gonorrhœa ægrius dometur; quæ verò à prægressâ salivatione quadantenus subacta fuit, minori negotio expugnari soleat. At verò Catharticis religiosè abstinendum est quousque vel minima salivationis reliquæ superint; Quamobrem *Turbis Minerali* semel aut bis in hebdomade exhibitio securius rem commitemus, quàm aliis Purgantibus quibuslibet, cujus vi promovebitur aliquantulum ptyalismus, dum interim materia Gonorrhœam committens paulatim excernatur.

*Os exulceratum*, Salivationem passis ita familiare, si vel æger dolori ferendo par non sit, vel eo usque illud excorietur, quod sæpe fit, ut sanguine diffluat, nocte dieque vel aquâ *Rosarum Damascenarum* vella-  
*Et aqua permisto*, vel *hordei*, *radic. Alibæ*, & *semin. Cydoniorum* decocto sæpissimè proluendum est. Unicum hoc symptoma memorabile, quod scio, salivationi accidit, saltem quoties ea more debito administratur; & sævè si dolor & oris exulceratio arte aliquâ protelari potuerint, haud multo effret molestior morbi hujus curatio, quàm est aliorum aliquot longè minùs famigeratorum.

*Dietam* quod spectat & reliquum ægri regimen, eadem prorsus in *Salivatione*, saltem donec ad finem jam ferè vergat, ac in *Catharsi* imperanda censeo: Cùmque ei qui medicamentum aliquod purgans assumptit, id tantum incumbat ut se in cubiculo à vi frigoris defendat, & cibis *invinibis* moderatè vescatur, nondum mihi constat quo nomine vel lecto semper addicatur qui Ptyalismum subit, vel à victu modico arceatur, qui scilicet naturæ cum veneno conflictanti vires animumque addat: unde etiam naturâ tanto oneri succumbente, haud pauci, spiritibus atque omni vitæ robore diaphoresi, purgationibus, & jejuniis supervacuis (præter vulnus ab *Hydrargyro* inflictum) tandem penitus exhaustis, miserè confecti sunt: Per sæpè etiam morbo jam pulso, æger eâ spirituum copiâ quâ erat opus ad redintegrandam sanitatem destitutus, præ imbecillitate concidit: aut si fortè *Libitinam* valeat effugere, tot tantisque cruciatibus vitam redimit, ut tanti non sit vivere. De quibus *Poeta* è Neotericis haud ineleganter.

*Graviora morbis patimur remedia;*

*Nec vita tanti est, vivere ut possis, mori.*

Hic autem in promptu est istam objectionem diluere, qui fit ut nonnulli hoc morbo, (scilicet in statu ejus modò dicto) malè multati in *Galliam* commigrare

grare cogantur ut ab eo liberentur? Cujus rei hanc esse rationem, quantum judicare possum, existimo; Hujusmodi ægris, œconomia illorum corporum eversa ac viribus prostratis, apud nos aer crassus ac humidus resarciendis minus idoneus est, cum iste Gallia, utpotè qui salubrior ac magis ferenus, spiritus corporis & vires deperditas instaurare aptus sit: Non quòd Practici ibidem degentes, ut ut docti quidem, methodum quâ hic morbus devinci possit, melius callent, quàm nos hîc in *Angliâ*. Sed ut ad Diætam evertar.

Existimo itaque (& experientia mecum facit) quòd præter jusculum Avenaceum, Panatellam, Lac cereviliatum, & Cerevisiam tenuem tepefactam, &c. juscula insuper è carne Vitulinâ, Pullorum, atque alia ejusmodi in mediocri quantitate ægro & possint concedi, & debeant; atque ut, ubi primùm eo usque subsederit gingivarum tumor, ut dentes conferere valeat, Cuniculorum, Pullorum, Agnorum carnes, atque ejusmodi teneriores, at parcâ manu, sint indulgentiæ; ut vel in lecto se contineat, vel ad ignem sedeat, prout hoc vel illud magis allubescat animo: Cùm enim Ptyalismo expugnetur hîc morbus, non Diaphoresi, hariolando non sum quorsum æger, nullâ urgente necessitate, nimio calore maectetur.

Dieta Methodus uti expeditior est, cum neque tot dies corpori ante salivationem præparando inutiliter infumendos, nec frequentes istas purgationes, aut decocta solennia post salivationem, ægris imponat; ita certissimus sum eandem longe faciliorem esse, minus itidem periculosam, & minus recidivæ obnoxiam: quod experimento suo discet quisquis in alterâ praxi versatus, ad hanc se demum conferet. Mihi saltem ex animi sententiâ successit in quâ plurimis ægris; quorum nonnulli salivationis tædium & laborem plus semel irritò conatu exantlaverant, recidivam semper denuò passi, ex occasionibus, & propter causas quas supra memoravimus. Non est autem, Vir Can-

didissime, cur tuam fidem verborum ambagibus anxie sollicitem, qui jamdudum de probitate meâ persuasissimus, existimationi etiam nostrâ favere dignaris.

Plura de hoc morbo non addo, cum mihi neutiquam placeat, nec placebit unquam, longis verborum ambagibus & sermonibus *ἀεὶ ἰδιωτικῶς* nucleum involvere, quo rei caput, seu *Nili* fons, agrius innotescat. Quantulicunque autem sit hoc opusculum sine pretii, sine molis, id ut boni consulas rogo: Cum illud eo præcipue sine elaboraverim, ut & in bonum publicum cederet, & quo in te essem animo palam testarer: quantumlibet autem magni te faciam, major tamen adhuc tibi honos debetur & à me, & ab iis quibus summa illa tua eruditio, morum suavitas, animique candor; cæteræque virtutes laude dignissimæ ita clarè elucescunt. Haud equidem tibi assentor, quoties profiteor me tuam amicitiam, ex quo me primùm eâ condecorabas, inter illa quæ mihi comparavi pretiosissima luculentissimaque semper habuisse. Inter alia enim in brevi vitæ curriculo à me observata eximium est istud, (quod etiam filio meo commendatissimum esse volo) hominum sc. probitate cæterisque virtutibus præcellentium consuetudinem semper mihi commode vertisse atque emolumento; atque ex adverso pravorum amicitiam (nisi ea potius, combinatio, sine etiam conjuratio dicenda sit, quæ in virtute non fundatur) quamvis nec dictu, nec vultu quidem me læserint unquam, tamen nescio quo pacto, tandem aliquando aut mihi, aut rebus meis mali, aut damni quippiam affricasse. Vale, Vir Humanissime, & amare perge

*Tui semper Observantissimum*

THO. SYDENHAM.

Londini, Mart.

10. 16<sup>79</sup>.

THO-

THOMÆ SYDENHAM  
DISSERTATIO  
EPISTOLARIS

AD

*Spectatissimum Doctissimumque Virum*

GULIELMUM COLE, M. D.

*De*

Observationibus nuperis circa cura-  
tionem Variolarum Confluentium,

*Nec non de*

AFFECTIONE HYSTERICA.

THE  
DIPLOMA  
OF  
THE  
UNIVERSITY OF  
CAMBRIDGE  
IN  
M.D.C.C.C.

TH  
N  
anim  
tant  
men  
auth  
acc  
fufc  
ferv  
qui  
nes  
na  
jun  
et  
de  
er  
g  
la  
a  
c  
a  
(  
a  
w  
J  
L



*Humanissimo Viro*

THOMÆ SYDENHAM, M. D.

**M** Iraberis fortasse, Clarissime Vir, quisnam importunus interpellator graviora tua interturbet negotia: sed veniam, confido, dabis, postquam intellexeris, eâ potissimum de causâ hanc tibi molestiam creari, ut grati animi sensu exprimat venerabundus Tui cultor. Quippe tantos ex elaboratissimis tuis, circa Morbos acutos, commentariis, agnosco me accepisse fructus, ut ad grates auctori persolvendas me prorsus obligatum teneam. Tam accurratè singulas annorum, aerisque quas tractandas suscepisti, Constitutiones, cepto antehac inaudito, observasti; tam genuinas, facilèque obvias, pro singulis, qui in illis occurrebant, affectibus sanandis, indicationes excogitasti; tantoque ingenii nitore totum opus exornasti, ut merito tantam sagacitatem, tam indefesso labori junctam, suspiciamus: unde & agrotos, & medicos tibi æternum devincis.

Quanquam verò cuncta, quæ pertractas, accurratè adeo absolvisti, ut primum sit de singulis in laudes tuas erumpere; præ cæteris tamen haud mihi temperare possum, quin impensè tibi gratuler methodum tuam circa Variolarum curationem; cujus ope, quin feralis ille hæctenus affectus terrificam suam exuat larvam, interque facillimè curabiles (nisi malignitas, vel quiddam valde insolitum accesserit) se sistat, nullus ambigerem, si per nutriculas (turbam rarè non inimicissimam hominum salutem) liceret, quæ calido suo regimine, & medicamentis omnia usque adeo pessum dant, totque ubivis in sepulchrum ante tempus præcipitant, ut merito Tu, Doctissime Vir, humani generis Vindex audire merearis, qui agrotis, miserè, cumque extremo vitæ discrimine palantibus, te ducem fidissimum præbes, ut in salutis viam, se ductum tuum se-

quæ

qui volent, redeant. Ut de me loquar, quanquam mihi fidere ratiociniis aliquatenus reformidarim, diu tamen credidi, variolarum eruptionem, sicut non ipsum esse morbum, sed febris crism, sic par reliquis crifibus desiderare regimen, in quibus, omnium Medicorum effatis sancitur, totum negotium naturæ committendum, si cuncta rectè procedant; id quod plerumque in isto affectu conuenitur, nisi plus justo prius exagitatus fuerit sanguis. Postquam verò, perlucto aureo tuo libro, senseram tandem panicos esse, qui me aliosque tam diu detinuerunt, timores, aususque fueram juxta tui præcepta (reclamantibus licet quandoque non solum vulgo, sed etiam medicis) agros regere, tantum inde emolumenti iis, ubi in obtemperantes incidi, obvenisse comperi, ut, quicquid alii senserint, me felicissimum reputem, cujus in manus tantus devenit thesaurus. Porro & ubi ad variolis consuetibus laborantes (quod tamen haud admodum sepe contigit) accitus fuerim, non dubitavi, quanquam animam jam agere viderentur, ad paregorica, tuâ fretus autoritate, confugere; idque successu haud poenitendo, imò verò suspensio. Tam multum equidem hæc in parte præstitisse mihi videris, ut nil superesse, quod vel aliorum, vel etiam Tui, industriam exerceat, facile crederem, nisi nuperrimè à doctissimo Viro, amicoque meo integerrimo, D. Kendrickio (qui humanitatem tuam plurimum celebrat) audivissem, te inmisisse novas quasdam (quas & ad praxin ritè exercendam peritiles fore non possum non augurari, ut pote à Te factas) circa idem subjectum tibi occurrisse Observatiorines; quas nisi publico impertias, & in Tui famam, & in humanum genus injurius eris. Proinde (si quid apud te ignoti valeant preces) haud graveris, obsecro, Celebratissime Vir, eas in lucem emittere.

Sed nec hæc subsistam: Nempe ab eodem accepi, rariora quaedam tibi observata fuisse circa Affectus, Hystericos dictos; qui sanè sicut doctissimorum medicorum, ab omni memoria, exercuerunt, imò lassarunt ingenia, sic (probenimis sepe!) & medicandi traditas methodos eludunt: do-

documenti  
phicis  
quarum  
Plurimum  
lo, &  
hanc m  
Hoc sa  
consula  
ignotus  
innu  
profite

Vigo  
17

tan  
tio  
sci  
ren  
tu  
sta  
tù  
m  
a

documentaque dant, quàm parùm tutum sit, in Philosophicis, nostræ rationi nimium fidere, nisi iis in rebus quarum certitudinem à sensuum testimonio petere valemus. Plurimum, Dignissime Vir, ulterius & à præsentis sæculo, & à posteris, haud dubiè mereberis, si & quæ circa hanc materiam meditatus es, propalare dignatus fueris. Hoc saltem à te mihi impetrare liceat, ut æqui bonique consulas, quòd, non mei solum, sed publici etiàm causâ, ignotus tibi licèt, petere non erubuerim; utque me inter innumeros eos habeas, qui tibi se quam maxime devotos profitentur,

Devotissimum

GULIELMUM COLE.

Vigornia. Novemb.  
17. 1681.

Speçtatissimo Doctissimoque Viro

GULIELMO COLE, M. D.

**S**I usque adeò Philatizæ indulgerem, Ornatissime Vir, ut eas quæ ad me nihil attinent laudes mihi arriperem, ægrè admodum me ab aliqua li animi elatione continere valeam, laudatus tantopere à laudato Viro, qui eruditissimis suis lucubrationibus orbi literario, mihi verò nec de facie, quod sciam, innotescit. At verò quòd me tanto, licèt immentem, honore dignatus fueris, id demum humanitati tuæ acceptum refero; cùm maximos quosque & præstantissimos viros ita natura comparaverit, ut non tantùm leviter errantibus, ut fit, æquiores sint, sed etiàm in mediocrium studiis deprædicandis, datâ vel quâlibet ansâ, ingenuo suo candori morem lubentes gerant.

Cu-

Cujus quòd & in ipso me, & meis istis conatibus, ut ut tenuibus, publico tamen commodo destinatis, præclarum edideris specimen, gratus agnosco.

Ea quod spectat quæ à me præstolaris, sive jam editis de Variolis observationibus addenda; sive etiam de Passione Hysterica de novo tradenda, ita habe. Horum primum idcirco aggressus sum, ut quæ olim deficere viderentur, ex iis quæ experientia jam annosior mihi suggererat possim sarcire. Alterum verò ideo in me recipiendum duxi, tum quoniam Affectus Hystericos omnium post Febres morborum frequentissimos occurrere, tum quia emolumentum ali-quid è levidensibus meis observationibus capi posse existimarem. Neque tamen diffiteor aliam quandam, præter hanc publicum juvandi spem, mihi causam subsuisse, ut otium scilicet bene locarem, & tedium brumalium noctium honestius fallerem; cum jam in-gravescente ætate non amplius Congerrones foras quæram. At quicquid id fuerit quod me primùm instigaverit, me non ita atque speraveram inceptis ac votis meis parem esse sentio, cum continua illa cogitationum series, quæ mens obstinatius desigenda est, mihi jam à multis annis *ποδον πᾶν* nunquam non officiat, maximè verò, jam appetente Senectæ. Cum itaque tam opportuna appulerint humanissimæ tuæ literæ, brevi Responsonis limite expediam eorum summam quæ prius fusiùs deducenda meditabar.

Sumpto itaque à Variolis exordio, illud prælibandum censeo, quòd scilicet ea Febrium Intermittentium species quæ primùm Anno 1677, uti alibi diximus, caput extulit, atque etiamnum regnat, Anno videlicet, quo hæc conscribo, 1681, hæc Febres, inquam, pro more Epidemicorum oranium, iis maximè tempestatibus grassabantur, quæ cum earum indole magis faciebant, per annos istos omnes quibus videbant; alienam autem tempestate appetente, iis pro-tinus Epidemicis cedebant, quibus illa magis favebat.

at. Ex  
non Tu  
tibus loc  
Vere dici  
1680, p  
fuerat de  
cipiebant  
vertete  
descebat  
& succif  
sparsæ,  
ingressa  
*ἐπιδημια*  
bant.

Hoc  
mihi co  
tur, ag  
prius a  
omne  
ris, tu  
post e  
valefc  
ba ex  
quam  
quo V  
indole  
ta sy  
hanc  
pure  
rò p  
tior  
bans  
bific  
Id  
quò  
faci

Exempli gratiâ, ingruente Hyeme, nunquam non Tulli, & Febribus Peripneumonicis ab illa pendens locum dabant, ut & Variolis. Redeunte autem Vere dicta Febris postliminiò reversa est. Ita Anno 1680, postquam Febris hæc per Autumnum omnia fuerat depopulata, Variolæ brumali tempore eam excipiebant, ubique locorum grassantes. Anno autem vertente, 1681 sc. Febres intermittentes denuò recrudescabant, haud usquequaque Epidemicæ, fractis jam & succis earum viribus; unde etiam Variolæ, hîc illic sparsæ, unâ cum illis subpullulabant. Æstate verò jam ingressâ Variolæ increbrescere quotidie, tandemque *indiquâ* factæ stragem haud vulgarem edebant.

## ANNO 1681.

Hoc anno, luce meridianâ, quod aiunt, clarius mihi constabat quod jam olim Ratio suadere videbatur, ægrum sc. lectulo noctes atque dies continuos non prius addicendum esse, quàm Variolarum examen omne in conspectum se dederit: Etenim tum Veris, tum etiam Æstatis temperie sicciore diutiùs quàm post eorum, qui nunc sunt homines, memoriam invalescente (adèd ut omnis fermè ubique locorum herba exaruerit) sanguinem ferè omnis illa humiditas, quam aer aliàs solebat suppeditare, destituebat; ex quo Variolas jam-grassantes major quàm pro morbî indole inflammatio accendebat, cæteraque exinde nata symptomata præter modum sæviebant. Atque hanc ob causam, si quid ego judico, Maculæ purpureæ plenam Exanthematum eruptionem haud raro præveniebant, & quæ eas extrudebat vehementior inflammatio, debitam sanguinis crasin interturbans atque disperdens, etiam ante justam materiæ morbificæ expulsionem, præmaturam mortem accersebat. Id verò maximè factorum sævitiam promovebat. Quòd jam exanthemata ob suprâ dictam causam ita facillimè confluerent, vel ipsâ aeris intemperie id mali sponte

sponte suâ procurante, quod aliàs ferè solent Scioli & Medicastrî, regimine & Cardiacis calidioribus in ipso morbi limine inauspicatò imperatis atque admotis. Etenim (quod diligenter animadvertendum est) post omnium vel exquisitissimas observationes, rei cardo in hoc vertitur, ut in Variolosis salutis spes omnis in Exanthematum paucitate reponatur; discrimen in eorundem multitudine: & prout plura sunt hæc, vel pauciora, aut moritur, aut vivit ager. Interea fatendum est, & sanguinis mictum, & maculas purpureas, quæ ita certò mortem prænuñtiant, quandoque accidere, vix ullo adhuc comparente Variolarum indicio, vel etiam paucissimis pustulis erumpentibus; hæc verò ut Variolas denso agmine confluentes ut plurimum comitantur, ita aliquando tam præproperè invadunt, ut ægrum antea plenam eruptionem è medio tollant, sicut jam præmonuimus.

In proclivi est autem, ut mihi videtur, rationem reddere quare ager plus minusve periclitetur pro majore minoreve exanthematum numero; cum enim qualibet Pustula Phlegmone primò sit, licèt sub exiguâ molè, mox in Apostema evadat, fieri non potest quin Febris secundaria à Pure jam in fieri pendens, magis minusve exacerbetur, pro Puris excoquendi quantitate jam in morbi statu; quod in mitillimo confluentium genere, die à primo morbi insultu undècimo, in mediocri, decimo quarto, in crudissimâ verò & ægrius domabili specie, decimo septimo fieri consuevit. Quemadmodum enim (quod est notandum) Confluentium Variolarum genus, Distinctum quod dicitur, ratione periculi imminētis, in tantum superat, quantum ab ipsâ Peste superatur, ita etiam supradictæ tres Confluentium species aliæ aliis præsentius discrimen adferunt. Quod insuper tam in ætate quàm sexu locum habet; cum nemini non sit notissimum, Adole-

scen-

scientem in ipso iuventutis flore multo magis periclitari ab hoc morbo, quàm vel fœminam vel impubem. Sed hæc obiter.

Neque sanè mirabitur tam ingens discrimen à majori pustularum numero pendere, qui secum reputaverit, quòd si cujuslibet sive humeros sive brachia, sive aliam quamlibet partem Phlegmone (vulgò à **Boyle**) fortè invaserit, idem tempore maturationis, quàm jam Pus fit, febricitabit; cùm scilicet sanguis à purulentis particulis, per venas ex lege circulationis in ejus massam resorptis incitatus, Febriculæ fomitem subministret. Quanto magis Medicus ubi primis morbi diebus ægrum invisens, faciem ad instar pulveris è limaturâ acicularum undique respersam contemplantur, mortem prædicet uno aliquo è diebus jam memoratis involaturam; idque præindomitâ vi Febris succedaneæ, quam, pro ratione quantitatis puris ex innumeris istis apostematibus sanguinem rejecti, defævire necesse est. Quæ quidem hominis funesta ruina aliquot diebus antequam ingruat facilè prævideri potest, utut bellè se habere æger, & sibi videatur, & astantibus etiam in hujus morbi Historia minùs exercitatis.

Quocirca si non aliunde periclitetur æger (purpureis maculis & sanguinis mictu jam sepolitis) quàm ex pustularum frequentia, seriò mihi perpendendum est, quibus potissimùm de causis ita densæ protruduntur, & si tutò fieri potest, iisdem omni ope coercendis incumbendum. Quod quidem rei caput est, & in quo præcipuè ægro suppetias ferre queam, cùm periculosa plenum sit alex quicquid moliamur, jam constituto in hac specie morbo; nec si tandem mortem æger evaserit, id tam meæ debetur solertiæ, quàm vel insigni narium Hæmorrhagiæ, vel fortuitæ alicui quæ morbo accidebat mutationi. Profusissima autem illa crebrarum pustularum eruptio, si quid ego conjicere possum, à præcipiti nimis

materia Variolosæ assimilatione ortum ducit ; quæ quidem præcipitatio maximè videtur contingere , vel quòd ægri natura , medicamenti ad instar Cardiaci , calore & spiritu plùs satis turgeat , vel quòd ipse æger , sive præmaturè se lectulo includendo , sive adhibitis Cardiacis calidioribus , aut liquore quovis spirituoso , fermentum plus debito exaltaverit ; quibus omnibus modis disponitur sanguis ad excipiendas & intimius admittendas morbi impressiones , ipsaque Natura , ceu furiiis agitata , præ exuberanti materia Variolosæ copiâ & plenitudine , omnem ferè succorum & carniùm molem in exanthemata evomere satagit.

Nullà verò magis *ωρρα* promovetur immo-dica materia Variolosæ assimilatio , quàm si æger intempestivè se lecto addicat , viz. ante diem sextum à primâ invasione , vel quartum inclusivè ab eruptione , quo tempore jam omnis pustularum cohors in conspectu est , nec sunt plures expectandæ.

Et licèt moderatus lecti calor etiam post elapsos dies istos Phrenesi , vigiliis , aliisque symptomatis accersendis nonnihil conferat , ea tamen ejusmodi sunt quæ à medicamentis cum judicio propinatis vinci possint : cùm ingens illud vitæ periculum quod die undecimo instat , ab innumeris istis pustulis prognatum , omnem medicam opem respuat & aspernetur.

Hic itaque seriò monendum est , agrum nullo pacto se lectulo interdiu debere comittere , si sibi cavere velit à nimio pustularum confluxu , nisi sexto die jam advesperascente , unde se plurimum usque refocillari sentiet : à quo tempore vix se continebit à jugi in lecto decubitu , si insignior fuerit pustularum *συνεργη* , tum ob acriorem jam pustularum molestiam , tum quòd ab ipso sessionis habitu in animi deliquium sit propensior ; quod cùm sæpenumero animadverterim , in mentem mihi venit , ex communi hujus morbi lege naturam ipsam quasi digito mihi



monstrasse, quo primùm morbi tempore æger lectulo continuo adjudicandus est.

Sed ut non solùm dicti Problematis veritatem adstruam, quod tanti est momenti ad minuendum à Variolis impendens periculum, verùm etiam ut in iisdem à carceribus, ut ita dicam, ad metam pertractandis, rationem nostram quasi manu ducam, non abs re fuerit, opinor, quoddam quasi Schema totius morbi animo depingere, & diligenter expendere quæ sit ejus natura, ac qualis methodus; quod demum ex certo sensu hominum, fidissimis observationibus utentium, non ex opinione incerto Phantasiæ fundo innixâ, rem clarè dijudicare valeamus.

Imprimis itaque, ejus essentia, (quantum nos rerum essentias conjecturâ assequi valemus) in peculiari quâdam sanguinis inflammatione comprehenditur, in quâ, Natura primis aliquot diebus id negotii habet ut particulas inflammatas præparet subigatque, quo faciliùs in corporis ambitum eliminantur; quo tempore, motâ seditione, & perturbato jam sanguinis statu, Febris ut accedat omnino necesse est: quinimo incensæ ac jam furentes particulae, per omnem circulantis sanguinis ditionem tumultuantes, ventriculi ægri tudines, dolores capitis lancinantes, & quæcunque alia Symptomata præcedunt expulsionem, necessariò excitant, prout has vel illas partes motu agitatae appellunt. At cum jam victrix Natura rebelles particulas in corporis habitum propulsaverit, ut priùs in sanguine, ita deinceps in carneâ mole id quod superest Tragœdiæ peragitur. Et si cuti Natura non aliâ quidem methodo quàm accensâ Febre materiâ in sanguine peccantem novit amoliri, ita etiam non nisi factò Apostemate massam carneam à re qualibet extraneâ liberat: ut si fortè sentis aut quippiam ejusmodi carni inhæserit, partes circumjacentes mox Apostemate oblidentur, nisi id quicquid est molesti protinus extrahatur. Hæ itaque

particulæ in carnibus demum stabulantes, primùm Phlegmonas haud ita spectabiles excitant, in quibus latitant; quæ quidem augeſcentes in horas, atque efferatiorēs & inflammatiores redditæ tandem in pes & vomicas definiunt; quo quidem tempore fieri non poteſt quin aliquid ex illâ Apoſtematum colluvie, in maſſam ſanguinis, per venas circulari motu reducti, reſorbeatur; quòd ſi fanies iſta nimiâ copiâ ſanguini ingeratur, non tantùm febrem accerſit, cui ægri vires planè ſunt impares, ſed etiam omnem ejus maſſam putredine, ceu veneno quodam, inquinat. Sed neque hoc mali caput eſt: quin etiam ab intensiore Febris calore, poſtremis hiſce diebus à nimiâ puris vi excitato, Ptyaliſmus, qui Variolis confluentibus comes indiviſus eſſe debet, præproperè ſiſtitur, unde ægro ſpiritus continuò intercluditur. Quod ſi dicta materia purulenta parciùs ſanguini infundatur, inſurgens Naturæ robor ſecundariæ hujus Febris impetum nullo negotio reſtat, & abſceſſulis indies magis magiſque exareſcentibus æger brevi convaleſcit.

Si vera ſit hæc & juſta hujus morbi Hiſtoria, cæcus fit oportet qui non videat, omnem ejuſdem in utramque partem eventum, à Curationis fundamento rectè aut ſecùs primis in diebus jaſto, pendere. Nam ſi calidorum, & præcipuè jugi lectuli uſu, calentes hæ ac ſpirituofæ particulæ acuentur, neceſſe eſt ut aſſimilandi facultas (quâ jamdiu plus fatis pollutent) adhuc intendatur & augeſcat.

Adde quòd ſanguis & reliqui humores hiſ modis excalefacti, fortiiori particularum impreſſioni promptiùs cedunt, undè plures quàm res poſtulabat, emergunt puſtulæ, & æger nullâ neceſſitate cogente in vitæ diſcrimen conjicitur. Quando oppoſitum huic regimen, & modicè frigiduſculum, atque aeris uſus liberior, non tantùm fervidarum ac ferocientium particularum vim retundit, ſed etiam condenſat obſerminatque humores, quo ſe validiùs ſpiritus

bus  
ant in  
copia  
Sec  
mia n  
perex  
citiùs  
ſimè p  
culæ  
juven  
mata  
in que  
partic  
nuatu  
ſangu  
in ma  
muſcu  
tidem  
bus e  
caver  
morb  
& dia  
comp  
deri c  
exhib  
in o  
ſuffla  
Sec  
ci & l  
ſolùm  
jugite  
aeri c  
atque  
liquor  
nimia  
in cal  
haud

bus morbificis opponant, atque eorundem sustineant impetum, unde non major materiæ Variolosæ copia constatur, quàm pro genuinâ morbi indole.

Sed nec unico hoc incommodo, quodd scilicet nimia materiæ morbificæ quantitas assimiletur, & superexaltetur fermentum morbi, multatur is qui iusto citius ad lectum damnatur: at ex eodem fonte sapissimè profluunt tum miçtus sanguineus, tum etiam maculæ purpuræ, æstivo maximè tempore, atque in iuventâ adhuc florentibus. Utraque hæc symptomata, nisi fallor ego, ortum ducunt ab æstu & furore in quem agitur sanguis à ferventibus & spirituosis particulis, à quibus exagitatus atque insigniter attenuatus, vaporum claustra diffringit, nunc in miçtu sanguineo, quoties in renes irruit; nunc purpureis in maculis, quoties per arteriarum extremitates in musculos & cutem terminatas, percolatur, unde totidem quasi sphæli oboriuntur iis in partibus, in quibus extravasatus sanguis coagulatur. Atque ut præcaveri facile poterant duo hæc symptomata primis morbi diebus, quibus plerumque emicant, regimine & diætâ in frigidum vergentibus, ita ubi jam actu comparuerint, pariter operam ludet qui iisdem mæderi conabitur, ægrum lecto includendo & Cardiaca exhibendo, ac luderet anicula, quæ nimiam aquæ in ollâ ebullitionem, igni fomitem subministrando, sufflaminare satagat.

Sed ut verum fateamur, utnt offendantur Dogmatici & hujus rei ignari ac proinde iniqui iudices, non solum malè tutum fuerit ægrum primis diebus lectulo jugiter affigi, verum enimvero est ubi æger libero aeri omnino est exponendus, si ætas scilicet fuerit, atque æger ætatis florem nondum prætergressus, aut liquoribus spirituosis assuetus, præsertim si morbus nimix compotationi originem debeat: His inquam in casibus, præcipitem nimis pustularum eruptionem haud equidem arbitror satis coerceri posse, tum à

lectulo abstinendo tum etiam à Cardiacis; at sanguis etiam sine horum subsidio, spirituum præfervidorum & morbo congenerum largo penu auctus, magno cum impetu ut explodatur quasi, necesse habet; atque insuper tanta humorum congeries in exanthemata faceffet, ut præ nimia puris copia in sanguinem regurgitantis sub fine morbi, æger quasi obrutus, fato omnino succumbat.

¶ Quamvis haud rarò fermentum immodicè exaltatum tantam colluviei Variolosæ vim conficiat, ut æger incipiente adhuc morbo è medio tollatur; cum scilicet materia morbum committens, tum præ nimia sui copia, tum præ motu inordinato ac confuso in sanguinis massâ excitato, se nequit extricare & foras educere, cujus loco mictus sanguineus & purpureæ maculæ tragœdiæ catastrophe fiunt. Quod etiam & in Morbillis, & in Febre, Scarlatinâ dicta, sæpiuscule occurrit, ubi scilicet intempestiva opera in iisdem ad eruptionem vehementius sollicitandis infeliciter collocatur.

Neque sanguinis missio, quantum mihi videtur, licet maturè celebrata, ita efficaciter præproperam materiæ Variolosæ assimilationem cohibere valet, ac sanguinis contemperatio ab aere intromisso, maxime si statim ab emisso sanguine æger lectulo committatur, & cardiacis calidioribus mactetur; his etenim modis, sanguis propensior redditur excipiendis adventitii caloris impressionibus, quàm ante venæ sectionem fuerat. Et sanctè assero, insignissimum ferè omnium, quos mihi unquam videre contigit, è Confluentium genere morbum, & qui ægram undecimo die jugulavit, juvenulæ supervenisse, ubi primum à Rheumatismo usitata illà methodo copiosæ & iterata venæsectionis fuerat liberata. Atque hinc mihi primum innotuit, Phlebotomiam non perinde atque ego priùs arbitrabar Variolis intra justos limites coercendis conducere: Tametsi sæpenumerò obser-

vaverim, reiteratam catharsin sanguine nondum inquinato, subsequentes Variolas laudabiles & distinctas ut plurimum reddidisse.

Neque verò me fallit permulta esse quæ contra sententiam hanc nostram, quæ ægrum interdiu lecto eximimus, possint objici; eaque haud exigui, tum apud hominum vulgus momenti, tum etiam apud minùs hæc in palestrâ exercitatos: quos Judices appellare solet vulgus medicorum, ut eorum auctoritate malè fundata theoremata statuminent, utpote quæ magis, & quasi ad amussim horum captui quadrent, quàm quæ ab ingeniis penetrantioribus maturè sunt excogitata: unde sequitur ut cum pars hominum longè maxima exteriori tantum rerum cortici contemplando apta natu sit, paucissimi autem veritati in profundo latitanti indè extrahendæ pares sint, Scioli isti ἢ πολλῶν suffragio adjuti primas facillè ferant, hi autem per-spiciatōres calumniantium maledicentiâ excipiantur, Πολλοὶ γὰρ νεφεληφόροι, πύργοι δὲ τε βάεροι. Qui tamen æquo id animo ferunt, veritate treti, & saniorum, paucorum licèt, consensu. Primò itaque objicietur, quòd lecto abesse primis morbi diebus pustularum eruptioni officiet, & ex consequenti ægritudinem, aliæque symptomata ab impeditâ eruptione pendentiâ, in longum ducet. Hoc verum esse minimè nego cum experientia fere quotidiana ei suffragetur, Quærendum est autem, ubi gravius periculum, vel in sufflaminandâ paulisper materiâ Variolosâ, atque eâ de causâ ægritudinem à non eruptione pendentem aliquantisper protrahendo; vel ex alterâ parte nimis urgendo morbi fermentum, & tam insignem materiæ Variolosæ quantitatem assimilando, ut æger ad Orci fauces sistatur à Febre secundâ, die morbi undecimo. Si rem rectè expendamus, liquebit, opinor, paucissimos ideo fato defunctos, quòd exanthemata ferivus ocyûs non efflorescerent, nisi fortè ex iis aliquot, quorum sanguis præ nimia excalefactione, motu inor-

dinato, quasi cestro quodam, percitus, materia morbificæ leniter excernendæ otium non concedebat; quod à meis partibus militat, non pugnat mecum. Neque enim extimescendum est, quin, si nihil prorsus agamus, materia Variolosa (utut primis hisce diebus hinc illinc transvolans, quamcunque occupaverit partem, fatiget, undè vehementiora illa symptomata, vomitiones enormes, dolores variis in partibus, &c. enascuntur) tandem tamen à victrice natura debellabitur, & in corporis habitum extrudetur; præsertim cum ægri alvus hucusque ut plurimum adstricta, pustularum eruptionem, seram licèt, certam tamen fore spondeat. Ast è contrario quot quantique letho patent aditus quoties pustulæ intempestivè & nimio opere exiguntur? Longum foret omnes percurrere: præcipuos jam indigitavimus. Sunt autem hi.

1. Nimiùm auctus exanthematum numerus, cui ex æquo respondet Febris ultimis diebus succedentis majus minusve discrimen.
2. Mictus sanguineus & maculæ purpureæ, quorum utrumque ab extravasato sanguine oritur, qui plus jústo attenuatus & quasi prææstu ferociens, disruptis vasorum repagulis, qua data porta ruit.
3. Ut supra dictum est, debitæ eruptionis suppressio totalis, à nimis sedulo in præcipitandâ eruptione conamine; quo non magis scopus medico propositus attingitur, quàm si quis id agens ut densa hominum turba spatiosis ædibus inclusa, seriatim & servato ordine indè exiret, machinâ chartaceâ pyrio pulvere referatâ ac in medio displosâ usque ad eò omnes percelleret, ut singulis ad portam omni ope contententibus, proindeque constipato agmine in ejus faucibus hærente, exitus universis, quali cuneo factò, præcluderetur.

Jam si quis roget, quorsum debita materia Variolose separatio non perinde primis hisce diebus promoveri possit, si æger moderato lectuli calore foveatur, ac si ab eodem arceatur; sciscitabor ego ex ad-

adver  
includun  
tectum  
si idem  
ctum ve  
llet, tu  
magis a  
Variolo  
nostra  
cipient  
ab ead  
bonisve

Inca  
fuit, c  
in sud  
quotie  
parum  
Primu  
coerce  
illa so  
randâ  
sangu  
videt  
tigan  
cocer  
mus;  
dum  
sangu  
natæ  
foràs  
bus d  
feros  
Febr  
cato  
quan  
cum  
O

adverso, an non testetur experientia quemlibet lecto inclusam tempore brumali, stragulis modicè contentum, foco non accenso, magis percalefcere, quàm si idem probè vestitus in eodem cubiculo extra lectum versetur. Quod si de differentiâ notabilij constat, tunc erit quærendum quanam ex his methodis magis apta sit ad reprimendam exuberantem fermenti Variolosi agitationem; ad quam metam, si quid nostra mediocritas judicando valet, à Medico, incipiente morbo, præcipuè collimandum est; & prout ab eâdem plus minusve is aberraverit, ita cum malis bonisve ægri rebus medicinam fecerit.

Incautionibus id verò præsertim hac in re imposuit, quòd sc. animadverterint ægrum suapte sponte in sudores proclivem, qui cum jugiter manarent, quoties lecto contineretur æger, æstus febriles haud parum minuebant, secus ac in iis qui non sudabant. Primum autem perpendamus quam ob causam Febri coercendæ ita impensam navemus operam, quum sit illa solennis naturæ machina, quâ, tum in præparandâ, tum in eliminandâ materiâ quâvis inimicâ in sanguine latenti, præcipuè utitur. Quis autem non videt quòd dum ita sedulo sudorem provocamus ad mitigandam Febrem, eadem operâ, ceu fructum præcocem, humorem crudum & inconcoctum extrudimus, atque, iis ipsis sudoribus immaniori postmodum Febri ansam præbeamus? cum hoc modo seram sanguinis (quo tum ipse sanguis, tum etiam recens natæ fervidæ istæ & Variolosæ particulæ diluuntur) foràs propellitur; his interim particulis vires sumentibus & ferociam, eo quòd jam liberæ sint à colluvie ferosâ, quam sudores exhauerant. Verbo dicam, Febri aliorumque symptomatum alleviatio à provocato sudore, & pustulis exinde præmaturè exactis, quam plurimis malè cessit, qui eam ob causam, vitam cum morte undecimo die commutarunt.

Observandum est autem, me ægro primis morbi

diebus lecto interdicerere ex hypothesi tantum Variolarum è Confluentium genere subsecutarum : Namque Distinctum genus quod attinet, modò certò prævideri possit, ut nulla ægro imperat necessitas se in lecto jugiter continere, ita illum ab eodem nullas abigo; cum exanthematum paucitas, sive hanc, sive illam viam incedentem in tuto collocet.

Nihilominus non usque adeò mihi assentor, ut ea quæ jam tradidi, ex autoritate iudicii mei (quod scio quàm sit exiguum) credenda autumem. Et profectò, ita parum firmas, & nullius ferè ponderis hominum quorumcunque opiniones semper duxi, ut proprias etiam ubique pro suspectis habuerim, quoties cum aliorum sententiis pugnant: quod & hîc etiam mihi usu veniret, nisi Phænomena practica quasi uno ore rationis iudicio suffragarentur. Seclusis enim practicis Observationibus, id quod vel mihi, vel alii cuilibet pro ratione habetur, nihil fortasse erit aliud quàm rationis umbra aut phantasma, hoc est mera opinio. Et quoties inter homines fuerim, certior indè redeo, quàm sit periculosum, vel acutissimo ingenio præditis, cerebrum in qualibet sive Arte sive Scientiâ indagandâ agitari perpetuum & quasi concalescere, nisi factum ipsum veri ac falsi iudicem ac sequestrum constituent; quòdque istiusmodi magni Opinatores, ut cum Cicerone loquar, in controversiis purè speculativis, gradibus vel spatii infinitis, quantum cuiquam possit innotescere, à veritatis scopo aberrant. Cùm qui ad illa tantum applicuerit animum quæ Praxis certò determinare queat, si quid fortè fuerit hallucinatus, nullo negotio ab errore liberabitur, ad hanc ceu ad Lydium lapidem probatis, quas animo conceperat, rerum Ideis. Nam in hoc nostro negotio, an non mihi licet observare à quo maximè regimine adhibito, mitius aut sævius Variolarum genus producat, atque adeò conformem rei evidentiæ



sententiam animo procudere? Quod si alii idem facti-  
 taverint, satis habeo. Iniquissimum est autem, cum  
 ne semel quidem per omnem vitam fuerint experti  
 quantum ægro profit noceatve jam sæpè memorata  
 à lecto interdiu immunitas, me tanquam falsarium  
 conviciis proscindere. Quòd si jam olim vera, li-  
 cèt inopinabilia, sentientes calumniandi libido ob-  
 tinuisset, nemo quicquam tentasset quo invento  
 homines juvari pollint. Et sanè quorsum ego has  
 mihi facerem molestias, nisi repetita sæpè & ferè  
 quotidiana experientia, hanc methodum vulgari istà  
 longè tutiorem esse, inclamaret? Non sum usque  
 adeò delirus atque inops mentis, ut famam mihi  
 quæram ab exagitata atque explosa eorum opinione,  
 qui, si plausum venarer, omni obsequio mihi ambi-  
 di erant; neque malitiæ tam deploratæ cuiquam vi-  
 deri possim, ut hominibus etiam seculis aliquam mul-  
 tis post mea fata nascituris, ex meâ, si quæ erit illa,  
 autoritate insidias struam, & vel mortuus, quod  
 horreo referens, perinde ac vivus, illos occidam.  
 Utut sit, hâc ego methodo meos ipsius liberos, san-  
 guine & propinquitate conjunctissimos quosque, &  
 quotquot se mihi liberè permiserunt omnino caravi.  
 Si quid deliquerim, in eo à me erratum est, quòd  
 obstinatæ contrâ sentientium pertinaciæ, ne durus  
 ac præfractus haberer, aliquoties celli, atque hâc  
 de re eorum fidem appello quibus maximè familiari-  
 bus usus sum. Sed hoc ad infelicitatis meæ cumulum  
 accessit, quòd aliquoties, etiam ubi astantes, ea quæ  
 suaeram omnia, per integrum morbi cursum fue-  
 rant aspernati, ægri tamen fatum (etiãmi à calore  
 quem promovebant amici & curatrices, me ad ra-  
 vim usque reclamante, extincti) mihi crimini da-  
 batur. Quâ de causâ, accedente insuperabili  $\pi\omicron\delta\delta\upsilon$   
 præjudicio, benè mecum agi putarem, si nunquam  
 deinceps ad Variolis laborantes accerserem.

Haud equidem inficias eo, Variolas, quocunque  
 de-

denum modo tractentur, nonnunquam tamen insigniter confluxuras, unde etiam nunquam vacant periculo; quicquid suppetiarum afferatur; id autem assero (quod mihi satis esset debet) diurnâ atque iteratâ sæpè sapiùs experientiâ innixus, eum in longè minori discrimine versari, qui à primo morbi insultu lecto interdium, & carnibus omnino abstinuit, nec nisi potum tenuiorem sibi indulgit, quàm qui statim lecto adjudicatus, medicamenta etiam Cardiaca assumpsit. Hæc enim methodus, quod suprâ etiam innuimus, ut plurimum densam nimis exanthematum segetem cohibebit, & ex consequenti etiam immodicam Febris secundariæ effervescentiam, quæ non solum suo Marte perimit, sed etiam salivam (de quâ in hujus Morbi Historia fusè egimus) præproperè incrassando, agro perniciem ultimis morbi diebus minuitur. Quid quod hoc pacto tum sanguinis mictus, tum maculæ purpureæ præcaveri possint; quæ duo symptomata primis morbi diebus invadunt, idque persæpè nullo adhuc manifesto eruptionis indicio: quod etiam in Morbillis, Scarlatinâ Febre, atque Acutis aliis ab intensiore inflammationis gradu ortis, fieri assolet. Mitto jam jucundissimum istud refrigerium quo se æger perfundi animadvertit ab aeris appulsu liberiore, quoties à lecto calente dimittitur; quod etiam singuli, quibus id per me licuit (maximas agentes gratias, quasi vitæ & spiritus receptis, hæc aurâ postliminio vescerentur) pleno ore agnoverunt.

Unde mihi subiit cogitare, quanto sæpius fucum nobis facit illa, quam talem esse opinamur, ratio, quàm sensus iste certissimo nobis cognitus; quòdque in morborum curatione, plus dandum est ægrorum appetitionibus & desideriiis impensioribus (modò perquam enormia non fuerint, & quæ vitam ipso facto extinguant) quàm magis dubiis ac fallacibus Medicæ Artis regulis. Exempli gratia. Febre ardente

labo-

laborat  
nu cond  
Theore  
scopum  
gentis i  
jus loco  
æger ali  
inopere  
tur Cu  
dendum  
ab eadè  
fortè n  
rum m  
non ge  
dentill  
rit, C  
loribus  
est anti  
aberra  
ter ve  
cile co  
Medi  
lius h  
putav  
Stato  
ut sic  
oper  
gula  
terte  
moli  
exitu  
rimò  
nos)  
tant  
dum  
cadi  
quo

laborans, tenuioris potûs refrigerium liberaliori manu concessum iri vehementer efflagitat; Artis jam Theoremata Hypothesi alicui innixa, quæ sibi alium scopum proponit, quocum pugnant liquoris frigentis indulgentia, Appetitui adversantur, & hujus loco medicamentum Cardiacum imperant. Idem æger alimenti omne genus, dempto potu tenui, maximo opere fastidit; hic Ars, maximè illa quam profitentur Curatices & Amici adstantes, omnino comedendum esse acriter contendit. Alter post diuturnum ab eadem causâ languorem, absurdi aliquid, & quod fortè nocere posse videatur, obnixè petit; Ars iterum molesta se opponit, & mortem intentat morem non gerenti; nisi fortè ipsus Artifex sanum illum prudentissimi Hippocratis Aphorismum probè concoxerit, *Cibus & Potus paulo deterior, suavior tamen, melioribus quidem, sed insuavioribus* (hoc est minus gratis) *est anteponendus*. In his omnibus naturæ, ut videtur, aberrationibus, quilibet in Praxi medicâ vel mediocriter versatus, modò animam diligenter adverterit, facile concedet ægros haud paucos, ubi primùm spreto Medici dictamine, Genio suo obsecundaverint, se melius habuisse. Neque hoc sanè mirabitur, qui secum reputaverit, sapientissimum rerum omnium Conditorem Statoremque universa tam exquisito ordine absolvisse, ut sicuti omnia naturæ mala ad concinnandam totius operis harmoniam egregiè conspirent, ita eorum singula divino quodam artificio, propriæ essentia quasi in-texto, donantur, quo subjectum eadem mala à se amoliantur; quod in morborum quàm plurimum Acutorum exitu naturali satis cernitur, (Acutos dico, qui ut plurimum Deum habent Authorem, sicut Chronici ipsos) uti etiam in propensionibus istis quæ tales comitantur morbos, & ad ægrum ab illâ pernicie liberandum viam struunt, quam Ars adfert, quoties in fatuos cadit. Atque in hoc sanè bene cum hominibus agitur; quorum genus univèrsum aliter se perquam malè habuisset.

isset, tum cum Ars medica intra breves Hellados can-  
cellos tota staret; quæ quidem eam ferè ad terra-  
rum orbem proportionem habet, quam habet igno-  
bilis aliqua Villa ad nostram hanc Britanniam. Et quid  
vel impræsentiarum de tot tantarum regionum incol-  
lis fiet, cum omnis Asia, Africa omnis, atque om-  
nis etiam America (demptis aliquot nuperis Colonis  
haud ita populosis) atque insuper magna Europæ pars,  
Arte medicâ prorsus destituantur? Attamen ut ele-  
ganter Comicus, viros rationis ac virtutum usu præ-  
stantes, ab eorum grege, qui formam humanam vitâ ad  
instar brutorum ἀλόγων actâ conspurcant, distinguens,  
Ὡς γαίῃς, inquit, ἴσ' ἀνθρώπων, ἀν' ἀνθρώπων ἴσ'. ita  
etiam Ars medica, si revera Ars fuerit, & non solum  
nomine tenus, maximum est donorum omnium quæ  
hanc vitam respiciunt, tantoque cæteris omnibus præ-  
ferendum, quanto ipsa vita iis quibus in illâ gaude-  
mus, præcellit.

Sed ut ad rem redeam: Quantumcunque conducat  
plerumque ægro ut primis morbi diebus lecto non ad-  
dicatur, est tamen (quod observandum) ubi etiam an-  
te eruptionem omninò addici debeat. Exempli gra-  
tiâ, Infans de symptomatis Dentitionem comitanti-  
bus jam securus, derepente spasmo corripitur: in hoc  
casu cogitandum est mihi Convulsionem istam fortas-  
sis à natura conatu quo Variolas, Scarlatinam Fe-  
brem, aut Morbillos in corporis habitum protrude-  
re satagit, pendere, licet hucusque lateant sub cutis  
tegmine. Ut itaque tam periculoso symptomati ea-  
mus obviam, Emplastro Epispastico nuchæ mox ap-  
plicito, lecto quamprimùm committendus est; exhibi-  
bito insuper medicamine aliquo Cardiaco, cui etiam  
Paregorici pauxillum est admiscendum, quo & po-  
tentius morbi causam eliminat, atque etiam tumult-  
tum à quo oritur Paroxysmus consopiat: Verbi gra-  
tia, puero trienni, guttæ v. Laudani liquidi in Aquæ  
Epidemicæ cochleari uno (aut quid simile) sunt propi-  
nandæ.

mandæ. Et profectò suspicor admodum, ne dicam  
 certus sum, millenos aliquot infantes, & nonnullos  
 etiam atate provectiores, idcirco letho fuisset datos,  
 quòd non satis animadverterint Medici hujuscemodi  
 Convulsiones nihil aliud fuisse quàm morborum jam  
 dictorum prænuncios: cùm enim Practici paulò in-  
 cantiores, poroxyismos hosce revera symptomaticos  
 pro affectibus Essentialibus habeant, Enematis sæpe  
 repetitis & aliis evacuationibus eos aggressi, Variol-  
 arum eruptioni officiant, ac proinde permanentiores  
 etiam reddunt paroxyismos istos, quos tanto molim-  
 ine opprimere student, quique aliàs, ubi primùm  
 pustulæ eruperint, suâ sponte certo certius evanes-  
 cerent. Hic autem, fausto lætoque omine (quod ali-  
 bi diximus) Variolæ, quæ cum spasmo teneriores pue-  
 ros invadunt, rarò insigniter confluent, unde æger  
 longè tutius lecto conceditur primis hisce diebus. Li-  
 cèt observaverim Variolas, quoties affectus Comato-  
 sos à tergo insequuntur, admodum confluere; quo  
 in casu ipsemet Vesicatorium, & Paregoricum, qua-  
 le supra descripsi, potius adhiberem, quàm ut ægro  
 jugem lecti usum ante eruptionem permitterem. Quin-  
 imò animadverti ejusmodi Convulsiones quandoque  
 (oppidò tamen rarò) Intermittentium Febrium pa-  
 roxyismos precedere; Affectus verò Comatosos cum  
 dictis paroxyismis unâ invadentes & non nisi cum iis-  
 dem terminantes, tam in infantibus quàm adultis  
 persæpè vidi, quorum similiter nulla in curatione ra-  
 tio habenda est, sola autem Febris, utpote morbus  
 primarius & essentialis, omni ope est expugnanda.  
 Si enim Comatosus hisce Affectibus Febrem comi-  
 tantibus curandis præcipuè incumberem, ac proinde  
 Venæsectione, Catharsi, atque Enematis repetitis,  
 sopori vincendo operam navarem, Febrem inde ma-  
 gis accenderem, & ex consequenti eò usque augerem  
 Coma (quod mihi erat tollendum) ut æger tandem ab  
 eo æternùm consopiretur; quando si in Febre de-  
 bel-

bellanda totis viribus contendam, symptomata omnia ab eadem pendentia nullo negotio unà faceffent. Quod ferè notari velim, cùm in hâc re tam crebrò tamque fataliter errari soleat.

Aliquando etiam (quod proximè tradam) quantumlibet ægro conferat ut lecto interdium abfistat, nihilominus non poteft id folatii eidem indulgeri, ægritudine fevehementiori, intenfori Febre, Vomitu enormi, Vertigine & fimilibus contraindicantibus: quæ quidem symptomata omnia faviora fi fuerint, maxime in fanguineis & ætate florentibus, ingentem materiæ Variolofæ copiam intus natam, & difcrimen haud vulgare, à puftulis exitum certatim quærentibus, præfagiunt. Cùm itaque frænum fermento ita exorbitanti omni ope injiciendum fit, attamen hinc quidem illud continuo lectuli calore adjutum, ferociet magis, illinc verò præ nimia ægritudine eodem abftinere nequeat ægotans, nifi fuppetias afferamus; has ob caufas omnino neceffe erit, rebus fic ftantibus, fanguinem primùm è brachii venis educere, & poft aliquot horas Emeticum eradicatorium ex Infufione Croci Metallorum exhibere, quod non folum materiã, à qua oritur ægritudo ifta inſolentior, foras propellit, fed etiam ægrum ita refocillat, ut jam quali fanus lectulo abefle queat. Neque huic ſoli methodo innitendum eſt ad infringendas fermenti vires, fed quo magis æger in tuto collocari poſſit, præter evacuationes jam memoratas, per commodum erit Vitrioli Spiritum potui tenuiori, quoties eum haurit, liberaliùs immiſcere, etiam uſque ad plenam puſtularum eruptionem. Non obſtantibus tamen hiſce evacuationibus, tum etiam uſu potùs refrigerantis, æger nihilominus non niſi nocturno tempore lectulo permittendus eſt, ſi quidem fieri poteſt, quoniam hæc univerſa longè minùs ad inhibendam præproperam materiæ Variolofæ aſſimilationem faciunt, quàm una ſanguinis contemptatio à novo aere per pulmones ſubinde recipiatur.

quæ  
ptoma  
quod  
Hac  
atate  
Vener  
ſantes  
hemer  
æta ad  
non uſ  
matum  
aſſimil  
ti & E  
omitti  
Lon  
ſive læ  
in ſolic  
diebus  
quali i  
quarto  
jam d  
gro le  
quider  
ut diu  
conflu  
nus (q  
cimus.  
Exant  
ſive in  
valeat  
hoc,  
haud  
ferint  
qui in  
cum m  
ſpirab  
Te

quæ quidem sola mirum in modum ægritudinem symptomatam, de quâ suprâ, subleuat confestim, quod à me non uno experimento comprobatum est. Hæc autem methodus paulo insolentior non nisi in ætate florentibus, quorum quidem sanguis sive à Venere, sive à Baccho incaluit, atque in aliis (Infantes semper excipio) quos unâ cum Variolis vehementiora atque enormia ista symptomata jam dicta adoriuntur, necessariò requiritur. Ubi sanguis non usque aded accenditur, neque ita urget symptomatum violentia, uti materiæ Variolosæ præmaturè assimilandæ longè minor est suspicio ita ex consequenti & Evacuaciones præmemoratae, & Vitrioli Spiritus omitti possunt.

Longior in his fuit, quia sat scio Curationis exitum sive lætum, sive funestum, ab eâ potissimum, si non in solidum, ratione pendere, quâ æger primis morbi diebus tractatur. Jam verò omni pustularum acie quasi in campum eductâ (quod die ab invasione sexto, quarto autem inclusivè ab eruptione primâ, fieri jam diximus) hæud amplius interrumpendus est ægro lecti usus per reliquum morbi decursum: qui quidem ut ante hunc diem concedi non debeat, ita ut diutiùs differatur, vix patitur ægri status, modò confluentibus Variolis laboret. Hoc autem est genus (quod notari velim) de quo hætenus verba fecimus. Quæ enim & pauca & distincta emergunt Exanthemata, parum habent momenti sive in hanc, sive in alteram partem, si vel mediocriter in arte valeat is qui medetur. Quanquam etiam in genere hoc, utut suoptè ingenio omni periculo vacet, hæud pauci (quod seriò dolendum est) Libitinæ cesserint, quoties sc. malo suo fato in eos inciderint, qui in promovendo calore spem omnem ponentes, cum morbo ad jugulandum ægrum, licèt inscii, conspirabant.

Tempore ab hoc Pustulæ augescere & corpo-

ris superficiem undique concalefacere incipiunt, at caput imprimis, unde æger, nisi fuerit infans, ad somnum difficilior est, & inquietudine vexatur: Quod proximo loco in hoc morbo diligenter expendendum esse arbitror; prout enim sedatior fuerit sanguis, ita debitum augmentum & magnitudinem acquirunt pustulæ, atque ex adverso, pro ratione organismi quo tumultuatur dictus sanguis, pustulæ marcescent, intercepto ulteriori progressu, unde non solum peccantis materiæ eliminatio sufflaminatur, sed insuper singularum phlegmonum œconomia & genuina crasis interturbatur; indeque vel non omnino debito tempore ad separationem pertingunt, vel ichor demum sit puris vice, & loco flaviliquoris favum colore referentis, nigricans aliquis humor, vel succus alius nonnaturalis, & à genuinis Variolarum pustulis alienus, egeritur. Quapropter Medicamenta Paregorica æquè indicari in Variolis Confluentibus mihi videntur, ac indicatur quodvis remedium in quovis morbo; cum hic quasi Specifica sint, perinde ac Cortex Peruvianus in Febribus intermittentibus: quamvis haud ignorem Paregorica non virtute aliquâ præcisè specificâ operari, sed isti solum Indicationi respondendo, quâ sanguini & spiritibus consopendis & in ordinem redigendis operam damus. Atque hic quidem sanguinis & spirituum motus inordinator (Variolarum Confluentium in adultis comes individuis) Anodynorum usum præ cæteris deposcit; necdum ei satis innotescit hujusce morbi Genius, qui ista Vigiliis tantum deberi existimat. Sicutj enim fieri quandoque potest, ut etiam non dormiens, bene compositis ac sedatis fruatur spiritibus, (quod ab assumpto Laudano persæpè accidit) ita etiam nonnunquam fit, ut spiritus vehementius agitati laudabili pustularum eruptioni officiant, etiam ubi æger multum dormiat.

Ut de genere Anodynorum jam loquar. Tametsi ego



ego à multis annis Laudanum liquidum satis auspiciatò exhibuerim, quoties huic Indicationi satisfaciendum erat, nihilominus Syrupum de Meconio ipsi præferendum censeo; licet enim utrumque ad eundem scopum dirigatur, tamen Laudanum paulo magis calefacere mihi videtur, Syrupus autem minus. Dolin quod spectat Syrupi, ea non solum ægri ætati est adaptanda, sed & symptomatum gradui, & quæ homini, qui sedatos habet spiritus & probè compositos, nimia fortè erit, alteri cujus spiritus ferociunt magis, vix sufficiet. Exempli gratiâ, ponamus in genere sex Drachmas plerisque convenire; jam in Variolosis, quoties id remedii indicatur, vix intra Unciam, si quid præstare velimus, est subsistendum; quæ quidem quantitas singulis vicibus morbo decurrente imperanda est. De adultis agimus impræsentiarum; etenim si infantibus propinetur, dosis pro ratione ætatis erit minuenda. Et sane Paregorica non perinde indicantur in infantibus Variolosis, ac in adultioribus, cum illi in somnos perdurante morbo proniores sint. Quamvis & in his, quoties à morbo periclitantur magis, à Paregorico abstinere multùm extimescerem. At, quod dicere animus mihi erat, difficile est admodum Paregoricorum dosin, quocumque in casu ista indicantur, certò determinare. Etenim sive in quocumque Spirituum motu inordinatori, sive in vomitu enormi & alvi fluxu, sive etiam in dolore atrociori (in quibus affectibus tribus præsertim usum Paregoricorum indicari alibi docui) eâ methodo sunt exhibenda, ut si prima dosis metam non attingat, alia atque alia debito tempore assumatur, donec tandem medicamentum Medici votis responderit, non tam ad ingestam Anodynæ quantitatem, quàm ad effectum quod in ægro producendum erat, respectu habito, quod ubi primùm successerit, nec citiùs, à Paregorici usu ita copioso ac frequenti cessandum est: interposito tamen semper inter singulas doses spatio ali-

quo, ut pernoscere valeamus utrum dosis ultima, id quod quærimus præstiterit, antequam nova ingeratur. At ubi semel finem propositum obtinuerimus, dosis Anodyni in morbi progressu exhibendi, jam minor pro re nata definienda erit.

Exempla haud pauca in promptu mihi sunt, quibus eis quæ hæctenus tradidi fidem adstruam, at unicum impræsentiarum adducam. Aprilis 13. Anno 1681. Quædam è nostrâ viciniâ, nomine *Crosse*, ad me accedens atque flens obnixè, petiit ut filium ejus decennem adirem, qui à die quarto malè habens, Variolis, ut ipsa metuebat, jam laborabat. Ego à podagrâ, quæ me tunc temporis excruciebat, detentus, Pharmacopolam, quo uti soleo, rogavi ut ægrum inviseret, ac mihi de ejus statu referret: rediens ille mihi narravit pueri matrem è nescio cujus mulierculæ consilio, pulverem Comitissæ & alia calidiora remedia filio propinasse; quin & stragula adjecerat matris indulgentia, sub quibus quasi defossus latebat æger, ut horum pondere sudores (ad quos ceu ad sacram anchoram in hoc morbo fœminæ confugiunt) exprimeret; ad hæc magnam Poffeti calentis vim, floribus Calendulæ & cornu Cervi incoctis, ægro infuderat; unde adaucto Febris calore, zantam spiritibus confusionem induxerat, ut præter modum deliraret æger, totis adstantium viribus vix lectulo affixus ac incondita quædam, furentium ad instar, submurmurans. Nondum tamen in lucem prodibant exanthemata, vel saltem obscurè, sed densò agmine cutim impetebant; inhibita planè eruptione ab hac methodo violentiore, quæ ad eam sollicitandam destinabatur. Jubeo ut è lecto eximatur quanto ocius, neque eundem nisi noctu ingrediatur ante elapsium sextum diem: dein ut syrupi de Meconio unciam dimidiam statim sumat, quo ne hilum proficiente, post horæ spatium, eandem dosin repeto, at nullo cum fructu; quippe quod sanguis tam immani furebat orga-

gismo,

gafmo  
tamen  
ret qu  
frænar  
singul  
morbi  
crebri  
bat. U

Hic  
que de  
primis  
guinis  
pere f  
æger  
morbi  
ita ma  
tean  
haud  
hibet  
lecto  
curat  
quæ  
Febr  
eader  
effug

M  
lo no  
ego  
lecto  
dien  
dum  
fuer  
corr  
fact

C  
pori  
quic

gafmo, ut non nisi uncis duabus cum dimidia (spatio tamen inter singulas semiuncias interjecto, quo liqueret quid postrema dosis præstiterat) intro assumptis frænari possët; quo factò, unciam dimidiam tantùm singulis noctibus hauriendam præscripsi usque ad finem morbi: quæ quidem illam spirituum requiem, quam crebrior exhibitio paraverat, tueri jam partam valebat. Uude etiam convaluit æger.

Hic minimè reticendum est, quòd in quantàcunque demùm dosi & quantumlibet repetitâ exhibeatur primis hujus morbi diebus Narcoticum, modò sanguinis æstus atque enormis spirituum agitatio magnopere ferociant, vix scopum attingere poterit id, nisi æger è lectulo eximatur. Calor enim lecti calorem morbi ulterius auget atque incendit; proindeque vim ita magnam Narcotici exhibere necesse erit, cui fortean Natura impar fuerit: Quod etiam usu venit, etsi haud tanto vitæ discrimine, quando Cortex Indicus exhibetur in Febre Intermittente, ægro per ejus usum in lecto se continente. Et hoc, ni fallor, in causâ fuit quòd curatio hujusce Febris nonnunquam protelata fuerit quæ aliàs citiùs absoluta esset, & quandoque etiam, si Febris Remittens tantummodo, & non interflincta erat, eadem adedò intendebatur, ut mortem ipsam æger haud effugerit.

Missis autem casibus extraordinariis, in quibus nullo non morbi tempore indicari potest hoc remedium, ego istâ primùm nocte exhibendum suaserim, quâ lecto jam in totum addicitur: à quo tempore usque ad diem decimum septimum omni vesperi est propinandum, vel saltem donec æger *ἔξω βέλων* quod ajunt, fuerit constitutus. Sexto enim die caro Phlogosi quasi corripitur, unde caput ab humoribus exinde concalescentis turbari incipit & vacillare.

Curandum est autem sedulò, ut Anodynum temporariùs sumatur hic, quam in aliis morbis; quoniam quidam caloris & inquietudinis quasi paroxysmus Va-

riolosos sub vesperam semper affligit, & quandoque accidit quòd, nisi maturius exhibeatur sub ultimis morbi diebus, æger derepente paulò hebetior factus, mox incalescat, post de ægritudine queratur, quæ brevi in ipsâ morte terminatur; attonitis haud parum amicis, qui paulo antè magnam de ægro, ceu convalituro, spem foverant. Cui tanto malo occurri fortean poterat Anodyno confestim ingesto. His itaque diebus, undecimo verò præ cæteris, Hæregoricum temporius propinandum impero, etiam horâ quintâ sextâve pomeridianâ, utque in promptu sit, si quando fortè ægritudo ex improvîso invaserit. Quinimo persuasissimus sum nonnullos ex mihi notis idèò fato functos, quòd dicto medicamento, re jam postulante, destituerentur; cujus ope, si adfuisset, adhuc inter vivos numerari potuissent. Atque hoc in loco maxime, si in quo unquam alio, *Occasus præceps est.*

Quapropter cùm tam ingens discrimen impendat, si Narcoticum vel sat citò non fuerit propinatum, vel si è diverso ita præmaturè, ut ejusdem vis pægorica & spirituum sedatrix priùs exoleverit, quàm illud repetendum veniat; idcirco cùm res in lubrico sit, tutissimum omnino est Anodynum statim horis tam manè quàm serò exhibere, ultimis sc. & periculosis morbi diebus. Neque hoc tempore syrûpi dicti uncia semper sufficit, cùm ea quantitas nihil magis præstet in intensiori sanguinis inflammatione & spirituum animalium exorbitantiâ insigniore, quàm uncia dimidia in morbo mitiore. Quinimo iterata experientia me edocuit, Selsquiunciam in juvenibus & sanguineo temperamento præditis pro singulâ dosi, violentiæ symptomatum, quæ tunc ingruunt, & in quibus præcavendis toti sumus, frangendæ parem tantum esse; quòdque hæc ipsa dosi in talibus subiectis; atque iis temporibus, manè & serò, non tantum, sed cum magno etiam ægrorum commodo, repeti possit, donec illi convaluerint.

Objicient, fat scio, illi quibus hæc minus placent, materiam peccantem à Narcotico toties & in tam largâ dosi repetito, fixam iri, & Ptyalifmum retundi. Quibus respondeo, omnino fatendum esse Salivationem aliquatenus imminui, nunquam tamen ita penitus cessare, ut non, longissimis ab assumpto Anodyno intervallis, atque ejus vi jam fatifcente, non nihil recrudescat, imò verò gemino hoc commodo stipetur. Primò quòd æger, viribus à Narcotico instauratis, pituitam validius expectorare valeat. Dein quòd Saliva quæ excreatur, licet parciore sit, rectius tamen excocta est, quàm si Anodynum non fuerit exhibitum. Proximo loco, Ptyalismi defectus hic partialis plusquam compensatur faciei manuumque tumore, qui ex repetito Paregorici usu & certior est & major in iis diebus quibus hæc partes solent intumescere: facies sc. ab octavo die usque ad undecimum, (quo tempore ferè incipit subsidere) manus verò ab undecimo, usque dum puffulae eas obsidentes maturuerint. Atque fidenter assero, neminem in hoc morbo probè versatum posse negare, utriuslibet horum tumorum absentiam, quo tempore se debent ostendere, pejoris esse ominis, quàm Ptyalifmum interceptum. Me quod attinet, longè tutius esse autumo, Ptyalismi compescendi discrimen subire, quàm à Narcotico abstinere: quod ita impensè morbus hic efflagitat, ut in eo rudis sit oportet & parum observationi deditus, qui ægros suos subsidio tanto defraudat.

Non verò ita capienda sunt quæ hæcenus differui, ac si ego quotidianum Diacodii usum, vel eâ quæ convenit dosi, in tenellulis Infantibus qui Variolis Confluentibus laborant, suaderem, nisi morbus periculum grave intentat: idque duabus de causis; primò quia usque adeò non calent Infantes, atque illi quorum vitæ fax plenius accensa jam luculentius ardet; dein quòd Narcoticorum jugiter assumptorum vim non ita bene ferat ætas mollior, & magis infir-

ma.

ma. Adde quòd sponte suâ somno ferè perpetuo morbi tædia fallunt Infantes. Nihilominus quoties vel phrenesi illi corripuntur, vel pustulæ mali moris sunt, Anodyna omnino indicantur; horum enim utrumque sanguinis atque spirituum animalium motum înturbatum plus satis evincit.

Duo hæc quæ adèò prolixè tractavimus, nempe ista methodus quâ inhiberi debet præpropèra materiæ Variolosa primis in diebus assimilatio, tum & altera, quâ motus spirituum inordinatus ab externarum partium inflammatione excitatus, est præcavendus; duo sunt quasi Cardines in quibus omnis hujus morbi Curatio vertitur. Quandoquidem quæ ex eo oriuntur mala quòd utriusque huic discrimini non satis occurreretur, funesta illa symptomata invitant, quibus Variolarum tragedia absolvitur. Quocirca cum præcipuæ hæc fuerint Indicationes Curativæ, ubi iis modo jam tradito fecero satis, nihil ampliùs mihi restat agendum; in quantum sc. Medicis sum, non verò formularum medicarum Præscriptor: Quas ego duas, sive Artes, sive Dotes, sive etiam Provincias appellare libeat, toto cælo à se invicem distare arbitror.

Unum adjicio, si Epispastico opus fuerit, id per amplum & satis acre ægri Nuchæ applicandum; quod ita opportuno tempore fieri debet, ut nequè præmaturè appòsitum vim epispasticam ante diem Undecimum, in quo de summâ rerum agitur, amiserit; neque in eum ipsum diem rejiciatur, quo jam tardius adveniens, illo temporis articulo obesse possit, præ calore & æstu quem sanguini imprimit cum Febre Secundariâ vix pari Marte tunc decertanti. Opportunissimè itaque applicabitur Epispasticum nocte illâ quæ magnam morbi crisin præcedit; mox ab assumpto Paregorico, quod tunc erat exhibendum. Appòsito per id temporis Veficatorio, dolor quem ejuldem morfus adferet prorsus desinet ante diem illum quo

quo æg  
ipso tem  
da mala  
primùm  
fusè de  
detume  
no am  
non ni  
Ut ver  
mesce  
dante  
manda  
lescit,  
copiâ  
nibus  
observ  
cipi pe  
diei &  
ret.

Sed  
nihil  
plant  
mani  
lore  
rò,  
in na  
quan  
simil  
buen  
labo  
pedu  
mùn  
omn  
N  
sc.  
esse  
tant

quo æger vel agonizaturus, & materiæ peccanti eo ipso tempore dabitur exitus quò eo est opus ad vincenda mala ista quæ illum diem præstolantur. Hoc enim primùm tempore, quod in hujus morbi Historiâ fusè deduxi, facies quæ hæctenus inturgescibat, jam detumescere incipit, & salivatio, quæ hucusque pleno amne fluebat, decrefcere, condensato jam, & non nisi agrè excreto, qui eum excitabat, humore. Ut verò mittamus Epispasticum illud tum faciei detumescentiæ, tum etiam imminutæ Salivationi quædantenus substitui, Febri insuper Secundariæ perdomandæ aliquatenus conducit: quæ nunc temporis invalescit, sanguine quasi obruto & penitus infecto puris copiâ à totidem abscessulis resorptâ; adeò ut in omnibus serè, quos unquam tractavi Variolis laborantes, observaverim, pulsus in carpo salientem agrè percipi posse hoc tempore, utut facilè se & pridie hujus diei & postridie etiam, digito exploratori se prederet.

Sed inter ea quæ à capite sive derivant sive revellunt, nihil æquè mihi videtur operari ac Allium pedum plantis applicitum. Quòd Allium revera attrahat, manifestum est à vesiculis quas sæpe excitat, & à dolore illo non ferendo, quem nonnunquam, licèt raro, affert, etiam non excitatis vesiculis, humores sc. in partes illas invitando; unde dolor tam vehemens quandoque exortus est, ut cataplasmate è mica panis similaginei in lacte cocti eundem sedare necesse habuerim: In adultis itaque qui Variolis Confluentibus laborant, Allium incisum & linteo involutum plantis pedum admovere soleo, à die octavo quo primùm facies intumescit, donec jam morbus periculo omni vacet; singulis diebus renovandum.

Neque interim istud mihi prætereundum est, ægrum sc. à carnibus, durante morbo arcendum omnino esse, & cerevisiam lupulatam eamque tenuissimam tantam pro potu concedendam. Jusculis Avena-

ceis, pomis coctis, & jam dictâ Cerevisiâ commodissimè interea vitam tolerabit. At verò instante jam maturatione, ubi particulae purulentæ in sanguinis massam regurgitantes eandem tabo suo inquinaverint, utile erit cochlearia vini aliquot, singulis auroris & noctibus ægro indulgere. Stragula quod attinet, & lodices quibus æger in lecto est contegendus, neque plura sint illa, neque pauciora quàm quibus sanus utebatur. Quin & liberum ei sit, quoties voluerit, se ab hac in illam lecti partem transferre, quo præpediri possint sudores isti symptomatici, quos ægro nocere, satis, opinor, evici. Eodem pacto etiam præcavebitur efferatior exanthematum phlogosis excita à nimio calore quem carnes contrahunt, quoties æger semper eodem in loco, seu palo defixus, jacet. De hoc autem aliàs prolixius disserui.

Casum nuperrimum, seu specimen integræ hujus Præxeos, subnectam. Hâc ipsâ hyeme me accerserat femina Nobilis, Domina *Dacres*, ut quendam suum nepotem Dominum *Thomam Cheut*, temperamento perquam sanguineo & ætate florentem Medicus curarem. Pridie cœperat febricitare vehementer; colluviem biliosam in magna copia per vomitum rejiciebat; dorsum plurimum dolebat. His malis solatium quærens & levamen, lectum petebat, & tum stragulis acervatim injectis, tum calidis assumptis liquoribus sudores per diem integrum omni ope sollicitabat, sed frustra, cum tanta ad vomendum proclivitas, & alvi fluxus, licet modicus, omnem sudorificorum vim eluderent: Oleum interea Febris igni affuderat, quo illa multum increverat. Ego jam Variolas brevi exoriturus suspicabar, easque insigniter confluxuras, tum ob ætatis vigorem, tum etiam quòd sanguinem multum excalescerat irrito sudoris extorquendi conatu, (quo quidem, si modò æstata ægrotaverat, & mictum sanguineum & maculas purpureas certò advocaverat) tum verò maxime,



mè, quòd semper observaverim in juvenibus immani vomitione, ægritudine, & dolore præter solitum vexatis, Variolas insequentes ultra modum confluisse. Meum itaque esse ratus ut nullum non lapidem moverem quo præproperam materiæ Variolosæ assimilationem obstruerem, à lecto illum arcebam, nisi statis priùs horis somni. Die sequenti, (tertius is erat) Variolis nondum comparentibus, sanguinis uncias octo è dextro brachio manè extrahi curabam: optimus erat ille floridusque, cùm adhuc spirituofum tantùm *μιασμα* exceperat, nondum verò putredinem illam quam conciliat longior morbi mora, & in eorum sanguine ut plurimum conspicitur qui nuper ab hoc morbo convalescent. Horà quintâ post meridiem diei ejusdem, Infusionis Croci Metallorum unciam unam exhibui; ex quâ satis commodè vomebat, & ægritudine levatus, longè meliùs habere visus est, jam haud invitus à lecto abstinens, à quo prius ægerrimè se divelli patiebatur, ægritudine & vertigine mactatus. Die quarto, manè accedens, exanthemata quibus præcavendis tanta fueram molitùs, eo numero prodeuntia conspexi, ut ab insigniori, quem minitabantur, confluxu, ægri vitæ metuendum est. Diligenter itaque cavebam ne lecto interdiu committeretur, consulebam etiam ut Cerevisiam tenuem Spiritu Vitrioli instillato acidulatam potaret. In his ad sextum usque diem perseverabat; quibus diebus licet non ægrotaret, sed aurâ liberius vescens multùm reficeretur, tamen alvo subindè laxiore fuit. Jam sub meridie non valebat ulteriùs, quòd hic fieri affollet, se à lecto abstinere; decubuit itaque usque ad finem morbi, me non reluctante, cùm nunc erupissent pustulæ omnes, quæ, non obstante meo omniconamine, plus satis confluebant. Quamvis enim pauciora erant exanthemata iis quæ in nonnullis observavi ab hoc morbo extinctis, plura erant tamen quàm plerisque eorum qui sanantur soleat prodire. Hæc  
primum

primum nocte Syrupi de Meconio Unciam unam in Aq. flor. Paralyf. propinabam, singulis deinceps noctibus repetendam; suadebam etiam ut non aliis stragulis, quam quibus sanus assueverat, tegeretur; ut Jusculis Avenaceis, & Hordeaceis, nonnunquam etiam pomo cocto vesceretur; Cerevisiam etiam tenuem hauriret. Die octavo Allium incisum & panno lineo inclusum pedum plantis applicandum curavi, & renovandum quotidie donec extra aleam consisteret. Post hæc pro augescentium pustularum genio omnia cedebant, usque ad decimum diem; quo tempore manè eum invisens, licet mediocriter se haberet, Febris tamen Secundariæ quendam quasi prodromum deprehendi, cum jactatione aliqua. Mox itaque procellam veritus imminentem, Paregoricum supra laudatum exhibui, à quo tranquilla omnia & pacata; eadem nocte Syrupi de Meconio Sesquiunciam præscripsi. Sequentè aurorà, diei sc. undecimi, cum post exolecentem vim Anodynæ quod hesternâ nocte sumpserat, jam de novo esset irrequietior, Diacodii iterum Sesquiunciam extemplo ingelli, vesperi item tantundem, atque eandem dosin mane & serò ut assumeret quotidie consulebam, donec omnino convalesceret. Paruit æger; neque aliquod nos deinde symptoma exterruit, nisi quòd urina ei quandoque supprimeretur, (malum junioribus hoc in morbo familiare) quam tamen genubus innixus in lecto reddebat. Ptyalissimum quod spectat, quantumvis salivæ copia frequenti Anodynorum in tam largâ dosi repetitione aliquantulum interciperetur, tamen longiore ab eorum usu intervallo pituitam concoctam excreabat, ac facies manusque debito tempore pro votis intumescabant. Die decimo octavo è lecto surgebat, & tunc primùm jusculum è pullorum carnibus indulgebam; à quo per gradus indies ad victum consuetum redibat. Die vicesimo primo sanguis mittebatur è brachio dextro ad uncias octo, qui

Pleuri-

Pleuritico  
instar erat  
sito, pun

Hic fu  
ab Invasio  
naverim,  
Confluen  
cum fati  
qui vel m  
ut pustula  
ris spatium  
in diem t  
qui (ex.  
laborare  
primitias  
ab illo di  
culi plen

Atque  
ad Conf  
in gener  
ab illo  
nunt,  
quibus  
fincta e  
Arte va  
riantur  
qui imm  
hic mo  
ita toto  
quos ip

Veru  
quàm u  
ore nar  
M. D.  
tiarum  
meliùs  
& de l

Pleuriticorum sanguinem æmulabatur, & puris ferè instar erat. Deniquè ad quatuor vices, spatium interposito, purgatus fuit.

Hic subinnuat, quòd quoties in his pagellis dies ab Invasione v. gr. sextum, undecimum, &c. nominaverim, non ita accipi id velim, quasi Variolæ Confluentes tertio nunquam non die erumperent; cum satis sciam quandoque ita accidere, etiam in iis qui vel maximè confluent (uti etiam aliàs observavi) ut pustulæ non nisi post aliquod à die tertio temporis spatium se exerant. Eruptio autem ut plurimum in diem tertium ab Invasione incidit, & ut plurimum, qui (ex. gr.) die Lunæ confluentibus Variolis primùm laborare incipit, die Mercurii sequenti pustularum primitias in cute summâ deprehendet, & Jovis dies ab illo die Lunæ secundus, undecimus ille erit, periculi plenissimus, nisi interposuerit se Medicus.

Atque hic iterum repeto Theoremata hæc omnia ad Confluentes tantùm Variolas referri debere, quæ in genere distincto nullum profus usum habent, nec ab illo exposcuntur. Et tam sibi quàm aliis imponunt, qui attollunt cristas quoties eos sanaverint quibus Exanthemata numero pauca, eaque interfecta efflorescebant. Si tentare libeat, quantum in Arte valeant, in Variolis Confluentibus ætate, vel eos qui immodicâ vini ingurgatione nimium incaluerint, hic morbus invaserit. Ne in levioribus exercitati, ita toto cælo aberrant, ut se eos servasse existiment, quos ipsi Adstantes non occiderint.

Verùm dissertatiunculam hancce non priùs finiam quàm ubi retulero quæ mihi, dum hæc scriberem, suo ore narravit Amicissimus Dominus *Carolus Goodall*, M. D. Collegii Medicorum Socius, atque impræsentiarum Censor: quod mihi ideò faciendum duxi quo meliùs iis fidem conciliem, quæ tum hic, tum alibi & de Petechiis & de mictu sanguineo affirmavi: u-

trum-

trumque nempe hoc symptoma quoties Acutis morbis accedit, atrociori sanguinis inflammationi omnino deberi, ac proinde Refrigerantia indicare remedia. Casus ita se habuit.

Juvenis annorum quasi 27. habitu corporis extenuato, Scaldito temperamento præditus, Febre violentâ & continuâ correptus est mense Junio, Anno 1681. Lingua erat sicca & scabra, sitis vehemens, pulsus celer, dolor regionem cordis scrobiculo vicinam discruciat, dorsum verò imprimis, (in quo jugiter desæviebat,) sanguinem subinde mejebat, tum & Petechiæ coloris subsusci collum, pectus, & carpos dense infidebant. Die sexto accessit Medicus & ægrum de vitâ periclitari à nimia urina sanguinolentâ excretionem comperiens, Indicationes curativas ad sanguinem refrigerandum incrassandumque, tum etiam ad vasorum oscula, quæ in Renibus relaxata dehiscabant, obturanda dirigendas censebat.

Præmissis itaque tum Venæsectione, tum Bolo lenitivo, ægrum, ut à læto quantum fieri potuit, se abstineret, seriò monuit, cum à continuo lætuli calore miætum sanguinis promoveri non dubitaret: suadebat etiam ut in culeitrâ corio tectâ æger potius dormiret, supinus non nisi rarissimè jaceret, lac aqua permixtum ut potaret, Panatellâ, oryzâ læti incoctâ, pomis coctis, sive solis, sive aquæ fontanæ intritis, & saccharo edulcoratis uteretur. Medicamenta ordinabat sequentia.

℞. Fl. Ros. rub. ℥vj.

Cort. inter. Querc. ℥ss.

Sem. Plantag. parum contus. ℥iij.

Aq. Font. ℔ij.

Sp. Vitriol. q. s. ad gratam aciditatem:

Infundantur in vase clauso calore leni

per quatuor vel sex horas.

Colat. add. aq. Cinnam. bord. ℥iij. Sacch. albiss. q. s. ut f. Tinctura gustui grata, de qua sæpiusculè bibat die noctuque.

Enema è lacte cum Syrupò Violaceo injiciebatur hora à

meridie

nabatur

℞.

Die

ma jan

Medicu

modum

℞.

contun

dendo

f. f. I

hor a.

Di

rin.e

morat

ptom

oriri

beral

gratu

fastia

dulsi

& s

meri-

meridie secunda: & hora somni sequens Haustus propi-  
nabatur.

℞. Aq. fl. Paralyf. Plantag. Cinam. hord. an. ℥ ℞.

Aceti stillat. ℥ ij.

Syr. de meconio ℥ vj. M.

Die septimo, symptomatis vix se remittentibus, ene-  
ma jam descriptum singulis diebus injiciendum curabat  
Medicus, tum etiam Emulsionem, Haustumque ad hunc  
modum præscribebat.

℞. Sem. Cichor. Endiv. Lactuc. Portulac. an. ℥ ij.

Sem. cydon. Papav. alb. an. ℥ i ℞.

Amygd. dulc. excort. n. iij.

contundantur simul in Mortar. marmor. sensim affun-  
dendo Aq. Hord. ℥ i ℞. colat. add. sacchar. Chrystall. q.  
s. f. Emulsio, de qua bibit cochl. xij. quarta quaque  
hora.

℞. Aq. fl. Paralyf. Nymph. germin. Querc. Plan-  
tag. an. ℥ ℞.

Aceti stillat. Aq. Cinam. hord. an. ℥ iij.

Confect. de Hyacinth. ℥ ℞.

Syr. de meconio ℥ i.

M. f. Haustus hora somni sumendus.

Die octavo, cum adhuc instaret Febris, sanguis U-  
rinae immixtus copiosius exiret, & Petechia in præme-  
moratis partibus numerosa comparerent, omnia hæc sym-  
ptomata à sanguinis calore, tenuitate & acrimonia,  
oriri conjectans, sanguinem secundam vice detraxit, li-  
beraliorem cerevisiæ tenuis usum, cui Vitrioli Spiritus ad  
gratum acorem prius instillabatur, concessit: quam cum  
fastidiret æger, Possetum è succo limonum & lacte ei in-  
dulsit, uti etiam limonum pulpam in taleolas divisam  
& saccharo involutam. Addebat & sequentia.

℞. Conf. Lujul. Cynorrhod. an. ℥ ℞.

Confect. de Hyacinth. ℥ iij.

Diascord. ℥ i ℞.

Corall. rub. præparat. sang. Dracon. Bol. Ar-  
men. an. ℥ i.

Syr.

Syr. è Sympht. & Pilosell. an. q. s. ut f. Opiata, de qua capiat quant. Avellanae sexta quaque hora. superbibendo haustulum seri lactis succo limonum facti & sacch. alb. edulcorat. Vel Decocti Vulnerarii Spiritu Varioli acidulati.

Haustrus hesternæ nocte præscriptus repetatur cum Syr. de Mecon. ℞x.

Nono die Petechia paulatim evanescebant, Urina minus sanguine scatebat, quique inerat sanguis facilius separabatur, & matula fundum libentius petebat: hortabatur itaque ægrum ut in Remediorum horum usu perseveraret, & diebus aliquot elapsis sequentia adjiciebat, ad eundem scopum collimantia.

℞. Conf. Ros. rub. per setaceum traject. & Vitriol. ℞iv.

Balsam. Lucatel. ℞ij.

Bol. Armen. Sang. Dracon. Spec. Electuar. Diacorall. an. ℞i.

Syr. è Corall. q. s. ut f. Elect. de quo cap. quant. Nuc. Moschat. bis de Die, superbibendo haustum Emulsionis sequentis.

℞. Sem. Lactuc. Portulac. an. iij.

Cydon, ℞iβ.

Papav. alb. ℞β.

Amyg. dulc. exort. n. v. contund. in mortar. marmor. sensim affundendo Aq. Plantag. ℞ij. Aq. Cynam. Hord. ℞ij. Colat. add. Sacch. q. s.

His remediis, favente numine, æger intra septimanas tres à Febre & horrendis illis quæ memoravimus symptomatis liberatus, Petechiis abolitis, atque urinæ tum colorem naturalem tum consistentiam recipiente, paulatim ad sanitatem & vires pristinas rediit.

Quamvis autem symptomata ista jam dicta Febri continuæ accrescerent, non verò illi morbo de quo nos supra egimus; cum tamen quoties utrumlibet ea comitantur, à vehementi inflammatione & sanguinis nimia attenuatione, unde sanguis per oscula valorum quasi

vi exig  
par Me  
adhiber  
Quamo  
illum li  
Quam o  
men ali  
cum ha  
ctus, p  
novi, c  
pertum  
nem cu  
mihifit  
& Veri  
erat? I  
vel min  
iam ex  
corum  
pari zel  
tumlibe  
quam t  
carem  
five lau  
que à v  
tat, si  
ctenus  
verim  
ter usq  
nūs fac  
profite  
cesseri  
vulgar  
dernæ  
lioribu  
qua ne  
ciet)ca  
tis, B

vi exigitur, semper ortum ducant; nullus dubito quin  
 par Methodus in tantâ causarum paritate omnino sit  
 adhibenda, quantum sc. fert utriusque morbi Genius.  
 Quamobrem Virum Optimum rogabam, ut mihi per  
 illum liceret hanc ejus Curationem hîc subnectere.  
 Quam quidem si quis vel mihi infensissimus, (cùm ta-  
 men alienos mores è propriis æstimans, nullum inimi-  
 cum habere sperem) præstiterat, tamen veritate vi-  
 ctus, præclarissimam eam fuisse omnium, quas unquam  
 novi, curationum, lubens faterer: quum jamdiu com-  
 pertum habeam quàm sit fatale Febricitantibus sangui-  
 nem cum Urina excernere. Cùm verò idem amicitia  
 mihi sit conjunctissimus, quanto cum animi prolubio  
 & Veritati & Viri Amantissimi famæ mihi litandum  
 erat? Hic enim ille est qui cùm pauci admodum me  
 vel minimum quid in re medicâ sive indagandâ sive et-  
 iam excolendâ profecisse asserere auderent, maledi-  
 corum torrenti se medium objicere sustinuit, atque me  
 pari zelo ac fide tutâbatur, quo Parentem Filius. Quan-  
 tumlibet autem beneficio tam insigni devinctus, nun-  
 quam tamen nisi eas, quas commeruit laudes, prædi-  
 carem, cùm perinde ferè sit improbum sive opprobrio  
 sive laudatione indignos afficere, quandoquidem utrin-  
 que à veritate discedatur. Nemo itaque mihi vitio ver-  
 tat, si Virum hunc ego nemini, inter eos qui mihi ha-  
 ctenus innotuere, probitate secundum fidenter affirma-  
 verim, cùm in tot annorum spacio quibus eo familiari-  
 ter usus sim, nec dicto quemquam lædere, quanto mi-  
 nus factò, sibi permiserit. Quantum verò in eâ quam  
 profitetur Arte præcellat, modò Deus vitam ei con-  
 cesserit, brevisatis elucescet; cùm Eruditioni haud  
 vulgari qua omnes Medicinæ tam Antiquæ quam Mo-  
 dernæ tractus perlustraverit, exquisitissimam in subti-  
 lioribus Praxeos minutiis indagandis solertiam (sine  
 qua nemo unquam Medicinam merita cum laude fa-  
 ciet) cautus attulerit: Unde etiam Ægrorum suorum vo-  
 tis, Bonus Felixque cum primis respondet.

Hæc demum fuit quæ ipse de hoc morbo sentio, quæ non mihi suggellit phantasiæ imaginatricis temeritas, sed Phænomena Practica edocuerit. Neque sanè capio quisiere possit ut fallatur is qui cogitationes suas omnes merâ ac nudâ ejus sive Artis sive Facultatis Praxi limitat & determinat, quam sibi perdiscendam & cum laude exercendam proposuit: aut è contrâ qui possit fieri ut non tam in ipso se quàm in aliis decipiendis omnes vitæ annos prodigat ille, qui in iis excogitandis operam disperdit, quæ cum Praxi nihil prorsus habent commune. Et sicuti haudquam faustus probusve navis ad Clavum Gubernator agnoscenda evitandaque, quàm ad causas Fluxûs Reflexûsque maris speculandas animum adverterit (quod quidem cum Philosopho sit dignissimum, ab eo tamen perquam est alienum, cui id tantùm negotii datum est ut navis non submergatur) ita neque Medicus, cui non alia quàm curandorum morborum provincia decernitur, quantumlibet ingenio cæterisque animi dotibus valeat, in Arte verè Medicâ proficiet, qui non tam in occultâ & tortuosâ illâ Methodo, quâ Natura morbos parit alitque (à quâ etiam eorundem Historia pendet) indagandâ, atque in remediis eidem adaptandis omnes animi vires intendat, quàm in curiosis & *περίεργα* speculationibus cerebrum fatiget, ad homines orco eripiendos (quod spondet Medicina) ne hilum facientibus. Quæ quidem prævaricatio non solum in causâ est quoddam genus Humanum commodis illis & emolumentis privetur, quibus à plurimorum ingenio animique dotibus augeri potuisset, sed etiam effecit tandem, ut quæ Medica appellatur, revera Confabulandi Garriendique potius sit Ars, quàm Medendi. Atque eo tandem deventum est, ægris vivendum moriendumve sit, prout Philosophus vel conjectando scopum attigerit, vel ab eodem aberraverit; quod in lubrico semper est atque ancipiti, cum primi isti speculationum reperi-  
tores

tores  
vum  
quasi  
nemo  
tur. Q  
quid d  
suâ ut  
tamen  
sempe  
(imò t  
bilis  
lucifq  
candâ  
nullat  
prorsu  
Auto  
exqui  
de fas  
Motu  
Mem  
ligent  
tem u  
pact  
nequ  
rati,  
quea  
quâ r  
hæc t  
A  
adda  
hoc a  
hact  
à me  
A  
Eru  
Hyf  
dem  
hom



tores, non minus quàm eorum mancipia, & fer-  
 vum pecus, de cerebrosis istis commentis bello  
 quasi internecino invicem digladiantur, attamen  
 nemo fortasse omnium ipsam veritatem assequa-  
 tur. Quamvis enim, si mentem seriò applicuerimus,  
 quid de facto agat Natura, & quibus in operatione  
 suâ utatur organis deprehendere valeamus; modus  
 tamen quo illa operatur, mortales, aut ego fallor,  
 semper latebit. Neque hoc mirum est, cum longè  
 (imò supra omnem humanum captum longè) credi-  
 bilius sit nos misellos homunciones, ab illustri vitæ  
 lucisque regione exulantes, methodum quâ in fabri-  
 candâ machinâ usus est sapientissimus Artifex, capere  
 nullatenus posse; quàm Fabrum Ferrarium rudem  
 profus & imperitum, nescire quo pacto concinnetur  
 Automaton Horarum index, cujus structura & motus  
 exquisitissimam artis elegantiam præ se ferunt. Sicuti  
 de facto constat Cerebrum omnis tam sensûs quàm  
 Motûs fontem esse, tum etiam & cogitationum &  
 Memoriae officinam, & tamen non est possibile à di-  
 ligentissimâ ejus inspectione contemplationeve men-  
 tem usque adeò illuminari, ut intelligere possit quo  
 pacto substantia ita crassa & quasi pulpa quædam,  
 neque operis, ut videtur, usque adeò affabrè elabo-  
 rati, usui ita nobili & facultatibus tam præcellentibus  
 queat sufficere, neque exinde assignare quis potis est,  
 quâ ratione ex naturâ ejus vi & structurâ partium, sive  
 hæc sive altera ista facultas necessariò fuerit exerenda.

Atque hæc de Variolis Confluentibus: Quibus si  
 addantur quæ in Historia Morborum Acutorum de  
 hoc affectu tradidi, summam habes eorum quæ mihi  
 hæctenus innotuere, eaque omnia diligentissimè, quod  
 à me fieri potuit, trutinata atque expensa.

Accingo me jam (quoniam tu id postulas, Vir  
 Eruditissime) ad ea exponenda quæ de Affectionibus  
 Hystericis hæctenus observatione comperi. Quas qui-  
 dem, perobscuram & difficilem, præ cæteris qui  
 homines vexant, morbis, diagnofin habere, tum et-

iam ægrius curationem admittere, lubens fateor. Atamen ut potero morem tibi geram, eâ, quæ Epistolæ convenit, brevitate; quam sane à me exigit valetudo infirmior & quasi vacillans, hæc præsertim anni tempestate, quâ mihi verendum est, ne si pertinacius cogitationibus indulsero, Podagræ mox paroxysmum accersam. Paucis itaque expediam quæ hic habeo dicenda, methodo, quâ uti soleo, insistens; brevem sc. morbi Historiam tradens secundum vera Naturæ Phænomena; tum etiam medendi rationem subnectens quæ mihi optimè cessit, quamque non tam librorum lectio, quàm experientia propria Magistra haudquaquam infida, jam olim suggessit.

Hic morbus, si rectè calculum pono, Chronicorum omnium frequentissimè occurrit; & sicuti Febres cum Appendicibus suis duas partes Tertias, ad Chronicos morbos simul sumptos si comparentur, complement, ita Affectus Hysterici (vel isti saltem qui eo nomine insigniuntur) ad reliquæ partis Tertiæ dimidium assurgunt, hoc est, Chronicorum pars media sunt: Fœminarum enim paucissimæ (qui sexus Adulterorum dimidia est pars) ab omni horum affectuum specie prorsus liberæ sunt, si istas excipias quæ laboribus assuetæ durè vitam tolerant. Quinimo non pauci ex iis Viris qui vitam degentes sedentariam chartis solent impallefcere, eodem morbo tentantur. Et quamlibet omnis retrò Antiquitas symptomata illa Affectibus Hystericis adnascentia Utero semper vitio verterit, si tamen Affectiones Hypochondriacas vulgò dictas, quas Splenis aut Viscerum nescio quorum obstructioni imputamus, cum mulierum Hystericarum symptomatis conferamus, vix ovum ovo similis, quàm sunt utrobique Phænomena, deprehendemus. Neque tamen reticendum est Fœminas multo crebrius hoc morbi genere corripi quàm solent Mares, non quòd se Uterus magis malè habeat quàm alia quævis corporis regio, sed ob causas infrà explicandas.

Sed nec spectabilior est hujus morbi frequentia, quàm

quâ  
nullos  
atteru  
poris p  
petun  
lagaci  
ritiâ v  
morbo  
rò ab

Qu  
plexia  
omnin  
mole  
scitur  
scaten  
terclu  
sterici  
easden  
magna  
siori,  
beatu

Qu  
perlin  
scenti  
medic  
stanti  
que  
riens.  
gulat  
sunt u  
tu co  
No  
Peric  
bilen  
verso  
hunc  
speci  
fatis

quàm varietas illa multiformis quâ se ostendit, & nullos ferè non æmulatur ex iis affectibus quibus atteruntur miseri Mortales. Quamcunque enim corporis partem infederit, symptomata, qualia ei competunt parti, statim producit: Et nisi Medicus tam sagaci quadam solertiâ & *Δεινότητι*, quàm in Arte peritiâ valeat, fraus ei fiet, atque ista symptomata à morbo aliquo essentiali hujus vel illius partis, non verò ab affectione Hystericâ, pendere arbitrabitur.

Quandoque v. gr. Capitis arcem occupans, Apoplexiam facit, quæ similiter Hemiplegiâ solvitur, eam omnino referens Apoplexiam, quâ tum ætate, tum mole corporis grandiores siderantur, & quæ ex eo nascitur quòd, Cerebri cortice pituitæ copiâ referto ac scatente, Spirituum Animalium meatus ac semitæ intercludantur: à qua quidem causa quæ foeminis Hystericis accidit Apoplexis, oriri nullatenus videtur, cum eandem haud infrequens adoriatur confestim à partu, magnâ sanguinis vi simul ejectâ, & vel partui laboriosiori, vel vehementiori alicui animi commotioni debeat.

Quandoque Spasmos horrendos gignit, Epilepsiæ per similes, Ventre & præcordiis guttur versus intumescitibus, & nixus itâ fortes edente ægra, ut licet aliàs mediocrium tantum fuerit virium, jam omni Adstantium ope vix retineri queat, incondita interim atque inarticulata quædam vociferans, & pectus feriens. Foeminæ, quibus hæc species, quæ uteri strangulatus vulgò audit, familiarior est, temperamento sunt ut plurimum plus quàm solet sanguineo, & habitu corporis ad Viragines accedente.

Nonnunquam exteriorem Capitis partem occupat, Pericranium inter Craniumque, dolorem vix tolerabilem adferens, in quadam tantum particulâ quæ transverso pollice contegi possit, jugiter defixum. Dolorem hunc etiam comitantur Vomitiones enormes. Hæc species Clavus Hystericus mihi est, istas præ cæteris fatigans, quæ Chlorosi laborant. Gg 3 Non-

Nonnunquam in partes incidens Vitales, ita vehementem Cordis Palpitationem excitat, ut quæ eam patitur foemina pro indubitato habeat, sonitum Cordis in costas arietantis etiam ab adstantibus omnino debere percipi. Hæc species eas maximè infestat quæ extenuato sunt corpore, & crasi minùs firmâ, quæque Extabescentium penè formam præ se ferunt; tum etiam Juvenculas Febre albâ pallefcentes.

Nonnunquam Pulmones obsidet, unde æger creberrimè tussit & ferè sine intermissione, nihil profusus expectorans: & quantumlibet hæc Tussis species non ita valido nisu thoracem concutiat atque illa quæ Convulsiva dicitur, Explosiones tamen longè frequentiores sunt, æger præterea non ita sensu valet. Hæc autem Tussis Hystericæ species oppidò rara est, & fæminas pituitâ scatentes præ cæteris exagitat.

Nonnunquam in Colon, & regionem Scrobiculo Cordis subtensam impetum faciens, dolorem vix ferendum infligit, Iliacæ Passioni haud absimilem; ubi ægra immodicè vomit, colluviem quandam Viridem, Bili, quam Porraceam appellant, ferè parem, nunc etiam insoliti alicujus coloris, rejiciens. Sæpè etiam postquam ægra ad multos dies jam dicto dolore (qui vel Stoicorum ἀπὸ τοῦ πένου expugnaret) & continuo vomituritionis conatu tantùm non fuerit enectâ, tandem Ictero intensiore omnem corporis superficiem ad instar croci tingente, solvitur Paroxyfimus. Ægra interea diris mentis angoribus pressa, omnem recuperandæ Sanitatis spem prorsus abjicit: quæ quidem animi dejectio & quasi desperatio quædam, non magis, quantum ego observavi, ab hæc Hystericum Affectuum specie se jungitur, quàm sive Dolor sive Vomitus præmemorati. Atque hoc genus in istis præcipuè locum habet quæ corporis habitu laxiore crudoque sunt, tum & in iis quæ Infantes grandiusculos, cum ingenti sui & naturalium vitæ stadium dispendio, sunt enixæ.

Quandoque hoc malum in alterutrum ex Renibus incurfans, atrocissimo quem istic parit dolore, Paroxysmum Nephriticum omnino mentitur, idque non solum doloris generice locoque quo sævit, sed & adscitis Vomitionibus immanioribus, tum etiam nonnunquam ex eo quoddam dolor per Ureterum ductus propagetur. Ita ut ægrè admodum dignosci queat, utrum hæc symptomata ab incluso Calculo, an verò ab affectu aliquo Hysterico enascantur, nisi fortè Casus aliquis acerbior ægræ animum paulo antequam corripere discrucians, aut materiæ viridis per vomitum rejectio, symptomata ista Affectioni potius Hystericæ quàm Calculosæ tribuenda esse docuerint. Sed neque Vesica ab hoc Pseudo-symptomate atque ementito Affectu immunis est, cum non tantum ipsa ab eo doleat, sed & Urina supprimatur, perinde ac si Calculuseam obstrueret, qui tamen nullus est. Rarissimè autem cernitur postrema hæc species Vesicam attingens; quæ verò Renum calculum imitatur, non ita rarè. Utraque eas solet invadere fœminas, quarum vires repetitis sæpe paroxysmis Hystericis jam fractæ sunt, & sanitas corporis detrita.

Nunc in Ventriculum decumbens, continuas Vomitiones excitat; nunc etiam Diarrhoeam, quoties sc. in Intestina effunditur: at neutrum horum symptomatum sequitur dolor, licet in utroque persæpè comparat dictus ille succus viridis. Utraque hæc species iis familiaris est, quas frequentiores paroxysmi Hysterici debilitaverunt.

Atque ut hic morbus omnes fermè partes internas infestat, ita etiam nonnunquam & Exteriores, carnemque musculosam occupat, maxillas sc. humeros, manus, crura, tibias, nunc dolorem adducens, nunc tumorem: in quo genere is qui tibias distendit tumor præ reliquis conspicuus est. Cum enim in Hydropicorum tumoribus duo hæc semper observari possint, ut tumor sc. sub vesperam se majorem exhibeat, tum

etiam ut pasta instar madentis, vestigium digiti fortius impressi formamque referat; jam in hoc altero, tumor matutino tempore protuberantior est; nec digito cedit prementis, aut vestigium ullum manet. Plerumque etiam tibiaram alterutram tantum inflat: de cætero sive magnitudinem spectes, sive etiam superficiem, Hydropicorum tumores ita ad amissim æmulatur, ut agræ se haud facile ab ea quæ infedit sententiâ, dimoveri patiantur.

Sed neque ipsi Dentes (quod vix credas,) ab hujusce morbi insultu se possunt defendere: licet neque vel minima cavitas, neque humoris alicujus defluxus, saltem qui percipi queat, dolori sive ansam præbuerit, sive vehiculum, qui nihilo minus nec mitior est, nec contractior, aut expugnatu facilior. Isti verò tum dolores, tum tumores quibus afficiuntur partes exteriores, quas supra memoravimus, eas præcipuè scæminas adoriuntur, quæ, longâ paroxysmorum Hystericorum serie ac impetu violento tantum non exanimata, vitam ducunt vix vitalem.

Inter omnia verò morbi hujus tormenta, nullum se tam crebrò ingerit quàm dolor in Dorso; quem certo certius persentiscunt quotquot vel levissimè hoc affectu tanguntur. Quinimo id habent effectum commune dolores prædicti, quòd illa cui inhæserant regio, etiam post eorum discessum, tenera sit, & quasi sustibus probè fuerit dedolata, tactum refugiat; quæ quidem teneritudo sensim evanescit.

Hoc interim observatu dignissimum est, quòd non raro notabilis quædam externarum partium refrigeratio symptomatis his omnibus viam quasi sternit, & plerumque non nisi paroxysmo finito dispellitur: quam quidem refrigerationem haud semel, isti ferè, quæ rigent cadavera, parem comperi, pulsu nihilominus rectè se habente.

Addo, quòd Hystericæ ferè omnes, quotquot ego hactenus tractavi, de spirituum dejectione sive sub-

fiden-

fiden-  
gione  
um co

De  
nunc  
dicas  
has e

In  
Phar  
ferè i  
planè  
idqu  
cont  
gnon  
steric  
semu  
mox  
temp  
reper  
æmu

cerin  
num

Q  
driac  
dit,  
tant  
tùm  
do a  
ties

ction  
N  
corp  
inst  
tùm  
mo  
plan  
nant

sidentia (ut cum illis loquar) conqueruntur; pulmonis regionem indigitantes, quoties locum, in quo hæc spirituum contractio seu subsidentia sentitur, volunt designare.

Demum mulieres Affectione Hysterica laborantes, nunc in risum effundi, nunc in lacrymas pariter immodicas solvi, nullâ *causâ* manifestâ sive illum, sive has extorquente, nemini non est notum.

Inter omnia verò quæ in hoc morbo comparent Phænomena, illud maximè proprium est atque ab eo ferè inseparabile, quòd sc. ægræ urinam subinde reddant planè limpidam ad instar aquæ è rupibus scaturientis, idque latis copiosæ; quod quidem ego sigillatim percontando, in omnibus ferè didici signum esse Pathognomicum eorum Affectuum, quos in Fœminis Hystericos, in Maribus Hypochondriacos appellandos censemus. Atque in Masculis nonnunquam observavi, quòd mōx ab excreto lotio coloris Citrini (imò proximo ferè temporis momento) violentiori aliquo animi motu de repente perculsi, statim urinam, Crystallum claritate æmulantem, magnâ copiâ & impetu diu continuato ejecerint; eo usque se malè habentes donec urina pristinum colorem induerit, & paroxysmus simul evanuerit.

Quin & omnibus tam Hystericis, quàm Hypochondriacis, quibus scilicet jam malum inolevit, id accidit, ut flatus quandoque nidorosos è ventriculo emittant, quoties aliquid comederint, licèt moderatè tantum & pro ratione appetitûs, tum etiam aliquando acidum eructent, acetum sapore referens, quoties in os ascenderit; læsâ nempè utrobique concoctione, & succis proinde à naturali statu interversis.

Neque hoc tantum nomine infelices sunt, quòd corpus ita malè affectum & quasi conquassatum, ad instar ædium ruinas undiquaque minitantium, tantum non corruat & fatiscat, cum magis adhuc animo ægrotent quàm corpore: Cum enim desperatio planè insanibilis de hujusce morbi naturâ sit, indignantur admodum quoties aliquis vel minimam de

sanitate recuperandâ spem injecerit ; facilè interim credentes omnia se, quæcunque in homines caedere possunt incommoda, quæque adeò fert rerum natura, perpeffuros; tristiffima quæque sibi ominantes, atque timorem, iram, zelotypiam, suspiciones, & siquæ atrociora sunt animi pathemata, vel ex leviffimâ, vel etiam nullâ prorsus datâ ansâ, arripientes, & sinu soventes irrequieto anxioque; ab omni interim gaudio, spe, lætitiâ abhorrentes: quæ si fortè occurrant, quando hæ raræ aves sunt, velociffimè a volant, animum interim haud minùs vehementer exagitantia, quàm solent mœstiora illa *mihi*; ita ut nullibi mediocritatem servent, in unâ levitate constantes; nunc amant præter modum, mox odio eosdem sine causâ prosequuntur; nunc hoc illudve sibi agendum proponunt, mox à proposito resiliunt, & quod cum eo pugnat aggrediuntur, sed neque hoc peragunt, ita animi pendentes, ut nunquam liceat quietâ mente consistere. Quodque in Superffitiosis afferit Orator Romanus, nostris hisce Melancholicis pulchrè quadrat. *Perfugium videtur omnium laborum & sollicitudinum esse somnus, at ex eo ipso plurima curæ, metusque nascuntur; dum funera tantum in somniis, & denatorum Amicorum umbræ representantur. Ita tam animo quàm corpore excarnificantur, quasi hæc vita omnis Ignis esset Expurgatorius, in quo scelera alio in statu perpetrata jam luerent atque expiarent. Neque hoc tantum Maniacis accidit & furiosis, quos dicimus, sed etiam illis, qui, si hos animi impetus excipias, prudentiâ ac judicio valent, quique & meditationum profunditate, & sapientiâ orationis longè eos superant, quorum mentes his cogitationum aculeis nunquam fuerint excitatæ. Ita ut non sine ratione observaverit Aristoteles, Melancholicos cæteris ingenio præstare.*

At verò tam horrendus animi status, qualem supra delineavimus, non aliis competit, quàm iis qui diu mul-



multùmque cum hoc morbo conflictati, tandemque subjugati, quasi victas manus dant: maximè si res adversæ, animi mœrores, sollicitudine sive, nimia in litterarum studio assiduitas, atque animi contentio, cum pravâ corporis diathesi conspirantes, oleum camino adjecerint.

Dies me deficeret, si omnia quæ Affectus Hystericos gravant symptomata enumerare velim; tam diversâ atque ad invicem contrariâ specie variantia, quàm nec Proteus lusit unquam, nec Coloratus spectatur Chamæleon. Proinde rectè mihi videtur rationem subduxisse Democritus (quantumlibet in morbi causa hallucinaretur) ubi in Epistola ad Hippocratem missâ, disertè asserit, *Sexcentarum ærumnarum, innumerarumque calamitatum auctorem esse Uterum*. Neque tantùm multifaria sunt ista, sed nec regulâ aliquâ aut Typo uniformi se contineri patiuntur, quod in aliis hominum Affectibus tamen usu venit, sed quasi farrago sunt quædam *Φασματώδων* incomposita atque inordinata, unde perarduum est hujus morbi Historiam describere.

Causæ autem hujus morbi Procatarticæ seu externæ, vel sunt vehementiores corporis motus, vel etiam multo sæpiùs, violenta quædam animi commotio à repentino aliquo, sive iræ, sive doloris, sive etiam timoris, & similibus Pathematum, insultu. Quoties itaque me consulunt Fœminæ de hoc illove corporis affectu, cujus ratio è vulgaribus Morborum dignoscendorum Axiomatis nequeat reddi, nunquam non diligenter ab eis exquiro, An non eo de quo conqueruntur malo, tùm præcipuè fatigentur, cùm tristitia, ærumna, aut alia aliqua perturbatio eas malè habeat; quod si annuerint, jam satis superque mihi constat morbum in hâc, de quâ agimus, Tribu censendum; præsertim verò si diagnosin id clariùs illustret, quòd sc certis aliquot temporibus urinam limpidam & Crystalli æmulam, eamque copiosam simul excernant. His verò animi motibus, qui istatiores

tiores sunt hujus morbi *αἰτίας*; accedunt vel Stomachi vacuitas ab inediâ pertinaciori, vel nimia humorum evacuationes, sive à sanguine intemperanter effuso, sive ab Emetico, aut Cathartico cui impares erant ægræ vires.

Jam verò ab hâc totius morbi imagine, secundum vulgatissimam ejus *φανόμην* depictam, proximo loco ejus Causâ Efficientes internæ sive *αἰτίαι* mihi veniunt pensandæ, quantum eas, ex omnibus quas descripsimus Circumstantiis simul junctis, expiscari valeam. Pendent ergo Affectiones istæ, quas in sceminis Hystericas, in maribus Hypochondriacas insignire libet, quantum ego judico, à spirituum Animalium *αἰτίαι*, unde factò impetu in hanc illamve partem plus quàm pro ratâ densi nimique feruntur, Ipsas uti & dolore excitantes ubi in partes sensu exquisito præditas irruunt, atque organorum, tum ejus in quod se ingerunt, tum istius à quo abscedunt, functiones pervertentes; cùm utrumque ab hac tam iniqua partitione, quæ naturæ œconomix penitus adversatur, haud parum detrimenti capiat.

Cujus quidem *αἰτίας* origo atque causa Antecedens, est debilior dictorum Spirituum Crasis, sive nativa ea fuerit, sive etiam adventitia, unde quavis *αἰτία* dissipatu faciles sunt & eorundem systema nullo ferè negotio dirimitur. Quemadmodum enim Homo quidam Exterior conspicitur ex partibus sensui obviis compaginatus, ita procul dubio & Interior est quidam Homo è debitâ spirituum serie & quasi fabricâ constans, solo rationis lumine contemplandus. Hic verò cum temperie corporis intimiùs conjunctus & quasi unitus, tanto ægrius faciliusve de statu suo dèjicitur, quanto major est minòrve ea, quam à natura sortimur, Principiorum constituentium firmitas. Quamobrem Fœminas longè plures quàm Mâsculos hic morbus aggreditur, quoniam videlicet istas natura magis delicatulo rarioreque corporis habitu (ceu vitæ molliori,

molliori, & hominum deliciis destinatas) blanda donavit; Mares autem toroso corporis robore, utpote qui laboribus exantlandis in tellure colendâ, & repaſtinanda, & feris, quibus alantur, capiendis, aliisque ſimilibus, apti nati ſint.

Diſtam autem Spirituum *αἰσθητικῶν* hujus morbi cauſam eſſe, phænomena jam deſcripta ſatis probant; quorum præcipua tantùm attingam, à notiſſimo illo Affectu Hyſterico, qui Uteri Strangulatus vulgò dicitur, initium faciens. Hic jam Spiritus, factò quaſi agmine in ventre inferiore, catervatim magnoque impetu in fauces irruentes, ſpaſmos excitant per omnem quam tranſeunt regionem, ventrem inflantes ad inſtar Globi prægrandis, qui tamen nihil aliud eſt quàm partium ſpaſmo tentatarum convolutio & quaſi conglobatio quædam, quæ non niſi magnâ vi reprimi poteſt & coerceri. Partes interim externæ maſſæque carnea à ſpiritibus, jam aliò raptis, magnâ ex parte deſtitutæ, eò uſque frigeſcunt perſæpè, non in hac ſolâ Affectûs Hyſterici ſpecie, ſed in aliis omnibus (quod priùs adnotatum) ut cadavera non frigeant magis. Pulsus interim qualis ſanarum eſt, nec ægra ab hoc frigore de vitâ periclitatur, niſi illud ab evacuatione aliquâ enormiori præcedente originem ducat.

Idem etiam dici poteſt de violentiori iſto Affectu Hyſterico, qui externâ facie Colicam Bilioſam, vel etiam Paſſionem Iliacam æmulatur: in quo ægra dolore vix tolerando in regione Cordis Scrobiculo circumpoſitâ, unâ cum immenſa materiæ herbæ colore referentis, evomitione, diſcruciat. Quod quidem ſymptoma haud aliunde naſci exiſtimo, quàm à vehementi ſpirituum denſè conglomeratorum in dictas partes impulſu, undè & ſpaſmus, & dolor, & earum totalis facultatum ſubverſio.

Neque ex eo quòd iſta quæ in hoc Affectu ſive per os, ſive per ſedem egerunt, colore quandoque viriditingantur, ſtatim conſicitur, morbum hunc in humoribus reſidere, aut atrociffimum illum dolorem

rem, ab humoris alicujus acrimonia partem cui in-  
 hæret dilantantis, produci; quem idcirco pro minerâ  
 morbi habeamus, ac proinde Remdiis tam *ἀνα* quàm  
*καθάρσι* Catharticus radicitiis extirpandum censeamus.  
 Etenim de facto constat ægritudinem illam quâ labo-  
 rant Navigantes (à spirituum animalium agitatione or-  
 tam, in fluctuanti ac irrequieto mari) colluviem co-  
 loris planè herbacei ex hominum vel sanissimorum  
 ventriculo exantlare, ubi primùm in mare longiùs  
 sunt provesti, quibus tamen ante semihoram ultimò  
 elapsam non inerat Bilis hæc, quam Porraceam ap-  
 pellare libet. An non & Infantes in Paroxyfmis Con-  
 vulsivis, in quibus spirituum Animalium maximè res-  
 agit, tam per superiora, quàm per inferiora mate-  
 riam ejusdem planè coloris ejiciunt? Quibus adden-  
 dum est id quod experientia fermè quotidiana docet,  
 sc. quantumlibet ejusmodi sive scæminas, sive infantes  
 iteratâ Catharsi exhauserimus, attamen color jam  
 dictus in eis quæ vel per vomitum, vel per sedem  
 exeunt, usque visetur. Quin etiam à Pharmacis tam  
 Emeticis, quàm Catharticis frequentius propinatis u-  
 berior materiæ viridis nascitur seges, cum ab utroque  
 genere Spirituum *ἀπειρία* provehatur: quæ vel nescio  
 quomodo istarum partium fermentum destruit ac per-  
 vertit, vel in ventriculum intestinaque vi spasmodum  
 succum aliquem alienæ indolis intorquet, qui hu-  
 mores ejusmodi coloribus inficere potis est. Chy-  
 miæ Sectatores, licèt nondum ita bene cum illis sit, ut  
 quæ in Organis suis *πολυτέχνους* Medicamenta elabo-  
 raverint, majus aliquid in morbis debellandis præ-  
 sent, quàm quæ contunduntur in Mortario, vel in  
 ollâ decoquuntur, tamen curiosorum *περιεργία* eo  
 usque gratificari norunt, ut duos liquores aequè lim-  
 pidos clarosque ostendentes, ex iisdem invicem com-  
 mixtis saturatum colorem aliquem, quasi præstigian-  
 tes, possint exhibere. Et profectò ita lubrica est &  
 evanida Colorum speculatio, ut nihil certi ex illis,

de corporum in quibus apparent naturâ , queat deprehendi. Neque magis sequitur ea quæ colore viridi sunt, acria esse omnia, quàm omnia quæ sunt acria, viridi esse colore. Re itaque undique perpensâ, satis liquet dolorem immanissimum qui hæc Colicâ Hystericâ laborantes penè exanimat, tum etiam materiæ viridis rejectionem, à Spiritibus nimio impetu in partes sub cordis Scrobiculo positas incurfantibus, atque easdem spasmo contrahentibus, omnino excitari.

Huic etiam Spirituum enormitati tribuendum est symptoma istud quod superiùs Clavi Hystericæ nomine indigitavi, in quo Spiritus ab omni corporis ambitu in certo Pericranii quasi punctulo concentrantur, dolorem haud minùs perterebrantem, quàm si Clavus ferreus in caput vi adigeretur, accersentes, unâ cum insigni materiæ viridis evomitione. Quæ quidem Spirituum ab universo corpore quali in punctum contractio non multùm abaudit ab istâ radio-  
Solis collectione quæ fit ope Vitri Incensorii: utque hi vi unitâ exurunt, ita & isti ob eandem rarationem dolorem infligunt, membranas quasi discerpentes lacerantesque junctis viribus.

Deinde ab hac inordinata Spirituum agitatione sanguinem perturbante, exoritur Symptoma illud, tam Hystericis, quàm Hypochondriacis haud insolens, ut suprâ notavimus, quòd nempe sæpenumerò urinam reddant claram limpidamque simul & copiosam: cum enim sanguinis œconomia subinde interpellatur, quod importatur serum satis diu retinere nequit æger, sed illud priùs dimittit, quàm istis particulis salinis quarum ope color ad Citrinum traduci debuerat, in prægnari potuerit. Cujus rei quotidianum habemus experimentum in eis qui, cum plus satis liquoris, maximè tenuioris atque attenuantis, ingurgitaverint, lotium mox limpidissimum excernunt. Quo in casu sanguis ab ea feri quantitate, cui retinendo profus impar est, planè devictus. illud omnino limpidum amittit,

mittit, necdum à corporis succis infectum, ob moram iusto brevior.

Tertius jam agitur annus à quo Nobilis quidam me sibi Medicum volebat, qui Colicam Hypochondriacam pati mihi videbatur, ad Passionem Iliacam ferè accedentem doloreque & vomitu enormiori; quo morbo diu multùmque fuerat vexatus, & tantùm non fractus. Per omnem morbi decursum sedulus animadverti, quòd ubi pessimè se habuerit, urina limpida & exors coloris semper fuerit, quando verò paulo meliùs, ad Citrinum vergeret illa. Hunc die quodam adiens, urinam conspexi quam tribus vicibus excreverat, in Matulis totidem reservatam, Citrino colore præditam: lætus ipse hilarisque cibum ex *ὀρέντοισ* aliquem jam asumere meditabatur, invitante, quod mihi dicebat, appetitu: in quo temporis articulo superveniens quidam eòisque bilem commovebat ut extemplo ægrotans, Matulam deposceret, quam urinã limpidissimã crystallum colore æmulante, ferè implevit.

Fortè etiam à Spiritibus sanguinem ita molestantibus pendet Ptyalismus ille Hystericus familiaris, cùm ad multas Septimanas salivam expuant tenuem, perinde ac si Unguento ex Mercurio fuerint delibuta; durante enim hoc turbido sanguinis statu in quo excretionibus ad naturæ methodum exigendis imparis est, serum motum hunc inversum fortè sibi vendicans non jam in Renes pro lege naturæ exoneratur, sed per articularum extremitates in glandulas deponitur, & per Ductus Salivales salivæ formã prodit. Idem dici potest de nocturnis istis sudoribus quibus scemina Hysterica nonnunquam perfunduntur, qui non ab aliã causã fluunt, quàm à feri sanguinis diathesi, quã in corporis habitum gestit effundi, ob modò memoratam sanguinis

*ἀνεξίαν.*

Frigus quod attinet, quo toties algent partes externæ in Affectibus Hystericis, luce clarius est, illud ex eo accidere, quòd Spiritus suam in illis stationem de-

ferent  
rant  
Cachi  
nullã  
Orgã  
magn  
Ob  
niat, E  
riri. A  
gener  
valuer  
nem o  
buera  
vestit  
dicio  
conve  
expec  
itaque  
labru  
crebr  
&exi  
aliã  
Conv  
tò po  
rituu  
ab E  
orta)  
nitio  
aliqu  
cus,  
eum  
stitut  
debe  
assum  
dicè  
vesc  
passi

ferentes, se nimio opere in hanc illamve partem inferant: Nec est dubitandum quin tam Fletus, quam Cachinnus, quem tollunt haud rarò Hystericæ, etiam nullâ datâ ansâ, à Spiritibus Animalibus procuretur, Orgâna, quæ his functionibus Animalibus inserviunt, magnâ vi pulsantibus.

Obiter dicam, Mares etiam, quamvis rarius id eveniat, Fletui ex nulla *causa* quandoq; obnoxios reperiri. Accersebar aliquando ad Virum tam ingenio, quam genere nobilem, qui non nisi paucis diebus à Febre convaluerat, alterius Medici consilio usus, qui & sanguinem detraxerat, & pharmacum Catharticum ter exhibuerat, tum etiam carnis illi interdixerat. Hunc ubi vestitum conspexerim, & de rebus quibuslibet cum iudicio differentem audierim, rogabam quorsum me conveniret; respondit Familiaris quidam ejus, modò expectarem paulisper, res ipsa loqueretur; confidens itaque & sermones cum ægro trahens, mox observavi labrum inferius pendulum protrudi cum motitatione crebra (uti solent Infantes morosiores fletum adornare) & exinde ægrum in tantas solvi Lachrymas, quantas vix aliàs vidi unquam, cum gemitu ac suspiriis tantum non Convulsivis. Qui tamen repentinus torrens non ita multò post detumuit profus. Hanc ego Affectionem à spiritu *à Cæcâ*, (partim à morbi diuturnitate, partim ab Evacuationibus, quas *Jejunitia* necessariò exigebat, orta) pendere existimabam: partem etiam ab exinanitione, & abstinencia à carnibus, quam etiam ad dies aliquot posteaquam convaluerat, imperaverat Medicus, quo eum à recidiva præstaret securiorem. Hinc eum pronunciai extra omnem Febbris aleam jam constitutum; symptomaque prædictum, inanitioni tantum deberi: ac proinde suadebam ut pullum Gallinaceum assum in prandium juberet parari, & simul Vinum modicè hauriret; quo factò, & carnibus deinceps moderatè vescens, nunquam deinceps Fletum hunc Convulsivum passus est.

Ut tandem finiam (cætera enim quæ in hoc morbo spectantur Phænomena jam missa facio) ab hac ipsa Spirituum inordinatione nascitur perturbatio illa, & varians subinde tam animi quàm corporis intemperies, quæ tum in Hysterjicis, tum Hypochondriacis dominatur: cum enim utrisque desit ea Spirituum firmitas, quæ in robustioribus, atque iis quorum facultates jugi spirituum vegetorum subsidio actuantur, semper invenitur, impressiones rerum minus gratarum nequeunt perferre, sed vel irâ vel dolore subito perciti, perinde sunt irritabiles atque illi quorum *επιμενιξις* mollius & debilius vel natura primò procudit, aut longior ægritudinum sive series, sive mora tandem reddidit. Etenim Animi robur & constantia, quamdiu hoc corporis luto is incrustatur, à firmitudine Spirituum eidem famulantium maximè pendet, qui quidem supremum in Scalâ materiæ gradum constituunt, in ipso Entis Immaterialis confinio positi: Cumque Animi compages, si fas est ita dicere, longè magis affabra sit & delicata quàm est corporis structura, utpote quæ in harmoniâ facultatum præstantissimarum & penè divinarum consistat, si hujus *αὐστηρις* quoquo modo fuerit interrupta conturbataque, major inde sequetur ruina, quanto præcellentius erat & magis exquisitum opificium, dum integrum perstaret. Et hic quidem Miserrimum quos depinximus, animoque fractorum status est: cui malo non citius remedium adferet pertinax aliquid vel insolentissimi Stoici Decretum, quàm *ἰδὼν Καλῶς* præcaverit is, qui firmiter statuerit, se nullo modo permitturum, ut dentes dolore pertententur.

Satis itaque jam constat opinor, omnem hunc morbum ad Spiritus Animales non ritè dispositos referri debere; nec à semine aut sanguine menstruo corruptis (quod asserunt nonnulli Authores) & halitus malignos in partes affectas elevantibus, produci; nec à succorum nefcio quâ perversa depravatione, sive etiam humorum acrium congestione, ut alii volunt, sed

ab iis  
morbo  
instanti  
ma sem  
& tene  
sive En  
fuerit  
ptomat  
multab  
tharsis  
nera in  
dico sa  
extract  
rit, ut  
nibus  
præcat  
fendos  
tur: C  
riat hu  
Qu  
bi for  
tendur  
lam,  
pore  
tium f  
stend  
no p  
sint q  
tis de  
dante  
lavies  
taque  
organ  
fuisse  
rasset  
ἀπορ  
omn



ab iis quas modò assignavimus causis. Quod enim morbi fomes in materiâ non delitescat, unicâ hac instantiâ satis elucescet. Fœmina v. gr. quæ rectissima semper valetudine uti solet, modò delicatula sit illa & teneriore corporis habitu, si fortè errore aliquo, sive Emetico, sive Cathartico quovis fortiore nimium fuerit debilitata exhaustaque, certo certius symptomate aliquo, ex iis quibus hic morbus stipatur, multabitur; quod tamen ejusmodi Vomitus vel Catharsis amoliretur magis quàm invitaret, si morbi minera in humore continetur. Idem dici potest de immodico sanguinis dispendio, sive phlebotomiâ is fuerit extractus, sive in puerperio debito copiosius manaverit, uti & de exanitione, & justo longiore à carnis abstinencia; quæ omnia ad Affectus Hystericos præcavendos potius facerent, quàm ad eosdem accersendos, si illorum fomes in materiâ aliquâ involveretur: cum è diverso, non alia causa ita constanter pariat hujusmodi Affectus, ac solent dictæ Evacuaciones.

Quamvis autem satis pateat originarium hujus morbi fomitem in humoribus nullatenus stabulari, fatendum est tamen (quod res est) spiritum ἀκαζίας illam, cui morbus debetur, humores putridos in corpore coacervandos gignere, cum tam illarum partium functio, quæ vehementiori spirituum impulsu distenduntur, quàm earum quæ illis privantur, omnino pervertatur. Cùmque harum pleræque Organa sint quasi Separatoria, excipiendis Cruoris recrementis designata, si earum functiones quovis modo lædantur, fieri non potest quin ingens fœculentiæ coluvies accumuletur; quæ quidem eliminata fuerat, totaque proinde sanguinis massa depuratio, si singula organa munus suum explevisent, cui nullo modo defuissent, si debita spirituum œconomia universas invigorasset. Huic ego causæ adjudico Cachexias insigniores, ἀνορεξίας, sive Appetitûs prostrationem, aliamque omnem malorum Lernam in quâ immerguntur Misellæ

quotquot hoc morbo diu elanguerunt, quæ omnia a succis putrescentibus in sanguine congestis, atque exinde in organa varia depluentibus, succrescunt. Hujus farinae est Hydrops Testium in sceminis quæ jam diutius affectu Hysterico laboraverint, natus à succis depravatis è sanguinis massâ in Organa rejectis; undè perversis eorundem facultatibus, primò steriles fiunt mulieres, & destruitur prorsus œconomia partium, indeque serum & sanies gignuntur, quæ non tantùm Nodulos ovaque Testium inferciunt, sed etiam in Tunicarum interstitia se insinuantia, Testes in molem ingentem elevat, quod in earum dissectionibus cernitur quæ hoc morbo pereunt. Diathesis interim Hysterica horum aliorumque humorum similium causa est primaria, quamlibet ejusdem cum illâ prosapiæ non fuerint.

Quemadmodum in Febre Quartana quâ vel pancreaticè valens quispiam corripitur, si modò duos tresve dies in locis paludosis ac lacustribus egerit; primò, spirituosum quoddam *maatige* morbi hujus sanguini imprimitur, quod diuturniùs inharens, læsâ tandem naturæ œconiâ, omnes corporis succos inquinat, alienâ prorsus indole eos imbuens; undè æger (maximè si ætate grandior fuerit ac in senium jam vergeat) Cachexiis aliisque malis obnoxius redditur, quæ Febribus Intermittentibus diu affligentibus superveniunt. Quæ tamen Febres non sunt profligandæ remediis quibus rectissimè expurgantur hujusmodi humores, sed Specificis iis quæ abigendis istis Febribus immediatè dicantur.

Ex omnibus quæ nos hæctenus congestissimè abundè mihi constare videtur, præcipuam in hoc morbo Indicationem Curativam eam esse, quæ sanguinis (qui spirituosus fons & origo est) corroborationem indigitat; quo factò spiritus invigorati eum servare possint tenorem, qui & totius corporis, & singularum partium œconomiae competit. Cùm verò hæc spirituum *de la gine* (quod

(quod lu  
mores vi  
Phlebot  
sanguine  
dem sco  
humoru  
fuerit. C  
mitione  
rescant  
fortifica  
doque a  
sâ) Cura  
Medica  
infirmio  
quo eju  
que ex  
halatio  
bus, & i  
co Hy  
ties di  
Ad  
cari ju  
roris co  
Cathar  
re ægr  
cuatio  
de re  
deat,  
mores  
nimus  
riæ In  
has E  
ipde e  
Mart  
assum  
Eteni  
volat

(quod suprâ fieri posse concessimus) morâ longiore humores vitaverit, è re fuerit eisdem jam corruptos & Phlebotomiâ & Catharsi priùs imminuere, quàm ad sanguinem corroborandum nos accingamus; quem quidem scopum vix assequi poterimus, quamdiu sæculenta humorum colluvies se mediam, quasi obicem, interposuerit. Quandoquidem autem Dolores atrociores, Vomitiones, & Diarrhœæ enormes ita nonnunquam effescant, ut inducias non ferant usquequò primariæ illi fortificandi sanguinis Intentioni possit satisfieri, quandoque ab effectis consopendis (missâ aliquantisper causâ) Curationis tela necessariò ordianda est; Exhibito sc. Medicamine Anodyno: dein Spiritibus, quorum crasis infirmior morbi causa est, rectificandis opera danda est, quo ejusmodi symptomatis deinceps occurratur. Cùmque experientia doceat permulta esse quæ foetoris exhalatione repellendis spiritibus seditionem molientibus, & in loco suo continendis apta nata sint (quæ idcirco Hysterica audiunt) neque illa sunt negligenda quoties dictis Intentionibus implendis operam navamus.

Ad hanc ego metam collimans, venam in brachio secari jubeo, dein ut purgetur ægra tribus quatuorve auroris continuis. Per hos dies, in quibus Venæsectio & Catharsis celebrantur, ita planè nihil emolumenti capere ægra, ut in pejus ruere, sibi videatur, cùm dictæ Evacuaciones tumultu concitato *à Cæli* promoveant; quâ de re ægram diligenter præmoneo, ne animum despondeat, suadente morbi Genio: utut fuerit, vitiosi isti humores, quos à morbo diuturniore coaggratos supponimus, quadantenus sunt detrahendi antequam primariæ Intentioni percommodè satisfacere queamus. Post has Evacuaciones, ad sanguinem confortandum & propiè etiam spiritus ex eo prognatos, Remedium aliquod Martiale seu Chalybeatum ad dies triginta præscribo assumendum, quo non aliud certius hic votis respondet. Etenim massæ sanguinæ, jam effœtæ & languescenti, volatile quoddam Fermentum, ceu calcaria, subdit, à

quo excitantur & quasi eriguntur Spiritus antea jacentes & suo pondere pressi. Cujus rei indicium est vel apertissimum, quòd quoties Chalybs in Chlorosi propinatur, pulsus derepentè major fit & celerior, exteriora corporis incallescere, facies non ampliùs pallida & mortuis concolor, sed vivida cerni & sanguine purpurata.

Commodissimè verò, aut ego fallor, in substantià exhibetur; atque ut nec observavi unquam ipse, nec fando accepi, eum ita sumptum cuivis nocuisse, ita certior me fecit experientia multiplex, nudam Chalybis substantiam & feliciùs & breviorè temporis spatio curationem absolvere, quàm si is quovis, ex iis qui vulgò feruntur, modo fuerit præparatus. Cùm tam in hoc quàm in aliis melioris notæ Remediis, id quandoque præstiterit Chymicorum officiosa sedulitas, non tantùm ut *δυστηκώτερον* non sint, sed etiam à perversâ eorundem diligentia & operâ plusquam otiosâ, magis evilescant. Audivi etiam (quod si modò verum sit assertionem hanc nostram fortiter sustinebit) ipsam Mineram, prout à terræ visceribus effoditur, crudam efficacius in morbis subjugandis operari, quàm Ferrum ignem jam passum & fusione depuratum: cujus rei fides tamen penes Authorem sit, me nondum experto, siccinè se res habeat, an verò aliter. Id certò scio nullum Remedium præclarum atque *ἕξει πρὸς* uspiam gentium fuisse profusum, quod non à naturâ præcipuas vires acceperit: unde *Θεῶν Χείρας*, non verò Hominum, præcellentiora quævis medicamina Antiquitas grata compellavit. Quòd verò nativâ quidpiam bonitate præstans & efficaciam, mirandos edat effectus, quâcunque demum formâ ingeratur testes hîc adduco Par illud nobile, Papaveris lachrymam sive Opium, & Corticem Peruvianum. Neque enim tantum in medicamentis præparandis medica cernitur peritia, quàm in iis seligendis appropriandisque, quæ Natura, suo igne elaborata atque evelcta, liberali manu porrigit. Id tantùm nobis agendum

dum restat, ut Medicamenta in eam formam reducantur, quâ vel eorundem substantia, vel saltem vis & efficacia melius corporibus nostris impertiri queat: cui muneri obeundo facultates nacti sumus plus quam pares. Post Chalybis substantiam, ejusdem Syrupo lubentius & præ cæteris utor. Fit autem è ferri aut Chalybis limaturâ, in Vino Rhenano in frigido infusâ, usque dum vinum satis imprægnatum fuerit, quo facto liquor colatus cum sacchari quantitate sufficienti in Syrupi consistentiam excoquendus est.

Nec mihi solenne est toto illo spatio quo ægra Chalybeata sumit, Catharticum aliquod statis intervallis exhibere. Cùm tam in genere Hysterico, quam Hypochondriaco, Chalybis vires à Cathartico intercidi atque infringi mihi videantur. Quando enim id mihi palmarium sit, ut spiritus in ordinem redigam, atque eorum systema redintegrem firmemque, quod toto vix Octiduo resarciveram Chalybis ope, Cathartico vel lenissimo exhibito die unica rursus demolior; atque ita diruta extruendo, atque à me extructa subruendo, & ægros & operam ludo, vanus & infelix Ardelio. Qui quidem mos cùm etiam in usu Aquarum Mineralium obtineat, quæ Ferri mineræ sunt participes, haud mihi dubium est easdem exinde minus efficaces reddi. Non sum nescius quosdam fuisse sanatos, Cathartico non tantum intercalatis, sed etiam quotidie cum Chalybe propinatis; quod tamen non tam Medici prudentiam, quam Chalybis virtutem esse præsertim mihi comprobatur, cùm, si ea omitantur, breviori temporis spatio Curatio succedat.

Neque sanè video, in aliis affectibus multis præter jam dictum, quid emolumenti, sive potius quid non incommodi tam repetita Cathartico exhibito ægris adferre queat. Quamvis enim haud negandum est, quin Intestina ex impuritatibus liberentur ea, & pariter è massâ sanguinea humores noxios in ea stabulantes aliquantulum extrahant; è contra tamen haud

minus certum est, quòd frequenter repetita in corporibus imbecillis (maximè verò in aetatibus tenellis) plurimum officiant; cum ex hac *œs quod* ingens humorum colluvies in viscera eliciatur, atque iis in partibus deposita fermentationes præternaturales invitet; ex quibus deinceps Tumores in infimo ventre oriuntur, tanto magis indies mole augetescentes, quanto sæpius æger purgetur. Atque id demum accidit, ut istæ partes præ imbecillitate & caloris nativi (jam sub humorum onere quasi obruti) defectu, tabe facile afficiantur ac putrescant. Quandoque etiam, cœconiâ viscerum ob causas jam dictas penitus eversâ, Glandulæ præternaturales, Strumæ soboles, & id genus similia Mesenterio accrescunt, & ad mortem viam sternunt. His rationibus adductus tutissimum esse judico in Infantibus post evacuationes universales, easque perpaucas, eò Indicationem Curativam dirigere, ut confortentur sanguis & viscera. Quod Vinum Hispanicum vel solum, vel Herbis corroborantibus alteratum efficere potis est, modò manè & serò cochlearia aliquot (pro ratione ætatis ægri) satis diu exhibeantur. Atque hoc quod innui diligenter advertendum volo, cum non paucos infantes atque pueros à Catharticis sæpe repetitis (quæ fortè ventris tumor invitaverat) interemptos fuisse satis sciam. Sed hæc obiter.

Si qui objecerit, limaturam Chalybis, nisi æger subindè fuerit expurgatus, in visceribus hærentem, ei, qui illam devoraverit, nocere posse; respondeo primum me nihil unquam tale in quoquam deprehendisse: deindè longè verisimilius esse eandem mucò & excrementitiis partium humoribus involutam unâ cum istis tandem omnem elabi, quàm medicamentis purgantibus exagitâtam, quæ astrictiones insolitas, & Viscerum torsiones contractionesque afferunt; quâ quidem compressione, Chalybis particulæ viscerum tunicis impactæ in iisdem penitus desigi possunt.

Inter  
dum fo  
vulgò  
sunt, id  
veniunt  
degluti  
ritus in  
quida h  
Ipsa e  
afficit.

In fe  
versis f  
re sole  
rimùm

Mi

f. Em  
Seq

f. Pil  
do. R

cochle

Pe

utatu

Re

inspi

que

bend

Interea dum Chalybs administratur (ad confortandum sc. sanguinem & spiritus Animales) Remedia vulgò dicta Hysterica in usum quasi obiter revocanda sunt, idque eo modo atque eâ formâ quæ maximè conveniunt agris; quæ quidem si in formâ solidâ fuerint deglutita à minus fastidiosis, potentiùs longè spiritus in officio & loco suo retinebunt, quàm si in liquida hauriantur, hoc est, sive Decocta, sive Infusa. Ipsa enim substantia ventriculum diutiùs sapore suo afficit, & corpus inficit penitiùs.

In summa, Indicationibus, quas suprà attigi, universis satisfacturus, paucula hæc & vulgaria præscribere soleo; quæ licèt nihil magnifici præ se ferant, ut plurimum tamen id præstant quod volo.

Mittatur sanguis è brachio dextro ad ℥ viij.

℞ Galban. in tinctura Castor. solut. ℥ colat. ℥ iij.

Tacamahac. ℥ ij.

f. Emplast. Umbilico admoventum.

Sequenti manè aggrediatur usum sequentium Pilularum.

℞. Pilul. Coch. maj. ℥ ij.

Castor. pulv. gr. ij.

Balsam. Peruv. gutt. iv.

f. Pilulæ n. iv. Cap. hora quinta matutina super dormiendo. Repetantur per tres alios dies.

℞. Aq. Cerus. nigr. Rutæ, & Bryon. comp. an. ℥ iij.

Castor. in nodulo ligat. & in vitro suspens. ℥ ℥.

Sacchar. Crystall. q. s. f. Fulapium, de quo capiat cochlearia iv. vel v. in omni languore.

Post Pilulas Purgantes modo suprà descripto sumptos, utatur & sequentibus.

℞. Limatur. Chalyb. gr. viii. cum s. q. succi Absynth. inspissati; f. Pilulæ n. ij. sumat summo manè, repetanturque hora quinta pomeridiana, per dies xxx. superbibendo haustum Vini Absynthitis.

℞. Myrrh. decct. & Galban. an ℥ ℥.

Castor. gr. xv.

Assæ. foetid. ℥ ℥. cum s. q. Balsami Peruv.

H h 5

f. Pilula,

*f. Pilulæ, è singulis Drachmis xii. sumat iii. singulis noctibus, superbibendo Ag. Bryon. comp. Cochlear iii. vel iv. per totum decursum hujus processûs.*

Sin autem Pilulæ ultimò præscriptæ ventrem moverint, quod in corporibus quæ facillimè purgantur præ Gummi quæ insunt quandoque fit, tum sequentes substituantur.

*R. Castor. ʒi.*

*Sal. succin. volatil. ʒß. cum s. q. extracti. Ruta.*

*f. Pilulæ exigue numero xxiv. cap. iii. singulis noctibus.*

At ubi symptomata mitiora sunt, & res sine Ferro introsumpto transigi posse videatur, (in minore sc. morbo) satis habeo sanguinem mittere, atque alvum solvere ad dies tres quatuorve, ut suprâ diximus: Dein Pilulas Hystericas alterantes præmemoratas manè & serò per x dies capiendas imperare. Quæ quidem methodus in morbo leviore rarò à scopo aberrat.

Seriò interim animadvertendum est, nonnullas sceminas Idiosyncrasia quadam, ab Hystericis illis medicamentis (quæ plerisque hujus morbi symptomatis levamen afferunt & solatium) ita penitus abhorere, ut non solum non juventur, sed etiam insigniter ab eorum usu lædantur. In his itaque omnino sunt omittenda ista: *Φύστελις, ἢ ἀνέλκων οὐκ ἔστιν ἔλεος*, ut divinus Senex, *κινεὶὰ πλάσσει*. Invitâ Minervâ nihil quicquam molendum.

Quæ quidem Idiosyncrasia adeò insignis ac frequens est, quòd respectu ad eam non habito agræ in discrimen vitæ conjici possint; idque non solum quoad Hysterica, sed quoad multa Remedia alia: Cujus impræsentiarum instantiam unicam adferam. Fœminæ nonnullæ Variolis laborantes Syrupi è Meconio usum ferre non possunt, utpote à quò Vertigines, Vomitiones, & id genus symptomata ad affectus Hystericos pertinentia, accersantur, quibus tamen Laudanum Liquidum apprimè conveniat. Quod &

dum



dum hæc scriberem in Adolescentulâ Nobili observavi, cui Variolis laboranti cum sextâ ac septimâ nocte Syrupum dictum exhibuiffem, symptomata prius memorata singulâ exhibitione ei ingruiebant, neque pustularum inflammatio debito modo procedebat; sed cum in posterum Laudano uteretur, à Symptomatis dictis prorsus immunis erat, faciei tumore ac pustulis indies augescentibus, & quod non minus læti ominis erat, anxietas ista, cum inquietudine quâdam tam mentis quàm corporis, (quæ quasi paroxysmus Variolarum solet esse) prorsus tolleretur, quoties Paregoricum hoc propinabatur, ægrâ mox vires atque animum exinde recipiente.

Quòd si sanguis usque aded effœtus fuerit, tantaque proindè spirituum *aiçia* ut Chalybs præscripta methodo usurpatus malo vincendo par non sit, adeundæ Aquæ Minerales aliquæ Ferri minerâ saturæ, quales sunt nostræ Tunbrigienfes, aut alia nuper reptæ. His enim Ferrum inesse videtur in principiis solutis, unde illarum virtus Chalybeata intimiùs sanguini permiscetur, & potentiùs morbos expugnat, quàm Ferrum quocunque demum artificio nobilitatum, ut volunt Ciniffiones imprudentiores.

Theriaca Andromachi vel sola, si crebrò diuque usurpetur, magnum est in hoc morbo Remedium. Neque verò in hoc solo, sed in aliis quamplurimis à caloris & Concoctionis sive Digestionis defectu ortis, omnium fortè potentissimum, quæ hactenus nobis innotuere, utut à plerisque fastidiatur, quòd & perulgate fit, & à tot jam sæculis cognita.

Vina Hispanica Gentianâ, Angelicâ, Absynthio, Centauro, Corticum Aurantiõrum flavedine, aliisque corroborantibus infusis medicata, si ad aliquot cochlearia ter in diè potentur, admodum conferunt, modò ægra tenui non fuerit biliosoque corporis habitu. Profectò vel Vini Hispanici simplicis liberalior haustus, hora somni quot noctibus, meo  
suasu

suafu propinatus Hystericis nonnullis perquam salutaris fuit, cum ex eo robustior universi corporis habitus redderetur, ipsæque adeo foeminae è Cachecticis vividæ simul ac vegetæ fierent.

Adhæc Peruvianus Cortex eximias mirandasque vires in sanguine & spiritibus confortandis invigorandisque habere nonnunquam apprehenditur, cuius Drachmam dimidiam manè & serò ad septimanas aliquot deglutitam, sanam firmamque corporis crasin (tam Viris Hypochondriacis, quàm Hystericis Foeminis diu multumque aegrotantibus, dejectæque jam quasi corporis œconomia) restituisse, ipse observavi. In nullo autem Hystericorum Affectuum genere felicius succedit, quàm in illo quo Spasms afficiuntur foeminae, nixus edentes fortissimos & plusquam muliebres, pectora simul ferientes. Interim tamen consistendum est, quòd hoc medicamentum non ita certò crebròque huic malo succurrat, ac Febribus Intermittentibus. Quamvis verò (ut id obiter dicam) in harum curatione egregia præstet, ne dicam miracula, dictus Cortex, atque eodem tam ipsi nos libenter utamur, tum Uxoribus Liberisque usurpandum imperemus, quoties res postulet; sunt tamen quibus haud minùs jam displicet, quòd tam certò subitoque morbos expugnet, quàm olim displicebat, quòd non nisi nuper his terrarum oris innotuerat. Quo quidem fato tum Optimi quique Viri, tum etiam præstantissima quæque ac *de quibus dicitur* Remedia temper ferè urgentur. Veruntamen ad hanc notam, seu Lydium Lapidem, indolem nostram licet adductam experiri, atque exindè dignoscere, Hominesne boni sumus, an verò probrosi; pro gradu sc. quo vel exultamus, vel dolemus ac ringimur, quoties Publica Res hominum communi aliquo beneficio, ac Numinis favore, augetur.

Si quæ verò ex remediis suprâ recensitis minùs conveniant, quod temperamento bilioso ac tenui præditis

ditis sæpè accidit, tunc Diæta Lactea possit usurpari. Etenim Mulieres aliquot (quod primâ statim fronte mirabitur quis) cum Affectibus Hystericis diu conflictatæ, etiam iis qui omnes Medicorum conatus spreverant eluserantque, tandem Lacte solo aliquandiu vescentes convaluere. Atque illæ quidem maximè quæ eâ specie laborabant, quam ego Colicam Hystericam appello, quæ non nisi à Narcoticis potuit deliniri, quibus itaque per intervalla repetendis multùm assueverant hæ Fœminæ, dolore recrudescente ut primùm emarcuerit Anodynæ virtus. Id verò in hæc Curandi methodo præcipuè mirandum, quòd cum Lac frigidum tantùm crudumque alimentum præbeat, Spiritus nihilominus ejus usu corroborentur invigorenturque. Nec tamen hoc à ratione abhorreere illis videbitur, qui secum reputaverint, Lac cum simplex omnino nutrimentum suppetitet, naturæ minus in coquendo negotium faceffere, secùs ac solent cibi ac liquores magis compositi; quòdque perfectissimam illam Concoctionem æqualis sanguinis spirituumque crasis necessariò sequatur. Illud etiam est animadvertendum, quòd non nuda Spirituum debilitas per se considerata, sed eorundem debilitas ad sanguinis statum comparatorum, *à Cæliis*, quam patiuntur, causa fit. Fieri enim potest, ut infanti spiritus satis firmi robustique sint pro sanguinis ratione, qui tamen debitam ad sanguinem adulti hominis proportionem non teneant. Jam verò cum ex jugi Lactis usu & Diætâ, quantumvis illa sit cruda atque invalida, sanguis mollior & tenerior evadet, si spiritus ab eo nati sanguini pares tantùm sint, satis bene se res haet. Non omnibus tamen contingit, quantumlibet à lacte aliàs juvari potuerint, ea incommoda superare posse, quæ primis ferè diebus apportat, quòd nempe tum in ventriculo coaguletur, tum etiam viribus corporis in statu conservandis sustentandisque minùs sufficiat.

At

At verò nihil ex omnibus quæ mihi hæcenus innovare, adedò impensè sanguinem spiritusque fovet firmatque, ac diu multùmque singulis ferè diebus equo vehi. Cùm enim in hæc Gymnastica specie impetus ferè omnis in ventrem inferiorem fiat, in quo vasa Excretoria (quotquot sæculentiis, in sanguinis massâ stabulantibus, educendis à natura inflituuntur) sita sint; Quæ tanta functionum perversio, aliave organorum naturalis impotentia vel fingi potest, cui tot succussionum millia eodem die ingeminatæ idque sub dio, opem non attulerint? Cujus calidum inæatum usque adedò deforbuerit, ut hoc motu non exciteretur, & denuò effervescat? Quæ verò sive præternaturalis substantia, sive succus depravatus in aliquo harum partium sinu recondi potest, qui non hoc corporis exercitio, vel in statum naturæ consentaneum perducatur, vel quaquaversùm dissipetur eliminareturque? Quid quòd sanguis perpetuo hoc motu indefinenter exagitatur ac permixtus quasi renovatur ac vigescit. Quæ quidem methodus licèt Fœminis vitæ delicti atque imbelli assuetus, minus accommoda sit, utpote quæ à motu, maximè in principio, possint lædi, Viris tamen est aptissima, & sanitatem præ cæteris conciliat.

Nostrorum quidam in Sacris Antistes, Vir prudentia atque eruditione celeberrimus, postquam diu studiis intemperantius incubuerat omnesque animi, qui permagnus ei est atque excelsus, nervos seriis cogitationibus nimio opere intenderat, tandem in Affectum Hypochondriacum incidit; quo diutius lacessente, omnia Corporis Fermenta erant vitata, Concoctionesque penitus subversæ. Medicamentorum Chalybeatorum tædium plus semel <sup>aper-</sup> raverat: Aquas Minerales ferè omnes, cum Ca. <sup>mar-</sup> rasi sæpe repetita, fuerat expertus: Uti etiam Antiscorbutica omnium generum, pulvèresque Testaceos quamplurimos, sanguinis edulcorationem promittentes. Ita partim morbo, partim medicatione per tot

tot annos  
Colliqua  
nicis, ut  
mortem  
me tandem  
macis nu  
taque nu  
itaque o  
vehendu  
icineræ,  
nisi judi  
nec ad  
rat addu  
sisteret  
hora ind  
ad tot  
prudens  
scqum  
terim si  
temper  
omnia  
hanc ill  
spatiis,  
cesimur  
que se  
periret  
in eode  
rabat;  
lia, qu  
dem no  
vegetu  
L  
nus, qu  
hi sang  
grante  
certò  
aut alia

tot annos continuata, tantum non fractus, Diarrhoeâ  
Colliquativâ (quæ in Tabæ, aliisque Morbis Chro-  
nicis, ubi omnes omnino Digestiones sunt prostratæ,  
mortem anteire solet) demum corripiebatur. Ubi  
me tandem consuleret, statim mecum reputavi Phar-  
macis nullum amplius locum relinqui, cum tot tan-  
taque nullo cum fructu jam deglutiverat. Suadebam  
itaque ob causas suprâ memoratas ut statim se Equo  
vehendum curandumque traderet; modico primùm  
itinerè, quale ferre possit valetudo ita infirma, ut,  
nisi iudicio valuisset rerum interiora altius penetrante,  
nec ad tentandum quidem illud exercitii genus potue-  
rat adduci. Rogabam autem ut quotidie in eo per-  
sisteret donec ex animi sententia convalesceret; ma-  
jora indies spatia gradatim conscians, donec tandem  
ad tot miliaria ascenderet quot uno die percurrunt  
prudenciores ac moderati Viatores qui iter longiu-  
sculum negotii alicujus gratiâ susceperunt: Nullo in-  
terim sive ad cibos, sive potum, sive etiam aeris  
temperiem respectu habito, sed ad instar Itinerantis  
omnia prout fors dederit exciperet. Ne longior sim,  
hanc ille viam incessit, productis gradatim itinerum  
spatiis, donec tandem ad vicesimum, imò ad tri-  
cesimum usque lapidem quotidie vectaretur: cum-  
que se longè melius habere post pauculos dies ex-  
periretur, ipso rei eventu penè mirabili animatus  
in eodem cursu ad menses aliquam multos perseve-  
rabat; quo temporis spatio plura Milliarium mil-  
lia, quod ipse mihi narrabat, emensus est, donec tan-  
dem non convalesceret modò, sed satis validum etiam  
vegetumque corporis habitum fuerit indeptus. Ne-  
que in his Hypochondriacis prodest hoc exercitii ge-  
nus, quàm in Tabidis Phthisicisque, quorum nonnulli mi-  
hi sanguine juncti multum terrarum equo vectore pera-  
grantes, ex meo consilio, sanitati sunt restituti; cum  
certò sciam me vel Medicamentis quantivis pretii,  
aut alia methodo, quæcunque demum ea fuerit, nihil  
magis

magis iisdem proficere potuisse, quam si multis verbis hortatus fueram ut rectè valerent. Neque in levioribus tantum malis, crebrà tussi & macie stipatis, id remedium obtinuit, sed & in Tabe tantum non deploratà, ubi nocturnis sudoribus jam etiam accesserat Diarrhoea ista superius dicta, quæ Phthisi confectis mortis prænantia solet esse, atque aded ut plurimum ultima rerum linea.

Atque hæc est Generalis; hujusce morbi curandi ratio, qua causæ originariæ, quæ est debilior sanguinis crasis, occurritur; ac proinde extra Paroxysmum tantum locum habet. Quoties verò Paroxysmus invaserit adjuncto quolibet ex prædictis symptomate, si tale aut tantum sit malum ut inducias ferre nolit, donec, sanguine & spiritibus corroboratis, quasi per ambages sanari possit, confestim ad Remedia Hysterica ista confugiendum est quæ odore viroso ac gravi Spiritus, ut dixi, exorbitantes ac desertores, in proprias stationes remandant, sive intra corpus sumantur, sive naribus admoveantur adoranda, sive exterius applicentur; cujusmodi sunt Afa foetida, Galbanum Castoreum, Spiritus salis Armoniæ, & quicquid est denique quod odorem tetrum admodum ingratumque spirat.

Hic enim quod res est dicam. Quæcunque fecerint, ea omnia Intentioni huic apprimè inserviunt, sive natura, sive etiam ars ea putido odore donavit. Atque, ni fallor, Spiritus C. C. Sanguinis humani, Urinæ, Ossium ac similibium; inde præcipuas suas vires acquirunt, quòd, dum vi ignis præparentur; Empyreuma contrahant tetrum ac malè olens, quasi essentia eorum intimius annexum. Quod pariter cernitur in fumis à Corio, Pennis, & id genus Animalium partibus, cum exurantur; exhalantibus. Etenim id habent commune singulæ Animalium substantiæ, ut inter exurendum fumum emittant olidum & olfactui ingratum; qui si importuno igne affatim eliciatur, ac Organis excipiatur, condensatus is in li-

quores

quores  
tilium  
cile rep  
rant; u  
& singu  
nancisc  
Animal

Prox  
roxyfm  
cunque  
etiam I  
ta, Lat  
vires ha

At v  
excitan  
sive alic  
Evacua  
nem vic

guinis d  
Foemin  
præditi  
sapius  
Unde i

extrahe  
antequa  
ritè per  
hibitum  
scopum

edocti f  
no affue  
cesse ha  
dii virtu  
ingerer

nuos, d  
do jam a  
digestio  
tentur.

quores istos abit ac convertitur, qui Spirituum Volatiliū nomine insigniuntur, quique facultates eas facile reportant quæ subjectis suis haud primitus inerant; utpote qui Ignis solummodò Creaturæ existunt, & singuli eorum eandem planè Virtutem cum cæteris nanciscuntur, ex quâcunque demum substantiâ (modò Animalis ea sit) procudantur extrahanturve.

Proximo loco animadvertendum est; quòd si paroxyssimum comitetur Dolor aliquis intolerabilis in quâcunque demum parte, aut Vomitus enormior, aut etiam Diarrhoea, tunc præter Hysterica jam laudata, Laudanum in usum revocari debet, quod solum vires habet his symptomatis cohibendis prorsus pares.

At verò in iis doloribus sedandis, qui Vomitiones excitant, cavendum est sedulò, ne illi sive Laudano, sive alio Paregorico mitigentur, non præmissis debitis Evacuationibus, nisi patientiam fere humanam omnem vicerint. Primum, quia tanta nonnunquam sanguinis & humorum copia est aggesta (maximè in Fœminis sanguineo, & Masculis proprio habitu præditis) quanta Narcotici vel efficacissimi, ejusque sapius repetiti, operationem valeat sufflaminare. Unde in talibus sanguis è brachii venis necessariò est extrahendus, & Catharticum eis propinandum est, antequam ad Laudani usum accedamus; his enim ritè peractis, quod priùs, vel in maximâ dosi exhibitum, nihil proficiebat, jam in dosi mediocri scopum attinget. Deinde quia multiplici experientiâ edocti sumus, quòd quoties ægra paulatim Laudano assueverit, non præmissâ evacuatione debitâ, necesse habuit, ob dolorem mox ab evanescente remedii virtute denuo revertentem, Paregoricum rursus ingerere, idque quotidie ad annos aliquot continuos, dosi subinde per gradus auctâ; ita ut nullo modo jam à Laudano abstinere queat, licèt omnes ab illo digestionem vitentur & functiones naturales debilitentur. Quamvis non sentiam Laudani usum sive Cerebro

rebro, five Nervis, five Facultatibus Animalibus intermediatè nocere. Judico itaque ego, quod expertus loquor, Evacuantia Anodynis debere præmitti: v. gr. Viraginibus & fœminis in quibus sanguis prædominatur, Vena secanda est, & alvus subducenda, præsertim si non jam à longo tempore paroxysmo fuerint correptæ. Si verò fœminæ debiliores, & quæ temperamenti à prioribus illis planè diversi sunt, hujusmodi paroxysmo & dolore affligantur, atque eodem subinde haud ita pridem laboraverint, sufficiet eorum ventricos Congio uno, plus minùs, lactis Cerevisiati hausto, & mox per vomitum rejecto detergere; dein largam dosin imperare five Theriacæ Andromachi, five Electuarii Orvietani, & cochlearia aliquot liquoris alicujus spirituosi & gustui non ingrati cum paucis Laudani liquidi guttulis superbibenda.

Quòd si agra jam pridem vomuerit, antequam accerferetur Medicus, & metus sit ne si Emeticis ulterius sollicitetur, in furorem agantur spiritus & agræ vires nimium dejiciantur, hoc in casu Laudanum sine morâ propinari debet, eo dosis modo numeroque quæ symptomatis magnitudinem ac duratibnem non tantum exæquare possit, sed & vincere.

Duo autem hic præ cæteris diligenter sunt notanda. Primò, quòd cum semel post evacuationes justas & necessarias, Laudano uti cœperimus, eâ dosi, atque illà toties repetitâ sumendum est istud Pharmacum, donec symptoma omnino fuerit debellatum; interjecto tantum spatulo inter singulas doses, ut quid prior præstiterit antè nôscamus, quàm alteram repetamus. Sed de hoc fusiùs alibi egimus. Deinceps dum Laudano morbum aggredimur, nihil profus movendum est, nihil evacuandum, cum vel mitillimum illud Enema è lacte Saccharato possit destruere quicquid reparaverat Paregoricum, & tam dolorem quàm vomitionem postliminio revocare.

Utut verò Dolores, quod jam innuimus, suprà memorati



morati importuni sint in Anodyno efflagitando, tamen Vomitiones enormes & doſin ejuſdem longè maximam & ſapiffimè repetitam indicant, cum ab inverſo motu ventriculi periftaltico (quo in eo contenta verſus inferiora erant protrudenda) remedium Paregoricum priùs eliminetur per œſophagum, quàm opis aliquid afferre queat, niſi poſt ſingulas Vomitiones Narcoticum de novo toties quoties iteretur, idque in formâ potiſſimum ſolidâ; aut ſi in liquidâ detur, vehiculum ita parcum eſſe debet, ut ventriculum imbuat tantùm, & præ materiæ inopiâ ab illo ſuſum evehi nequeat. v. gr. Guttæ aliquot in cochleari uno Aq. Cinamomi fortioris, aut ſimilis. Monda interim eſt ægra ut ſtatim ab aſſumpto Laudano conquieſcat, ac caput præſertim quantum fieri poteſt immotum teneat; quando vel leviffimus capitis motus præ cæteris omnibus Vomitionem provocet, unde medicamento modò deglutiti jactura fit. Quinimo etiam ceſſante & quaſi perdomitâ Vomitione, expedit Anodyno ad pauculos dies mane & ſerò exhibito, ceu injecto fræno, recidivam præcavere. Quod itidem poſt dolorem Hyſtericum Narcotico ſedatum, aut Diarrhœam, omnino obſervari debet.

Atque ita demum methodo jam traditâ & Dolori & Vomitioni ſymptomaticis mederi in promptu eſt; à quibus, cum aliorum perſæpe morborum ſpeciem præ ſe ferant, Medicis faciliùs imponitur, quàm ab aliis quibuſlibet ſymptomatis, quotquot manum medicam depoſcunt, de quo pauca ſubjungam. V. gr. in iſtâ Hyſtericæ Affectionis ſpecie jam deſcriptâ quæ Paroxyſmum Nephriticum imitatur, quis non videt quanta ſit paritas morbi utriuſque & ſimilitudo, tum quòd pars eadem utrobique doleat, tum quòd in utroque affectu vomituriant ægræ, cum tamen à cauſis ita ab invicem variantibus pendeant, & tam impari methodo debeant ſanari, ut quod in hoc lædat, in illo juvet, & è contrâ? Si enim ſive Calculus,

sive Arenulæ Renum substantiam atterentes, dolorem inferant; atque ex partium consensu Vomitionem, nihil æquè conducet ac prælargæ & frequens Causæ Antecedentis per Phlebotomiam revulsio, tum ut dilatentur laxenturque meatus, per quos Calculus excludendus est, Enematis Emollientibus sæpenterò repetitis, aliisque ejus generis remediis internis: Quibus Medicamenta Diuretica, & Lithonriptica addenda sunt. Jam si dicta symptomata à Calculo nullatenus oriantur, sed à spiritibus Animalibus nimia copiâ Renes impetentibus (quo in casu Purgativa tantùm indicantur, nec vel Enema è mitioribus, post primas Evacuaciones, sine periculo injicitur) in quanto vitæ discrimine versetur infelix ista de cujus jam corio luditur, non opus est dicere. Idem potest affirmari de Affectu illo Hysterico qui Colicam Biliofam, vel Iliacam Passionem simulat. Hic ubi concessio habeatur Affectum istum (licet indolis omnino sit diversæ, imò contrariæ) Colicam Biliofam esse, & ab humore acri in viscera per Arteriarum Mesentericarum oscula excreto nasci (in quem errorem dolor intolerabilis, & viridis color qui in materiâ cernitur tam per os quàm per sedem expulsâ, Medicum incautiorem & cogitationibus minus affuetum haud ægrè perducant) quæ methodus tam comoda, quàm ut in contemperandâ, remediorum Refrigerantium atque Incrassantium ope, humorum acrimoniâ operam locemus? Atque, quo humores è visceribus exterminentur, præter Enemata quotidiana, ut Cathartica frequenter propinemus; inter cætera verò etiam Mercurium dulcem Diagydiatis permixtum ad pleniorè materiæ morbificæ eradicationem? Quàm malè autem cum ægris agatur, quantumque eis periculum immineat, dum huic methodo insistamus, si Affectus qui Colica Biliofa censetur, re ipsâ Hystericus tantùm fuerit, aut Hypochondriacus, nemini non liquet: cùm clamet experientia, quod post primas

primas  
trescen  
quique  
liendæ  
tes spir  
ta evar  
lybeat  
quod f  
bum r  
que in  
minis  
ca à I  
affirm  
in Co  
tumq  
gis, f  
symp  
malu  
derep  
à qui  
mè,  
suade  
culo  
bo d  
cave  
mili  
gnol  
H  
rece  
obn  
rorè  
tem  
leth  
que  
Fœ  
tem  
ced

primas

primas evacuationes universales (quæ humorum putrescentium, quos peperit *ἀσθία* jam sæpe dicta, quique Anodynis obstaculo esse possint, saburræ amolientæ dicantur) nihil jam restat nisi ut tumultuantes spiritus consopiamus, donec tandem symptomata evanuerint, atque iis cessantibus opportunè Chalybeata imperemus, vel si quod aliud est remedium quod sanguinem accendendo atque invigorando morbum radicitus extirpet. Meum non est plurimas atque ingentes illas calamitates enumerare, quas Fœminis contigisse ipse novi, ubi Colica hæc Hysterica à Bile ortum ducere existimaretur. Veruntamen affirmo Evacuaciones sæpe repetitas, quæ quidem in Colicâ Biliosâ omnino indicantur, dolorem vomitumque non solum non compescere, sed irritare magis, spirituum sc. perturbationem, quæ vera horum symptomatum causa est, promovendo. Tandemque malum ad menses aliquot prolongatum, metathesi derepentè in cerebrum factâ, desinit in Spasmos, à quibus ægra brevi è medio tollitur; idque vel maxime, ubi post alias evacuationes diutiùs repetitas, suadente colore viridi eorum quæ per os è ventriculo excernuntur, Emeticum fuerit propinatum. Verbo dicam. Si quid ego observando didici, imprimis cavendum est ne Symptomata Fœminis Hystericis familiaria ab aliis quos sæpe æmulantur morbis, Diagnostici errante putentur oriri.

Hic non est reticendum, quòd præter errores jam recensitos, à quibus Fœminæ Affectibus Hystericis obnoxia de vita periclitantur, permultæ insuper errore non minùs funesto dictis Affectibus multantur eâ tempestate, quâ hic morbus, licèt suâ naturâ non sit lethalis, tamen vi malorum *ἐπιγινώσκων* ac subsequentium haud paucas è medio tollat. Exempli gratia: Fœmina teneriori atque infirmo corporis habitu Infantem parit, cui omnia fœliciter & secundum naturam cedunt: Obstetrix, sive rudis & imperita, sive ja-

Etabunda, & quàm præclarè suo illa munere functa  
 sit palam ostentans, suadet ut Puerpera paucis à  
 partu diebus surgat, & se à lecto aliquandiu abstineat;  
 hæc morem gerens, statim à primo corporis motu  
 Affectione Hystericâ corripitur, & pro ratione quâ  
 morbus inaugefcit, Lochia primum imminuuntur, de-  
 inde sistuntur penitus; quorum suppressionem præ-  
 maturam longa symptomatum series excipit: quæ,  
 nisi permagna tam diligentia quàm in medendo per-  
 peritia intercedat, agram brevi perimunt. Nonnun-  
 quam enim Phrenesi laborant ex hac occasione, quæ  
 indies effèratior reddita spasmos primum, dein mor-  
 tem affert: Si verò mortem evadant, mitius aliquan-  
tulum insaniunt, quandoque ad ultimum vitæ termi-  
num. Nonnunquam post Lochiorum suppressionem  
 in Febrem incidunt, quæ vel in eorum, quæ tum gras-  
 santur, Epidemicarum castra transit, vel ab eâ solâ  
 pendet origine. Adde quòd iidem Affectus Hystericæ,  
 quibus Lochiorum suppressio imprimis debetur, jam  
 magis sæviunt, tanquam ex se denuò nati. Diu est à  
 quò mihi subiit in mentem, quòd ex eis quæ moriun-  
 tur Puerperis, vix Decima quæque, ut modestè com-  
 putemus, vel ex eo perit quòd vires partui necessariae  
 eam defecerint, vel ex doloribus partum laboriosio-  
 rem comitantibus; at eo maximè nomine, quòd de-  
 bito citius lecto exurgat, excitatis à motu illo pa-  
 roxymis Hystericis, à quibus cum sistantur Lochia,  
 mox ingens ineluctabilium symptomatum turba in-  
 gruit. Quamobrem istis quæ me audiunt ubique Au-  
 thòr sum, ut ad diem saltem Decimum usque in lecto  
 se contineant, si modò naturâ paulo debiliores sint,  
 præcipuè si Vaporibus, qui vulgò dicuntur, jam pri-  
 dem fuerint tentatæ. Præterquam enim quòd ista, quâ  
 in lecto fruuntur, quies à malis jam toties commemo-  
 ratas eas immunes præstet, non interruptus lecti calor  
 spiritus pariter reficit tum à pariendi doloribus, tum ab  
 evacuationibus in hoc casu solennibus exhaustos fra-  
 ctosque;

ctosque; quinimò & naturæ suppetias fert, atque omnes, quas gestationis tempore mulier congesserat, cruditates digerit & amolitur.

Verùm, si ab admisso hoc errore quodvis è dictis symptomatis supervenerit, Indicationes Curativæ eò dirigendæ sunt, ut spiritus ab hoc motu jam irrequieti redditi sedentur, & ut Lochia rursus fluant, quandoquidem eorundem suppressio horum symptomatum causa sit proxima atque immediata. Neque tamen huic methodo pertinaciùs insistendum, sed exhibitis aliquandiu remediis quæ in hoc casu cum successu usurpari solent, si votis ea non respondeant, religiose ab iisdem temperandum est; cum neque fortiora hic locum habeant, neque in mitiorum usu perseverare debeamus, propter attritas & ferè prostratas Puerperarum ita affectarum vires. Exempli gratia, ubi primùm Lochia jam suppressi constat, è re fuerit foeminam è vestigio lecto addicere, mox Emplastrum Hystericum umbilico admovere, atque quamprimum Paregoricum propinandum imperare. Hic Laudanum, quantumlibet suapte indole astringat, cùm tamen spirituum perturbationem, à quâ solennis Lochiorum evacuatio fuerat interrupta, compescat, quandoque plurimùm juvare, & Emmenagogis nihil proficientibus, Lochiorum fluxum postliminò revocare possit. Atque hoc solum, si statim à primo suppressionis indicio exhibeatur, malo par fortè erit. Commodissimè verò Narcotica unà cum Hystericis & Emmenagogis propinantur; v. gr. Laudani Liquidi guttæ xiv. in Aquâ Byroniæ compositâ, vel Laudani in formâ solidâ granum unum semis cum scrupulo dimidio Assæ fœtidæ in Pilulas duas redactum. Sedulò interim adimadvertendum est, quòd si telo hoc semel missò scopum non attingamus, nec sequantur Lochia, Opium nullo modo est repetendum, ut in aliis casibus fieri solet ac debet: Etenim si reiteretur hic Paregoricum, Lochia

ita potenter sistet, ut ea nullâ deinceps arte provocari queant. Hæc si minis succedant (interjecto horarum aliquot spatio, quo certiores simus quid ista præstiterint) ad medicamenta *Εμμηναγογα* Hystericis permixta deveniendum est, & dein ad Enematis ex Lacte saccharato injectionem. Verùm quod de Opio supra, hic de Enematis dicendum est; nisi enim primò injectum Lochia educat, nihil profusus à pluribus est sperandum: cum unum humores leniter sollicitando, ut quant Lochia efficere possit, plura verò eadem aliò divertant. His itaque peractis, (quæ tamen leviter tangenda sunt) tutissimum est, & Prudentis Medici officium, temporis *συνεχῆς* præstolari; cum singulo quoque die curationis negotium magis magisque extra aleam ponatur, & si ægra Vice simum diem superaverit, jam ferè in vado est. Etenim cum à morbo, quisquis is fuerit, jam diuturniori scæmina aliquantisper respiraverit, viresque quadantenus receperit, eam methodum valebit ferre quæ aptissima videbitur isto malo averruncando quod à Lochiorum suppressione accreverat: quando remedia obstinatius ingesta, primis nihilum morventibus, tum ipsum morbum, tum etiam spirituum perturbationem, à quâ morbus oritur, augere possint.

Nuper Matrōna, tam natalibus quàm moribus honestis ac probis, me sibi Medicum volebat: huic ex modò dictâ occasione statim à partu paroxysmis Hystericis affectæ, Lochia penitus defecerant. Conabar medicamentis supra memoratis eadem proritare; at frustra: Affectione Hystericâ vehementiore omnem opem medicam respuente. Unde, cum ita demum eam salvam fore præviderem si nihil profusus molirer, rem omnem Tempori, Medicorum facile Principi ac Coriphæo, committendam censui. Hoc meum consilium ad diem usque Decimum quartum optimè illi cessit, quotidie enim illam invifens, nullo die eam in pejore loco, quàm pridie fuerat, depre-

deprehe  
hactenu  
arcueran  
guinem  
roxyfmi  
cas hor  
ærumna  
Et si  
eà Hæc  
Puerpe  
ubi Cu  
thodo  
& Med  
quoties  
illum n  
compe  
eturâ  
thodo  
conste  
sum,  
ita fac  
evafun  
incipie  
dat,  
natur  
proin  
to co  
quâ c  
que,  
uti de  
cipue  
viusc  
leam  
jus fu  
Sed  
H  
mam

deprehendi: Post hunc mulierculæ adstantes, quas hæctenus à noxa illi sub officii specie inferendâ ægrè arcueram, Maritum impellebant, ut sine morâ sanguinem è pede uxoris extrahi curaret: quo factò, Pæroxyfmi Hysterici adeò inualescebant, ut intra paucas horas Spasmi accederent, & non ita diu postea, ærumnarum requies, Mors.

Et si fas mihi sit liberè quæ sentio effari; jamdiu in eâ Hæresi fui ut arbitrarer me, non tantùm in dictis Puerperarum morbis, sed etiam in Acutis omnibus, ubi Curationem ab hac illavè, quâ uti placet, methodo certò infecuturam polliceri nequeam, & Viri & Medici Boni Probique pulchrè defungi munere, quoties nihil omnino tento; modò ægrum invisens, illum non se pejùs habere hoc die quàm heri habuit comperiam, nec cras habiturum quàm hodiè conjecturâ assequi possim. Cùm si in ægro curando eâ methodo incedam, de cujus efficacîâ nondum mihi certò constet, tam ab experimento quod ex eo capturus sum, quàm ab ipso morbo is periclitabitur: Neque ita facilè geminum discrimen effugiet, ac simplex erat evasurus. Quamvis enim impræsentiarum nullum vel incipientis Convalescentiæ signum manifestum se prodât, certissimus tamen sum Morbi Acuti cujuslibet naturam non ferre ut quis eo semper laboret: ac proinde dies quilibet res ægri magis magisque in tuto collocat, vel saltem Medico ansam præbet, ex quâ opportuniùs ac certius morbum feriat confodiatur, quàm in præcedentibus liceret. Quod quidem uti de Acutorum plerisque verè affirmatur, ita præcipuè de Puerperarum morbis; quibus error vel levisculus fatalis esse possit; & in quibus ita parùm valeamus naturalem illam Evacuationem regere, à cuius suppressione mala, de quibus diximus, proveniunt. Sed de his plus satis.

Habes tandem, Humanissime Vir, eorum summam quæ à me in hujusce morbi sive Historiâ, sive

Curatione hactenus fuerint observata, Restat ut si quid fortè peccaverò, ista minùs quàm oportuit accuratè describens, veniam à te petam; tum ut opellam hanc, eo animo exaratam ut gratias tibi referrem quòd alia nostra conamina, qualia qualia illa fuerint, tuo calculo probare haud dedigneris, æqui bonique consulas. Quæ quidem Gratulatio mihi ita rarò obvenit, ut vel nihil profus ab hominibus sim promeritus, vel candidi ingenuique isti, quos eà mentis præstantià natura effinxit ut grati esse norint, perpauca sunt; Vix totidem quot *Thebarum portæ vel divitis ostia Nili*. Quo non obstante pergo adhuc, imò & pergam, in ediscendâ promovendâque quoad potero Methodo Curandorum morborum, atque iis, qui me minùs in Praxi valent (si qui sunt ejusmodi) instruendis. Famæ meæ interim arbitrium penes alios sit. Equâ enim lance & scrupulosè expendens, Homines ne juvare præstet, aut ab iisdem celebrari, prius illud præponderare comperio, & maximi sanè momenti esse ad Animi Tranquillitatem; Famam verò populique halitum plumâ leviorè aut bullâ, atque umbrâ infomnii magis evanidum. Quod si opes ejusmodi nominis celebritate partæ majus aliquod pondus habere videantur, fruantur illis per me licet, qui jam corraserint; Meminerint tamen Mechanicorum nonnullos, artes vel fordidissimas exercentium, uberiorè quotidie quæstum facere, & majorem Auri Argentique vini posteris legare; neque tamen in hoc Brutis Animalibus superiores evadere, qui sibi suisque pro sua indole prospiciunt; & si recta ex animi arbitrio & virtute nata excipiamus, (quorum non est capax Brutorum natura) hos planè exæquant Belluæ, imò & alios omnes qui non eum sibi vitæ scopum proponunt ut prosint quamplurimis. Commendatum me habes, rogo, Viro sagaci & eruditissimo Domino D. Kendrick, tibi mihiq; amicissimo; ut pote cui debetam quòd tuum in me ita propensum animum resciverim,

rim.  
ternu  
mut  
utpL  
Jan

rim,



rim, eamque quâ me complecteris amicitiam, eo inter-  
nuntio, didicerim. Conabor quantum in me est,  
mutuas officiorum vices reddere, & par pari referre,  
utpote qui sim jure meritoque, Vir Dignissime,

*Tibi Devinctissimus, Tuique  
semper Studiosissimus*

Londini,  
Jan. 20. 168 $\frac{1}{2}$ .

THO. SYDENHAM.

FINIS.

... et quod me compendit...  
... et quod me compendit...  
... et quod me compendit...

... et quod me compendit...

... et quod me compendit...

... et quod me compendit...

FINIS

